

PERKINS LIBRARY

Duke University

Rare Books







C A R M I N A

ILLUSTRIUM

POETARUM
ITALORUM.

С А Р М И А

ИЗДАНИЕ

РОЕТАРИУМ

ИТАЛИОРИУМ

CARMINA
ILLUSTRIUM
POETARUM
ITALORUM.

TOMUS QUARTUS.

Bottari, G.G. ed.



FLORENTIÆ. M DCC. XIX.
Typis Regiæ Celsitudinis, apud Joannem Cajetanum
Tartinium, & Sanctem Franchium.

Superiorum permissu.

CLAMMIA
VALLISTON
POETARUM
ITALICORUM
VOLUME QUARTUS



THOMAS B. CLAMMIA, M.D.
THOMAS B. CLAMMIA, M.D.
THOMAS B. CLAMMIA, M.D.
THOMAS B. CLAMMIA, M.D.



CATALOGUS

ITALORUM POETARUM

Tomi Quarti.



D

E
RRR
B751C
Y. 4

D <i>Actius Andreas.</i>	pag. i.
<i>Darchius Joannes.</i>	70.
<i>Datus Carolus.</i>	78.
<i>Donatus Alexander.</i>	84.
<i>Ducchius Cæsar.</i>	118.

E

E <i>Truscus Janus.</i>	pag. 121.
<i>Evangelista Joannes Baptista.</i>	123.

F

F <i>Aernus Gabriel.</i>	pag. 127.
<i>Faetanus Matthæus.</i>	182.
<i>Faletus Hieronymus.</i>	183.
<i>Farfettus Philippus.</i>	190.
<i>Fasitellus Honoratus.</i>	191.
	Favo-

<i>Favoritus Augustinus.</i>	208.
<i>Fenarolus Ludovicus.</i>	252.
<i>Ferrarius Joannes Franciscus.</i>	254.
<i>Ferrerius Zacharias.</i>	270.
<i>Fiera Baptista.</i>	298.
<i>A Filicaja Vincentius.</i>	321.
<i>Flamminius Joannes Antonius.</i>	357.
<i>Flamminius Marcus Antonius.</i>	369.
<i>Florellus Hieronymus.</i>	418.
<i>Folengus Nicodemus.</i>	419.
<i>Fortiguerra Bartholomæus Fridericus.</i>	432.
<i>Fortiguerra Octavianus Fridericus.</i>	434.
<i>Fortunius Augustinus.</i>	436.
<i>Forzonius Accoltus Franciscus.</i>	444.





CARMINA
ILLUSTRUM
POETARUM
ITALORUM.



ANDREÆ DACTII
FLORENTINI.

Ex Græco.



Actus Apes furax populat dum mella Cupido
Prædantis digitos aspera punxit apīs.

Indoluit, perflansque manum, tellure repulsa
Matris Acidaliæ constitit ante pedes.

Quantula mater, ait lacrimis gemebundus abortis,

Est fera, quanta mihi vulnera fecit apīs!

Cui Venus arridens, apibusne simillimus ipsis

Detrahis? en quantus, vulnera quanta facis.

De Victoria.

Quæ te victorem dixit male sedula mater,

Possit judiciis illa perire suis.

Tom. IV.

A

U

Ut quæ costilibus Babylonida mœnibus urbem
 Construxit, nati deperitura manu.
 Si modo vincendi fato data nulla potestas,
 Victorem vel vi, vel prece, vel precio.

Ad Cosinum Medicem Princip.

Maternis passim numeris, quæ personet aures
 Excubat ad postes plurima turba tuos.
 Et quæ te Latio celebret facundia versu
 Rara sed Aoniæ non minor arte lyræ.
 Rarior Argolici vernat tibi carminis auctor,
 Et culto titulos elevat ore tuos
 At tua qui triplici recinat præconia lingua,
 Ut mihi cum paucis blandiar, unus ero.
 Quod si tranquillo dabitur confidere portu
 Musa brevis referet munera longa moræ.

Ad Amicum.

Quamvis officio non perfungaris amici,
 Nil mihi rescribens, vacuum quod sponte decebat
 Munus obire prius, ne dum sermone soluto
 Ante laceslitum diverso tempore sæpe
 Quod tamen ardenti, sævoque Cupidinis arcu
 Læsus amas, ardentque tepentibus ossa medullis
 Flector, & ex aliqua fieri tibi parte benignus
 Impellor magis ac deceat, me scilicet olim
 Haud secus ardentem memini, primaque juvena
 Quid sit amor memori deprehensum pectore servo.
 Quatenus ergo alias gravior de pectore curas
 Cura fugat, facile ignosco culpamque remitto.
 At quia securis puppis navalibus hæret
 Jam tua, nec fluctus pavet exarmata marinos,
 Non aliqua sors esse nequis, culpaque vacare.
 Utque vaces aliis admissis omnibus, unum
 Non leve commissum est sanctæ temerare silendo
 Fœdus amicitiae, sed ne prolixior æquo

Am.

Ambitiosa suas transmittat epistola metas
 Huc venias: servesque fidem. promissaque solvas
 Ocyus, ut victu pariter lætemur agresti.
 Hoc satis est dixisse. Vale nostrique memento.

Ad amicam.

Ut revocat pullam nutricem fletibus infans:
 Sic ego, quam fugi, quæro tuam faciem.
 Nutricem te fecit amor, me fecit alumnum:
 Quæ potes ô miserum sola beare bea.

De Amore glacie torpente.

Junxerat adducto restantia cornua nervo,
 Vulnra jam misero, jamque daturus Amor.
 Dumque locum jaculo semiulco signat oculo,
 Torpuit, & casto vulnere dextra riget.
 Extinctæ cecidere faces, & chorda reductis
 Cornibus ingenti fracta jacet strepitu.
 At tibi, frigida hiems, inopinæ causâ salutis,
 Addant perpetuas Numina magna nives.

Ad Fulviam.

Conantem me sæpe loqui pudor ipse repressit,
 Nec tibi, quod volui, dicere adhuc potui.
 Me facies, moresque tui cepere, tenentque,
 Sit meus o facias iste perennis amor.
 Malueram coram tibi dicere, sed pudor obstat,
 Hæc tibi quam mitto charta pudore caret.

Ad eandem.

Tentavi coram tibi Fulvia dicere sæpe,
 Quàm mea sævus amor ignibus ossa cremat.
 Hæserunt imo verba intercepta palato,
 Et vetuit, qui nunc scribere cogit, amor.
 Ergo amo te quantum non est comprehendere cuiquam,
 Qui quantum scit amat, non bene prorsus amat.

De Amica vultu, & moribus.

Odi, & amo: & nequeo non illud amare, quod odi,
 Rursus habere odio, non nequeo quod amo,
 Sic odio miscetur amor, mulcetur amore
 Sic odium. atque odio sic maculatur amor.
 Te fateor. moreſque tuos mutabilis odi;
 Depereo rursus te faciemque tuam.
 Magna tibi, toties ne me contraria lædant,
 Immutent mores numina, vel faciem.

Ad Gallam.

Ne mihi præterito fœvit quod flore juventus,
 Debuſſas, dicas Galla, rogare, rogo.

Ad Alexium Lapacinum.

Ardes, væ miſero, impiis, Alexi,
 Nec quenkum ſuperum pudet Deorum,
 Ardes præ facibus (nephās) amoris.
 Quem ſperes hominum, inferumve divum
 Laturum rapidis opem ſagittis
 Inſenſo Jove, cœlitumque turba?
 Me? quæ in perpetuis Venus catenis
 Vincitum carceribus domat tremendis,
 Ærumnæ, gemitus, mali, dolores,
 Æterni hoſpitiū perenne planctus.
 Idem vel pelago minaci habenas,
 Vel cœlo in inciam manus profundo
 Inviriſſe ſuperis, Deumque rege.
 Ah quæras alias opem per oras,
 Cui plus quam mihi ſit ſpei, petendus.

Laus.

Quisquis agit formæ tantum de laudibus in te,
 Ignorat veræ nomina laudis adhuc,
 Non ſecus ac Venerem ſi laudaturus Apelles,
 Ad conchæ laudes rettulerit ſpeciem.

Dicturusve Jovem, majestatemque supremam,
 In forma Laudis triverit omne decus.
 Quæ quamvis est justa, tua est quota portio laudis,
 Nec secus illa tibi convenit, atque Jovi.

In Amorem.

Ausa cupidineis ignarum exurere flammis
 Fama, prius nostris res nova temporibus,
 Quam dedit, & nostram cuperem peccasse puellam,
 Rursus ait spretis me, pietate, fide.
 Isque adeo incertus cura graviore popellus
 Pervacat, ut vanis hæreat usque jocis?
 Quæ me scire negem, cupiam si vera fateri,
 Qui de me gratis asserat, ista mihi est.
 An quenquam sua cura latet, refugitque quod intus
 Perpetuo clausum nocte dieque gerit?
 Et videt alterius latitantes pectore sensus,
 Ut sua qui nescit vota aliena tenet.
 Ut qui clam summo positum fert vertice sænum,
 Pendula vel cujus chartula terga notat:
 Prorsus ita est, nescit dominus, vicinia furem
 Novit, & arcanum si quid in æde malum,
 Fur amor est, furti latebras, arcanaque cordis
 Ingreditur, furtim mentem, animamque rapit.
 An cantata rapi se me non sentit, & alto
 Capta velut sensu,mersa sopore jacet?
 Ut quos saxificæ mutarunt ora Medusæ,
 Aut Cyllenæ virga superba manus.
 Perlege quot superant veterum monimenta virorum,
 Pagina cœlicolum crimine rara vacat.
 Arsit amore Deum toties pater, arsit, & ardens
 Desluit in Danaës aurea gutta sinus.
 Candidus Europen taurus per cærula vexit,
 Candidus in Ledæ Cignus erat gremio.
 Ales & Asterie cum te decepit & ales
 Idem cum puerum traxit ad astra Phrygem.
 Quid referam Inachiæ toties mutata Juvencæ,
 Ora vel Arctoi sidera fixa poli?

Cur doleat Juno, tellus, mare, sidera præbent
 Ni contenta sui parte sit illa Jovis?
 Quid, Neptune, tuos dicam, quid fratris amores?
 Signata est flammis Siculis ora tuis.
 Haud immunis abis, Mavors, nec prælia tantum,
 Fama canit, notus quam tuus extat amor.
 Quid Phœbus? Maiaque satus? reliquique Deorum?
 Aut amat, aut nihil est quisquis in orbe Deus.
 Si pater omnipotens, hominumque, deumque creator,
 Cujus ad imperium quidquid ubique tremit.
 Si numerosa Deum toties ignara propago
 Exarsit flammis usta cupidineis,
 Tale pati jam turpe nihil mortalibus ægris,
 Me vincat, dum sic vicerit ante Deos.

In amicam fugientem.

Fugisti fatis, o fatis superque.
 Sum longe fatis, ac fatis secutus.
 Jam jam desine, non sequar volentem,
 Nolentem modo jugiter secutus.
 Expectas, cremer & sequar perenne,
 Quod passim cupidi solent amantes,
 Cœlo cum Jove teste polliceri
 Dura ut pectora molliant amantis.
 Non sum qui fueram, color nec idem,
 Nec vultus tibi, nec vigor, nec ætas.
 At tu sollicitam secutionem
 In sola positam fuga putabas.
 Sic olim leporesque, capreæque,
 Sic cervus mihi longius placeret.

In Amicam ingratham.

Tempore, amore, fide, precibus, lacrimisque, perenni
 Servitio numquam flectere te potui.
 Quid non perfeci? quid non te propter onusi?
 Redditur officiis hæccine palma meis?
 Quæ pietas? hominis quid in isto corpore regnat?
 Thrax flexit Stygios mole minore Deos.

Et dubitabit adhuc quis contingentia rerum
Nomina, naturâ, nec ratione dari?

De seipſo.

Diffitear ſi forte mea me laude moveri,
Mentiar, humano ſum quoniam ego ingenio:
Præcipue laudante viro, qui jure meretur
Laudari: qualem te mihi fama dedit.
Quem Muſæ, quem Phœbus amat, cui fonte relicto
Idalio, comes it & Venus, & Charites.
At mihi cum Muſis nihil eſt, natura negavit
Carmen Apollinei munera ſacra chori.
Uberibus tibi vernat humus, Parnaffia glebis
Provenit, & nullo multa labore ſeges.
Nos ſterilem colimus obtuſo vomere terram,
Raraque deſeſſas ludit ariſta manus.
Hæc animo ductante ſibi mens conſcيا ſentit,
Et damnat vires debilis inde ſuas.
Inde tuos animos, afflataque peſtora cernens,
Nefcit judicio non dare cuncta tuo:
Perque vices animi varias huc fertur, & illuc,
Ut levis adverſis fluctibus acta ratis.
Parce ferire novis trepidantia peſtora telis,
Sit tibi cedentis terga videre ſatis.
Obvia forte meo dum ſit Venus aurea Eloro:
Nate, refert, molli quo pede tendis iter?
Arcuſque, pharetræque, facesque, levesque ſagittæ?
Quæque tuos oculos vitta tegebat, ubi eſt?
Verſicolor quo penna abiit? quid veſtibus artus
Contegis? hac hominem, vel petis arte Deum?
Ille ſub hæc, aliena refert, nec tela, nec arcus
Novimus, aut ullas tendimus inſidias,
Tunc Venus: haud homini cedit qui nomina fallit,
Non alius cœlo regnat inermis amor.

Ad Amicum.

Unde tibi tantos veniam novus inter amantes,
Si vacat haud dubiis accipe vita notis.

Fortunis confixa suis ruit irrita amantum

Turba : ego perpetui fretus amoris ope.

Hos facies peritura movet : me forma superstes.

His modo pulchra, mihi pulchra pudica places.

Quod nihil est illis, satis est mihi ; non licet una

Esse, loqui, mistis seria ferre jocis?

Voti hæc summa mei tamen, huic uti serviat omnis

Quantulacumque mea est sors, manus, ingenium.

Ad Thelesinam.

Si te habeo, Thelesina, habeo omnia, si omnia præter

Te Thelesina habeo, nil Thelesina habeo.

Ad amicam.

Promittis, promissa negas, offrsque negata :

Qui sequitur refugis, quique fugit, sequeris.

Spreta ardes gratis, spernentem spernis amatum.

Dilexi, sperno, dispercam nisi amas.

In Luicum.

Grandia terrificis minitaris, & aspera dictis.

Et verbum plusquam sesquipedale tonas.

Pulveris in faciem redigis : teris, obruis uris,

Dilaceras, torques, ignibus, ense, fame.

Hinc metui te forte putas hinc sperneris, ex quo

Latranti prædam non capit ore canis.

Nemesis.

Qui mare, qui terram, quique aëra miscuit igni,

Terrificans animos peste, cruore, fame :

Pendulus, exustus, vento jactatus, & undis ;

Præda jacet terræ, & aëri, & igni, & aquæ.

Sepultura.

Des licet & cineres ventis, & des licet undis :

Jactatis tumulum ventus, & unda dabit.

De eodem.

Quid laqueum, crudelis, adhuc, tumulumque negatum
 Obiicis, & multo membra perusta rogo?
 Omne genus lethi puncto concluditur uno,
 Victaque supremo vita dolore fugit,
 Absumpsit gelidos ignis generosior artus,
 Sordida ne obscenis vermibus esca forent.
 Excipiunt cineres venti, fluviisque tepentes.
 Quid facis? est aliquis & mihi in orbe locus.
 Sed quoque tu moriere: ego te pereunte superstes,
 Ingenii vivam nobilitate mei.

Ad Febrim torquentem Amatam.

Quid tibi cum teneris, Febris audacissima, membris?
 Jam potes æternos vel violare Deos.
 Heu quænam miseris mortalibus invida tantum
 Sanxerunt nocuæ fata licere tibi.
 Non te purpurei tangunt, mea numina, vultus?
 Non ætas Stygios apta movere Deos?
 Hoc poteris macie corpus tenuare nefandâ?
 Has pallore genas tingere purpureas?
 Dii precor, ô, si quæ cœlo mortalia curant,
 Si qua usquam pietas, hoc prohibete nefas.
 Vertite nunc, si quas admisso crimine pœnas
 Poscitis, in meme vertite tela precor.
 Aut si forte mori fixum juvenilibus annis,
 Hora precor miseros auferat una duos.
 Vel potius, quod magna decet dare Numina munus,
 Omnis ab innocuo corpore languor eat.

De seipso.

Cervaursum fugit, agna lupum, lupus ipse leonem;
 Accipitrem volucris, quo sibi tuta fuga est:
 Hostes quisque suos, ego solus prosequor hostem:
 Hæc mihi confugii sola relicta domus.

In laudatorem Marulli .

Quod mihi versiculos laudas, & scripta Marulli;
 Laudo ego, si laudis terminus ullus erit.
 Sed mihi quod toties laudes, totiesque Marulli
 Carmina; confiteor non tolerare queo.
 Desine; laudasti, fatis est: ne forte Marulli
 Credantur versus laudis egerotue.

De Rancido .

Oderunt omnes, dixi, te Rancide, at ille:
 Si potes, invenias quos ego, dixit, amem.

Ad formosum .

Naturæ specimen quo se se contulit omnis,
 Gratia, Mens, Animus, Forma, Pudicitia.

De Morte Fratris .

Quod moreris Frater. nihil Mors attulit exlex;
 Quod dives, Cræsus ditior, & Darius
 Quod juvenis, prima multi periere juventa,
 Quod pulcher, forma nescia parca capi.
 Quod sapiens, veterum præcessit turba virorum,
 Quod felix, paucis contigit ante tamen.
 Quod cives, juvenis, sapiens, quod pulcher, honestus
 Et felix, uni fata dedere tibi.

Ad Paulum .

Unum ut convenias tres, Paule, relinquis amicos.
 Officium si hoc est, officiosus homo es.

Lectori Liber .

Sim licet exiguus, Lector, ne sperne libellum:
 Perlege: mox dices, grandis ut iste liber;
 Ima probat moles, formæ vis maxima summis.
 Sic vincit Parias, Indica gemma, molas.

De Laurent. Medice .

O quis Cœlicolum numine dextimo
 Nascenti tribuit se tibi præsidem,
 Vitæ præsidium, & dimidium meæ?
 An qui terrificâ fulmina Juppiter
 Dextrâ coniicit è sidereis polis?
 Aut de Pierio vertice Delius,
 Prospexit, rediens omine prospero?
 An sacro implicitus tempora pampino
 Indorum domitor, tygribus asperis
 Evectus geminos arduus ad polos?
 Armentive dolo raptor Apollinis,
 Cui serpentigeno dextera lucido
 Ornatur baculo, lævaque tibia?
 Aut quæ de patrio vertice protinûs
 Sublimi exiliit casside fulgida,
 Sacratis clypeum cincta draconibus,
 Pallas Gorgoneo lumine? seu Jovis
 Conjux, atque soror? sive superbiens
 Per silvas variis Cinthia, belluis
 Prostratis, numero mixtaque virginum
 Ingens progreditur cernua per nemus?
 Aut cui Diva Paphos sub ditionibus
 Mitis cœruleis edita fluctibus
 Paret, flammifera cui face filius
 Ignis, heu, miseris implicat ossibus?
 Non uno fatis ad nobile corporis
 Existente Deo sufficiens decus:
 Incertum generat bella negotium.
 Convenere simul Juppiter, & Dei,
 Concordique animo, præside nasceris
 Divûm concilio, munereque omnium.

Ad Naldum Naldinum .

Nalde decus nostri, venerandaque gloria sæcli
 Ingenium siquid, doctaque corda valent;

Acci-

Accipe primæ meæ cupido libamina mentis
 Scandentis Cyrrhæ culmina ad altâ gradu
 Quæ rudis ignota primævo flore juventæ
 Lima Castalius trivit ab arte calor
 Quis ego sollicita, & multa vigilata lucerna
 Ingenii stimulum carmina sacra peto
 Carmina Gorgonei pleno quæ fluminis haustu
 Dant tibi Thespiades, Thespiadumque parens
 Ut duce te Aonii summa ad fastigia montis
 Tollar, & è gemina laude superbus eas.

Ad Angelum Politianum.

Angele, Pierios inter grave nomen alumnos,
 Præcipuum nostri temporis ingenium;
 Quem bene consultum fato servante, negabit
 Jure soror numquam Thespias esse sibi.
 Erue congestos exculta mente labores
 Neu tuus incassum sudor, & alior eat.
 Consule venturo scriptis gravioribus ævo,
 Vincat & hærentem posteritatis amor.
 Natus homo est homini, male grati pectoris ille est
 Ingenii quisquis condit avarus opes.
 Gloria spernentem sequitur laus; utile, honorque
 Vel fugiat, virtus sufficit una sibi.
 Gratius hirsutos inter rosa candida vepres
 Ridet: & arenti pulchrior unda loco
 Exilit impatiens angusta sede teneri
 Ocyus, & fertur lata per arva bonum.
 Hoccine avaritiæ poterit cohibere potestas:
 Victurusque brevi tempore livor edax?
 Turpiter argenti cælat si pondera, & auri,
 Turpius ingenii condit avarus opes.
 Quid nondum nati, quid nam meruere nepotes.
 Ipsa luet patrum crimina posteritas?
 Futile nomen honos, laudes, & gloria utrisque
 Communis, virtus possidet una bonos.
 Consuluisse suis æterna nepotibus illa est
 Gloria, fama, decus, utilitas, & honor.

Epitaphium Marfilii Ficini.

Hic situs est magni sacrum qui dogma Platonis
 Marfilius patriæ tradidit, & Latio.
 Exuvias tellus, cœlestes spiritus oras,
 Diva sed & terram fama, polumque tenet.

Ad Jacobum Nardum.

Horres dulciculos meos Jambos
 Qui nomen nisi nil habent Jambi.
 Pulchella facie, venustulaque,
 Qui sint melliculo vel Atticillo
 Vel longe Siculis favis sapor.
 Horres immerito meos Jambos,
 Sed nomen satis est habere Jambi,
 Quod durum cruor efficit Lycambæ.
 Esto, si placet horreas Jambos,
 Dum non Hendecasyllabos tremiscas,
 Et lasciviolos meos trochillos
 Et nervum rigidi, & pharetram amoris,
 Qui nec Cœlicolum timore regi,
 Nec matri pietate, nec sibi ipsi,
 Nedum Nardiolo meo pepercit,
 Jam tu, si bene te, Jacobe, novi
 Mavis Hendecasyllabis Jambos.

De obitu Marulli.

Ingenio Phœbo, belli par munere Marti,
 Graja domus, Cecina busta Marullus habet.

De eodem.

Evadit toties hostilia tela Marullus
 Ut Cecinæ tumidis obrueretur aquis.

Ad Joannem Oricellarium.

Sic tibi fiderei faveat Regnator olympi
 Et tua felici cepta secundet ave.
 Sic lætos sine labe dies sic tempora præstet
 Candida, nonnullis intemerata malis;
 Quis Deus auspiciis cohibet tua vela sinistris,
 Incurfu ceptum quæ mora tardat iter?
 Heu sortem, & nostris toties contraria votis
 Nunquam fata meis exfaturata malis
 Forte Deam nullo contestam vidit amictu
 Actæon, pœnas non minus ille dedit
 Impia, Tantalidæ Niobes convitia matris
 Inscia bis septem corpora morte luunt.
 Cadmeiden oculi Juvenem fecere nocentem
 Inscius, at nudam viderat ille Deam.
 Tantalidæ nullo meruerunt crimine mortem
 Quidni, sacrilegæ viscera matris erant.
 Ille suo, matris periere hi crimine, nullus
 Quo peream matris non meus error erit.
 Distulit in longum tempus sperata Joannes,
 Num precor exemplo distulit illa meo?
 Quid mihi quid faciant alii dirumve, piumve
 Proficit aut ipso jure nocere potest.
 Therstæ ne moram celeri qui scribat Achilli
 Aut pius aut sanè mentis habendus erit.
 Confundi si cuncta placet, si scindier æquum,
 Et certam nullis rebus adesse Fidem
 Jam pius Æneas nihil a Busiride differt,
 Anchisen humeris vexerit iste licet;
 Ille, nephas, sacris violatis hospitis aris
 Paverit humano sanguine dirus equos.
 Tu quando da veniam, dum sic poscente coacti
 Materia, rebus nomina vera damus
 Tu quoque quem nulli fas est dixisse nocentem
 Impius ad scelerum maxima quæque venis
 Dii melius, quam corrupti miserabilis orbis
 Impietas mores fregerit ipsa tuos

Magnanimis certare animo, pietate, fideque
 Natus es, & summa vincere laude pios.
 Res diis iudicibus, & spectatoribus iisdem
 Digna est, laudatos vincere laude viros.
 Non ego, non mecum tu collaudaveris illum
 Flagitiis alios vincere quisquis avet.
 Vera, gravi gravitate, proba probitate, fideque,
 Gloria, certare est, & superare pares.
 Ergo agedum laudis veros imitatus honores
 Rumpe moram, & grato pectore redde vices.

P. Criniti Epitaphium.

Heus audi, properes licet viator;
 Criniti tumulo teguntur isto
 Dilecti cineres sacris Camœnis.
 Hoc scires volui, recede felix.

Epitaphium Guidantonii Vespucii.

Interpres gravis utriusque juris,
 Qui se mellifluæ fluore linguæ
 Non Vespæ, ast apium genus probavit
 Guido Antonius hoc jacet sepulchro
 Is quem vivere oportuit perenne
 Vel numquam Superum videre lumen.

Laus Luca de Albizis.

Senferat Albitius sua Lucas stamina rumpi
 Cum vires laxo deficerent utero;
 Uxorem, & charos ut circumspexit amicos
 Ad flentes siccis retulit hæc oculis:
 Dives, honoratus, populi sublimis alumnus,
 Dilectus vixi civibus, & patriæ
 Debita persolvi Patriæ quod denique restat,
 Jam sua naturæ reddere jura paro,
 Este procul curæ tenues mortalia cuncta,
 Jam meus ætherias spiritus haurit opes
 Dixit, & ardenti defixus in æthera vultu
 Destituit gelido frigida membra thoro.

I decus egregium Patriæ languentis, honosque,
O veniant gestis æmula sæcla tuis.

Epitaphium Francisci Valorii.

Franciscus hic sepultus est Valorius.
Diebus unum quem suis Florentia
Civem manu, ore vidit integerrimum.
Paterno amore consulentem Patriæ,
Qui Patriæ nequid suæ non traderet,
Vitam furori civium hostiam dedit.

Epitaphium Thomæ Soterini.

Soterina domus Thomas eques hic jacet, hospes,
Virtuti, & Patriæ vixi, oblique Deo.
Hic nati posuere. Sacri dux alter honoris,
Frena Petrus Patriæ temperat alta suæ.

Satyra, quæ & Verna Profectio.

Ardua Fesuleæ mensis fastigia molis.
Ad Boream modico se vertice Regius offert
Mons scatebris prædives aquæ, venaque perenni,
Tergemino quæ fonte cadit, strepituque canoro
Grata viatorem liquidas invitat ad undas.
Huc ego quindenî tandem sub sidere Veris
Pertesus, curasque graves, urbemque, domumque,
Meque ipsum dum forte vehor comitante ministro
A pedibus vix prima domus vestigia portis
Extuleram, fremitus, & vox ferit eminus aures,
Quo properas? heus Aule mane, subsistimus, ecce
Improvîsus adest, quo non mihi junctior alter
Fulvius Hesperîis nuper regressus ab oris.
Quod te consilium, quis te Deus huc agit, inquam?
Fors, ait, & dubiæ gravis inconstantia mentis
Ire licet quocumque trahit Fortuna parato.
Quam bene quam pulchre nos inter convenit, ergo
Pergimus, & vario rerum sermone vicissim

Nunc

Nunc ludicra vagi serimus: nunc seria sensim
 Nostra peregrinis antiqua recentibus orsi
 Conferre, & multa multorum laude merenti
 Jus dare cuique suum, justaque expendere lance
 Martis, & indomitæ studia ingeminata Minervæ,
 Tam magno, pulchrique alto certaminis æstu,
 Ut prope sopitis nimia dulcedine palmæ,
 Sensibus una sibi totum dum vendicat auris,
 Jus animæ arbitrio temere veheremur equorum.
 Trans mihi principio conceptæ prædia Villæ
 Cum famulo simul immemores nostrique, viæque
 Ad passus propè mille, levis spaciantibus error,
 Parvaque nec multo jactura abolenda labore.
 Obversis igitur proris, ventisque vocatis
 Vela damus Trifidæ repetentes murmura limphæ,
 Illa equidem sitiente meo, sociique caballo,
 Et famulo poscente libens, avidusque reviso;
 Nam liquido currentis aquæ, strepituque cadentis
 Egregiæ ante alios oculos oblector, & aures.
 Præcipue cum Vere novo jam gramina surgunt,
 Candidus & Tyrii Sol appetit astra juvenci.
 Tunc anni quod tempus erat, jamque hora premebat
 Nona diem, ventoque carens, & nubibus Æthon
 Arida clivosi siccabat prædia ruris,
 Cum bene curatis vectoribus altera mentem
 Cura subit, qua parte cibum, qua sede petamus.
 Nullus erat mihi notus ibi, & si forte fuisset
 Clausa repellebant adeuntes hostia ventres.
 Poscere ruricolæ aliquid nece durius omni
 Esse videbatur famulo, qui noverat horum
 Perfidiam, mentesque truces, odii que venenum.
 In cunctos nostro præsertim tempore cives.
 Consulitur, quæ stet sententia; castra movere
 Cuncta jubent; propere tolli vexilla jubentur,
 Fortunamque sequi, mutatis sedibus olim
 Accessisse viris longe majora relictis.
 Pulsa Tyro magnæ Dido Carthaginis arces
 Condidit, & Libyæ late regnavit in arvis.

Antenor Patavi sceptris, folioque potitus,
Nec minus Æneas Latio majoribus usus
Intulit auspiciis Vestam, victosque Penates
Unde genus dominæ traxere palatia Romæ,
Surgit ad hæc ut sæpe solet solamen in artibus
Relligio, quæ sero jubet jejunia solvi,
Nec nisi vicina mediis jam parte diei
Fas cuiquam positis epulas attingere mensis
Linquimus inriguos fontes, & amœna fluentia
Ventum erat ad trivium, consistitur agmine toto.
Nunc mihi Pierides faveatis, & augur Apollo
Concordes servate pios, procul omnis abesto
Seditio Mavorsque furens, & tristis Enyo
Unanimes hic ante viros sententia discors
In diversa trahit, poscor qua vertere gressum
Semita commodior, laudo compendia dextræ.
At socius: multo potior mihi læva videtur.
Qui refero, longe primum prolixior, & quæ
Aspera clivosis habiteretur rarius agris,
Quo nihil ad nostri confert minus agminis usum
Non unum, a dextra hospitium si forte necesse,
Occursumque hominum invenias, villasque frequentes.
Ille loco propria sua mea prædia multo
Oblitus, nugare puer petulantius inquit
Qui mea me doces, ubi sis quicumque loquaris,
Te fugit Andabatæ ritu certare parati,
Nunc tecum fueris, quamvis oculatior Argo,
Lynceus indigne patriam novus indicat hospes;
Excidit invito risus, vox excidit, ergo
Pes capiti manibus vicinior, auribus unguis,
Te lapis hinc decimus removet, me quartus, ut olim
Visa diu memori merito sub pectore servem,
Erubuit, tetigitque homini pudor alios ægrum
Bile jecur, quod vox, quod vultus prodidit: ergo
Ibitis ad dextram dixit, nos læva petemus.
Hic famulus dure factis, quos nulla Falisci
Cura movet, ratione mihi defendere partes
Ne prohibete meas, & tramitis hujus amicæ.

Ante oculos sese medium qui tertius offert
Hunc alacres animis paribus, votisque sequamur;
Hic nos Fesuleas recta deducet ad arces,
Aut (si non homini cuiquam concedere certum est)
Quid vetat hanc dominæ litem committere forti.
Mitibus hæc referens verbis, vultuque sereno
Correptas utriusque manu tractabat habenas,
Seu propior melius quo vox penetraret in aure,
Sive renitentis cursum pressurus amice,
Ex usu quod forte fuit, nam sidere lævo
Fulvius ille ut erat justo turbatior alvum
Infantis ferit asper equi, discedere certus,
Taurus ut instantis furiis agitated Aſyli
Et lentos lævum frenos detorquet in orbem
Prosiluit sonipes, spatiumque inclusus iniquo
Declivi inter saxa solo male credita fulvæ
Anteriora pedum vestigia firmat arenæ.
Quod nisi præcipiti laxas pressisset habenas
Ore manuque puer. & toto corpore nixu;
Et nisi opem non absque Deo mea cura tulisset
Fusus humi cecidisset eques, nam fracta superne
Cingula confutæ qua fibula neſtitur oræ.
Ecce autem viridisque senex, natusque repente
Improvisi adsunt, nam qua consistere jussit,
Et fors, & ratio subiti properanda pericli
Dimidii ad spatium prope jugeris æqua parumper
Subsidebat humus parvo mox edita clivo
Rursus in obliquum declivius ima petebat
Quæ natura loci, nec non & cura sodalis
Intentos aliis animos, oculosque fefellit,
Hic ubi me senior propius conspexit acute
Intuitus propere accurrit, capitisque remoto
Tegmine, comprehensæ trepidus dedit oscula dextræ,
Atque ait, o salve generosi clara propago
Sanguinis, & gentis nostræ columenque, decusque,
Quis Deus huc hodie, quis te appulit alite dextro,
Ut præ lætitia vix sum bene sanus apud me,
Da veniam cupido mecum prandeberis ambo

Ni piget hospitii tenuis veterisque clientis,
 Tardior hora monet nostræ gurgustia villæ.
 Haud procul exacto, quæ jam possedimus anno.
 Sic ait, & propere juvenem præcurrere jussit,
 Quem locus, & cultus dubium quem fecerat ætas
 Agnovi de voce senem, fidumque clientem
 Semper, & hoc ipso opportunum tempore, multa
 Præterea inter nos ultro citroque relata,
 Dissita dum ligulæ junguntur ephippia nodis.
 Sic tamen ut futo fugias te credere loro;
 Ergo quod æqua, brevis, facilis via suadet, & umbra
 Mollius hinc illinc interpollata frequenti
 Composito pedibus sensim procedere visum est;
 Progredimur, facilemque viæ fallente laborem
 Alterno sermone lares intramus amicos.
 Hic primum jussi curamus corpus, & ipsum
 Spectamus positumque loci, vicinaque rura,
 Altius admoti speculæ dum sedulus hospes
 Interius cum stirpe dapes, & fercula curat,
 Penè quadrata domus tabulatis acta duobus
 Qua Borean, Eurumque procul, qua respicit Austros,
 Altius extantis jungit latera ardua turris,
 Cujus summa colunt Paphiæ de more columbæ.
 Cuncta domus viridi circumdata gramine prati,
 Præter eam Solem spectat qua parte cadentem,
 Cui pro vestibulo tecti superimminet umbra,
 Janua lata satis, sed non ut longa requiras
 Atria, & Hippodromum, thermas, specularia, quando
 Nulla peristylî facies nec certa cavedi
 Forma, cohors seu Xistus erat, sive ortus ad Austrum
 Constitus Hesperidum malis, Pestique rosetis,
 Floribus, & violis, & gramine vernat olenti,
 Rustica Phœbeos ubi porticus imbibit ortus,
 Nam buxi longe effigies topiaria longe.
 Præla tamen satis acta locis, oleæque trapetum
 Occurunt, puteusque brevis, venaque perenni,
 Sub terrisque frequens vinaria cella diotis,
 Cumque penu calidæ statio opportuna culinæ,

At stabulum post cortis aves, longeque recedit
 Adveniens, quo jussus equos curare Faliscus,
 Cum puero fenum, & duplici tulit ordea vallo.
 Hæc inter structis epulis bonus advocat hospes
 Jam stomacho poscente cibum, calcarque volanti
 Subdit equo, sequimur, cœnatio suscipit illa
 Non indigna domo, spacii, cultusque tenore,
 Non hic infusas manibus puer excipit undas;
 Malluvio spinæ subducta cuspide siphon
 Perpetuo vivo latices de fonte ministrat.
 Forsitan & dapium fuerint quæ fata requiras,
 Quæ facies ambo, postquam consedimus hospes;
 Quem prandere simul pietas, res, mosque jubebat,
 Abnegat & tanto se dedignatur honore,
 Nos contra obnixi contendimus, ille pudore
 Quo magis instamus misere magis usque recusat;
 Mox tamen urbanis Fulvi sermonibus actus
 Dat victas cum voce mantus, supplexque fateretur
 Secum pransuros, quos invitaverat una,
 Prandendum esse sibi credo divinitus actum,
 Ut qui dissidii causas consererat, idem
 Solveret indignæ commissa piacula noxæ;
 Dulcia tranquillæ revocans commercia pacis.
 Hæc tibi discubitus fuerint præludia nostri
 Non tamen exodii ludos, nec dramatis omnes
 Polliceare, tibi supremum ad plaudite partes.
 Plura viri fortuna loci natura docere
 Quemque potest, & si sineret Germania tempus
 Nescio qui sensim tam multis obvia monstris;
 Quot veterum mentes caligavere tenebris.
 Nam quorsum longis ambigibus ordine dicam
 Furcillas, cultros, tripodes, mantilia, mappas;
 Quæve abacus, quot nam; vel de quo, vasa metallo;
 Non hic stellato radiat carbunculus auro,
 Non locus argento est; stanni, vitrique supellex;
 Candida florigeræ dirimit confinia mensæ,
 Aureus in phialis vini color, ostreus ardet
 In calatis ficus, fractoque putamine juglans

Nuda jacens pariterque hesternæ conscia lucis,
 Munda Ceres cupidi pepulere repagula ventris,
 Nec minus ex acri meditullia mollis aceto
 Lactucæ, & teneri mentæ cum cappare caules,
 Et quas irriguis herbas alit hortulus undis,
 Et salis, & glaucæ nitentes rore Minervæ.
 Quin & ceparum teneri sine cortice bulbi.
 Terrigenam denso cingebat stipite lancem,
 Mox apio, & tritis concocta cicercula porris
 Fistilibus mensas onerat, thynnique refectum
 Pinguis aromatibus rutilat latus, humet aceto,
 Præterea sale duratos ad pabula fungos,
 Quos multa purgarat aqua, tenuique farina,
 Contigerat, stridente oleo sartagine tostos
 Sedula ponit anus, nata comitante, simulque
 Tres patinas gestante breves, albumque liquamen,
 Quod bene contusis nucibus, panisque medulla
 Cum sale, & ex uvæ succo conflagrat acerbo,
 Quo prius effracti nucleum madefecerat alli
 Torpentis fomenta gulæ, stimulumque palati.
 Dicat ad hæc aliquis, quid nam? tuus ergo Filiscus
 Stertebat ne cubans nobis prandentibus, ille
 Pro Ganimede fuit, Bacchi, Cererisque minister,
 Præsto ubicumque foret, quocumque exposceret usus.
 Ecce autem æripedum post curam missus equorum
 Junior hospes adest dictaque salute parenti
 Ad votum successit, ait, res omnis, & ultra
 Spem, longe expiscatus eo genus omne natantum
 Membrana, squamave aut crustæ munimine tectum.
 Quodque fide majus ducas numeroque modoque
 In caput exossi crescentes corpore pisces
 Vicinæ torrentis aquæ Minionis alumnos,
 Diis grates, etenim quem te mandante petebam,
 Jam mediam superante via venit obvius Olpis,
 Et procul: accipe, ait, quod me petis hæc habet urna;
 Parce loqui, accelera novi omnia doctus ad unguem
 Quid cessas? abeo lætus, matrique parandas
 Trado epulas, nos si qua fides properata furenti

Ne date vela Noto, Zephyri securius auræ
 Credite, vel lento subituri rem ge portum.
 Hæc puer ætatem supra sortemque locutus
 Pro meritis laudatus abijt, quo deinde ministro
 Nequicquam Samii faba jussis eruta ventris;
 Ignis, aquæ saxi, bis, ter, male torta flagellis,
 Ferventesque olei, frixique uredine porri
 Ponitur, extremæ vacuo pro margine mensæ.
 Pelamidumque breves evulsis ossibus arctus
 Pigmentis. succoque acres mordacis aceti,
 Nam stridente recens cocti sartagine pisces,
 Anguillæ, & teneri Lunæ munuscula cancri
 Pythagoræ præcepta senis servare jubebant,
 Utque satur visu decoctos ignis ommittam
 Asparagos, multoque blitum sartagine æstu.
 Non hic Hesperidum sibi quis promiserit horti
 Aurea pervigili quondam servata Draconi
 Hippomeni quæ mala Venus donavit amanti
 Menalia celcerem cursum vincitura puellæ
 Aut Corcyrei pomaria mira Tyranni,
 Sed pro sorte loci non aspernanda palato,
 Non oculis decerpta recens ex arbore jures
 Autumni, summo vernantia robore poma,
 Nec cucumis duro, parilique cucurbita libro,
 Hybleis saturata favis, citrique putamen
 Deferuere dapes, nucleoque, & cortice juglans
 Mollior, & primæ nux pinea, nescia pubis,
 Ultima conspicuæ clausit bellaria mensæ
 Fœniculi cum fasce brevi nux plurima putri
 Pro sale saccharæ circumlita pulveris haustu.
 Verba dapes inter, mensisque alterna remotis
 Musa referre negat; longum pertesa laborem.
 Nam tribus exactis cursus jam partibus Æthon
 Pronior Hesperii properabat ad æquora Ponti,
 Utque fit incerti nonnunquam tempore Veris
 Obduxere diem subita caligine, nubes
 Et stratis Faliscus equis properare jubebat,
 Non obscura timens pluvii præfagia nimbi.

Undique tam validis, & tot cœuntibus ergo
 Digredimur, Zephyrique Notum superantibus alis
 Exorti, Solisque via, pluvixque potimur,
 Et testis læti tandem succedimus urbis
 Unanimes, pariter dictis factisque sodales,
 Copula amicorum titulos auctura quadrigæ,
 Ægida cum glauca Pallas mutabit oliva,
 Et cytharam posito contendet Delius arcu,
 Cumque sorore pudor laceri miserebitur orbis.
 Quæ pietas, quæ summa tibi clementia rerum
 Ocyus omnipotens opifex res aspice nostras
 Ne tamen immodica placidi dulcedine cursus
 Garrula verbosæ subear contagia linguæ
 Grande sed invalidæ vitium commune senectæ,
 Pone modum stimulis, & pressos contrahe frenos.

S I L V A

Cui titulus Virbius in Leonis X. Pont. Max.

laudem enarrata.

Invia Cecropiæ rimatus pascua sylvæ
 Hippolytus, rapidos arte regebat equos,
 Ecce ferum tristi tollens caput æquore monstrum:
 Eminus abortas ejaculatur aquas:
 Discurrere feri subito terrore jugales,
 Dissiectis radii dissiluerunt rotis,
 Concidit, & fracti discerptus pondere currus,
 Frena tenet lacera sanguinolenta manu.
 Astitit, & fotum gremio Dyctinna pudico
 Asclepi sacros protulit ante pedes:
 Siquid, ait, merui, si quid potes arte medendi,
 Hoc age, & in puero me mihi redde nepos.
 Plura dolor vetuit, sensit, purgansque, fovensque
 Vulnera Pæoniæ suscitavit artis opem.
 Mens redit, & vires, fruitur dulcedine vitæ
 Virbins, arridet terra, polusque Deo.

Virg.

Virbius ecce recens Medicis petit aëra succis,
Concipe lætitiæ Calliopœa modos.

Quidquid ab Archiva crescentis origine Mundi
Qua se cumque coli pulsus humus annuit undis,
Senserit humanæ discors sollertia mentis,
Arbitrii secura Jovis. Cum miscuit imis
Summa, laboriferi manus ingeniosa Promethei,
Vel cum jactatis induruit æmula faxis:
Deucalionæ post uda pericula cymbæ,
Unius immensi molem mihi temperat orbis
Vis, & mens, & amor, nullis obnoxia causis
Majestas æterna Dei, qui cuncta creavit
Omnipotens, qui cuncta movens immobilis implet
Immensum, quod fecit, opus, nec cernitur ullis
Cuncta videns, causa ipse sui, seseque beatus,
Non minor arcanis æternitatis in antris,
Ignotæque diu per longa silentia noctis,
Cum secunda sacra concepta reconderet alvo:
Nec major post lucis opes, tenebrasque rebelles,
Sidereosque globos, elementaque grandia, formis
Alternata suis, mixtisque animata figuris
Corpora, tergemini pugnantia semina Mundi,
Ad numeros librata suos, quo tempore primum
Divitias proferre sinu, roburque potentis
Invidtum monstrare manus, largumque benignæ
Mentis opus placitum, seque indulgere creatis.
Sponte sua nullo penitus cogente, sed ipso
Naturæ poscente bono, penetralibus altis
OmniFERAM laxare penum, signataque longum
Horrea, & immensos æternæ molis acervos
Venturis larga populis effundere dextra.
Ergo ubi materies nutu concepta jubentis
Emicuit, formæque decus digesta recepit:
Ille poli metas fulgoribus, ille profundis
Manibus, & medii posuit cultoribus orbis,
Staturasque dedit æterna in sæcula leges,
Et defecturum non ullo tempore fœdus.

Quid

Quid mihi Threicii casum, commentaque alumni
 Vana refers? atomosque leves, rebuſque creandis
 Semina, diverſis temere occurrentia formis.
 Nonne ubi non ullis per inanes partibus auras
 Componunt ramenta modis coeuntia miris,
 Flammiferos Phaëtonis equos, & cornua Lenæ,
 Atque ipſum immoto qui ſuſtinet omnia gyro;
 Ultimus immenſi (ſi fors tulit) ambitus orbis
 Jam duplicem, jam multiplicem ſpectare licebit,
 Et centum gemino crepitare tonitrua cœlo,
 Sed vacuo nulliſque Jovis deſcendere fulmen
 Imperiis, vanæque Deos formidinis umbras.
 Non ne Poëtarum variis inſomnia monſtris
 Prætulerm, chaos obſcurum, nitidumque Phæneta,
 Quæque ſub Aoniæ cecinit ſtigia rupis:
 Intempeſta ſenex qui mœnia provehit Aſcræ,
 Pierias viſiſſe ratus ſibi addeſſe Sorores.
 Quæ Linus & cithara pollens in collibus Orpheus
 Iſtariis, Rodopeſque jugis, & ſaltibus Hemi:
 Suetus aquas cantu, volucresque, feraſque morari,
 Et ſaxa, & rigidas ſylvis diducere quercus.
 Infelix, fruſtraque ſacris imbutus Jacchi.
 Et fruſtra Eurydicen, fruſtra infera regna ſecutus,
 Qui Cyconum Thyrfos, contortaque ſaxa, canora
 Non potuit mulcere lyra; licet æquoris iras
 Flexerit, Hemoniæ moderatus tranſtra carinæ.
 Adde alios vates, & primæ nomina fame.
 Mæoniden, irasque Deum, pugnaſque canentem,
 Captivumque Jovem, pulſi poſt arma parentis,
 Titanasque truces, conculcatoque pudore,
 Nil non permiſſum Veneri, ſcelerique, doloque.
 Tum duris fati juffis, manesque, viroſque,
 Cœlicolaſque, ipſumque ſimul parere Tonantem;
 Aurea nexilibus cum vinciat orbibus Orbein
 In ſe ſe rediens æterna ambage catena.
 Unde (tuo ſiquid fidei Trojane magiſtro)
 Hiſpida torpentes induxit porticus umbras,
 Inflexumque animi robur concepit in omnes

Affectus, hominemque suis sibi vendicat armis.
Atque alias alius pro captu mentis eisdem
Fontibus haurit aquas, ut quisque cupidine famæ
Fertur, & inventi gestit novitate superbus
Dogmatis, abducto quorum natura recessu
Texit, & ingenii causas indagine cinxit.
Jamque Thales undis rerum primordia ducit.
Igne Samornei proles tenebrosa Blosonis.
At tibi, nec Siculos ignes, nec dira timenti
Fata: Deum dum quæris iter tenuisse videri
Non nihil alterno discordia gignit amori,
Quo tamen humani deliria pectoris usque
Prosequar? & veteris tetras caliginis umbras
Immensum curta pelagus cohibere mateila
Nitentis, superasque domos, arcemque Tonantis
Lucis inaccessæ lutea componere testa?
Scilicet angusto tenebroso carceris antro
Igne Prometheæ tellus animata rapinæ
Intima flammiferi penetralia concipit orbis
Adversante Deo; quod si felicior aura
Fulxerit, exemplo rursus patrioque, suoque
Juppiter ætheriæ depulsus sedibus aula
Excidet, ammissis nec jam Saturnus habenis
Unus Acherousii tabescet compede ferri
Sordibus, & canæ fœdatus tegmine barbæ.
Ipsa licet vastæ fidentem robore molis
Ægæona Thetis discordibus inferat astris.
Enceladique tremat concussa vaporibus Ætna.
Impia Flægreæ referens vestigia pugnæ.
Post trepidæ commissa fugæ, mollisque latebras
Ægypti? quid enim soboles humana refugit?
Quod non ausa nefas? O primæ mentis imago
Disita tergemini nectens confinia Mundi,
Mole brevi, formante Deo; sublimia magni
Nata subire Poli; dubio fastigia cursu:
Diversas sortita vices, dum libera nexu
Sponte sua nullo fertur cohibente voluntas.
Alterno varii jactata cupidinis æstu.

Ne tamen hinc multum placeas tibi, neve superbos
 Tolle animos, lætis neque enim dum pascitur herbis
 Dum liquidas exhaurit aquas, dum buccula taurum
 Sustinet, & pecudes aries, olidusque capellas
 Hircus init: præter mentem pastoris aguntur.
 Servandi quem cura gregis, sobolisque futuræ
 Ducit amor: pecoris sed enim Venus ipsa magistro
 Non minus ad votum est, quam cum caliginis umbra
 Siderei convexa poli cinxere tenebræ:
 Imbellem validis gentem defendere septis.
 Raptores, ne forte lupi, ne turbidus Hyber
 Obfuerit: gelidique ruens injuria cœli.
 Scilicet omnipotens immensi conditor orbis
 Naturæ cum jura daret, rebusque creatis,
 Tum primum fines certos, & fœdera nullas
 Fortunæ passura vices imponeret altis
 Sideribus: numerisque suis elementa moveret;
 Et volucrum, natumque genus, pecudesque, ferasque,
 Silvarumque comas, fruticesque, & graminis herbas
 Japetionidæ figmentum nobile dextræ
 Neglectum sine lege putes? quo sidera certis
 Temporibus, motusque Poli ratione feruntur
 Alternant elementa vices humorque, calorque,
 Torpet hyems gelidis Boreæ concreta pruinis.
 Ver tepidis humescit aquis Hyperionis æstas
 Ignibus usta riget, gelidîs crepat aridus Euris
 Autumnus, fœtusque novi solatia terris
 Collectas indulget opes, quas matris in alvo
 Bruma fovet. Zephyrus tepidis enititur alis
 Sic alternatis diversi mensibus anni
 Augusta cadunt, redeuntque suis stata tempora rebus
 Naturæ ducente manu, pars optima rerum,
 Quas oculis spectare datum, ducis indiga tristi
 Libertate perit: varioque cupidinis æstro,
 Qualis Thisiphones agitata furoribus Ino
 Desilit in præceps: unaque amplexa ruina
 Seque suosque trahit, quo turbine pectoris amens
 Quo ruitis mortale genus? quibus ista flagellis

Turba furis? Quis corda Deus? quæ versat Erynnis?
Tu ne tuis æterna putas prævertere magni
Consiliis decreta Jovis? quibus ordine certo
Magna pendens torquetur machina Mundi,
Vel sensu, vel mente capax, ut molibus ipse
Spiritus, infernis præstent sublimia rebus.
Illa quidem, nullo penitus nutantia casu
Æternos visura dies: hæc inscia certo
Stare loco: fetusque novi subnixæ tigillo
Quæ diversa, modis in se coëuntia miris
Gens hominum augustæ nectit sub imagine formæ:
Nata Deum penetrare domos, & fulgida Cœli
Sidera: dum memores, cœlestis originis annos
Exigat, imperio non adversata Tonantis.
Ipsa sibi discors, pugnantibus undique rerum
Seminibus; quam luxus iners, & dira cupido
Quam tumidi fastus, animi, cæcique furores
Præcipitem stimulis agitant; si frena voluntas
Excudit, & victa passim ratione vagatur.
Arbitrio furibunda suo, velut obice rupto
Præcipitant torrentis aquæ, convulsaque ab imo,
Roboraque scopulosque trahunt, vel pulvere campi
Indomiti spaciantur equi, cum rector habenas
Deferuit, viduoque labant temone quadrigæ.
Inde truces animos, & nescia cedere recto
Pectora, & insanas agitatæ mentis Erynnes
Induimus: quales nigri post Tartara Ditis
Alciden egere Canes, vel sanguine nati
Eumenis Ogygiæ dextram maculavit Agaves.
Utque Thyestiades tragicos Agamennone cæso
Inflavit liuos, gladio casurus Orestis.
Colchis Jasonios de se cum pellice natos
Sustulit, Hemonii post fata miserrima Regis.
Sic damnata fero moliti regnâ Creonti
Oedipode, pereunt per mutua vulnera fratres.
Amisissique senex generis tabescit Adrastus.
At Paris Oebalias furtim populatus Amyclas
Lætus Acidaliæ sequitur dum munera Divæ:

Idæis promissa jugis: cum Palladis artes
 Nuda Venus, Junionis opes se judice vicit.
 Europen Asiæ furialibus inculit armis,
 Dardanaque Argolicis evertit Pergama flammis,
 Exul ut emensi post multa pericula ponti
 Æneas, Latio fati melioribus urbem
 Conderet, & magnæ strueret primordia Romæ
 Gentis Juleæ superos aditura triumphis.
 Ad ripas, Tiberine, tuas nec lustra ferarum
 Obstiterint: nec septa rudi magalia culmo
 Pastorumque manus, collectaque Martis Asilo
 Colluvies, Italæ scelerum damnata juventæ:
 Quominus Æneadum late succumberet armis
 Terra, cruentatis Macedum concussa Sarissis:
 Cujus Achemeniis liverent terga flagellis,
 Medorumque notis, postquam Babylonia Susis
 Cessit, & Assiriæ ceciderunt mœnia Nini.
 Tum demum meritas temeratæ solvere pacis
 Jussa vices: quæ prima feras in prælia turmas
 Eduxit: populosque rudes, & nescia belli
 Pectora, præteritæ nequicquam tempore vitæ
 Libera, ferre jugum, & Martis terrore coëgit
 Servitiumque pati sic alternata vicissim
 Gaudia miscentur lacrimis, & tristia lætis
 Ima petunt sublime: ruunt in Tartara, summo
 Quæ steterant suprema loco, gentesque per omnes
 Arcanis versata modis, hominique negatis
 Ancipiti levitate fluunt, velut ultima Tethys
 Oceani refluxo quæ concutit æquora fluxu:
 Quas Scyllæ versat rabies, æstuque furenti
 Sorbet in abruptum, rursusque sub astra Charybdis
 Ejaculatur aquas, neque enim cognovit ibidem
 Stare diu quidquid sensus mens concipit haustu
 Consiliis, Rex magne, tuis, quibus ignea mentes
 Astra movent, elementa regunt, mixtæque caducum
 Molis opus, non lege quidem quam dixeris unam
 Diversa tamen esse neges, cum consona rerum
 Naturæ sint jura: liræ ceu fila canoræ

Concordes vocum referunt discrimine cantus
Nam licet ancipitis variante cupidinis æstu
Huc olim referamur, & huc animoque petamus
Diversis diversa modis, ut quisque videtur
Velle sibi penitusque suis accedere votis:
Non tamen immensi fines, consultaque regis
Evalisse datur, cordis secreta tenentis
Arbitriumque animæ, qui quamvis cogere possit
Invitos, durisque feros urgere lupatis,
Allicit interdum tamen, & dulcedine captos
Quod voluit, nos velle facit, facilique ministros
Imperii trahit arte sui, seu turbine belli
Collapsos mores, corruptaque sæcula turpi
Luxurie, ritusque feros, oblitaque recti
Pectora, & insanas scelerum contagine gentes
Ad frugem revocare juvat, seu reddere paci
Sparsa cruore virum, saturataque cædibus arva,
Et jam pene suis viduas cultoribus urbes.
Sævaque barbaricis tela extorquere lacertis,
Confectumque malis senii gravioribus orbem
Rursus in integræ faciem renovare juventæ
Tristia Tartarei cohibentem monstra profundi
In latebras, tenebrasque suas quibus ætheris ignes,
Puraque flammiferi pallerent lumina Phœbi.
Lucidus imbriferis aër tenebresceret Austris.
Æquor hiems, terras quateret gladiusque, famelique
Morborumque lues, gelidæ contermina morti.
An referam veteres casus regumque, ducumque?
Everasque urbes, casus, recidivaque mœnia, molles
Assyrios, Medosque truces, Persasque superbos,
Et fortunatas Macedum cum rege catervas.
Romulidumque graves animos? Quid Gangis, & Indi
Regna? quid Æthiopum, Niloque admota tepenti?
Quid memorem Penosque truces, Maurosque cruentos
Bethim & adversis Rhodanum, Rhenumque fluentis,
Albin, & Euxinas Istrum qui temperat undas?
Quid Thanaim, Scyticasque nives, & vellere Phryxi
Nec minus insignes Argus certamine Colchos?

Nam

Nam quid Palladias arces, Spartamque? Quod Argos
 Aut Thebas, celebresque alias scriptoribus urbes
 Grajorum: Pelopis quas insula sustinet, & quas
 Creta, Rhodos, Cyprus, semotaque Doridis undis
 Epirus: rerumque potens olim Itala tellus,
 Nil opus a prisco repetitis testibus ævo
 Nil versare manu veterum monumenta: supersunt
 Ante oculos, interque manus cedentia nullis
 Majorum, & contenta suis exempla periclis.
 Nam velut infesto surgentibus æquore monstribus
 Decepti post vota patris, fraudemque novercæ
 Hippolytum trepidæ lacerum traxere quadrigæ
 Excussum temone feri cum lora tenerent
 In media jam morte manus, tractuque rotarum
 Confusi fractis taberent ossibus artus:
 Ecce ruens Latiae ruptis compagibus aula
 Ambitione ducum, Stygiæ livore furentium
 Tisiphones, Italæ penetravit viscera Terræ
 Barbarus, Ausonias ferro, flammisque cruentus
 Depopulatus opes: miseri quid funera vulgi,
 Quid lacrimas, quid vincla querar? Veneremque cruen-
 Et gravius letho vitæ genus? impius hostis (tam,
 Nil templis, arisque dedit, commixta profanis
 Sacra simul pereunt, sed enim per singula rursus
 Ire piget; veterisque notas renovare doloris
 Vulneraque obducto vix dum coëuntia rictu
 Incerta refricare manu: perferre coacti
 Quidquid barbarici norunt commenta furoris.
 Perfidus Herculeæ quæ nec post fata Sagunti
 Hannibal, Hesperiae furialibus intulit armis.
 Quos Marius stravit populos, quos dextra Camilli,
 Non Gotus ira Dei, trucibus non mitior Hunnis
 Vandalus, & longe sortitus nomina Bargæ.
 Et jam pene feris subdebat colla catenis
 Roma, paludosa casu disiecta Ravennæ
 Instantisque metu, desertis mœnibus hostis.
 Nam veluti dira Cannarum strage Terenti
 Varro fugis, Libycæ porcussus vulnere dextræ

Paule jaces : Proh fata ! ducum sic effugit alter
 Ipse feros inter gladios , tormentaue tutus
 Cura Deum magni Medices legatus Juli
 Celtica captivis passurus vincula palmis
 Ecce trahebatur . Summi cum rector olympi
 Tum demum clades Italas miseratus ab alto
 Defixit terris oculos , propiusque labores
 Despexit gemituque virum , dein talia secum :
 Hactenus Ausoniæ fas insultare jacenti ,
 Galle , tibi , quo pergis ? ait , victoria rebus
 Terminus ista tuis : jam jam concedere victo
 Victorem , atque Itala jubeo discedere terra .
 At tu magnorum proles generosa parentum
 Dura pati ne vincla time : labor ultimus hic est ,
 Jam patriæ reddere tuæ , Latioque potitus
 Impia seminecis medicabere valnera terræ ,
 Tristis in auricomam faciem renovabitur Orbis
 Auspiciis , opibusque tuis , hinc astra subibis
 Tranquilla jam pace senex , hoc ordine rerum
 (Ne dubita) te fata manent , tu pectore forti
 Jussa subi , rebusque datis par induc robur .
 Hæc ait , & nutu Cœlos , Terrasque movebat
 Ad mentis secreta suæ , res verba secuta est .
 Continuo rapidas pedibus Cyllenius alas
 Nexus adit terras , turbataque pectora mulcet
 Ausonidum , casusque gravis medicamina monstrat
 Tot victis superesse equitum , peditumque catervas
 Tum magno constare hosti vicisse , tot haustos
 Ense viros , ipsumque ducem cecidisse sub armis .
 Hinc movet Alpinas gentes , Germanaque castra ,
 Inde Caledonios excitat ad arma Britannos .
 Interea miseræ furiis agitata Ravennæ
 Celtarum fera castra labant , Stygiisque tenebris
 Circumfusa ruunt , peditum nam sponte solutis
 Agminibus desertus eques . Tum Panicus hæret
 Mentibus , & late volitans quatit agmina terror .
 Ergo abeunt , retroque pedem vestigia torquent
 Victores , partasque malis , & cæde suorum

Deferuere fuga nullis instantibus urbes.
 Et jam Flaminiae saltus, camposque legebant
 Æmiliae, jam rura Padi stagnantia rivis.
 Tum delecta cohors gelidas properabat ad Alpes
 Captivos, Medicemque trahens, jamque arva tenebant.
 Jam ripas, Ticine, tuas icelus unda refugit:
 Obstupuit tremefactus equus, gressumque repressit,
 Non stimulis, non ille feris calcaribus audit.
 Ecce autem ducente Deo vicina Sacerdos
 Tempa colens, raptis villæ cultoribus instat
 Vix uni metuenda manus, fugere repente
 Custodes, qua quemque pavor, qua casus adegit,
 Armati cessere togæ, paucisque frequentes.
 Illa dies Italæ confregit vincla catenæ
 Munere clara Dei: cum te Pater optime juri
 Restituit fortuna tuo, tunc omnis adempta
 Spes Latii concepta soli, Galloque negatum
 Hesperiiis confidere agris, Alpesque remensus
 Ipse domi timuit conversi vulnera Martis.
 Celtica belligero dum fervet terra tumultu
 Interea Latiae decoratum fascibus aula
 Te patrio tandem gremio Florentia cœpit.
 Illa quidem multo veterum splendore tuorum
 Nobilis, & pulchro magni moderamine Cosmæ,
 Militiæque, domique potens, tum mitibus actis
 Clara Petri, magnis sublimis ad astra triumphis
 Laurenti subvecta patris, qui plurima quamvis
 Pace, domi, belloque foris pulcherrima gessit:
 Agnitus Hesperiiis Laurentius, agnitus Indis
 Ad Boream, mediumque diem celebratus honestis
 Pieridum numeris, clarus moderamine princeps,
 Ingenui constans animi, nullique secundus
 Consiliis, virtute potens, linguaque, manuque
 Et gravibus decorare jocos, & seria ludis.
 O summo mens plena Deo, tot dotibus una
 Multorum complexa decus, quam pectore fas est,
 Concepisse magis quam promere tu tamen ipse
 Quamlibet egregius animi virtutibus urbi

Utilis, hoc uno superas tua, teque beatus
 Prole sacra multum tibi se debere fatetur
 Inclita multarum Florentia nomine rerum;
 Nec grates meminisse piget, puduitque referre
 Viventi, cinerisque rogo, memorique sepulchro.
 Qua licuit, meritis ut quas non dixeris æquas
 Esse putes aliquid, nec dedignere mereri,
 Quæ tamen ob sobolis meritum tibi præmia reddat,
 Non sensu, non mente capit, cœlestibus impar
 Divitiis? Quis digna Deo, quis præmia solvat?
 Mortali nec posse datur, nec scire; quis autem
 Velle neget? liquidum ceratis aëra pennis
 Dum secat, & propius vicinos appetit ignes
 Infelix pelagi submergitur Icarus undis.
 Dædalus Ausoniæ libratis occupat alis
 Littora, Cumæ quondam sacrata Sibyllæ.
 Vestus equi pennis diræ post fata Chymeræ
 Bellerophon, Superum nixus penetrare recessus
 Concidit: effuso disfracta per ossa cerebro.
 Perseæ Gorgoneæ referentem colla Medusæ.
 Arva super Lybiæ sitientibus arida glebis
 Pegæus incolumem patrias adduxit in oras,
 Thesea Tartareæ vinctum cinxere catenæ,
 Piritoique manus, superas remeavit ad auras
 Alcides, prædamque trahens; hos justa movebat
 Causa viros, illos sed enim scelerata cupido,
 Et tumidi fastus animi, spernaxque Deorum
 Contemptus; tua me pietas, patria inclita, amorque
 Fortunæ jubet oblitum, morbique prementis
 Læta serenato modulamina condere vultu
 In generis commune decus. Tu nomine tanto
 Digna mone, cujus nutu Florentia primo
 Nobile tergemine meruit Diadema coronæ,
 Tuque adeo tantæ sortitus pondera molis
 Cœlicolum pia cura Leo, quem summa Tonantis
 Dextra suas præstare vices, terrisque potiri
 Jussit, & immensi laxare repagula Mundi,
 Huc ades, & trepidæ dexter rege vela carinæ:

Auspicio commissa tuo tibi summa profundi
Rudit, & extremas tumidi legit æquoris undas,
Tu rector, tu causa viæ, te præside nullas
Horret aquæ, cœlive minas, da [siquid amoris
Cura gravis, patriumque decus, pietasque meretur,
Mensque uni devota tibi] da numine dextro
Littus, & optati navalia tangere portus.
Vos quoque magnanimi felicia sidera fratres
Consortes tantorum operum, tuque optime magni
Nomen avi referens, & primo flore juvena
Non rebus, non mente minor mihi numinis instar,
Laure, renascentis concordia semina Mundi,
Ferte pedem faciles, vestræque assistite castris
Militiæ, nam vestra cano, Decimique Leonis
Pontificale decus, generis communia vestri
Stemmata, quamquam olim (vitæ modo fila supersint
Sic mihi perpetuos carmen condatur in annos)
Indicto per me vestrum nulli esse licebit
Nec vos parva manent meritæ præconia laudis,
Nunc age Pieriæ cursum repetamus arenæ,
Phœbe parens, magnique Jovis generosa propago
Aonides. Quid enim vestro speremus inertes
Præsidio cessante Deæ? vos incita Cyrrhæ
Pectora, & insani lymphis agitate Lyæi.
Ip̄a pares animos tantis mens ardua rebus
Concipiat, nec lingua potens conceptibus altis
Defuerit, trepido sed enim præcordia versat
Delius, & numeris formata potentibus Evan
Arbitrio movet ora suo, subigitque profari.
Efferat sanguineis gaudens Bellona quadrigis
Jam prope ter senos Latium vastaverat annos
Barbarica feriente manu, quo tempore primum
Impia turbatas discordia perculit urbes
Ausoniæ, rupto tranquillæ fœdere pacis.
Consiliis miserande tuis, quæ tristis Erynnis
Insuber, aut furiis violentior ambitus atris
Impulit, amotos Naturæ finibus hostes
Sollicitare auro, prædæque cupidine ductos

Sponte fovere sinu, quo regni dira libido,
Quo mentem scelerata trahis? tibi pulchra ruinæ
Parthenope grates tibi præmia debet Olanum
Excidii cumulata sui, Venetusque, Lygurque
Quidquid in Hesperios hausit fortuna colonos
Muneris, exemplique tui est, hinc fluxit in omnes
Pectoris atra lues, tractu velut aëris olim
Corrupto, dira serpit contagine pestis,
Cumque suis pereunt armenta, gregesque magistris.
Pastor opem si ferre neget, spernatque mederi;
Disce tuis contenta bonis traducere vitam,
Gens hominum, nec te discordibus auferat ausis
Ambitus, & regni per crimina sæva libido,
Crede Deos fandi memores, dirasque nefandi
Ultrices, & quæ latebras, arcanaque cordis
Semper ubique vident, non conniventia somno
Lumina justitiæ, nec nigri occulta veneni
Pocula, nec noctis tenebris agitata latebunt
Consilia, in medio ponentur ut omnia campo.
Quid tibi barbaricis miscere tumultibus omnem
Profuit Italiam? tristis quid casus amicæ
Parthenopes? emptor scelerum venundatus idem
Exemplis cadis ipse tuis, nec criminis hæres
Auspicio partis fruitur meliore, tot urbes
Eversæ, tot regna, feri tot vulnera Martis,
Tot fortes amissæ animæ, tot cædibus arva
Pinguia, tot Latio squalientes sanguine campi
Sæva tuo de fonte cadunt ignara quietis
Ambitio, tumidi proles vesana Typhœi
Eversura polos, & nigri Tartara Ditis.
Si propius conferre manus, & tendere contra
Vincla sinant, ferroque graves, suræque, manusque,
Infelix mortale genus tibi compede soli
Exuitur, manicisque vacat, dirasque sorores
Excitat, & totis in prælia viribus ardet,
Illa quidem Latix properabat fata ruinæ.
Jamque videbatur facibus, gladiisque paratis
Extremum sortita, diem, cum dextra Tonantis

Obstitit, & miro subeuntibus ordine rebus
 Improvisa tulit lacero medicamina Mundo.
 Expertum tamquam rigidis fornacibus auram
 Adversis, lætisque virum, quem tristia nullis
 Invisum flexere malis, quem prospera numquam
 Oblitum videre sui, partisque minorem
 Fortunis, summo positum sed culmine rerum;
 Ad majora putes animi splendore creatum.
 Hunc Pater omnipotens æterni legibus ævi,
 Promissum Latii columen, rerumque salutem,
 Cum procul ex alto venturæ fata ruinæ
 Cerneret, ætherias in tempore protulit auras:
 Deque tot Italiæ populis, atque urbibus una
 Diligeris, Tuscæ princeps, Florentia palmæ
 Arcanis dignata Dei, Tu conscia magni
 Pignoris, & tanti nutrix celebraris alumni;
 Quanta nec Ogygio jactatur Nisa Lyæo,
 Nobilis Ida Jovis cunis, & Apolline Delos.
 Conceptum tu prima foves, tu matris ab alvo
 Suscipis, & cœli vitalibus imbuis auris
 Tam clarum sortita decus, nec fulminis ignes,
 Nec tonitrus, ventremque premens Lucina reductis
 Ad pectus genibus, geminusque a culmine serpens
 Infesto trepidos conterrui ore parentes,
 Sed purus sine labe dies, nitidusque coruscis
 Effulxit Titan radiis, manifestaque Mundus
 Signa dedit, magnæ ventura in sæcula laudis,
 Romanaque matre fatus. Jovis alite Regni
 Jura capit, Tusci debetur origine patris
 Religio, pietasque viro: nec Pallas honores
 Invidit generosa suos, cautoque Promethei
 Dona Deum collecta sinu nascentis in artus
 Inferuit consulta Themis, dominæque, sui que
 Jussa charis nomen felicibus indidit astris.
 Prætereo cunas, & primæ tempora vitæ
 Nutricis commissa fide, nec proxima primis
 Lustra referre vacat. quamvis nitor indolis ingens
 A teneris, cuncti spatii effulxerit ævi

Ignis ut arentis correptus fomite tedæ
 Crescit, & injectæ superat fastigia silvæ
 Sublimem rapidis diffusus in æthera linguis
 Longa tamen summæ cupidum præconia famæ
 Ad rerum majora vocant. Tu parva silenti
 Da veniam, si parva tamen tua dicere fas est
 Summe virum, cui summa Deus dedit omnia summus,
 Parque annis virtutis opus, sic oris honore
 Perpetuo insignem doctis inspexit Athenis
 Cliniadem flavæ miratrix turba Minervæ.
 Nam gestis, & mente tibi quem conferat olim
 Longa dies? cui par gravitas, probitasque, fidēsque,
 Et pietas, animusque senis puerilibus annis?
 Obstupuit quoties obtutu fixus in uno
 Et pater, & fratres, & siquem casus adegit
 Spectatorem operum nimio splendore tuorum,
 Hinc puer, & vix dum maturo tempore sacris
 Addictus, primoque Dei cultum induis ævo.
 Altius ut teneris animi defixa medullis
 Hæreat æterni lex intemerata parentis
 Sed flammæ facile alta perunt, declivia fluctus
 Ducebat virtutis amor, stimulabat honesti
 Cura simul: laudisque decus fastigia natum
 Summa sequi, vires animo natura secundas
 Indulgebat, opem nec tum fortuna negabat.
 O quoties nec lingua capit, nec pectora felix
 Ingenium, felix magnæ vis mentis, ad omne
 Nata decus, felix animi prudentiâ, felix
 Quidquid inest utrumque viro: quibus attigit astris
 Grammaticen, comitesque duas, numeroque potentes
 Mensuras; vocumque modos, cœlique meatus
 Ille etiam juris nodos, decretaque legum
 Discussurus erat, & sacris tradita chartis
 Magnorum monumenta patrum, secretaque rerum
 Naturæ complexa sinu, votoque potiri
 Fas erat, & Clariæ titulos meruisse coronæ,
 Ni superi ad majora vocent, summusque Sacerdos
 Patribus adscribat lectis, sanctoque Senatu.

Versatur, quo summa loco quo cardine rerum,
 Humanique decus generis, vix prima notabat
 Pubentes lanugo genas, poteratque timere
 Indolis ignarus, & tantum conscius ævi
 Ne tanto non par oneri succumberet ætas,
 Junior illa quidem sed lævi cana vigebat
 Mens puero: cani tenero sub pectore sensus.
 Talis Amyntiades (sacra sit miscere profanis)
 Nicomachi sub prole puer post fata parentis
 Medica pelleis subjecit terga flagellis,
 Non animos sublimis honos, non fastus inanes
 Extulit, aut oblita sui clementia mitis,
 Parque animo vultus, sermo, cultusque modesti,
 Tum mores gravitate hilares, tristisque venustas:
 Et quod ames gravitas, & quod venereris habebat,
 Et pudor, & tenera quales in virgine sensus.
 Indole non alia sublimis ab æde Palati
 Scipiades, duros armis pacavit Hiberos,
 Hannibalem Latiis divulsum dispulit oris,
 Punica Romulæ submisit colla securi.
 Tum divina sacri repetebant carmina vates,
 Venturæque decus maturo tempore laudis,
 Et decantatum triplicis diadema coronæ
 Munera læta sacri titulo celebrantur honoris
 Fit plausus, gaudentque patres, gestitque juvenus.
 Certavere senes pueris, victoria nurat
 Lætitiæ, nec Roma suæ concedit alumna.
 Interea placidæ temerato fœdere pacis
 Impia turbatas discordia dispulit urbes,
 Gallicaque Hesperiiis immiscuit agmina terris.
 Prima mali labes Romana sede potitus
 Cantaber; inde furens, cæcusque cupidine regni
 Insuber admotis poterat tamen artibus ulcus
 Molliri, vincique dolor, sensimque repressus
 Sanari, si docta manus, si lene venenum
 Ferret opem, magni sed enim prævertere Regis
 Consilium, mentemque nefas, concesserat olim
 Parcarum in leges genitor tuus, una salutis

In tantis spes una malis medicinaque rerum
 Qui foret inspectæ meditatus fulcra ruinæ,
 Qualiter egregius celsa de puppe magister
 Astra procul, ventosque truces, tumidasque procellas
 Prospicit, & nutu velorum temperat alas,
 Intentos volvens oculos, fragilemque carinam
 Per scopulos, per saxa regit, portuque recondit.
 Si cadit, ignarusque subit, clavumque gubernat,
 Inter turbato summergeitur æquore classis.
 Dissensere duces, & qui servare propinquam
 Nixus erat, vitam pariter, regnumque, suosque
 Amittit, partoque dolis male fungitur alter
 Imperio: atque utinam solos fortuna nocentes
 Ultra foret: periire gravis sub mole ruinæ
 Infantes fontesque simul. Quid conquerar? aut quos
 Incusem? nec culpa latet, veniamque meretur
 Judicio fortuna tuo, per tela, per ignes
 Transtulit in Latias Æneas Pergama terras.
 Tot terra, tot passus aqua, vix quattuor actis
 Penelopen lustris sollers inspexit Ulyxes,
 Expertus quid bella queat, quid monstra, quid undæ.
 Invidia patriæ depulsus sede Camillus
 Reddidit ingratis obsessam civibus arcem.
 Quid multis manifesta sequar? jactatur acerbis
 Casibus, & fulvum tamquam fornacibus aurum
 Excoquitur, quicumque petit majoribus altum
 Auspiciis, populisque parat miranda futuris,
 Respice legiferum per mille pericula Mosen
 Jussa Palestinæ confinia tangere terræ.
 Dilectumque Deo fidibus Davida canoris
 Extorrem tam multa pati, sceptroque potitum
 Temporibus Solymæ diademata jungere vitæ.
 Te quoque collapsi sanantem vulnera sæcli
 Cœlicolæ voluere premi, rebusque secundis
 Expertum, variis durare laboribus altum
 Pectus, ad ingentis sublimia pondera molis.
 Hinc urgente die laribus discedis avitis,
 Cognatæque petis ingentia mœnia Romæ.

Tum

Tum vero patuere animi sublimia magni
Robora, parque sibi cautæ sollertia mentis
Semper, & a nullo pectus violabile casu,
Et major, quàm quæ possit constantia vinci
Conatu; Fortuna, tuo, non læta superbum,
Non humilem videre feris adversa procellis;
Perpetuus sed enim vitæ tenor, omnibus idem
Casibus, & numquam (quantum res ipsa sinebat)
Dissimilis, quam larga manus, facilisque petenti
Munificos superabat avos, nullique negatum
Tecta sacræ celebrare domus, dapibusque potiri
Hospitioque frui, patræ seu fœdere gentis,
Seu miæge multifidæ titulis & jure Minervæ.
Accedebat ad hoc læti præstantia vultus,
Nec minor officii meritis, & mole voluntas
Promptior, & voti velocius impete factum
Iis, aliisque animus hominum sibi dotibus actos
Conciliabat amor, teque ad suprema vocabat.
Jamque adeo Medices gentis splendore superbuni
Nomen in unius ulnis, gremioque vigebat
Romanos inter procures. penitusque latentî
Consilio superum, quod mox effudit in auras
Parturiebat opus. quamvis premeretur iniquis
Ponderibus, ceu palma cavi sub fornice saxi
Incrementa capit. duri mox robore trunci
Nixâ solo, tandem superat, lapidemque prementem
Perforat, & lætis spatiat in aëra ramis.
Ipsa quidem primo tardum fortuna movebat
Lenta gradum cohibente Deo, tacitisque coquebat
Fomitibus tantæ latitantia semina molis,
Donec ad extremum subeuntibus ordine rebus
Perventum, formæque decus digesta recepit
Materies, talis genitæ crescit in arvo
Arcanis genitura modis, sensimque resumptis
Viribus, humanos apte formantur in artus,
Maturusque suis procedit mensibus infans
Namque a Parthenopes casu, Capuæque rapinis
Uique sub Adriacæ miseranda cadavera pugna

Ocia privatæ licuit traducere vitæ.
Ast ubi per varias clades, Martisque ruinas
Conversis regum studiis tentavit Julius
Victores Italia Gallos depellere terra:
Cura datur magni magno tibi maxima belli,
Humani quod juris erat, mentisque, manusque
Confectum, vires animi, prudentia, virtus,
Nil reliqui fecere sibi, & si certa daretur
Vincendi spes, certa fuit, sed plurima belli
Sors habet, & dubio pendet victoria casu.
Obduxere diem nebulæ, dirumque refugit
Sol scelus, & mæsto præsepsit lumina cælo:
Cum damnata feræ miscerent prælia dextræ.
O rabies, cæcusque furor. Quæ gloria tanti,
Quæ sceleris merces? probat exitus acta profecto,
Victorem vicisse piget, victumque vicissim
Tristis agit, trepidatque fuga, multosque per annos
Parta cruore suo campos, urbesque relinquit.
At tibi cura Deum magnorum maxime patrum
Alma dies staturâ redit, vinclisque solutis
Tecta subis patriæ, quæ te fortuna premebat
Gallorum mutata fovet, gremioque receptum
Attollit super astra potens, sic parvulus infans
Exiguus furtim spaciis adolescit ad annos
Pubis, & incerto spectantes decipit auctu.
Ast ubi maturo jam tempore fortior ætas
Ingruit; ingenti subito ferit aëra saltu:
Ductile ceu festo subcrescit pæγμα theatro.
Namque senex medio rerum certamine terras
Deferit: & superis concedit Julius astris.
Conveniunt procures, & tanti quæritur hæres
Imperii, diversa trahit sententia patres -
Hos rugæ, canique movent, & serior ætas,
Mos alios, seriesque gradus, nec defuit arctæ
Cultor amicitiae, quem publica causa moveret.
Privati quem cura boni, quos vivida virtus.
Consultitur, sed quis magno successor Julo
Dignior aut melior quam quem sibi legit Julius

Ante obitum? quamquam vix dum maturus honori
Esse putaretur, spectantibus acta parentum,
Ambigitur, mussantque senes, hæretque juvenus.
Ecce autem subito mentes invasit ab alto
Spiritus, & cunctos eadem ad suffragia vertit.
Pontificem patria primus te voce salutat,
Primus adoratæ civis dedit oscula plantæ
Pronus humi procerum, sequitur venerabilis ordo
Certatim, folioque locant, faustumque precantur.
Quæ nunc Calliope, quis nunc mihi carmen Apollo
Suggerat? & quantos hominum non concipit haustus
Ponat in ore sonos? o magni conditor orbis
O rector, quem nulla latent, immensa potestas,
Dexter ades, metamque rotis adsisce petenti
Curriculo, tumidis duce te se credidit undis
Cymba, tua rursus tutos petit alite portus.
Admiranda sacræ referens præconia dextræ,
Quæ nostri videre oculi, quæ cominus ipse
Tractare manus, nec lumine segnior auris,
Spargitur Europes extemplo fama per urbes
Ocyor, & variis populos rumoribus implet,
Ingens lætitiæ mixtus stupor, unde senatus
Prætulerit senibus juvenem, quæ tanta repente
Præcipites momenta patres, quæ cura paventes
Impulerit, longam tanti spem ponere regni.
Jamque alias alius, pro captu mentis, & æstu
Pectoris, in medium causas proferre laborat
Nequidquam, sed nulla coit, ni sola voluntas
Illius qui cuncta movet, qui cuncta gubernat,
Arbitrio digesta suo, miratur, & alta
Non dubiam spem mente fovēt, operataque lapsis
Rebus opem meritis venerantur numina votis.
Nec fauces concepta premunt, plausuque secundo
Inclita magnanimæ resonant insignia gentis.
Quamquam autem lætis strepat undique vocibus orbis,
Romanæ quacunque pedum non despicit Aulæ
Una tamen longe magno discrimine vincit
Lætitiæ, cunctisque magis Florentia gestit

Publica privatis certant spectacula ludis,
Per multos celebrata dies, cœloque repente
Densa coronatæ cinxerunt compite flammæ,
Tum festo clamore chori, lituique, tubæque
Fumiferas variis implent clangoribus auras,
Atque ita non ullo pariter discrimine cunctos
Cernere erat gestire animis; ceu duceret ipsis
Quæsitum tam grande decus, solisque voluptas
Parta foret multos votis optata per annos.
Hos animi motus dispar fortuna docebat
Non dubia ratione pares, pro viribus omnes
Divitibus certavit inops, vulgusque senatu
Nec vinci, nec vincere erat vox læta per omnes
Una vias repetita frequens, cava sidera pulsat
Præcipue qua se Medices fulgentia tollunt
Excelsæ monumenta domus, cœloque minantur.
Hæc properant in tectâ greges juvenumque, senumque,
Agnatæque manus fratres uno ore salutant
Gratanturque tuis, tum mobilis agmina vulgi
Cum clamore ruunt, & sidera voce fatigant,
Læta mero, dapibusque novis, nummisque superne
Effusis, rebusque aliis, concurritur acri
Impete, & in medio surgunt certamina plausu,
Dona sibi dum quisque cupit conjecta, rapitque.
Interea multos tacitæ servata per annos
Monstra Deum, & tantæ jampridem conscia molis
Sacrorum in medium referuntur carmina vatum,
Jamque aliquis nigræ per longa silentia noctis
Auditas memorant voces, sortitaque tandem
Verba fidem quamvis multo jactata periculo.
Insomnis hic visa canit, folioque sedentem
Pontificis Medicen sceptro, mitraque potiri
Ille canit visos sub lumina Solis, & ortum
Instar Apollinæ rutilantes lampadis orbes
Phœbeo prodire sinu, Cœloque vagari
Rosida qua croceos Aurora effundit amictus.
Ast alius magni qua tenditur area templi,
Lucis ait medio cultu, canisque verendis

Fatidicum vidisse senem manifesta canentem
 Signa, domi quæ mox Medicem congressus aperte
 Viderit impendens capiti fulgore corusco
 Pontificale decus, sacræque insigne coronæ.
 Perstrictos tum luce oculos, pectusque pavore
 Attonitum, nullisque diu mox artibus usquam
 Quæsitum tota urbe senem potuisse videri.
 Tum qua nocte frequens invasit mœnia rumor,
 Præscius instantis, quarti vix conscia Veris,
 Pontificem crebro Medicen clamore puella
 Sueta, remulcenti fertur dixisse parenti,
 Nunc minime est, cras mater erit, mirantibus alter.
 Hactenus a prima referebat origine vatum
 Dicta, fidem rebus tandem sortita peractis.
 Attollunt cum voce manus, divumque salutant
 Numen, & æterno grates meminere parenti
 Nec minus accepti tunc primum muneris orant
 Lætitiâ, placideque frui, longumque potiri,
 Atque ea dum læto celebrat Florentia plausu,
 Quæsitæque diu manifesto numine pacis,
 Spem fovet exacti repetens vestigia sæcli,
 Roma suo pariter meritos addicit honores
 Pontifici, & variis geminat spectacula ludis.
 Qualia post Geticæ miseranda exempla ruinæ
 Ipse sua numquam prospexit ab arce Quirinus,
 Exeruit medio flavum caput Albula cursu
 Æmula Cæsareis miratur gesta triumphis.
 Tum pater armifoni compescens lumina templi,
 Omnia Romulidæ fas est, sperare nepotes
 Hoc duce Janus ait, quidquid prior attulit ætas
 Egregium, Decimi revocabunt sæcla Leonis.
 Nam veluti natura virum collegit in unum
 Semina virtutum generi communia vestro,
 Sic vires fortuna dedit, rebusque gerendis
 Læta pares indulsit opes, si copia tantis
 Par animis datur, ulla tamen jam certa laborum
 Spes homini, jam certa salus, terræque, marique:
 Vos modo contractum veteris caligine sæcli

Expurgate nefas, paribusque assistite votis.
 Aurea falciferi redierunt sæcula Regis.
 Talia dicenti tetricæ arrisere sorores,
 Cœlicolumque manus, lævum fulgore corusco
 Intonuit pater omnipotens: Tritonia jussis
 Audit, & Odrysiæ molitur vincla Tyranno.
 Qualia lenigenæ thalamo perpeffus adulter
 Cyclopum perfecta manu, Siculisque caminis:
 Excudit armatas animis Cyllenius iras,
 Lucidior pulsus effulfit nubibus aër.
 Protinus & læto strepuerunt omnia plausu,
 O magnæ stirps sacra domus generosa propago
 O Latium, Thuscumque decus, genus undique Cœlo
 Admorum, quis nescit enim belloque, togaque
 Per tot ducta viros Medices præconia gentis,
 Ursinæ quem fama domus, quem gloria nulli
 Non audita later? Qua littora pulsat in orbem
 Doris, & immixtis tellurem dividit undis.
 Non ergo te (quamvis isto quoque nomine miror)
 Felicem veterum memorem virtute parentum
 Tanta tibi, tam multa suo concessit alumno
 Æterni vis summa boni: te matris ab alvo
 Mox puerum sensimque viris adscripsit adultum;
 Mirus ubique tibi vitæ tenor: altior annis,
 Præsidio, ductuque eodem, tot signa, tot olim
 Visa modis, majora datis ventura notarunt.
 Sic ubi Cardinei titulis admisit honoris,
 Nobile tergeminæ pactus Diadema coronæ
 Tot monstris, signisque dedit, per tela, per ignes
 Experto, nec fata modum posuisse videntur,
 Nescio quid, sed majus adhuc promittit olympus
 Pontificis solio, si quid tamen altius effert,
 Humanumque caput sublimius inserit astris.
 Nempe minor Cyro Xerxes, majorque Philippo
 Filius, ipse suo Cæsar concedit Alumno.
 Quid tua Pontificum prohibet superare priorum
 Gesta decus? superabis enim, sperataque longum
 Te duce summa petent rerum fastigia mystæ,

Rur-

Rurfus & antiquo ponetur cardine Roma.
Huic Eurus, Zephyrusque dabit, Boreasque, Notusque
Colla jugo: pronusque sacrae feret oscula plantæ
Quisquis Apollineæ fruitur dulcedine lucis.
Impia Tartareæ latitabunt monstra Megæra.
Ibit avaritiæ pectus sitis, ibit honorum
Ambitus & lævæ livor Stygis æditus alvo;
Occidet insanæ mentis furor, occidet amens
Luxus, & ingrato ventosa superbia fastu.
Sævus Hyperboreo tabescet carcere Mavors.
Jura, fides, pietas, positæ reget omnia telis
Una fides, unus pastor, lex omnibus una.
Adiice divini præter miranda favoris
Signa, fidem multis jam dudum nata periclis:
Humanæ quoque sortis opes, nam junior ætas
Sufficit, & rebus vires, & tempus agendis.
Adde duos fratres, clarumque ex fratre nepotem
Concordes animas, summique admota Tonantis
Pectora consiliis: quorum virtutibus uni
Non pavidus magni frenos commiseris orbis.
Hinc quoque tantarum certa spe sumere rerum
Fundamenta licet, cœloque attollere molem
Vix bene Romanæ solium te cæperat Aulæ;
Aspera, Sithonii posuerunt classica Martis,
Adversæque tuis avibus cojere phalanges,
Et tumidas Gallo dextras junxere Britanni.
Denique pace frui per te conceditur, omnes
Auctorem te pacis habent. Tu reddis honori
Dejectos olim proceres; tu si quid Julius
Consultuit gravius relevas; tu cruda jacentis
Vulnera; tu laceros fomentis mollibus artus
Ausoniæ mulcens reficis, reddisque saluti.
O veri pastoris opus! tu rapta luporum
Faucibus extorques umbrosæ pascua vallis,
Salvigenumque pecus patriis exorsus ab oris
Clara reformandæ passim primordia terræ.
O veræ pietatis opes, o vera parentis
Officia! hic cultus sacris, hæc debita mystis

Religio, qui servet oves præponere, non qui
Perdat, & ignaræ vescatur sanguine mandræ.
Qui bona, quæ fieri mandat, prior egerit, idem
Dictator, factorque operum quis claruit ætas
Prisca viris. nostræ florecent sæcula vitæ
Te modo mortales inter qui summa tenere
Jussit, ut inferno confusi turbine Mundi
Rursus in antiquam referas simulacra figuram;
Cœpta sequi, studioque velit, metaque potiri,
Sed volet, atque adeo voluit, ni velle recuses,
Quæ cupis, & vultu pariter, dextraque fateris.
Perge favent superi, tua post vestigia lætus
Orbis abit, nec sola sacri ducis Italia tellus
Sensit opes, Medicasque manus, magnumque salutis
Auctorem, supplex avidis complectitur ulnis.
O quater & quoties animus non concipit, illos
Felices tantorum operum, quos sidera testes
Esse volunt, interque manus tractare superbum
Regis opus, me fata meis contraria votis
Cominus ingentis trepidantem fulgura lucis
Stare vetant, limbumque sacra contingere vestis;
Te tamen absentes animo, mentisque videmus
Obrutu, fruimurque tuæ dulcedine famæ
Implentis terræque globum, pelagumque, polumque.
O mihi si qua pias auditas numina voces
Quis Deus ancipitis pulsa caligine morbi,
Quis dabit in folio propius sublime sedentis
Oscula adoratae cupido suffligere plantæ?
O, ego quantus ero! Lachesi tam longa supersint
Lina diu tanto liceat dum munere fungi.
Tunc quoque dulce mori, veniet felicior unquam
Illa dies! veniet, magnis, nec cedere votis
Spes didicit: cupidaque minor succumbere menti.
Et jam Romana videor nocturnus in aula,
Dulcia vel patriæ visentis mœnia terræ,
Ante sacros astare pedes: somnoque solutus
Do veniam, Mycille, tuæ mihi conscius iræ:
Immemorem quo ducis amor? Quæ certa quadrigis

Meta datur fessis? Finem jam pone labori,
 Musa, tuo, neque enim numeris comprehenderis ullis
 Tam clarum, tam grande decus, nomenque, genusque.
 Carpathio citius numerabis in æquore fluctus,
 Turbatas vento Libyæ sitientis arenas,
 Sidera flammifero passim rutilantia cœlo,
 Diva, quater magni referas quam stemmata Jani,
 Quid Leo, quid decimus, Medices quid sanguine Floræ;
 Sic visum. Rex summe, tibi qui robore dextræ
 Cuncta tuæ digesta regis, referasque, ferasque
 Æternis freta consiliis, terramque, polumque
 Omnipotens vis, mens, & amor, tibi gloria soli,
 Qui depressa levas, premis ardua trinus, & unus:
 Pace diu, donisque tuis concede potiri.
 At tu quem summa rerum Deus arce locavit,
 Et cœli concessit opes, hominumque salutem,
 Salve sancte parens, lapsis spes unica rebus.
 Certa salus, ter quina datus post sæcula terræ
 Maximus Arnigenæ salvator origine Floræ,
 Salve iterum, felixque orbi, patriæque, tuisque
 Hæredem magni referas Augustus Juli.

S I L V A

*Cui titulus Icones, in Julii Medicei, mox sub nomine
 Clementis VII. Pont. Max. laudem enarrata.*

A R G U M E N T U M.

Dum Capreas jaculis ageret per lustra fugaces
 Narcissum, fidæ deseruere manus,
 Captat amans tacitis vestigia passibus Echo,
 Et pudet, & soli gaudet adesse tamen,
 Ille labore, simul fessus, prædaque potitus
 Constitit, aquis adest, huc coeamus, ait.
 Vistus amore pudor, coeamus retulit Echo;
 Et petit optatis ora premenda notis.
 Prosiluit nymphaque puer, prædaque relicta
 Diffugiens dubios murmurat ore sonos,

Futilis insultat paribus sermonibus Echo ,
 Et repidæ lacrimis immaduere genæ .
 Spreta dolet, comitesque fugit, specubusque sub altis
 Tristia perpetuo membra dolore liquat ,
 Crescit amor, crescuntque graves in pectore curæ
 Nulla dies, nullum profuit artis opus,
 Vultus abiit, tenues vanescit corpus in auras
 Occupat ossa lapis, vox tamen una manet.
 Hac ope Junonis acceptas reddere voces
 Gaudet, in hoc uno vita reducta sono est.
 Quis vetat ancipiti tenebrarum carcere clausum
 Vocalis nymphæ verba referre modis .
 Quod summum natura dedit, fortuna reliquit
 In laudes referam gratus, Jule, tuas .

Dives Achilleos quo carmine panderet ausus
 Mæonidem, Phœbique parens, omnisque sororum
 Instituit facunda manus, triplicesque Maroni
 Indulgit numeros Helicon, & conscia Baccho
 Nyfa corimbiferis, Nyfa usque exercita thyrsis,
 Cyrrhæumque jugum, Cyrrhæque potentior æstro
 Mæcenas, Auguste, tuus, tuque optime Cæsar .
 At mihi Pieridum si non lymphatus ab antro
 Attonitos movet ore sonos, afflataque fingit
 Spiritus Aoniis agitans præcordia flabris
 Romulææ tutela domus, sceptrique supremi
 Rector adest, Thuscoque celer non segnior auro,
 Quem sancto natura Duci poscentibus astris
 Confortem, comitemque dedit, generisque, sacrique
 Muneris, imperiique vices curasque gerentem
 Quo pelago jactata ratis quo Castore pubes
 Littora tuta petat, portuque subintret amico
 Auspiciis confisa novis, navalia læti
 Sidere non alio subeunt per cærula nautæ,
 Ipsa licet mediis Helenæ se tristis in undis
 Inferat, & tortis alte unda dehiscat arenis.
 Ergo ades, & tumidi servatum ex æquoris undis
 In medio concepta mari, dirasque tenebras

Inter, & infensi minitantiæ fulmina cœli
 Solvere vota jube non quas Gangetica tellus
 Fundit, opes Arabumque domus, Hermusque, Tagusque
 Quas gemina premit arce polus Rhamnuntis alumnæ
 Munera continuo dominum mutantia lapsu.
 Te monumenta decent volucris superantia cursum
 Temporis, & nullo fatum passura sub ævo
 Ille ea cujus agis partes, cui vivimus olim
 Pro meritis congesta dabit, nos longa feremus,
 Qua licet, in populos meritæ præconia famæ.
 Quod si priscus amor grati si pectoris ulli
 Mens superum devota placet, pietasque, fidesque
 Julius in longum Medices cantabitur ævum.
 Tu modo, quas tenui meditatur harundine vates,
 Crescere laude tua non dedignere Camœnas,
 Sic ubi labra merum nec jam capit aëra messes,
 Alma Ceres parvi lætatur munere ferti
 Sepositis Bromium placat sibi vinitor uvis,
 Et qui stelliferi frenos moderatur olympi
 Divitias, fascēs, populos, largitus & urbes,
 Aspicit exiguis fumantes ignibus aras
 Contentus precibusque piis, & thuris onore,
 Sed neque marmoreis aulea nitentia templis,
 Non ebur. aut fulvum signis radiantibus aurum,
 Artificumque manu, & variis stellantia gemmis
 Pocula, & aurata candelentes fronte juvenci
 Tam faciles flexere Deos, quam conscia recti
 Simplicitas, fūcoque carens, & pectore longe
 Inferior, sed fortunis par victima dantis.
 An renuam quia digna tuo munuscula cultu
 Non adfunt, quæcumque mihi Rhamnusia fecit
 In laudes conferre tuas, quis magna daturum
 Crediderit qui parva negat? licet invida frontis
 Abstulerit fortuna decus, veterisque rapinæ
 Pertulerim portenta novus sine crimine Phineus,
 Mens tamen, & vires animi, dotēsque supersunt
 Ingenii, & fato vix concessura potenti
 Munera Thespiadum, quod si te præside tristes

Harpias, Zethesque puer, Calaisque, repellent
 Jactatumque diu cœli, pelagique ruinis
 Excipiet tellure quies, portuque secundo
 Forsitan (esto procul livor, mitissimus adsis
 Juppiter) Æneadum numeris accesserit alter
 Mæonides, æquet patrios qui carmine fastus
 Complexus cœlum ac terras, rerumque quod usquam est,
 Adscribarque tuis non ultima gloria rebus.
 Sed tamen hoc olim Deus, & tua cura videbit;
 Interea promissa fides concepta sequatur
 Nomine vota tuo Latias cum virbius oras
 Impleret, laudesque tui Patruelis, & altum
 Pontificis decus, & vestræ præconia gentis,
 Æterno si fata sinant committeret ævo:
 Unde ferar, quo fonte Dæ, quis carminis orfus,
 Quis mihi limes erit, quæ prima aut ultima dicam
 Quæ medio referam cursu, quæ pectora, quæ vis
 Ingenii, quæ mens tantæ fastigia molis,
 Qui capiant animi, quæ vox, quæ promere tantos
 Conceptus, quæ verba queant, quis spiritus oris,
 Quæ fauces, quæ lingua sonet? tribuenda Platoni
 Si qua fides, non absque Deo modulatur Homeri
 Carmen Ion, majorque suis tunc viribus altos
 Eructat numeros, & dignas numine voces.
 Quid qui Bistonio committit Pallada Marti,
 Et Diomedea molitur vulnera dextra,
 Qui Phrygios Latia componit sede Penates,
 Qui Lyricos movet arte modos, qui Phasin, & Argo,
 Qui focerum, generumque canit, qui corpora mutat,
 Oedipodionias cingit qui milite Thebas,
 Punica qui Latiae summittit castra securi,
 Quique alii merito signantur nomine vates,
 Et mihi numen adest; trepidamque in pectore dulcis
 Nescio quis, sed agit mentem furor, excidit omnis
 Cura, dolorque animo: fugit omnis corpore languor:
 Mortalesque abeunt sensus: subit igneus artus.
 Ignoto de fonte vigor, tum major anhelu
 Spiritus ore sonat: fibrisque exestuat imis

Fervidus: & pavido concutit præcordia motu,
 Ingentesque avido captus, & iensa ministrat
 Humanis majora modis: tuaque omnia, teque,
 Majoresque tuos, transactaque sæcula monstrat.
 Ut quondam modico sublimis in aggere ductor,
 Cum procul ære dato turmas percenset euntes,
 Luce recens orta, vel Sole cadente sub undas,
 Præteritos post terga notat; præsentia cernit
 Ora virum: longe venientum prospicit umbras.
 Sed quid avos, proavosque tuos. Cosmanque, Petrūque
 Gentilesque alios referam: longumque superbæ
 Stemma domus? veterumque notis, & voce recenti
 Nomina dicta mihi? lacrimas removemus inanes?
 Admissumque prius properata morte parentem,
 (Proh miserum mortale genus!) quam nosse liceret.
 Haud equidem captus hominis, mentesque putarim
 Consilii potiora Dei: licet ætheris alti
 Participes animos, cognataque semina cœlo
 Hauriat, & summi decoretur imagine patris:
 Immensum parvis complexus finibus orbem,
 Cum levis; & puro cœli de lumine fulgor
 Corporis obductus tenebris, & pondere terræ
 Ima petat, longeque extremis exul in oris
 Perfectum capiat nihil: imperfectus & ipse.
 At Deus æterni fons luminis, omnia solus
 Qui fecit; solus tenet omnia, temporis exfors.
 Si tamen, humani quanta est prudentia captus,
 Judicium proferre licet, mandataque famæ,
 Patre super concepta tuo: majoris acerbum
 Indolis amisit nullum Florentia civem.
 Sive placent animi vires, seu robur honesti
 Corporis: & faciles utrimque ad munia dotes.
 Quem si fata virum nostris non invida rebus
 Servassent Patriæ incolumen, fratrique, tibi que,
 Forsitan Etruscas fines, & littus utrumque
 Ocyus. At superi satis est optata parentum
 Progeniem præstare sacram, quando omnia vestris
 Imperiis terra, atque mari, cœloque geruntur.

Nec

Nec licet arcanas homini cognoscere causas:
 Qui cursus, qui finis erit? latet abdita magni
 Mente Jovis decreta dies, mutatus in horas
 Turbida mixtorum series subeuntque, caduntque,
 Alternis animata modis, cursimque feruntur
 Tam multæ rerum species, numeroque, locoque
 Et quæque magis protenditur undique moles:
 Hoc plures rerum facies recipitque, fovetque,
 Hoc mage diversis gaudet variata figuris.
 Nonne vides quot terra ferax animalia, plantas,
 Quot frutices, quot fert herbas? quot cæcula pisces
 Alta natant, quot aves, insectaque sustinet ær.
 An ne putem vacuas cultoribus ætheris oras.
 Cœlestesque globos, & inania sidera ferri,
 Ut lites, & amicitias coëuntia nectant
 Inter se, & versis solvam elementa catervis.
 Scilicet omnipotens opifex, & nescia falli
 Naturæ fecunda manus, mortalibus omnes
 Indulsit Veneris numeros? æterna malignis
 Artibus, & sævæ fraudavit more novercæ.
 Quodque imis large rebus dedit, abstulit altis.
 Ut breviora thoro qui stragula possidet: ima
 Crura tegens, caput infelix, & pectora nudat.
 Usque adeone furēns agitant dementia quemquam
 Credat ut hæc, & non potius contraria prorsus?
 Quidquid habent igitur supremi elementa decoris,
 Illius umbra tibi est; summo qui fulget olympo.
 Utque nitens cœli facies, terræque, marisque,
 Vincit opus: cum materiæ, tum inolis honore:
 Sic forma, sic multiplici discrimine rerum
 Cœlesti mortale decus concedit, eoque
 Siqua tenent humana boni, referuntur ad ipsum
 Principium, rectique patrem, propiusque quiescunt
 Auctori conjuncta suo; qui fonte perenni
 Fusa sinu rursus recipit, ceu flumina magnus
 Oceanus, totum late diffusa per orbem
 Mittit; & ingenti redeuntia fuscipit alveo.
 Hinc tuus exacto mortalis tempore cursus,

Deferuit terras, genitor, vitæque futura
Ad decus, & numeros, sibi quæ virtute pararat,
Elysios inter procures loca liber adivit.
Inde ubi ad excelsi perventum culmen olympi,
Protinus ambrosiæ succis, & nectare sacro
Perfusus, nunquam perituræ munera vitæ
Aggreditur, pulsaque procul caligine lætus
Delpicit in medio libratam pondere molem,
Atque irrumpentem terras circumque prementem
Oceanum, fuso late super aëre cingi,
Ætheraque immenso complexum cetera gyro.
Tum variam externo fulgentem lumine Phœben,
Quosque errans ignis Cyllenius implicat orbes
Phœbeos subter radios, quos mane sequatur
Phosphorus, & sero præcedat sidere Vesper,
Atque ipsum adversis nitentem ad summa quadrigis
Naturæ, lucisque ducem, terramque, fretumque,
Et totum igniferis implentem curribus orbem.
Sanguineumque rubens, & tristi cæde cruentum
Martis & horrendum miseris mortalibus astrum
Inde Jovis regale jubar, placidamque corusca
Luce facem; populis, & regibus utile sidus.
Mox & falciferi liventes cominus ignes
Saturni, & lento pallentem frigore flammam,
Nec procul innumera stellati lampade cœli
Signifer, & variis simulacra ingentia formis
Apparent, altoque patet via lactea clivo.
Tum fugiens oculos, & qui rapit omnia secum
Concolor orbis adest, motu modo cognitus ipso.
Qui celer, & mundi sonitu modulantis acuto
Altius assurgit, cum Luna gravissima vocem
Deprimat: & medios diversis motibus orbes
Temperet in dulces numeros discordia concors.
Ut quondam variæ certo discrimine cordæ
Concentum peperere lyre, blandumque sonorem.
Et quamvis ingens tanto de corpore, qualem
Fas prodire sonum late omnes impleat oras:
Non tamen humanas quoquam descendit ad aures.

Sic

Sic qui præcipitem summo de vertice Nilum
Accolit, auditos primæ sub tempore lucis
Ingentes nescit strepitus, undæque ruinam
Ilicet ardentis referatur machina mundi;
Cœlicolumque domus, summique excelsa Tonantis
Regia, non ullis obnoxia motibus, imus
Ambitus, extremi finisque novissimus orbis,
Complexus qui cuncta, nihil se deserit extra.
Hinc neque finitum credas, neque dicere possis
Immensum; sed enim nixus consumpsit in illo,
Et vires natura suas: corpusque supremum
Esse dedit, tantoque alias excedere moles,
Quanto nobilior causis mens prima secundis;
Hæc domus, & vitæ sedes tranquilla beata.
Lucis inaccessæ sedes, immobilis; exsors
Turbinis omnis, ubi prædivite copia cornu
Spargitur, omnigenum late diffusa bonorum.
Quam neque mortales ullis auditibus aures:
Nullus Aristorides centenis orbibus Argus
Luminis, aut ullo penetravit acumine Lynceus,
Scrutatus pelagique vias, & viscera terræ.
Non quæ naturæ ductus, causasque latentes
Inclita sollerti cinxere indagine corda
Divitias hic ipse suas seseque triformis
Explicat, & posito modus velamine vultus
Æternos aperit Deus, & simul omnia secum.
Participesque sui præsentia cernere mentes
Quæ cuicumque libet nullis ambagibus ultro
Imperat, acta cupit pariter, potiturque voluntas.
Hæc postquàm spectata satis patuere parenti,
Et simul arcano fatorum numine vidit:
Siqua Deum livore sibi periisse putabat,
Accessura tuis maturo tempore rebus;
Gaudet, æterno grates agit inde Tonanti.
Dumque recens animo confert ventura peractis,
Tantarum vel pluris emat fastigia rerum.
Exiguæ tam parva moræ dispendia lætus,
Tam largæ mercede Deum cumulata reponi.

Hæredemque suum spectante te, & laudis, & ævi.
 Gratum, ait, est, superi, quidquid mihi munere vestro
 Concessum, generique meo, vos numine vestro
 In sobolem transferre meam, nec plura locuto
 Annuit omnipotens, & decernente senatu
 Coelicolum, quondam multis optata parentum
 Unius accipiunt cumularis pectora donis.
 Protinus ingonii donat Saturnus acumen,
 Juppiter imperium, majestatemque verendam,
 Corporis, atque animi vires, in prælia Mavors,
 Sacra Deum, morelque pios indulget Apollo.
 Ora Venus Charitum donis, mentemque decorat
 Majugena eloquio; & follertibus imbuat artibus
 Dat castum Dytinna animum, prudentia Pallas,
 Consilia, & faciles Musarum ad munera vires.
 Quid Juno, quid Parca triplex; quid contulit Hebe,
 Longa referre mora est; quid cetera Numina divum,
 Immunis toto non est inventus olympo
 Officii, curtus Solymas Judæus ad aras,
 Sic penetrat, sic Arfacidas sua turba salutat,
 Sic animosa vices agitabat Roma Decembres:
 Et natalitiis Augusta Palatia lybis
 Patritiis admistus eques, populisque colebat.
 Denique ut exemplis rerum prioribus utatur;
 Sic largæ superum coiere ad munera dextræ,
 Japetionidæ fraudem cum fraude repressit
 Juppiter, & cauti nequicquam voce Promethei
 Admonitum lusit missis Epimethæa donis.
 Unde mare, & terras facto velut agmine morbi
 Invasere graves, & quæ prius ordine certo
 Mors erat unius jaculo contenta senectæ,
 Induit innumeras facies, variosque nocendi
 Corripuit vesana gradus, tum pixidis ulte
 Intercæpta labris, pendens intusque, forisque
 Macerat ancipites lento spes ægra flagello,
 Feminea properante manu, quæ prima laboris,
 Prima mali causas homini dedit, improba postquam
 Pellexit facie pulchri Titana voluntas.

At tibi non vultu cuiquam impositura severo
 Majestas, non fallaci læsura sereno
 Gratia, non blandis animum læstantia verbis
 Pectora, nec tacito mox deceptura veneno
 Muneribus concessa Deum: sed provida virtus,
 Sed pietas, sed cana fides, sed conscia recti
 Vox animi, & faciles certo discrimine mores,
 Quæque decent animum generosi Principis artes.
 Cognatis qui se genitum, qui credat amicis:
 Qui patriæ, rectique tenax, & cultor honesti.
 Quique sua generis inter putet esse salutem
 Humani, & toti civem se commodet orbi.
 Talis erat magni Cyrus Xenophontis, & ipsum
 Doctus Aristotelis finxit Plutarchus alumnus;
 Discipulo præcepta suo, quos protinus ille
 Implevit numeros, & dignum nomine tanto
 Exhibuit tibi, Roma, ducem Germanicus olim,
 Privato quod jure dedit, potiora daturus
 Si superi, si fata sinant. Sed Flavius alter
 Præstitit, imperio quamvis brevior potitus.
 Sed quid ego angustis immensum finibus orbem
 Metiri, & parva circumvallare corona
 Inter se spatio nusquam coeuntia longo
 Molior, atque hominum longe conatibus impar
 Verso onus audaci, nimium confisse volatu?
 Quo me ducis amor, quonam temeraria grati
 Vis animi, quo cæra ruis sic æthera pennis?
 Dum petit, & cera junctas non respicit alas,
 Proditus æquoreis nomen dedit Icarus undis,
 Et Phaëthontiadæ stillant Electra sorores
 Eridani ripas circum, fraterna que busta,
 Nam neque Palladiæ quamvis nitantur Athenæ
 Ingeniis, studioque virum, non Sparta Lycurgi
 Legibus, & crebris regum subnixa trophæis,
 Quem nostro componat habet, non Isthmia tellus
 Bellorophontææ letho cantata Chimææ
 Non Jovis augusto celebres certamine Pisæ,
 Non Elis, non Argos equis, non Hercule Thebæ

Insignes, Bacchique sacris, non alta cothurni
 Nomina Tantalides, Agamemnoniæque Mycenæ,
 Non Phthiæ, Pellæque duces, Macedumque Tyranni.
 An referam celebres Siculis regionibus urbes,
 Et centum magni cunas Jovis oppida Cretæ,
 Et Persis Salamina gravem, gratamque Cythæræ
 Cypron, Apollineamque Rhodon, Delumque, vel ipsas
 Cycladas, & sparsas freta per Neptunia terras?
 Et quæcumque loci clarum bellove, togave
 Ingeniosa suum produxit Græcia nomen?
 Scilicet a teneris extremæ ad summa senectæ
 Congestas virtutis opes, numerosque per omnes
 Integra venturis rectæ exemplaria vitæ
 Gentibus una dabunt Argivæ mœnia terræ,
 Quæ neque Tantalio reges de fonte bibentes
 Urbibus adscripsere suis, nudique sophistæ
 Æthiopum, mixtique salo gens conscia Nili
 Ausa virum primas olim sibi poscere partes,
 Non Babylon, Assurque udis lætissimus agris,
 Et septem gemino præcincta Ecbatana muro,
 Persepolisque faces, scorti passura furentis
 Imperiis, Lenæ, tuis; non divitis aula
 Mœonii Sardes regis, Parthique fugacis
 Regia, & averso Scythiæ, nimiumque propinquo
 Affrica læta minus Phœbæ lampadis igne,
 Quasque cadens lustrat vesper, quas lucifer urbes.
 Qua tandem quo, Diva, ferar, si barbara nostris
 Exiguum confert quamquam latissima votis
 Gens hominum natura minus, seu contulit illi,
 Sive decus gentis nostras non venit ad aures
 Infidiis, Fortuna, tuis ditissima cultu
 Multiplici studiisque potens si Græcia nomen,
 Ingeniumque suum vinci, viresque fatetur,
 Atque ultro tanti certaminis impar honori
 In stadium prodire negat; si maxima Roma
 Prole virum felix, & majestate verendi
 Nominis imperio late tot functa per annos,
 Nescio quid tacito tecum conquesta pudore

Ingenua tandem pro libertate fatetur,
Multa fore ut præstet, non se omnia posse daturam,
Quidquid in arcanis servant æraria fastis
Antiquæ virtutis opum, atque his ora resolvit:
Exhaustit totum magnis delectibus orbem
Præceptor, Trajane, tuus, dum lancibus æquis
Comparat inter se magnorum gesta virorum,
Et studia, & mores ad calcem a vertice pensat.
Quot tamen ille meos ingentia nomina cives
Præterit intactos dum multa indagine nusquam
Invenit externum, nostris quem comparer ullum,
Ergo non urbes, ipsum sed vicinus orbem
Magnorum virtute virum, quos provida magni
Fata dedere Jovis maturo tempore, quales
Polcebat ratio, & rerum fortuna mearum
Inque dies campo sensim certaminis aucto
Crevit amor veræ summa ad fastigia laudis.
Parvus ut exiguis exiens è fontibus amnis
Accipit incrementa supervenientibus undis
Et crescit pariter crescentibus alveus undis,
Donec laxatis prorumpit in æquora ripis.
De superis ingrata querar, morumque priorum
Immemor, & decoris si quod mihi fata negabunt
Invida concessum nostræ dedigner alumnae,
Qui cum communi surgit mihi gloria fato,
Invidisse patri natum conquesta vetustas.
Quis matrem nate laudet virtute gementem,
An mea legitima fraudari viscera fama
Enitar, si ferre parum est, tam degener absit
Livor, & insano rabies agitanda cothurno.
Quin & congestos Florentia jungat honores,
Et cumulata ferat meritæ præconia famæ
Major avis, atavisque patris præstantior ævo
Unius virtute viri, quem singula si non
Exequare valent præclaræ nomina famæ
Cuncta simul poterunt, nec me pulcherrima rerum
Tot quondam dispersa locis, tot dissita sæclis
Nunc congesta simul spectare pigebit in unum

Quem

Quem (nisi me toto fallunt oracula cœlo)
Ad majora vocant tetricarum pensa Sororum,
Jam pater alterno gaudebit Tybris Julo,
Quemque modo cupidis genitum complecteris ulnis
Non invita tuæ concedes filia matri
Rectorem, rerumque caput quas sustinet olim.
Interea lætis avibus, Florentia, magni
Uttere sorte tui, virtutibus utere civis,
At tu qui tanto victurum nomine carmen
Concipis, & gratæ revocas pietatis amorem,
Non extrema meæ munuscula suscipe dextræ
Tantum secuta tibi fomenta laborum,
Inde quatergemini repetens primordia Jani
Antiquæ decus Hesperia, Latiumque superbum,
Albanosque patres, & stemmata longa recenset
Æneadum, Tatiosque, Titos, & regna Quirini
Virtutes, animosque virum, bellicque domique
Quot quos quis ducibus, qua nacta sit arte triumphos
Tum Grajos memorans procures, & barbara regum
Nomina, quandoquidem tantis non oribus unæ
Sufficimus, totius simul utere viribus orbis.
Dixerat, & læto deflectens lumina vultu
Nectareos spargit mirantis in ore liquores,
Tum sceptrum & triplici fultum dat lemmate delton,
Interea (mirum dictu) tremere omnia late,
Audirique fragor cœli, crebrisque corusci
Luminis amburi cœpit fulgoribus aër;
Lux oculos, horror mentem, sonus abstulit aures,
Mox afflata leves redeunt in pectora sensus.
Ecce autem posita mortalis imagine vultus,
Et quondam Libycis ingens in finibus Atlas,
Tantalus in sipilo, Titanis in æquore Delos,
Et quos saxificæ mutarunt monstra Medusæ
Urbis in effigiem rectis conversa superbis
Ardua septenis fastigia collibus alte
Ostentabat ovans turrato vertice Roma.
Qualis erat domitis Asiæ, Libyæque Tyrannis
Alta triumphales tulit ad Capitolia currus

Scipiadum cum sacra domus, Macedumque farissas
Æmilius Latii suspendit in æde Tonantis.
Tarpei cum templa Jovis Pompejus, & aras
Ditavit Regum spoliis Asiæque rapinis,
Cum Gallos, Libycosque duces, Pontique rebelles
Reliquias vario produxit stemmate Cæsar,
Aut post Cantabricas acies, Indosque subactos
Excultam fovit ludis Octavius Urbem.
Huc simul exhaustæ properabant civibus urbes
Europæ, Asiæque agilis, Lybiæque juvenus,
Non secus ac prono labuntur in æquora cursu
Flumina, & Herculeum lapide petit undique ferrum
Hic turba spectante Jovis non unus ad aras
Duxerat innumeros spoliato ex orbe triumphos
Signa, aurum, tabulas, vestes, toreumata, gemmas
Tus, ebur, arma, greges, famulos, syngrammata, mensas,
Quidquid habet, qua lata patet tellusque, fretumque,
Jamque unis olim totum quæ mœnibus orbem
Congestum spectare dedit felicibus astris
Roma parens, charæ non dedignatur alumnae
Progeniem meritæ renuentem præmia laudis
Muneribus decorare suis, nullique priorum
Concessum, monstrare decus, cumulata sub uno
Pectore magnorum præconia longa parentum.
Ergo age post primi cunabula lætior ævi
Da Famæ, da Musa virum, calcataque nulli
Ausonidum certo fastigia corripe passu,
Nec tibi Parrhasii delectum more petenti
Junoni tabulam Siculæ cum pingeret olim
Una det urbs læstas quæsitæ exempla puellas,
Sit Babylon, sit Roma licet, sit maxima rerum
Ne dum Trinacriis Acragas non primus in oris
Ante tuos oculos ingentis machina terræ,
Cumque suis late pateant cultoribus urbes,
Quas Notus, & Boreas, quas Sol oriensque, cadensque
Aspicit a primis ad nostri temporis annos,
Hinc tu magnorum effigies, & gesta virorum,
Et studia, & mores, quos quovis tempore sumptos

Arbitrio dispone tuo, imparibusque recepta
 Partibus exactæ simulacra repone figuræ,
 Qualis apes variis cum prata coloribus halant,
 Collectumque ferens in cerea testâ liquorem
 Dulcis composito distinguit nectare cellas,
 Aut tessellatis qui vermiculata refigit
 In tabulis, pictove solum qui marmore crustat,
 Qui spatio fallente oculos in minima partem
 Segmina componit varias imitata figuras,
 Quamquam autem formæ puero, juvenique, viroque
 Contigerit par usque decus, patiensque laborum
 Corpus, & æquales tanto pro corpore vires;
 Altaque multiplici proavorum stemmate constat
 Nobilitas patriis toties ornata trophæis.
 Ampla domus late cunctarum copia rerum
 Non ego Fortunæ dotes, & munera cuiquam
 Naturæ decori vertam, cui contigit unis
 Laudibus iis magnum sapere & se credere cœlo.
 Ad superos animi vires, gentemque beatam
 Dant aditum, summoque locant bona mentis olympo
 Hinc puer ingenti sacræ virtutis amore
 Captus, & iis stimulis Medices agitated Julius,
 Quos nam ille dies, momentaque temporis egit
 Naviter, ad summæ properans fastigia laudis?
 Quam comis, quam mitis erat, quam fronte serena
 Lætus, & ingenio facilis semel hausta tenebat,
 Acer, & alloquiis promptus cautusque ferendis!
 Se nulli præferre boni laudator egenti,
 Largus & usque sibi constans, non dextra tumentem
 Viderunt, non læva humilem, sic Martius olim,
 Marcellusque, Solonque fuit, sollersque Pericles
 Non alius gravitate Cato pietate Lycurgus,
 Relligione Numas, Minos probitate, fideque,
 Attilius, Masinissa, novum, sanctumque pudorem
 Quæris? Amasonium talem vidistis Athenæ
 Hippolytum, talis proles generosa Thyanes,
 Et Capitolina tentata libidine virtus.
 Hac spectanda tenus pueri signetur Juli


Pendenti titulo effigies altæ, ne latentes
 Tam multas animi facies, variosque recessus
 Exactæ prompsisse meis temerarius auctor
 Jactarim numeris, cum corpora pictor apertos
 Mensuræ fortita modos, certasque colorum,
 Quas capiunt oculi species, perfecta negarit
 Supremam exegisse manum, felicior ille
 Successu cujus tabulas contingere nemo
 Substinuit cæptæ forma proibente figuræ,
 Qui tamen illius Venerem superaverit olim
 Inventus; mea successu sint vota secundo,
 Ingentemque ferant vates ad sidera famam,
 Auspicio meliore viri vincamur inertes
 Dum meritos referat virtutis Julius honores,
 In votis hæc prima meis laudate paravi.
 Quisquis in hoc primam tulerit certamine palmam,
 Vos age Musarum procures felicibus astris
 Huc vigiles animos, curasque intendite vestras.
 Meteriam indulget princeps causamque labori,
 Surgite, adeste, juvat generosi pulveris haustus
 Arentem positæ fines circundare metæ.
 Quem dederit fortuna loco, superique faventes:
 Ne tamen ingentes ausus, & maxima rerum
 Deterat angustis levior fætura supinis,
 Ingenii numeris animi circumspice late
 Regna, duces, populos, præclaraque gesta virorum
 Assyrios, Medosque feros, Persasque superbos,
 Arsácidas Pænosque truces, Nomadumque Tyrannos,
 Victoresque duces Macedum, procuresque Pelasgos,
 Civiles his junge manus, Romanaque corda
 Fabritios, Curios, Brutos, acresque Camillos,
 Scipiadas, Fabios, Paulos, Drusosque, Neronés,
 Publicolas, Scauros, Catulos, Celeresque Metellos,
 Flaminios, clausos Decios, mitesque Lucullos;
 Et cum Pompejis victricia Cæsaris arma,
 His tu si qua petis puero de fontibus hauri
 Indefessa ruunt plenis tibi flumina ripis.
 Dant juga dat campi liquidas cum vallibus undas,


Hannibal ingenium sollers, patiensque laborum
 Robur, & æquata largitur munia vitæ,
 Nec tibi pauca dabit Nasica legente senatu,
 Optimus, & magnis junctus patruelibus acer
 Lælius, & Grajæ cauti Philopemenis artes,
 Pelopidas, Epaminondas, summique Laconum
 Gracchorumque domus, & quos mora longa referre
 Tot proceres, tot magnorum decora alta virorum,
 Hinc animi prudentis opes, & roboramenta
 Intrepidæ, vestique decus, cultusque modestos
 Delige, & urgentem matrum vestigia prolem,
 Nec pueri simulacra modo juvenisque decorem
 Effigiem ponas collatis undique membris,
 Matura sed mente viri formetur imago,
 Qui Latias, patriæque simul moderetur habenas.
 Inspice nunc alio naturæ lumina campo
 Pythagoras, & Aristoteles, divosque Platones,
 Socraticæque domus seriem, sophiæque ministros
 Brachmanas, Nudosque tepente sub axe Sophistas,
 Rursus ab his alias tecum tris pone figuras,
 Sic animi poscente nota sic legibus ævi;
 Nec non legiferi comprehensa volumine Mose
 Magnorum monumenta patrum, seriemque perennem
 Judæi recolas generis, summosque videntes,
 Regnorumque vices, recidivaque mœnia gentis
 Usque sub extremi disiecta altaria templi,
 Perpeffumque Deum, & nostræ primordia legis.
 Inde trecentenis animo complectere lustris,
 Quos natura viros in luminis edidit auras;
 Quam multa pietate graves quam fortibus actis;
 Hæc dabit extremos sublimis imaginis orsus
 Materia, hæc grato finem, cumulumque labori
 Afferet, & dignas tanto conamine laudes,
 Seu cordi est puerile decus, splendorve juventæ
 Robusti seu forma viri, specimenque senectæ,
 Ipsa autem quamvis late, quod carpere possis
 Uberius, cupidis dent exemplaria votis.
 Non tamen ad vivum collatis undique membris

Emicat artis opus, perfectaue mentis imago,
 Plurima cum dederis, nam plura requirit, ut ignis
 Herciniæ nactus saltus, nemorosaque tesqua.
 Talis erat quondam nulla superabilis arte
 Pictorum vultu pariter Demetrius asper,
 Et mitis cujus veram si pingere nulli
 Contigit effigiem palmam certatibus illis
 Promeruit, signo propius qui spicula torisit.
 Quid negat æquato paribus certamine telis
 In pugnam prodire mihi, laudemque mereri
 Quod nisi jampridem spatiis excludar iniquis
 Altius a primo repetitis fontibus ævo
 Naturam, moresque viri peregreque, domique,
 Fortunæque vices, exanclatosque labores,
 Claraque perpetuo referassem carmine gesta.
 Quæ pietas, & quanta viro prudentia, quæ vis
 Ingenii, qua luce bonas tractaverit artes
 Justitiæ rectique tenax, quam pectore forti,
 Et quibus ille suos animos moderator habenis,
 Quos casus, qua mente tulit, quam charus amicis
 Quam patriæ, quam cognatis, quo tempore quoque
 Ordine pro merito, per quos sit nactus honores,
 Ut populos, procereque sibi devinxerit æquis
 Officiis, probitate, fide, sollertibus actis,
 Constanti, largaque manu, ingenuoque pudore,
 Publica privatis præponens commoda rebus.
 Sed revocat fessis properante auriga quadrigis,
 Transmissaque jubet tandem consistere meta.
 Quis tamen hæc intacta sinat, tacitusque relinquat
 Qua pietate graves patriæ moderetur habenas.
 Omnibus ut certo pariter devictus amore
 Ordinibus metui fugiat, lætetur amari,
 Civibus æquatos meritis partitus honores,
 Nec modo poscenti faciles accommodat aures,
 Allicit, invitatque bonos, & provocat ultro,
 Munificus, summisque vacans, non despicit ima;
 Privatim quibus ille modis, quos pavit ægenos,
 Afflictasque erexit opes, quæ publica, quotque

Ornamenta parat, & magnæ consulit Urbi,
Fortunæ qua jura sinunt, & temporis & lex,
Improbitas. motusque graves, & turbida cœli
Sidera, res hominum vario quas antea fluctu,
Quod si quis placido nostros Deus ore labores
Respiciat, certumque olim mortalibus ægris
Acceleret miseratus opem, dirumque furentis
Effera sanguinei compescat prælia Martis,
Nata parentis opes referens Florentia Romæ
Candida coctilibus mutarit marmora muris
Exemplis Auguste, tuis, modo vita superfit,
Non frustra sperare datur sub præside tanto,
Qui vigilem partes animum diducat in omnes,
Nulla putans indigna sua mortalia cura,
Ille graves passis casus, Stygiique veneni
Ulcera Pœonias non admittentia dextras
Morborum fomenta domos, alimenta, ministros
Instituit diram superantia munere sortem,
Ille & virgineis ingentes cœtibus ædes
Quattuor, & victum pariter, cultumque paravit;
Hæc ego non ducam fixis potiora trophæis,
Si pietas, si relligio, si numinis aræ
Prima tenent, cultuque Deum mortalia cedunt,
Nec patruele minor, quondam Nassicæ receptis
Matre Deum, sacrisque fuit, Phrygiaque Cybele,
Parta tamen si quem munitis oppida muris,
Quæsitæque vivant duris in montibus arces,
Hæc quoque Juleis arridet gloria rebus.
Hoc duce non equitum turmis, peditumque catervis,
Armorumque gravi strepitu, non sanguine fuso
Imperii fines promovimus. ardua Thuscis
Fascibus Umbrigenæ cesserunt mœnia tetræ,
Quæ neque fulmineos ignes imitata Tonantis
Horrissonis tormenta modis, nec mille carinis
Atrides, Ajaxque ferox, & divus Achilles
Sterneret & decies geminato milite Xerxes,
Dum vigil occludit saturos custodia muros.
Nec sopita Ligur invadit culmina miles,


Aut gravis antra subit fumus, vanique timores,
 Commendat Fabium sine cæde recepta Tarentus;
 Oppida tot laudi non adscribentur Julo
 Auspiciis quæsitæ novis Telluris Iberæ?
 Scipiades victa Carthagine protinus inde
 Non obscura tulit perituræ oracula Byrsæ;
 Quis sperare vetat superum majora peractis?
 Quid non summa boni, virtus promittit Juli?
 Aspice quos hominum procures, quæ lumina rebus
 Jussit adesse suis, componat publica, per quos
 Et privata viros; quem das ex ordine tanto
 Immunis, quem laudis agas, hinc scilicet omnes
 Principis est animos & apertos cernere mores,
 Hippolyto venator adest, pugnator Achilli,
 Sectatur Brutos Thræsea, Heuidiusque Catones
 Compatre quisque suo capitur, gaudebat Homeri
 Magnus Alexander numeris, multumque Maroni,
 Augustum indulgisse ferunt, quem dixeris illum
 Doctorum, quem turba virum comitatur & ambit,
 Cui neque vulgari famulatur nomine turba,
 Prosequitur magnis omnis quem laudibus ætas,
 Quem pariter puerique colunt, juvenesque, senesque,
 Quem populus veneratur, amat sanctusque Senatus
 Cum patruele, Poli curas terræque gerentem
 Quem, quoniam meritis non est effingere verbis
 Inventis cauti liceat signare Timantis
 Iphianassæ pingentis sacra Dianæ.
 Neve acer monitis gravioribus instet Apelles
 Protogeni tempus tabulæ subducere dextram.





JOANNIS DARCHII

VENUSINI.



CANES.

QUæ generosa canum soboles, quis cultus alendo
 Sit catulo; unde suos Epirus clara Molossos,
 Audacesque sibi commendet Sparta Lacones,
 Diva refer, tu venatrix Dictynna ferarum,
 Quæ jaculo celeres nemorosa per avia cervos
 Traicere, & timidos gaudes prævertere damas,
 Huc ades, & nostro adspira Dea casta labori:
 Tu nemorum regina potens, tibi devia lustra,
 Et vastos canibus studium est circumdare saltus.
 Namque tibi in vallesque cavas, montesque supinos
 Antiquos Divûm lucos, silvasque sonantes
 Imperium est; saliens tecum decurrit Oreas
 Montibus, & spoliis & cæde superba recenti:
 Ergo ades, & nostris adsis Latonia votis.
 Principio catulus facie spectabilis altâ
 Hirsutis rigeat spatioso pectore villis:
 Membra toris surgant latos animosa per armos:
 Rectaque se crudo distendant robore crura.
 Colla brevi tumeant spatio, glomerataque cervix
 Disiectas ferat aurículas, radientque coruscum
 Ravi oculi, glaucive, & magno immitis hiatu
 Ingentem fundat vasto clamore latratum:
 Sic trepidum stabulis furem, tacitasque luporum
 Insidias, illo numquam custode timebis.
 Postquam etenim pingui rediere e gramine serâ

Noſte greges, tremuliſque vocant balatibus agnos
Lanigeræ matres, explorat ovilia circum
Ipſe vigil, dominoque timens, veſtigat ubique,
Ne fur vel ſtabulo repat, vel clauſa fatiget
Septa lupus, ſenſimque velit ſe immittere ceſto.
Nec ſoli invigilat pecori generoſa propago:
Namque alius (comperta loquor) leviſomnus heriles
Excubat ante fores, abigitque latratibus hoſtem,
Vix audita alius domini mandata capeſſit
Sedulus, & nutum obſervat, vocemque loquentis;
Ille ſagax leporem ſcrutari; hic utiles undis,
Sollicitat medio revolantes flumine mergos:
Ille feras vaſtis turbare cubilibus; ille
Fulmineos agitare ſues bonus; ille fugaces
Perſequier capreas; celeres his gloria cervos
Sistere, & immani concurrere cominus urſæ;
Aut gravia Eoi proſternere pondera Barrhi.
Hic alius celsâ paſcentes rupe juvencos,
Hircosofque greges comitatur. & ardua præceps
Saxa per, & ſcopulos montana armenta tuetur,
Prædones aut dente premens, aut ipſe viciffim
Occumbens, animoque ruens in vulnera forti.
Eſt etiam ex illis gens Martia, quæque feroci
In medias auſit concurrere fronte cohortes.
Hæc ſi terriſtico Mavortia claffica cantu
Sanguineum accendant opus, & clangore tremendo
Pugnaces acuant in triſtia funera turmas,
Inſpirentque animis rabiem, cæcumque furorem;
Caſtra viris differta petit, cuſtodia fidos
Certa capit vigiles, alternaque munia tractat:
Inde alias, aliasque acies per cornua verſa
Fronte locant, pugnaſque ineunt, & bella laceſſunt
Acrius, inſultantque hoſti, morſuque fatigant.
Non ſtrepitu horriſono, aut ullo terrore moventur,
Nec celeres horrent Medo jaculante ſagittas,
Pilave, & Hæmonio miſſas tyrone ſariſſas,
Liventiſque globos plumbi, pandaſque cateias,
Aut teretes rapido vibratos turbine contos,

Hæc Marti devotus amor, divæque furenti
 Negligit, & plagis gaudens, & strage cruenta.
 Nec quemquam videas, qui terga fugacia vertat:
 Declinetque ictus duros, gladioſve, ſed omnes
 Aut fundunt hoſtem, aut communi clade feruntur.
 His Colophoniacæ (ſi vera eſt fama) phalanges
 Auxiliis, hoſtem valido fregere duello:
 Infauſtoque olim cecidiſſent Caſpia Marte
 Agmina, vitali deſenſa cohorte fuiſſent.
 Quæ functis patribus (meritis ut digna rependant
 Officia) canibus curant communia buſta,
 Exequiaſque pares, & eaſdem in funere pompas,
 Iſtis rex Garamas, ſolio deſectus avito,
 Militibus regnum, ſedeſque recepit adempras.
 Quin etiam Cymbrum juvere ad bella ferocem,
 Sanguineoque leves tenere in pulvere Carros.
 Hos Mauruſiacus ſibi Maſſiniſſa paravit
 Cuſtodes, hominum fidei diſſiſus, & iſto
 Non ſibi conſucto ſua ſceptra ſatellite cinxit.
 Talis & antiquis cuſtos nutritus Athenis;
 Phœbigenæ quoniam modico ſacra veſta Epidauro
 Sacrilego vigili ſervafſet ab hoſte latratu.
 Quid referam quos auratis Minoia templis,
 Creta refert poſitos vigilēs? quoſque inſula Solis
 Carpathii celebrat ſervantis littora Ponti?
 Adde etiam, quod nulla homini mage prodiga grati
 Officii quadrupes, domniſque fidelior ipſis:
 Nam movet ad numeros ſe ſe; & quo juſſeris ibit
 Ocyus, ad nutus iterumque iterumque recurrens:
 Frigoribus vinci, aut rabioſo neſcius aſtro.
 Et licet Herculeis fugias a Gadibus uſque
 Ad Tanaim aut Arabas, rutilique volumina Gangis,
 Uſque ſequetur ovans, tua nec veſtigia quoquam
 Deſeret, ac lateri ſemper comes ibit herili.
 Siſtis iter; ſiſtit: properas; velocius Euro
 Scindit in obliquum campos, curſuque laceſſit
 Aërias volucres: quod ſi poſt terga relinquo,
 [Nam dominum crebro adſpiciens obſervat euntem]

Ille moram cursu pensat, viden ecce repente
A tergo, ut vultuque hilaris blanditur amico,
Aut velut explorans prior in deflexa viarum
Exit, & insidias animo præsentit acuto?
Nec minus officii memor est, quum pocula sumit
Tota domus, dulcique madent convivia Baccho;
Concrepuere fores? volat explorator; amicum
Si norit, blande admittit, pedibusque volutus
Hæret, & applaudit palpo, supplexque precatur
Effusi veniam temere latratus: at hostem
Ædibus exturbat, laniatuque urget, & ipsi
Limine, vestibulo, corte interdicit herili.
Quod si vim faciet grassator, & obvia forte
Arma ferat; jugulo intendens, in vulnera primus
Desilit, incurSATque ferox, fremituque superbo,
Obiectuque sui dominum tegit, & fera tentat
Prælia, nec fufum exhorret mucrone cruorem.
Testis erit dulci remeans Volcatius agro,
Sera tenebrosam traherent cum tempora noctem,
Quique olim Tuscâ defensus in urbe Senator
Nulla, nisi primum cæso cane, vulnera cœpit.
Te quoque Pællæo, Dari, quondam a rege fugatum,
Ingentique manu spoliatum, solus Hylætor
Belli inter casus, Martisque pericula numquam
Deseruit, fortisque comes permansit iniquæ.
Quid quod & in flammis dominorum, ignesque rogorum
Insiliunt alii? & cineres comitantur heriles?
Quid quod & ad bustum (tantus post funera bruto
Durat amor, tristisque nequit consistere mente)
In multos mansere dies? gemuloque latratu
Impia fleverunt dominorum fata suorum?
Nulla fames, nullæque animos flexere ciborum
Illecebræ, sed enim magis, ac magis insidet alto
Corde dolor, dominoque piget superesse sepulto:
Quod reliquum est vitæ nocet, insomnesque ministrat
Nocte, dieque animo curas; nova vulnera pascit
Irrequietus amor, tristisque exasperat iras:
Exangues donec vigor omnis deferat artus,

Defeffoque fuper fua fata cadavere claudant.
 Adde quod, infixos memori fub pectore vultus,
 Confpectosque femel, nullo oblivifcitur ævo.
 Jam duodena fuo percurrrens aſtra rotatu
 Biſdenos radiis Titan luſtraverat annos;
 Ex quo Dulichios fines, Laërtia regna,
 Liquerat, & bello, & fluctu, jaſtatus Ulyſſes:
 Quum tandem poſt multa trucidis discrimina ponti
 Contigit optatos portus, placidaque quiete
 Fata dedere viro, atque Ithaca tellure potiri.
 Jam neque Penelopæ, fractoque ætate parenti,
 Non Eumo, non Telemacho, ſed cognitus Agro
 Tantum erat, effœtis languenti viribus Agro.
 Non tibi pulchra Tyros tantum tua purpura debet,
 (Quamvis ardenti ſaturatas murice veſtes
 Lætâ geras) quantum canibus: nec Sydonis eſſet
 Lana repercuffis vibrans fulgoribus ignes,
 Ni canis Alcidx ſcopuloſo in littore reptans,
 Puniceo primum tinxiffet labra veneno.
 Nunc age, quis villæ melior, gregibusque tuendis,
 Quæ volucri ſoboles curſu, naſove ſagaci
 Sit potior (nec enim ſolers dedit omnibus unum
 Natura ingenium) quæ ſit ratio optima proliſ
 Formandæ, quo Muſa mihi dabit ordine dicam.
 Ille igitur cui differtæ cuſtodia villæ
 Creditur, & vigili triftes in limine dantur
 Excubiæ, durum condiſcat ferre laborem
 A teneris, pinguique fero glifcentia pafcat
 Corpora, ſub gelido recubans ſine ſtramine dio:
 Tum furvum villo fallat nigrante colorem
 Noctis, ut excubias obſcuro celet amiſtu.
 Sed qui ſub vigili ſimas paſtore capellas,
 Balantumque greges ſequitur, candore per agros
 Molle pecus referat, mentitaque vellera tergo
 Aſſimulet ſubitoque lupum improvifus hiantem
 Terreat aſſultu, & trepidis depellat ab hædis.
 Quod ſi te montes venabula ferre per altos
 Ætoloſque juvat per ſaltum tendere caſſes,

Ipse tibi audaces Spartanæ gentis alumnos,
(Nam stabulis villæ melior, gregibusque molossus)
Elige, robustâ quibus a cervicè rejectæ
Ad terram veniant aures, hirsutaque denso
Colle pilo latos fundant cum clunibus armos.
Adde etiam Albanos, qui quantum viribus apris
Occursare valent, fulvosque æquare leones,
Et vasto indomitos certamine frangere tauros:
Aligeras tantum cursu prævertere damas.
Sunt & Locrenses catuli, sunt Arcades, atque
Cypria quos Salamis, quos dives Iberia pascit.
Sunt & odorifera celebres indagine, solis
Naribus insuetos investigare recessus,
Secretosque feræ docti deprendere calles.
Hos, simul ac fœtæ liquere cubilia matris,
Notaque despiciunt jam faucibus ubera duris,
Mollibus assuescas epulis, pinguique ferinâ
Sæpe avidos acuas dentes; cervique cruentum
Ad spoliū larrare doce, exuviasque recentes.
Inde tibi in vacuos educere proderit agros,
Umbrosas nemorum valles, & inhospita tesqua.
Ora tamen loro forti clamosa tenebis,
Nec nisi firmatos umquam patiēre furenti
Setigero, aut sese venienti opponere cervo.
Acrius in vetitum tendent, invitaque habenis
Colla reluctantum cupient exire ministri.
Interea si forte gravi spiramine raucum
Increpuit cornu, toto jam pectore prædam
Concipiunt, queruloque replent lata arva boatu.
Inde suos etenim Lacedæmon Achaica laudat;
Assueti quoniam silvis, cupidique ferarum
Præcipiti fervore ruunt, perque invia lustra,
Convallesque cavas, & sentibus horrida duris
Arva, & vulnificis dumeta rigentia spinis
Dente rotant prædas, indefessique sequuntur
Quod semel emissum est, illos non obviis amnis
Vicinos dirimens sinuoso gurgite colles,
Sistit, nec rapidos lato tenet obice cursus.

Et licet assiduo frangantur anhela boatu
 Ora, trahantque ægros afflictis viribus artus,
 Affequier tamen est animus: concussa fragorem
 Silva dat, alta sonant late loca, curva resultant
 Littora, miscentur totis fera murmura campis,
 Diversâ veniunt præstantes dote Molossi
 Dive si ingeniis, non omnibus omnia præstat
 Natura, at vario ludit discrimine morum.
 Nam cum sint volucris non ultima gloria cursus,
 Nec sæpe audaci formident impete fulvos
 Frangere apros, cervosque fugâ versare paventes,
 Uberior tamen est illis, & fortior inde
 Laudis caussa venit, molli quod tempora somno
 Pauca terunt, seu flamigero det lumina curru
 Phœbus, seu niveas agitat Latonia bigas,
 Somnifero obliquum volvens jubar axe per orbem.
 Sed vigili domino cura, raroque cadente
 Lumine prospiciunt, & herilia murmure circum
 Claustra fremunt, ne sint nocturno pervia furi,
 Neve lupo, tutaque greges statione quiescant.
 Sin autem vacui spatiosa per æquora campi
 Aurium repido leporem exturbare cubili,
 Accipitremque juvat volucris prærendere apricæ
 Hic tibi sunt humiles villo brevior legendi,
 Indidit ipsa suum quibus olim Hispania nomen.
 Hi si forte levis toto lepus errat in arvo,
 Pone legent rostro vestigia nota sagaci:
 Et modo transverso, modo recto jugera sulco
 Scrutantur, validis iterum sudata juvencis;
 Nec prius absistent putres percurrere glebas,
 Et studium tremulo caudæ ostentare fiabello,
 Quam vestigati subito lepus æquoris ampla
 Corripiat spatia, & campo se credat aperto.
 Ocyus ins quitur Pterelas, cursuque citato,
 Intervals facit lati decrescere campi.
 Jam propior, propiorque micat, jam captat hianti
 Summa pedum rostro, jam terga fugacia stringit.
 Ille pavet, flexoque obliquat tramite cursus,

Et dubiâ trepidans formidine, jamque teneri
Se putat, & rursus tangenti ab ore recedit;
Fataque momento sibi prorogat, æmula donec
Rostra levis mergat miserando in corpore victor,
Fulmineus victor, gemino cui tramite lumbos.
Spina subit graciles, & castigata coercet
Ilia substrictus venter: stant crura volentem
Præteritura Notum, longo internodia ductu
Pes gerit, in cælum tolluntur acumine bino
Auriculæ, flexoque in lævia tergora gyro
Erectæ redeunt falcata volumine caudæ.
Sunt humiles etiam Melitæa ex gente catelli,
Quos gremio gestare solent Heroides, hique
Nec cursu celerem sectantur præpete cervum,
Nec lato pavidum leporem scrutantur in arvo:
Veste sedent fluxâ, & pedibus Milesia calcant
Serica, sub Tyrioque recumbunt molliter ostro:
Nunc caput exertant gremio, saliantque decorum
Nobilis in vultum dominæ, lususque fatigant
Labra corallino modicum suffusa rubore,
Vernantesque genas, & ebur superantia colla,
Smaragdoque graves digitos, & Perside gaza:
Nunc tenui latrare sono, pictoque videbis
Lascivire toro, aut nitidâ juveniliter aulâ.
Hoc mihi, Cœlicolæ, tristes lenimine curas,
Tædiaque humanæ concedite pellere vitæ.
Hac utinam mea vota tenus sint improba, numquam
Divitias Arabum ingentes, opulentaque Cræsi
Regna petam, numquam ut vanos mihi purpura fasces
Ostendet, populi applausu, plebisque favore
Sollicitis precibus Superos ambire juvabit.
At silvæ, gelidique specus, cava lustra ferarum,
Ruraque, & arcana labentia flumina valle
Sunt animo: hic reliquum vitæ, atque extrema sororum
Pensa mihi rumpi exoptem, securus ab omni
Invidiâ, & misera procul ambitione, beatus
Sorte humili, & tristi curarum liber ab æstu,
Talia condebam Venusino lentus in agro:

Dum pueri (quorum ratio mihi carior omni
Laude fuit) reditum ad Musas, recidivaque fesso
Indulgent studia, & ferulæ sceptrâ improba cessant.

CAROLI DATI FLORENTINI.



In Effigiem Ferdinandi II. Magn. Duc. Etrur.

Aspicis augusto dignum qui Principe vultum,
Quæ pingi nequeunt Numinis esse puta.

Aliud.

Fernandi augustam Magni Ducis aspice formam,
Suspice Divinam quam nequis aspicere.

Aliud.

Principis effigiem, cujus nomen vis capit Orbis,
Astra animus tangit, parva pagella capit.

In Effigiem Christinae Suecorum Reginae.

Invisa est virtus, aut hæc virtutis imago,
Christina est etenim virtus, aut pulchrior illa.

*Equitis Cassiani a Puteo, ætatum, atque horarum
omnium hominis præclarissimi
Tumulus.*

Viator jacet hoc situs sepulchro
Flendi maxima caussa Cassianus,
Ætatum omnium amor, decus, levamen,
Hoc saxum super, optimo perempto,

Præ

Præsentēs lacrumant, gement futuri,
Si possent quoque, qui fuere, flerent.

*In funere Ferdinandi II Magni Ducis Etruriæ,
quum Florentiæ in Templo Divi Laurentii
justa solverentur.*

Magne Puer, te quam præcox Regno admovet ætas!
Sors cito regnare est, laus meruisse prius.
Jam superas animo Imperium, mirantibus annis,
Jam ditione pari, teque, tuosque regis.
Quid cito te regni venisse ad limina dicam?
Qui præstare potest talia, sero venit.



Vicimus! everfas dolet hinc Eubœa carinas,
Hinc Uticæ, ac Lybiæ gloria fracta jacet.
Nec mirum, Fernande: tuis pugnâvimus armis,
Te duce nil nostræ non potuere rates.
Quam bene jam de te mereat victoria, Princeps,
Aspice: sub signis militat illa tuis.



Ingredere, o Princeps, aperit Capitolia Virtus,
Sacrorumque vocant te pia vota Patrum.
Nempe tuis Pietas animare nitoribus ostrum,
Formarique cupit moribus ipsa tuis.
Qualem animam rear ergo Tibi, lex prima potentum,
Si Pietas a Te discere jura potest.



Quale iter hoc magnum, Princeps; iter, anne triumphus?
Jam Tibi sponte suas mancipat Ister aquas.
Te colit, Austriadum Te suspicit Aula, tuoque
Ipse suum arbitrio subdere Cæsar avet.
Numquam, Roma, parem tua vidit arena triumphum;
Regna tibi, huic animos vincere posse datum.



Arma silent, Princeps, dum bella perosus, & iras
 Magnanima prohibes Itala damna prece.
 Nempe negare vetat, qui sic rogat; æqua precatus
 Penè reus voti est, vimque iubentis habet.
 Portentum ergo duplex oritur: Pacem arma ministrant,
 Assequi ab armato Tu sine cæde potes.



Tyrrhenum, Princeps, quæ littus Ibera salutant
 Lintea, depositum quam tibi grande ferunt!
 Pannoniæ spes ecce tui venit æquoris hospes,
 Et gravidam Imperiis vix regit unda ratem.
 Regali hospitium splendore quid instruis? ingens
 Sit licet, inferius Te tamen illud erit.



Quis putet hoc, Princeps? ægræ dum consulis Urbi,
 Inque tuum vertis publica fata caput:
 Vim facis ærumnis, & jam fracto impia telo
 Lethiferum pestis iussa referre pedem.
 Scilicet empta salus numquam discrimine tanto,
 Et numquam tanti constitit esse pium.



Culpa mali genitrix: hoc ariete regna fatiscunt,
 Imperii columen, religionis amor.
 Ferdinande luem potiori figere clavo
 Non poteras, Mariæ lustrat imago vias.
 Quid sperare nequis? Pestem pietate fugando
 Cælo animas, urbi corpora restituis.



Faustus Hymen, tali qui te, Fernande, parentem
 Prole facit, magnos quique reducit Avos.
 Hinc non totus, obis, nam pars licet infima cedat,
 Parte tui Natus te meliore refert.

Nem-

Nempè alia infirmum reparant connubia corpus,
Pulchrius hoc, animum quod reparare potest.



Fallor? an aggeribus trepidare videntur ab imis,
Tecta? gemunt Arces, Mœnia, Tempia, Domus.
Te, Fernande, pavor nescit: non ipsa procellas
Robora contemptu nobiliore vident.
Conscia namque sibi mens alta timere recusat,
Impavidumque fugit cœca ruina caput.



Nulla salus bello, ni pacis amore calentem
Admoveat pugnae vis inopina Ducem.
Tyrrheni columen Regni, fortissime Princeps,
Palma silente tibi quæ satis ense placet?
Maeste animo, Fernande; tuos Bellona triumphos
Instruit, aut tecum non foret ausa loqui.



Te matres, cogente fame, te squallida circum
Ora virum poscunt, te chorus omnis habet,
Ferdinande, gemitque suum pertæsa rigorem
Sors, Cererem immensam dum tua dextra refert.
Quid posset tanto sub Regnatore timeri?
Delicias populo maxima pœna tulit.



Quale agmen Procerum, queis tempora vellus obumbrat
Læna humeros vestit divite pelle gravis?
Sauromata indomitus Fernandum pronus adorat;
Cæsaribus quondam par fuit obsequium.
Roma triumphatrix tamen hoc fateare, coactus
Quod metus est olim, nunc dare gestit amor.



Exoptatus Hymen! longis en sidera votis
Arrient Tuscos progenitura Duces.

Irradiante solum virgo fata germine, Cosmum
 Te, Fernande, libens auspice sponsa petit.
 Detegat ergo novos jam Flora nepotibus Orbes;
 Conjugio implesti Solis utramque domum.



Pectore dum, Princeps, ævi Prudentia nostri,
 Ignaras lethi providus abdis opes.
 Arbitrium venerata tuum siluere tubarum
 Murmura. & eloquio torpuit hasta gravi.
 Quamlibet horrendis tellus circumsonet armis,
 Te dicente, suas comprimit ira minas.



Quanta tui, Princeps, est indulgentia! densis
 Non unquam renuens, ara reperta malis.
 Pannonia, Illiricumque cadens experta, fatentur,
 Cretaque centenis Urbibus ante ferox.
 Decertent alii terras violare propinquas;
 Ipse quid exquiras, jam tua gesta ferunt.



Mixta Corinthiacis dum dividit æra caminis
 Humor, & ignoto dente metalla vorat.
 Fortibus invictum dumtaxat moribus aurum
 Præterit, aut vires comprimit unda suas.
 Quid mors non potuit, consumpsit vile cadaver,
 Tangere Fernandi nobiliora nequit.



Aspice ut in vitreo conclusos carcere flores
 Torqueat innocuos ignea sævities.
 Ecce decus Vernum languet, fex tendit ad imas
 Sedes, alta petens humor odoratus abit.
 Sic roseas floris, quem mors rapit invida, frondes
 Terra operit, fragrans spiritus astra tenet.




Occidit, heu quantum morti licet! occidit Heros,
 Sospite quo veterum gloria visa minor.
 Naturæ modicum, sat famæ vixit, & ævo,
 Nil votis, magnæ sic pereunt animæ.
 Quid gemis extinctum? superat jactura dolorem,
 Funere in hoc vires perdidit ille suas.




Ergo iterum implemur crudelis imaginæ lethi?
 Bis facit hæc miseros, & grave vulnus alit.
 Nostra hic fata jacent, ubi maximus occubat Heros:
 Quam vidisse grave est, quod meminisse dolet!
 At placet hunc vitæ reddi? quid gesserit, Hospes,
 Perlegito, & credes, non potuisse mori.





ALEXANDRI DONATI

SENESENSIS. SOC. J



*Mors CHRISTI Domini, luctusque Virginis
Matris.*

PAr fuerat scelere in magno, ne tristia mortis
Robora Colle super rigido fabricaret Idume,
Terrarum, Cœlique plagas, fluctuque natantes.
Conjurare manus, Solimamque ut scinderet urbem,
Non concepta prius properare in fœdera Mundum,
Alta immortales extinguere sidera lucas
Debuerant, delere diem, currumque cadentem
Excutere, aut patrio Phœbus discedere Cœlo.
Quin & collectis nubes in fulmina flammis
Igniferos imbres, tonitruque horrenda ciere
Fulgura, fulmineoque viros involvere nimbo.
Manibus at tellus penitus convulsa profundis
Instabili mugire solo, laxare latentes
Abrupta compage sinus, gremioque recusso
Saxea disiectis impingere culmina faxis.
Aut, melius, fauces Erebi, Ditisque voraces
Inferni referare lacus, atque impia regna,
Isacidumque genus meritis immergere flammis.
Hæc Natura sui funus crudele Parentis
Quæta reposcebat: Mundi jamque ultima forti
Vertisset casura manu, ne mœsta videret
Crimen atrox, labemque suam, tu scilicet auctor,
Extinctæque iterum vitæ sator, obvia telis
Nubila fulmineis, terræque, undæque tumultus

Pref-

Pressisti, aſſorumque iras, ut morte liceret
 Mortis, & ultrices ſclerum perſolvere pœnas.
 Tu, Deus, humanæ poſt longa pericula vitæ
 Ingrato generi non vitam, aut ferre putabas
 Gaudia, pacato ni pronus ab æthere noſtros
 Dulcis in amplexus aperires pectora; latè
 Sanguineis eadem fluerent ni fervida rivis,
 Totque eſſent hominum vitæ, quot vulnera, fontes,
 Idem inſurgentes utroque ſub axe furores,
 Ulturoſque necem prohibes, Mundumque minantem,
 Expectata Crucis donec ſublimè teneres
 Brachia, tum nigra condi ferrugine Solem,
 Et veſtire diem tenebris, tunc ima ſinebas
 Fundamenta quati terrarum, excuſſaque fractis
 Oſſa virum, & vivos cineres migrare ſepulchris:
 Montanis tum ſaxa jugis, tum vela ſacratis
 Reſcindi protenſa adytis; cum certa videntes
 Exitia incaſſum tundeſcant pectora cives,
 Certabantque ſuis trepidi ſe condere teſtis.
 Sed quamvis ſeu pontus aquas, ſive aſtra coruſcas
 Armarent ad bella faces, ſeu terra revuſſis
 Nutaret lapſura jugis; non dextera vindex
 Adfuit, aut ſævas rapuere incendia gentes.
 Tu nocitura vetas, & cuncta pericula ſolvis;
 Uſque adeo moriturus amas, & parcere gaudes.

Ergo quod extremæ ſignabas tempora vitæ,
 Juraque certa necis, quod Averna in nocte poteſtas
 Dira tenebrarum feralibus adfuit horis,
 Sponte feris adjuncta ſubis ludibria pœnis.
 Jamque ſuburbanis miles religarat in hortis,
 Sudor ubi roſeos proruptus ſanguine rivos
 Fuderat, & bibulas latè madefecerat herbas.
 Tum furiis acti procures, rabidoque Senatu
 Damnavere patres, totaque in nocte dedere
 Illudi inſontem, & primos libare dolores.
 Circumſtat furibunda manus, pars tempora velis
 Cingere, fulgentiſque oculos: pars tundere palmis,
 Et ſœdare genas, frontiſque avellere crines:

Cedere pars calamis, & amaris scindere dictis,
Et noctem infandam furiali absumere ludo.
Ille silet (medioque tener velut agnus ovili
Tondentem observat tacitus, juguloque minantem)
Sic vultus pulsanti aperit, crinemque trahenti,
Seraque non ullam iceleri dedit hora quietem.
Et jam Sol aderat pallentibus obsitus umbris,
Surgentemque diem Cœlo decusserat, atro
Nec dabat ore jubar, trepidique ad frena jugales
Aversi tenere jugum. Nocturna per urbem
Sed tamen innumeræ rupere silentia voces.
Consiliis nam sacra Patres ad templa coactis
Eduxere adytis Regem, densaque corona
Cæsaris implorant leges, Latiumque tribunal.
At non dum casus, & lamentabile mater
Supplicium nati sensit, dubioque recondit
Pectore curarum fluctus. Nempè ipsa futuros
Præscia fortè agitat motus, & funera volvit
Absentemque ciet lacrimis; iterumque vocatos
Cursit in amplexus; rapitur tamen ille per urbem,
Tercentum gravibus dura ad Prætoria vinclis,
Audiat ut miseræ mandata novissima mortis.

Tuque adeo nuper fortunatissima mater,
Surge precor tacitis conclavibus ignea totos
Unde jadis vota in superos, nimiumque fatigas
Sidera, & iratum placas regina Tonantem.
Linque humiles o Diva domos, atque ultima nato
Oscula, complexusque refer. Præbere facultas
Non eadem posthac, rigido cum languida ligno
Corpora pendebunt, gelidaque in morte videbis
Dissociata procul nigro impallescere Cœlo.
Te verò quantum stimulis novus angeret error,
Occumbat si forte neci, si forte parenti
Te sine contortam lateri Deus hauserit hastam,
Perruptoque fluant duplices è pectore fontes.
Ergo ades, o genitrix, vox flebilis urgeat urbem
Turturis; haud equidem fallor, ceu compare turtur
Amisso sine fine gemit, desertaque luctu

Et nemora, & ripis latices, & montibus Euros,
Nec responsuras ad murmura provocat umbras.
Non aliter dequeſta gemes, egreſſaque teſtis,
Caſta columba, tuis quo fletu compita latè,
Mœniaque, & mœſtis implebis vocibus auras,
Nec mora virgineos crudeli in funere queſtus
Diſtulit, inſanos vulgi reſonare tumultus
Vix Diva, & populos ſenſit mugire frementes.
Agnovit cum ſigna necis; ſecumque volutans
Heu cari horribiles raptus, & vulnera nati
Quæ non ore dedit pavidi ſuſpiria cordis?
Illa & humum ſparſit lacrimis, & teſta querelis.
At non hæc (fatur) dederas promiſſa parenti,
Ut ſine me duræ velles occumbere morti.
Spreviſti noſtras nec tu dulciſſime voces
Nate, ſequi mater cum te per tela per ignes
Spondebam, ferroque caput, pariliſque vovebam
Sive trabi affixos artus, ſeu colla ſecuri.
Dixi equidem, rurſumque feror moritura per hoſtes,
Ni comitem reſugis, comitem per tempora vitæ
Quam tua ſemper habes. Antrum nemorale ſubivi,
Et tecum hiberni gemui mala frigora Cœli,
Ægyptumque procul, ſeptenaſque flumina Nili
Non ſine matre petis, mecum volventibus annis
Nazareos habitas Galilæa per oppida montes,
Aſſueſcens operi Mundi faber, ipſa remotos
Luſtrantem populos, urbeſque ſequuta piantem
Non ſine te vixi: tu jam ſine matre peribis?
Non ita divellar, ſi Crux tibi tollitur, altos
Atque infauſta ſuper montes præſigitur arbor,
Ipſa quoque adiungar; pendentibus arbore ſumma
Ipſa etiam membris felici in morte recumbam,
Ni forte ante dolor vitam auferat. Annue votis
At Pater, ut nato immoriar. Sic ultima voci
Facta via eſt, imo clauſit ſub pectore queſtus,
Et lacrimas expreſſit amor, qui verba repreſſit.
Ut rediere animi, properato concita greſſu
Ire parat, qua vulgus atrox, denſataque circum

Turba fremit, procereſque, & adaſtæ in voſa jubentum
Iſacidum voces ſervilia funera poſcunt.

Anxius at Prætor, rebusque incertus agendis
Quærebat, lethoque moras, tempusque furori.

At non & contra abſiſtunt, ferrumque, trabesque
Lethiſeras clamore vocant, precibusque Tyrannum
Tardantem ſtimulant, funeſtaque juiſſa morantem.

Et jam victrices populi non amplius iras
Pertulerat judex, dederatque immane frementi
Funera; præripiunt ſe ſe properantque cruentæ
Horrida tela necis; diſſecto hi lignea trunco
Brachia diducunt, hi ſæva in vulnera ferrum
Exacuunt, terebrasque novant, clavosque trabales:
Expediunt alii faſces, dumosque miniſtrant,
Purpureasque ferunt chlamydes, calamosque, paluſtres,
Ingeminant fremitus, offeſſaque vocibus altis
Mœnſa reſponſant, Cœlum tonat omne tumultu,
Horruit aſpectu genitrix, luſtuque per omnes
Carnificum tendit cuneos: & vos mihi (dixit)
Nondum arma, aut ignes, aut hæc tormenta paratis,
Crudeles? nihil ille meus fraudisque, dolique
Nil potuit; Cœlum teſtor, vos credite matri.

Ille Paſtinas viduavit peſtibus urbes,
Atque æſtus, morboſque manu, mortemque fugavit,
Aut linguæ voces, oculis aut munera lucis
Reddidit, ille potens dominis ſuper æquora plantis
Quod veſtus placavit aquas, domuitque procellas,
Et Caurum tumidos volventem turbine fluctus:
Quod procul ejeſtum torrentibus addidit antris
Agmina torquentem Stygium captiva Draconem;
Sæpe quod arcanis animas exire ſcpulchris
Juſſit, & amiſſæ redeuntia corpora vitæ,
Cæditur? & virtus dat iniquæ exordia mortis?
Cauſa mali nulla eſt, hominum ſi prima nocentum
Culpa vacet; commune nefas, & veſtra piantur
Crimina, ſed geminate iras, duo jungite ligno
Funera: mœrentem nato componite matrem;
Crux capit illa duos; geminæ ſolatia mortis

Natus erit, Materque simul. Nec plura dolentem
Effari finit atra cohors, nec longa precantem
Audiit, accelerant omnes, fremituque secundo
Supplicium intentant, stragemque, & funera versant,

Ecce trahebatur media inter millia, morti
Crimine devotus nullo reus; undique ferro
Cingit, & ardenti liſtor mucrone coruſcat.
Ipſe caput (caput heu textis quod ſerta coronant
Aurea ſideribus) ſpinis redimitus acutis
Implebat rigidos roranti ſanguine dumos,
Et circum roſeo manantia tempora nimbo.
Pulſus ab ore decor, deſectaue gratia frontis
Avia lux oculos, nuper duo ſidera, fugit:
Colla catenato ſtringebant languida ferro.
Stridentes chalybes, vinclisque ſonantibus urgent.
Pectora hiant crebro, ſulcataque vulnere terga,
Atque omnes livent virgis immanibus artus.
Ille tamen ſuſpenſa Crucis jam viribus æger
Robora fert humeris, ſævique ad culmina collis
Instrumenta ſuæ portat rigidiffima mortis.

Infelix ſterili turgebat in aëra dorſo
Trans Solymam Collis, qua ſoli obverſa cadenti
Inferiora locat depreſſo mœnia vallo;
Triftiaque æternum dederunt Calvaria nomen.
Illic, ut perhibent, veteri compoſta ſepulchro
Noxia primævi jacuerunt oſſa Parentis:
Cui male floriferis cuſtodia credita ſeptis,
Admovitque manus rutilantibus arbore pomis,
Nec miſer aſpexit pendentes fulminis ignes,
Fatalique ſuper ludentem caudice mortem,
Ipſe informis humo, ſqualenti vertice collis
Exundat pœnis morientum, & pingua truncis
Membra cadaveribus, putrique fluentia tabo
Oſtendit late, calviſque nocentibus albet.
Huc ſubeunt omnes, civesque, & ferrea circum
Miles in arma fremens, volitant vexilla per auras,
Æra ſonant, ſignumque tubæ ferale remugit.
Quid faceret mater? quo ſe mœſtiſſima luctu

Inferret populis? rabidos qua voce moveret?
Illa quidem natum furibunda per agmina cursu
Vestigat, propiorque instat; non illa pericli
Exitii non illa memor: per tela, per enses
Donec iter sibi fecit Amor, jamque astitit ante,
Et vultum, lacero indubitans, visuque pererrans
Vix tandem agnovit, roseis, pulcherrimus ore
Heu non ille genis, oculis non ille serenis
Lætus adest, qualem superi cinxere decoris
Sæpe ministeriis; qualem se nuper ad urbem
Egit, & infestam vultu pacavit Idumen,
Palmiferoque ducem vexit Solyma alta triumpho.
Vix credit potuisse feros tot vulnera dorso
Ducere, tam rigidis transfigere tempora dumis.
Attonitis relegens oculis: iterumque videndo
Sanguine rorantem lustrabat, & alta ferentem
Robora: sed linguæ mœror sua verba negabat.
Ingenti tum fortè trabis sub pondere natus
Æger anhela trahens jam corpora, corpora tandem
Heu languens declinat humi; ceciditque ruina
Involvens roburque, & vincla sonantia ferro;
Allapsu resoluta novos dant vulnera rivos.
Tum verò tremefacta parens, subiensque periclo,
Atque allapsa solo pariter, complexaque natum:
Tunè, inquit, Rex imperiis, dignate paternis
Hæc humeris tormenta geris? tu ferrea collo
Vincula? ne quisquam officiis succedit amaris?
Ponderaque iste levat? Surge o, dissolve tenaces
Da nexus, da ferre trabes; si tantus iniquos
Ad montes impellit amor, sine pondere montes
Ocyor ascendes. Ego jam non ista relinquam
Vincula, non quercus; misere ut divulsa recedam;
Rursus & hinc vitam, procul examinata requiram?
Et tu suppliciis sperasti o care supremis
Membra dare, & duro defigere brachia ligno,
Et sine matre mori? vitam sine vulnere mater
Deferet, indecoremque animam? sic pectoris hujus
Est tibi notus amor? sed tu lacrimabilis arbor

Me quoque flexa feres. Dixit, voluitque subire
Pondus, & infausto circumdare brachia ligno;
At subito vires dolor abstulit, ante petitos
Deficit amplexus, mediisque recumbit arenis;
Nec Natum potis est audire, & reddere voces.
Fustibus ille autem crebris, & fasce cruento
Sæpe reperiçus, vix tandem elatus iniqua
Surgit humo; properat licitor, stimulanque, trahensque
Ante gradu volitat, sequitur levis ille volentem,
Quamquam fessa labant, lapsantque in sanguine membra,
Montanoque subit figendus in arbore clivo.
Me miserum; fabor ne? an iusta silentia mandat
Exitiale nefas, scelerataque Golgotha poscunt,
Ite oculis, gemino Vatis de fonte cadentes
Pro verbis lacrimæ, faciles pro carmine fletus.
Forſitan hos durum mollescere pectus ad imbrës
Incipiet, mœſtoque bibens humore favillas
Hauriet irriguos Regis morientis amores.
Proh Cœli violata fides, & prima parentum
Crimina. Culpa vetus quantò stetit! aurea mala
Sanguine quo redimenda voras, qui prodiga vitæ
Oſſa Paleſtino condis male credita buſto!
Ecce super tumuli cineres, regnataque Morti
Marmora, vitales prorupto flumine venas
Ipse unâ immòtiens aperit Deus; arida vitæ
Non alias arbor surgat rediviva per undas.
At vos, Ifacidæ, nondum furor, altaque cordis
Explevit rabies? summo quæ robora saxo
Strata jacent? quæ virgineo formata pudori
Corpora nudantur? truncoque extensa trabali
Trajectis duplici figuntur cuspide palmis?
Cuspide trajectique pedes? Heu qualis adactò
Terrificat ferro sonitus? quis defluit annis
Sanguineus? quali cum pondere surgit in auras
Prodigiale Crucis tormentum, impulsæque subter
Terra recusat onus, tremefactaque mole laborat?
Vos æternæ arces, oculata volumina Mundi
Vidistis, nec dum trepidæ vertiginis orbes

Sistitis? ac magni leges non frangitis axis?
 Non iras pluvio demittitis igne tonantes?
 Tuque adeo astrorum princeps, quæ lumina terris
 Spargis adhuc? scelus ecce fugat lucemque diemque,
 Projectas extingue faces, cinge ætheris alti
 Squalentes nigra umbrarum formidine campos;
 Ipse dehinc poteris, Sol, circumfundere noctem,
 Nunc & funereos Cælo prætereundere amictus,
 Solis ad occasum, quo tu de fonte bibebas
 Lumina: nunc tempus lugubrè ardentibus astris
 Exequiale sacrum, tumuloque accendere flammæ.
 Ecce per obscuras diræ caliginis umbras,
 Horrentesque auras, & formidabile cælum
 Elatus Mundi genitor demissa recondet
 Lumina; lethales stridunt in membra dolores;
 Fessa labat cervix, cervix neque fessa recumbit.
 At silet immotus, spectansque, imitansque tacentem
 Horrificæ noctis per vasta silentia Mundum.
 Interea genitrix (redivivos spiritus artus
 Cui regit) accelerat crudelis in ardua collis,
 Vixque animæ patiens, cursu tamen incita natum
 Astitit ante parens. Superi, quorum agmina mille
 Invetis Regem lacrimis flevistis ademptum,
 Dicite, qui sensus fuerit, quæ cruda duorum
 Vulnera. Vicina pallens in morte, rigentes
 Ille quidem, fixusque trahi malè sustinet artus,
 Sanguinea exangui decurrunt flumina dorso.
 At mater pallore genas suffusa madentes,
 Jamque simul moritura, oculos immota tenebat,
 Non gemitus, non verba dabat, dolor omnia secum
 Abstulit, atque animam secreta in corda coëgit.
 Sæpe oblustantes conata est reddere voces:
 Restitit, & linguæ vox intercepta recessit.
 Sæpè movere gradus, atque oscula figere trunco;
 Obstetit, & gelidos tenuit stupor obviæ artus.
 Optabat riguos natum libare cruores
 Optantem vis nulla juvas. quid? scandere juxta
 Sum voluit, natumque alto demittere ligno,

Aut simul ipsa mori? sensit tamen irrita vota
 Nec se mœrentem, se nec cognoscit amantem,
 Sola mori nescit, quæ nescit vivere mater.
 Vix bene languentis poterat componere nati
 Lumina luminibus, vix triste audire loquentem,
 Juraque virgineo juveni materna dicantem.
 Quod superest, jam vocis egens, jam nescia vitæ
 Muta loquebatur, tacitoque in corde gemit?
 Te ne Deum? te siderea super arce sedentem
 Regnatorem orbis, dira hæc portenta manebant
 Nec tamen ipsa queror tua funera, funera pridem
 Poscebas; teneros postquam Deus induis artus,
 Non alius cogebat Amor, mea funera vivens
 Ipsa queror, rapis hanc animam, raptamque relinquis
 Ut moriar, vivamque simul, tamen accipe vitam
 Hanc quoque cœlestis genitor, solare parentem,
 Redde precor nato, fas est jam cedere vitæ
 Cumque Deo moriente mori, subit ultimus illi
 Spiritus, expiratque una qui vixerat Orbis,
 Ipsa moror? tacitis patuit vox nulla querelis
 Amplius; exanimæ similis post illa jacebat.
 Nos quoque vox, Mundi vita fugiente, refugit.

*Mortem Christi Domini sequuta Hierosolymæ
 ruina.*

Flebilis attonitas longe vox impulit aures;
 Impulsoque novos fingens in pectore sensus
 Mens alio diversa subit, vagus incola Mundi
 Cernere desertas videor trans æquora terras,
 Et Solymæ Assyriis ardentia mœnia flammis.
 At vatem contra lacrimantem, & colle sedentem,
 Cui dira excidia, & Judææ funera gentis
 Dicere cura fuit; nunc illi mœsta cadentes
 Ora rigant lacrimæ, squaletque impexa comarum
 Cæsaries, ac voce refert miserabile carmen:
 O patria, o cineres, o quæ monumenta supremo
 Barbarus igne rapit; cecidit decor ille vetusti

Imperii; Regumque domos, certantiaque astris
 Culmina, & erectas æterna in sæcula moles
 Ferrea pestis habet, missoque incendia ferro.
 Ne tamen urbs inter miseræ mœstissima mortis
 Funera quare iterum confurgere: neve per auras
 Sacrilego ferale caput sustollere muro.
 Quid struitis cives? quid mœnia condere saxo
 Audetis, lapsos quid cingitis aggere muros?
 Et testæ antiquas iterum visura ruinas?
 Huc video quondam regnatis lapsus ab astris
 Omnipotens, duro defixus corpora ligno,
 Candidaque infertis trajectus tempora dumis
 Pollutas tenebris vitam expirabit in auras.
 Quo feror? acclivis duplicato poplite terræ
 Multa gemit, largis humectans imbribus ora;
 Pulsa per exangues expirat gratia vultus,
 Membraque sanguineus madefecit pallida sudor.
 Irrumpit legio, vinclis Regemque Deumque
 Innectunt, lacerantque comas, celeratque per umbras
 Confestim, & sævam veniens subit agmen in urbem.
 Et video, & vidisse dolet quos sæva furores
 Turba viro, & quantas violentior aggerat iras.
 Pars oculos denso geminos obnubit amictu.
 Pars vultum manibus quatit, insultatque flagello:
 Turpibus ora notis fœdant, lacerantque revulsam
 Cæsariem, horrendum pœnæ genus, & mora nulla
 Aut requies tormenta levat, populusque, patresque
 Miscentur longis densa ad Prætoria turmis,
 Exacuuntque iras, atque ultima funera poscunt.
 Tuque adeo insontem virgis, & vindice ligno,
 Quid scelerate reum tentas extinguere? quis te
 In furias jubet ire metus? quid tela? quid enses?
 Cur video pendere Cruces? o pone furores
 Pectore, tela manu sanguis meus. Ille per urbem
 Quem rapitis, geminis devinctum colla catenis,
 Indignum aërii quem figitis arbore montis;
 Ille ingens, Deus ille, altos qui jura per axes
 Dividit, atque manu pendentem sustinet orbem,

Et dabit immites flammis ultricibus arces.
O Solyma, o Regum nutrix: incendia testis
Illapsura tuis, iterumque resurgere bellum
Vista gemes, Italum signis, & vindice Roma.
Sat vidi crudele nefas; instatque ruitque
Et clades, & dira fames, & tristis Erinny,
Et tanto numquam mors exaturata cruore.
Nunc mihi si quis adhuc oculis languentibus humor
Effluat; ora decent lacrimæ, decet addere fletus,
Et properare meum geminato funere funus,
Dixit, & in lacrimas oculos effudit, & omnes
Plorandi patuere viæ, mihi reddita cessit,
Officiis mens apta suis. Verum ille futuri
Præscius arcano cecinit quæ numine bella,
Exitium, geminumque nefas labentibus annis
Videre, & cladem miseri doluere nepotes,
Ipse modo expediam, repetamque ab origine causas,
Mitia Romanæ damnarant fœdera gentis
Isacidæ, & dominos prohibent dare jura Neronæ;
Jamque potens contra validis exercitus armis
Astetit, iratæque acies, & Romula castra.
Sed magis infesto minitantur numina Cœlo,
Majoresque cadunt regnis cœlestibus iræ.
Infandi pœnas sceleris per tela, per ignes
Cœlicolæ repetunt; sed enim nec tela, nec ignes
Sufficiunt, sæcla immanes abolere ruina,
Fulmina moliri, conversaque ducere contra
Et maria, & terras, & Aversa undantia flammis
Est animus. Jamque exitii manifesta futuri
Signa ferunt; visæ in noctem turbata per astra
Æthereum flammis acies incendere Martem,
Et cristæ capitum, galeæque ardere minantes,
Dispergi, & longo ventorum incendia tractu.
Sæpe augusta Dei moles, ubi ponere sacras
Mos erat, atque aras votis onerare secundis,
Sponte sua patuit, magnoque excussa tumultu
Ostia, & abrupto patuerunt cardine postes.
Vox quoque inhorrentes latè exaudita per umbras,

Custodes fugisse Duces, simulacraque passim
 Ora recedentum nocturno erumpere motu.
 Ipse suos ignes rigidum curvatus in ensē
 Annuus infesto suspenditur axe Cometes.
 Nec desunt hominum voces, luctusque pavorque,
 Et gemitus, mediaque ingens ululatus in umbra,

Ergo ubi post domitam se Vespasianus Idumen
 Vertit ad Italiam, & civili concita bello
 Roma sui tandem venerata est Principis ora;
 Augusto nec patre minor, nec Consule Consul
 Arma Titus, cladesque iterum, Solymæque ruinas
 Aggerat; haud illi quisquam contenderet; hostem
 Seu turbaret eques, seu cum Cortynia nervo
 Spicula torqueret, mentiri nescia dextram;
 Quotque manu, totidem defigeret hoste sagittas.
 Jam propius steterant acies, Tiberisque volucres.
 Obiiciunt sese Solymæ sub mœnibus altis
 Isacidæ, paribusque cohors venit acta manipulis.
 Explorant utrimque manus, & comminus armis
 Irruitur, victorque redit certamine Cæsar.
 Tum portis iterum, & patria conduntur in urbe
 Isacidæ, Martemque tegunt, ac mœnia firmant.

Colle super gemino surgit, verum impare dorso
 Urbs Solyma, & ternos circumdedit aggere muros.
 Vallis erat media, acclivem se collis uterque
 Frontibus adversis in quam devexus agebat.
 Altior ille jugo, magni testæ ampla Syonis
 Sustinet, ac refugis pugnantes nubibus arces;
 Inferior tenet Acra locum declivibus arvis.
 Quem contra assurgens seclusum vallibus imis
 Eduxit natura jugum, sed molibus altis
 Erexere locum Reges, perque ardua montis,
 Rupesque abruptas, magno patet area templo
 Nubiferis erecta tholis, ferit aëra moles,
 Qualem non nigra Ægyptus, non corniger Hammon
 Aut juvenum vidit lacrimis celebratus Osiris.
 Ipsa Ducum moles jam dedignata superbas
 Roma, nec æquato fastigia vertice ponit.

Haud

Haud aliis credant tutò sese arcibus urbes,
 Tot circumpositis stant propugnacula muris,
 Tantaque se facies aperit, numerosa columnas
 Testa premunt, geminis sese vasta atria cingunt
 Porticibus, duplicique super stat fornice pondus.
 Huc Libanus virides truncos, huc cedrina sylvæ
 Robora demisit, suffosso ibi multa Syene
 Cernitur, & patrio viduati marmore montes.
 Interior non saxa domus, non marmora tollit,
 Auro cuncta nitent, & convestita metallis
 Stant ignota procul superum sacraria Regi.
 Nec desunt urbi latices, nam valle profunda
 Murmurat amne liquor, fontem sonat unda Siloan.
 Quin etiam effossas alta tellure cavernas
 Imber alit, liquidusque latet sub montibus humor.
 Et quâ surgentem renovat Sol aureus ortum,
 Jordanes habitat ripas fugitivus amœnas:
 Occiduus qua condit equos, spumantia fluctu
 Æquora miscentur, medias cingentia terras:
 Nubila qua pennis Auster meditatur, & imbres,
 Bethlemix sedes, magnique habitacula partus;
 Quaque tonat Boreas, veteris stetit ara Bethelis
 Semotæque procul terra Samaritide gentes.
 Hinc & castra locat Cæsar super ardua collis
 Culmina; sævit atrox contra, seque obruit hostis,
 Stare negans dictis, validasque in viscera vires
 Ipse suas vertit, civiliaque arma coruscat.
 Jamque faces testis, & adactum in viscera ferrum
 Iniiciunt, largisque seges collecta manipulis
 Igne Palestinos sensit consumpta furores.
 Interea hostilis validos balista molares
 Arietat, impulsuque tremunt, arcesque fatiscunt,
 Nec mora; succedit densa testudine miles,
 Obscuratque diem telis, par spicula dextra,
 Stupea pars agitat balcaris verbera glandis,
 Pars muros ferro explorat, duraque bipenni
 Clausura remolitur contorti, ac turbine saxi
 Avellit portarum aditus; labat ariete crebro

Postis, & ingestos ardent tabulata per ignes.
Miscet se bello Cæsar, defestaque in hostes
Exanimos ubi tela videt, conscendere turres
Accelerat, summosque manu discindere muros.
Nec cecidere animis hostes, stridentia volvunt
Ignibus, atque atro circumlita sulfure tela,
Densatasque ardent acies perrumpere, si qua
Forte via aut ferro, aut junctis sese ignibus offert;
Nox aderat, Cæsarque suos in castra vocabat,
Sed tabulata super terni jubet aggere valli
Surgere roboreas armato vertice turres;
Compactisque sonant trabibus tormenta, fremensque
Quassatæ de tuto aries super intonat urbi.
Jamque dedit latè rupta compage ruinam,
Procursumque hostis summa ad fastigia muri
Emicat, atque Aquilas, & signa volantia figit,
Ceum quondam objectas rupes, & grandia saxa
Vorticibus certant rapidis, & murmure aquarum,
Hibernoque amnes animosi excindere nimbo:
Tandem ubi colliso divellitur aggere moles,
Alta fremens fluvius spumantes ingerit undas.
Claustra superfuerant geminis impervia muris.
Tela inimica tonant contra, balista reclusum
Fecit iter, subiere hostes, conferta sed arma
Isacidæ obiciunt, & comminus ense coruscant.
Incassum Latæ cuneos inducere turmæ,
Atque omnes tentare aditus; compulsa recedunt
Agmina, Judæas sequitur victoria gentes,
Visa insperatam mendax luisse salutem.
Nam matutinos vix Sol quater extulit ortus
Miles in obstructam cum Flavius irruit urbem.
Ut solet in nemora immissus, silvasque sonantes
Arsuris non umquam ignis decedere ramis,
Donec flamma vorax truncos, fumosque solvit
Robora, & in cineres late omnia mista quierunt,
Non aliter sese hostis agit, jamque ultima cingunt
Mœnia, & extremos relevat fortuna labores.
Stabat in immensum turris, quæ vertice summo

Erigitur Cœlo, vicinaque sidera lambit,
 Herodis fabricata manu, memoresque per annos
 A Duce suscepit Romanum Antonia nomen,
 Proxima marmoreas surgunt delubra per arces.
 Huc omnis subito versus labor; explicat omnes
 Ante acies Cæsar, flectat si forte morantes
 Armorum fremor, & visu metus urgeat hostes.
 Ibat inauratis radians exercitus armis:
 Hos dedit Ausonia: hos fluvio septemplete Nilus
 Miserat: advenere Syri, nec defuit armis
 Eufrates: Arabesque suis gens nota pharetris.
 Sed quis Tenareos extinguat corde furores?
 Non numerosa movent hostilibus agmina signis,
 Ipsi se ferro absumunt, in se ignea tela
 Isacidæ intorquent; jam nulla exire potestas,
 Hinc vastæ rupes, latoque altissima muro
 Pergama, & objecta cautes: hinc Itala castra,
 Ausoniæque manus, & Flavia signa recondunt.
 Ergo fames baccata omnes depascitur artus,
 Et passim infontes pueri, teneræque puellæ,
 Invalidique senes pereunt, stant turpia tabo
 Corpora, perque vias sternuntur, & atria longe
 Exanimata replent; sancti non cura sepulchri
 Exequiis non ullus honor, vomuere profundæ
 Terribiles visu formas, sua monstra, cavernæ:
 Luctumque, atrumque horrorem, rabiemque, doloremq;
 Atque metum immanemq; famem, morbosque necemq;
 It nocturna cohors, comitumque ante ora vocatus
 Pallor adest, illi macies, illi intus abactis
 Horrida lux oculis, squalentes lurida malæ
 Ossa premunt; ciet ille feros ad signa maniplos,
 Et lustrant miseram nocturnis passibus urbem
 Perque diem obscuro densantur in æthere nimbo.
 Vos tremefacta lucem infandam civilia testæ,
 Atque illabentes sensistis mœnia luctus.
 Vos Erebi pestes magno stridore volantes
 Attonitæ fugistis aves, cum pectora sensus
 Nunc alios alios raperent; ille impius ensem

In sua corda movet: tumulum dum vita superstes
Ille petit: cari scrutatus viscera nati,
Ille rapit, tenerosque vorax depascitur artus,
Atque suo gaudet mater pinguescere partu.
Sensit atrox volitare malum jam mitior hosti,
Et Titus illacrimans, vos, dixit, sidera testor,
Vos superi, non hos gemitus, non funera gentis
Nec tantum sperasse nefas, stat parcere victis,
Si modo victa meæ procumbant mœnia Romæ.
Nec tamen Isacidæ pacem, non fœdera poscunt,
Arma, necemque petunt; furit hostis, & irruit armis.
Quis miseram cladem referat, clamore secundo
Cum Latiae coiere manus? cum subdita flamma
Concepit portarum aditus? longeque ruinam
Sacra liquefactis dederunt delubra metallis?
Pascitur ignis edax, aurumque, aggestaque gemmis
Pondera, divitiasque operum, crepitantibus alt
Semita fit flammis, æstuque incendia fervent.
Quin etiam raptos altaria ad ipsa tonantis
Isacidæ jugulant, veteris penetralia templi
Incensis patefacta adytis, multoque cadentum
Sanguine fœdantur sacris pereuntibus ignes.
Inde faces ad testæ volant, ruit Acra vetustis
Ædibus, involvitque viros, ignesque ruina.
Ensis atrox, aut flamma vorat, subit undique mortis
Horror, ubique furor, calidis cruor undique rivis.
Tertia nec duro stant invia mœnia bello.
Ingemuitque Syon, nam viribus acta coruscat
Fulmineam balista trabem, concussa pandit
Pergama; diffugiunt trepidi, non testæ, neque arces
Extrema jam in morte petunt; specus omnis, & omnis
Impletur locus, arcanis ubi busta sepulchris,
Occupat extemplo desertas milite turres
Romanus, ferroque fremit; non saxa, nec ignes
Non ullum mortis cessat genus, ipse superbas
Ut cadere aspexit moles, monumentaque Cæsar,
Hæc, ait, haud nostris opibus, non militis armis
Prov eniunt, miscent iratæ hæc funera Diræ,

Major agit Deus ultrices pro crimine pœnas,
 At nondum seros quæ post venire per annos,
 Hauserat ille oculis renovata piacula facti.
 Ut profugi, incertasque urbes, dispersaque testæ
 Vestigent, patriasque domos errantibus orbis
 Auferat, invisum cunctis genus unda refugit,
 Terra negat sedes, auras vix sufficit æther,
 Ibo per Scythicos, qua nix altissima montes
 Stat solido concreta gelu: deserta per arva
 Regnat ubi medius Mauris flagrantibus æstus:
 Hic miseram sobolem (Solymæ fumantis acerbas
 Reliquias) spectare licet; non barbara tellus
 Fœdera conjunxit, placidis non mollior armis
 Testæ locant; periire semel, nec vivere vitam
 Posse datur, furor idem adigit corda, impia corda
 Pestis, habet patriumque nefas. Proculeste, quid urbem
 Cingitis? ultor adest; scelus o vocat omnia Cœlo
 Pulmina, conjurant & Aversa, & sidera flammis;
 Infesto nimium premitur sub pondere tellus.

Natalitia Magnæ VIRGINIS.

Forſitan Hebræos tenebroſa per Infera manes
 Illuſtres animas, mundique obſcura tenentes
 Nondum naſcentis cœperunt gaudia lucis,
 Atque utero nondum tellus pateſca &ta recuſſo
 Uſque ſub Infernos diſſundit lumina campos.
 Non ſatis hæc Libanum viridem, Galilæaque propter
 Mœnia, Carmelique jugis aurora marinis
 Splenduit, ac medias implevit lumine valles,
 Nazareos primo quæ protulit ore nitores,
 Candida quæ ſolem ducit rubicunda ſequentem.
 Debuerant tenebris pallentia regna fugatis
 Ignotos haurire dies, & triſtibus antris
 Haſtenus invifos Cœlo deducere ſoles.
 Vos quoque Idumæi proceres, (è nocte profunda
 Naſcentis ſpectare licet ſi lumina Divæ)
 Cernite, Nazareï ſecreto in limine teſti

Infantem primis questam vagitibus auras,
 Quam vestræ quondam cecinere oracula lingua
 Astrorum Dominam, terræ, pelagique futuram?
 Ecce pharetrati qui sinistra sonantia Nili,
 Castraque Erythræo merfit Pharaonia Ponto,
 Designata notis Pater immortalibus ora
 Agnovit; secto qualis de robore Setim
 Arca immortales sacraverat aurea cedros.
 Sensit & igne rubos pasci; commissa pudori
 Jam sibi maternos cum flamma orditur amores,
 Et flagrat e casta flos virgine. Florea vates
 Alter Jesseæ miratur munera virgæ,
 Atque ascendentem fecundo cespite gemmam,
 Hic funda, sceproque potens dilecta Syonis
 Ostia, Reginamque imis veneratur ab antris,
 Astitit ostrifero nascens quæ dextera Regi
 Auratam vario chlamydem circumdata textu.
 Tuque adeo patriæ, Salomon, regnator Idumes
 Flos olim campi, & viridis tener incola vallis,
 Quas Dominæ lucēs miraberis? Aspice quantus
 In Sunamite decor: cara in Sunamite videbis
 Effulgere choros castrorum: armata cohortes
 Explicat ut quondam legio fulgentibus arvis,
 Atque percussio jactat aurea lumina Sole.
 Nonnè soporatos eadem declinat ocellos?
 Et modo maternis pendebat pupula mammis,
 Illa, Deus genitor cui riserat, ante vetusto
 Pondere quàm staret librata sub aëre tellus,
 Et gemino obversum strideret cardine Cælum.
 Nondum se fontes, sonitusque erupit aquarum,
 Mole gravi, nec dum rigidi per nubila montes
 Constitierant: hæc ante omnes dilecta puellas
 Visa Deo quondam, vectus famulantibus auris
 Cum Pater æterno cingebat sidera vallo,
 Æthera tendebat sursum, stabilique deorsum
 Lege novas frenabat aquas, ne littore curvo
 Iracunda suos transirent æquora fines?
 At modò post ævi senium, revolutaque Cœlo

Tempora, longævam fœcundat nata parentem,
Alludensque sinu regali fronte coruscat,
Et nova maternos inter ciet oscula risus.
Quin etiam teneros è sole plicatilis artus
Intertexta tegit cœlesti fascia limbo:
Sidera florentes componunt luce coronas
Interfusa comis: capiuntque e crine nitores:
Et sinuat cunas argentea luna bicornes,
Ut placidos fingat nocturno sidere somnos.
Fecerat hæc puæræ nascenti munera Cœlum,
Et numquam sic gemmiferis per littora conchis
Pontus ad occiduas, Eoas fecerat undas:
Fecerat & tellus, autumnî mitibus astris
Quæ nemore acclinans bicolores divite malos
Legerat, & fruges, & dulces legerat uvas.
Vos modo, digna patres si magnæ débita natæ,
Cura movet, tenerum pro munere dicite carmen,
Quando aliud furvis donum non redditur antris.
Audistis? vox ecce sonat, caniturque per umbras,
Ceû pulcher Salomon festivo cantica versu
Sancta Palestinæ quondam modulatus amicæ.
Ut rigidos inter nascuntur lilia dumos,
Inclita femineos inter sic filia cœtus
Nasceris, o pictis adjungite mala rosetis,
Et cunas stipate leves, & cingite lina;
Si modo languet amans, somnos adducite amanti,
Dure sopor, melius primos mihi rumpere somnos.
Ergo ab odorato formosa Columbula nido
Surge, sonet nostras tua vox immissa per aures.
At grave conceptos Divæ sit rumpere somnos.
Ergo omnes circumfusæ cunabula matres
Vos ego per capreas, ego vos cervosque fugaces
Camporum testor, dilectam suscitet audax
Ne manus, intereat caris ne somnus ocellis.
Ast ea compositos ridens patefecit ocellos,
Et circum ora lepor, circum sol lumina ludit.
O quam te memorem! vultu pudibunda decoro
Sola nites, interque nites tam pulchra puellas,

Et maculæ, nigrorque genas fugere decentes.
Ergo veni, Libanoque veni; tibi rite coronam
Amana floriferum, tibi rosâus educat Hermon:
Et montes, deserta locant ubi lustra leones,
Celant lunatos secreta cubilia pardos.
Corda soror, desponsa soror, jam vulnere figis;
Est oculus jaculum, jadis uno missile telum
Colli crine tui, sed enim quos crinis odores?
Distillant quos labra favos? mel lingua refundit,
Lactea lingua tua est, niveos dat mellea rores.
Tot neque roriferis pubescunt gramina campis
Fons ubi, & irriguis nutrita rosaria rivis:
Sparsa quot Assyrio spiras opobalsama cultu.
Tu nardos, tu diva crocos, tu Ciprina late
Unguenta, & myrrhas, & odoro cinnama ligno;
Tu quoque viventes liquida signatus ab unda
Fons hortis effundis aquas; modo murmuret Auster,
Et volitet pennis Aquilo per rura serenâs,
Fœta dabit flores, frugesque & aromata tellus.
At visenda nimis Solymæ par filia nostræ,
Hinc oculos averte tuos, & concipe somnos;
Quippe illis fugitiva meos mens deserit artus,
Avia lux oculis, & spiritus avolat ore.
Illis tu lotas superas imitata columbas,
Lacte licet lotas, pleni per amœna fluenti.
Sic tu nigra comas: Galaditi vertice frondes
Ceu nemoris tondent nigrantes vellera capræ.
Dentibus alba greges, & vincis coccina labris,
Grex licet ascendat fluvio, dent coccina vittas:
Purpurat ore rubor, malas qui pingit eburnas,
Non secus ac tenero qui frangit Apyrina libro,
Monstrat sanguineis granata rubentia succis.
Sic adeo mihi pulchra venis, o pulchra flagrante,
Sparge in corda faces: præ te si pallida condit
Nunc Aurora diem; deserto candida Sole
Si modò Luna tuos in noctem mutuât ignes:
Sol & adoranti pronus tibi concidit astro.

Sic ait; ast alii subeunt, paribusque dedere

Nascenti numeris, paribus pia carmina votis.

*Agnes pudoris vindex Juveni erepta,
& restituta vita.*

Agnes casta nimis, violis sed pulchrior Agnes
Una rosis rubicunda magis, magis alba ligustris,
In fœdas compulsa domos, indigna puellis
Lustra tenet; sed enim subeuntem in limine primo
Prosternit juvenem superis defensa Virago.
At qui siderei venisti e culmine Mundi
Alma verecundi defendere jura pudoris,
Et prope virgineos tutari Agnetis amores,
Aliger, irato depone ardentia vultu
Lumina, & ingentes paulum compesce furores.
Qualis ades, quam fortis ades: quæ tristia telo
Vulnera flammifero, quæ Romæ horrenda coruscas
Fulmina! terrificis ingens mihi Cassida cristis
Cernitur, & nexis laquearia lambere flammis,
Sidereasque operire comas, frontemque minantem
Lethiferum squamis vestitur pectus ahenis,
Fulgoresque ignesque rotat? micat ærea dorso
Effundens lorica faces: velut æmula Solis
Longe ardent haustamque vomunt specularia lucem.
Hasta gravat dextram, ferroque obtortile fulmen
Stragesque, immanesque metu circumligat iras:
Æraque cum tonitru fatalis complicat umbo.
Proh quanto miseros immergi in funere cives
Aspicias, quanto maculari sanguine ripas,
Et fluctu tepefacte novo Tyberine videbis
Dispergi seu tecta virum, seu templa Deorum,
Et ruere in præceps veterum decora alta Quiritum!
Ecce prior juvenes inter fortissimus omnes,
Qui vetitas intrare domos, aususque latenti
Virgine jam puros gressu temerare penates
Occubuit valido transfixus pectora telo,
Stratus & ultrices hausit per fulmina pœnas.

Et tum forte sacris Capitolia ad alta peractis

In

In fora Tarpejo Consul descendere clivo
 Cœperat, Exquiliisque domum repetebat amœnis.
 Ecce autem incendens miseris clamoribus auras,
 Atque Deos, Cœlumque vocans crudele ruebat
 Nuncius, heu domino referens mala funera patri,
 Vix adeo aspexit (juvenum comitante corona)
 Purpureum trabea, & tumida se mole ferentem
 Cum procul exclamat: votis tu furda fatigas
 Numina, morte jacet scelerato in limine natus.
 Ipsa necat, colubris, Hydraque nocentior Agnes,
 Vidimus (heu magicæ damnata venefica linguæ!)
 Thessala cum fremeret furiali murmura cantu,
 Cunctaque disrupto trepidarent numina Cœlo,
 Ægida torquentem fractosque in nubibus ignes
 Descendisse Jovem; fuerat seu Juppiter, arma
 Ignea sive Deus Cœlo Jove major agebat.
 Proh quantas tulit ore faces? quæ flammea torfit
 Spicula? continuo natus percussa trifulco
 Fulmine corda tulit, casuque ereptus acerbo
 Ille tuus, Romæque decor, Tyberisque voluptas
 Obluctantem animam trifidos effudit in ignes.
 I, strages numerare tuas, nec plura loquutus,
 Hælit, & in lacrimas mutavit verba silentes.
 Ille autem luctuque amens, rabidusque furore:
 Ibo, ait; at solves tristes mihi femina pœnas
 Cruda nimis, probrosa nimis, nec munere vitæ
 Tu Capitolas inter nutrita puellas
 Haussisti niveos tenera de matre liquores.
 Te lupa, te tigris squalentibus extulit antris,
 Te Gorgon, quæ vipereis incincta colubris
 Indoluit vinci natæ crinalibus hydriis,
 Atque Erebi expavit præbentes ubera pestes.
 At, faxo, lethale vomes de corde venenum.
 Ipse ego mox adero, manibusque calentia corda
 Avellam, canibusque dabo laceranda cruentis.
 Sic ait, impellitque animos, luctumque, furoremque
 Accendit, tum præcipites quo vertere gressus
 Admonet ira, ruit, propereque ad limina pergit,

Est locus in mediæ latis convallibus urbis
Circus Agonali missos ubi carcere metis
Convertebat equos, dubiusque auriga remensa
Circuitu, longam curru signabat arenam.
Hic & Alexandro quondam fabricata Severo
Surgebat moles, nunc strato amplissima Circo
Sunt spatia, & muris civilia tecta coronant.
Huc ubi (nam vicina Agnes aliena tenebat
Limina) delatus Consul (numerosa Quiritum
Agmina cingebant aditus ut forte patentes,
Et juvenis flebant immitia fata jacentis)
Eminus exclamat genitor: properate Quirites,
Ferratis inclusam anguem religate catenis.
Una tot horrificas strages, tot miscuit una
Exitia, & luctus; ite, obtruncate merentem,
Ferte faces, densate rogos, vibrare secures,
Infames lacerate artus, incendite flammis,
Nec tamen emeritas scelerum dabit improba pœnas.
At solves, scindam ipse manu corda, impia corda
Dextra teres, artus flammæque, undæque vorabunt.
Quid loquor infelix; media lymphatus in urbe
Quo feror? heu nuper genitor; solatia luctus
Quæ misera? aut ignes? aut ferrea vincula posco?
Quid me flamma juvat? Quid adactum in viscera ferrum
Si lux rapta domus, nostræ si fida fenestæ
Spes abit, extinctumque decus? Proh Juppiter! altis
In foribus video dejectum fulmine natum?
Fulmine, quod juvenis bipatentia pectora rupit.
Hic meus est? jacet heu quantum mutatus ab illo,
Qui modo Romanas curru sublimis in arces
Ibat, & Ausonios meritis referebat honores.
At non has de te lacrimas sperare licebat,
Spondebatque annis veniens florentibus ætas;
Quæ tibi longævæ signavit sæcula vitæ,
Frenandumque tuis Romanum legibus in orbem.
Heu nimis insidiata meis sors improba votis.
Ut subito egregium forma, viridemque juvena
Perculis, affixitque solo, sic ille rubenti

Excidit ore color? sunt hæc latissima vultus
 Lumina? surgentes hi summa e fronte nitores?
 Mors sibi cuncta tenet. Patriis jam fascibus hæres
 Quis dabitur? nostri generis bellator in urbem
 Quis Latiam Rhenum, domitumque inducet Araxem
 Et vacua Princeps posthac dominabitur aula?
 Debueram prior ipse mori, ne dura viderem
 Funera, versaremque manu mea vulnera, tantum
 Femina vulnus agit? Non, si torssisset Amazon
 Spicula, sic telo rueret: potuitque timendis
 Figere virgo armis, manibusque imbellibus Agnes?
 Non te nate ferit muliebribus illa sagittis,
 Dedecorant nec tela necem; sed fulmine foto
 Vix bene dejecit te Juppiter, o mihi si quis
 Gaudia restituat, si quis tibi lumina vitæ,
 Deleat & flammæ, & hiantia vulnera sanet!
 Tu forte ignotas laudata puella per artes,
 O Agnes prohibere necem, tu munera lucis
 Ferre vales, raptamque patri, natoque salutem.
 Audierat gemitus Agnes, vocemque dolentis
 Et tacitis egressa adytis ante ora Quiritum
 Astitit, ut tenero nascens e cespite fulget,
 Atque inter virides flos pulchrior emicat herbas:
 Ut quondam in tenebris lucem vestire pyropus:
 Aut matutinas albescere visa per umbras
 Roriferis Aurora comis, & Solis ad ortum
 Spargere inaurato radiata rosaria Cælo;
 Vestibus haud aliter niveis, oculisque refulsit,
 Et circum superos Agnes afflavit odores.
 Vestis erat, quam stelliferis advexerat oris
 Carbasa vincentem tenui pellucida textu
 Sidereus Princeps, habilemque, ultroque ferendam
 Obtulit. Illa gerens Divas imitatur euntes
 Incessum similis, lucemque, & sidera frontis.
 Ut stetit ante viros, miserandaque Consulis ora:
 Quæ tu dira Jovis memoras? quæ spicula, dixit,
 Imbelli contorta manu? Dux arma coruscat
 Maximus aligerum, quorum sublime sedentem

Agmina mille Deum radiis velata coronant.
Ille manu fulmen torfit, rursusque tremenda
Tela manu mittet custos meus; aurea si quis
Jura velit contra casti violare pudoris:
Ille quoque amissæ redeuntem ad limina vitæ,
Ereptumque imis natum revocabit Avernis;
Mors ubi viventem pascit, morsuque cruento
Heu perit æternos numquam periturus ad ignes.
Vix ea: cum lacrimans Pater, oblitusque minarum,
Hærebat supplex genibus, natumque petebat:
Natum omnes circum fremere, & clamoribus altis
Ingeminare preces, mœsta & lamenta Quirites.
Diva autem populos non aspernata precantes,
Cœlicolæ promissa dabat, votisque ciebat,
Spondebatque Deo reducis pro munere vitæ
Romulidum ingentem venturam ad sidera prolem,
Et quondam sacris moturam fascibus orbem.
Jamque dedit signa Omnipotens: monitusque Tonantis
Audit, & exanimo vitalia munera portat
Aliger, extemplo celeri per inane volatu
Carpit iter, tacitisque umbrarum allabitur oris.
Extremo subeunda patet spelunca Baratro,
Qua non ulla magis regnis demissa profundis
Pascit in æternas flammæ incendia pœnas.
Sulphureos alit unda lacus, atque ignibus atris
Unda alitur glaciem juxta, resonantia juxta
Fluctibus allisis, vastaque voragine saxa.
Luctus ibi, fluctusque virum, gemitusque nocentum
Verberaque ingeminant, quassatque immane cavernas
Horror, & ora dolor redeuntibus obsidet alis.
Huc immersi omnes quicumque ferocibus ausis
Bella sacris fecere, jacentque, dolentque Nerones
Corpora tercentum rigidis percussa catenis
Perpetuis ardere rogis, clavaque sonare
Centaurus, fremere & spiris religantibus Hydras.
Huc etiam trifidæ confossum cuspide cornus
Romanum juvenem nexis in vincla catenis
Traxerat Aleto, piccisque immerserat undis.

Cum

Cum subito nitidis effulsit ab æthere pennis
 Aliger, ereptumque rogis stridente Megæra
 Ad Zephyros iterum, notasque reduxit ad auras:
 Et venienti animæ desertos reddidit artus.
 Restitit attonitus juvenis: stupere Quirites,
 Et pavida innumeræ tenuere silentia voces.
 Ille autem liquidos Cœli conversus ad orbis
 Te Genitor, dixit, sævis, qui mergis Avernis
 Ponentes delubra Jovi, vetitisque colentes
 Sacrilegas donis Acherontia monstra per aras,
 Agnosco, venerorque Deum, tu iusta recondis
 Supplicia, & diram sceleri per tristia noctem
 Tartara. Proh cæcas mentes! vidi Infera, vidi
 Tænarios ignes, & caligantia latè
 Regna, facesque tuli, Scyllas perpeffus, & angues,
 Et centum gemino furialia verbera ferro.
 Tu Stygio metuenda lacu, gratissima Cœlo
 Eripis, o Agnes, patrio me reddis olympo.
 Ecce sequor quocumque vocas, vestigia Consul
 Jam nati sequere, & Numen cognoscite gentes.

*Lacrime Sanctæ Mariæ Magdalene ad Christi
Tumulum.*

Ergo iterum periit? bifidæ modo robore quercus,
 Cum periit duræ Mors quoque fixa trabi.
 Nunc etiam tumulo tenebrofi conditus antri
 Occidit; exanimo dant fera faxes necem.
 Tunc equidem vidi stellas occumbere cœlo,
 Et cadere in medium signa refixa diem.
 Sed sine Sole diem, atque umbras sine nocte videbam;
 Mutuaque adversis mansit utrisque fides.
 Nunc mihi sole peris Amor o, raptusque sepulchro
 Me fugis, & solam me quoque vita fugit.
 Sed neque vita fugit; raptos modo perdidit annos,
 Cum fera divinum ruperet hasta latus.
 Nonne meum verso violavit vulnere pectus,
 Quæ lateri inclusas cuspide sensit aquas?

Omnis at ære rigor, ferro quoque fluxerat omnis;
Vix pupugit nostrum mollior hasta latus
Ast ego jam bifida super arbore fixa peribam,
Et satis exanimis illa duobus erat.
Me dolor hic ferro defixerat: hunc ego sensi
Carnificem, ut Regi victima juncta forem.
Et potui spectare, nigris cum victor Avernis
Igne catenati stringeret ora Ducis.
Et novus illudens tenebris Sol luce profundis
Monstra per ardentes mergeret usta lacus,
Me miserum, tellus dubio discussa tumultu
Ecce sepulchrales rupit aperta fores.
Migravere suis rediviva cadavera bustis,
Sanctaque disiecto corpora missa rogo.
Tunc ego quid facerem vitali proxima ligno?
Fugit, & invito corpore vita redit.
Tu quoque Tænariæ spoliis ornata Colubræ
Fers necis exuvias arbor onusta meas;
Crux precor o nostris titulos incide trophæis,
Quæ sine me vivit, me sine viva perit.
Fallor, adhuc totis non vixi partibus; & nunc
Dimidium nostri qui jacet, ille tenet.
Mortua nec totis defeci languida membris,
Ipse animæ partem corde coëgit amor.
O adsit quæsite meis dulcissime votis,
Seu vivis, miseræ seu mihi morte peris.
Accipiam quodcumque subis, comes una subibo,
Tota vel ut vivam, tota vel ut moriar.
Credo equidem, tu morte jaces. Lapis iste sepulchrum
Monstrat; at exanimum non habet iste lapis.
Sunt juvenes intus gemini, quævis vita colorat
Purpureos vultus, nix tegit alba latus,
Forte alius fuerat, tumuli qui colle propinquo
Scrupea deposito præbuit antra silex.
Obsignata fores claudebant saxa rigentes,
Et specus obscuros condidit arte sinus.
Hic eadem sunt saxa loco; tamen ostia quisquam
Rupit? an hæc juvenum robore fracta silex?

O mihi crudeles non uno vulnere dextras,
Rupistis vitæ si modò claustra meæ.
Hic Amor æternos mihi jam promiserat annos,
Olim venturos & sine labe dies.
Ille mihi Soles oriens fecisset apricos,
Qui Solis moriens abstulit axe jubar.
Nullaque in obscuro se nox celasset amictu,
Sol ubi inextincto conderet igne faces.
Huc ego cum pingui duxem medicamina ligno,
Myrrheaque Assyriis illacrimata jugis:
Quæque Palestinis rorant Opobalsama ramis,
Quæque ab odorato cespite Nardus olet:
Cumque Onyches Arabos, & Eoa unguenta tulissem,
Clausissem rigidas non adeunda fores.
Hic mihi non ullos dederant jam sidera fines,
Una mihi exanimus cura fuisset Amor,
Illi ego turpatos ornassem fronte capillos,
Et costo madidas, ambrosiaque comas:
Stillantes gavisâ globis componere cîrros,
Et niveum intonsa cingere nube caput.
Cæsariemque super textas renovare coronas,
Major ut exangui viveret ore decor;
Candida quin etiam crines per colla fluentes
Spargere, per læves aurea fila nives.
Jam facies Casiam, facies spiraret Amomum,
Temporaque infusos lactea rore Crocos.
Pinguia jam niveum sudaret Balsama pectus,
Et Balani, & succos, o Panacæa, tuos.
Quid, cum secreti medicata cubilia cordis
Tentarem cupida non abitura manu?
Huc gaudens plenis effundere Nardina conchis
Et Rhodina, & vacuis Cyprina versa cadis,
Desuper ipsa mei fudissem Balsama cordis:
Hic mihi præ cunctis purius halat Onyx.
Accipe, dixissem caræ medicamina vitæ;
Illa quibus vixi, nunc tibi corda fero,
Hoc quantus stat corde vigor, qui sustinet artus;
Et quæ deseruit dissita membra regit;

Tuque crepte, meo numquam rapiende dolori,
Forſitan hoc iterum vivere corde valet.
Vive precor, vitæque meos extingue dolores,
Hic ego ſi peream, tu quoque forte gemes.
Si tamen hæc vitæ non ſufficit aura duobus;
Solam lethiferas me ſine ferre vices.
Ecce tibi feſto mea claudam lumina ſomno,
Talis devota Magdala morte redit.
Quam bene jam gelido deponam corpora ſaxo,
Regis ubi magni corpora feſſa jacent:
Et video pariles conſpirant artubus artus,
Æqua feret mira pondera forte lapis.
Tu quoque in extinctam ſuperos ſtillabis odores,
Compoſeſque meis aurea ſerta comis.
Ipoſa nec exangui requieſcam pallida vultu,
Nec blandus gelido riſus ab ore cadet.
Hæc ſperanda mihi dederat, ſi conditus antro
Inter ſaxa meus delituiffet Amor.
Gaudia nunc fugient, tumulto rapuere jacentem;
Ipoſa aberam, & tumulto me ſimul eripiunt.
Reddite me mihi raptores, & reddite amanti.
Quod ſcelus eſt furto ſic rapuiſſe duos?
Quis fuit immanis qui prima repagula ſaxi,
Inviaque objectas rupit ad antra fores?
Saxeus ille fuit, duræque imitantia rupes
Traxit de rigido membra reſecta jugo.
Ferreus ille fuit, qui diſcidit oſtia ferro,
Invictoque ferox tam bene Marte furit.
Qualis erat Sampſon ruptis cum limina portis,
Egeſtoque ferox obiice clauſtra tulit.
Talis & hic duro rupit ſignata metallo,
Abſtulit & forti marmora vulſa manu.
Miles erat contrà, ſumptiſque horrebat in armis
Servabatque vigil clauſa ſepulchra cohors.
Ille ferox aditus ferro ſibi fecit apertos?
Quæque hoſti tulerat vulnera, miles habet?
Ecce jacet totis legio conſtrata maniplis;
Vel moritur, languens vel ſine morte perit.

Nec tamen apparet victor. Proh nomina quisquam
Celat? & infandum cogit abesse caput?
Ite sinus penetrare omnes, nemorumque latebras:
Si qua jugis, si qua est vallibus ima domus.
Quærite inaspectis ergastula clausa cavernis,
Et subter tacitis antra reposita cavis.
Si qua procul virides Libani de culmine Cedros,
Carmelique undas proxima tecta vident.
Non locus, adversis jaceat non lucus arenis;
Si qua procul fugiens antra recondit Arabs.
Pergite Erythreis gemmantia ad usque lapillis
Æquora, qua rubro purpurat unda solo.
Ferte catenati tercentum pondera ferri;
Barbarus ultrices sentiat ille manus.
Ære gravi, manicisque audax, & compede nexus
Ausu latrocinii pendat iniqua sui.
Cur volitet, spolia augusti qui rapta sepulchri
Nocte per abruptas traxit opima fores?
Supplicium, faxo, referret, vos sidera testor,
Emeruit; prædas fur habet iste meas.
Ipsa ego mox vindex adero, dabis improbe pœnas;
Nec vultus iterum nox teget atra tuos.
Non, si ferratis horrebunt squamea crustis
Pectora, si formet fortia membra flix.
Nec tibi profuerint lateri quæ tela coruscant,
Hæc sæpe imbellis tela retorquet amor.
Fulmineus me me armat amor, proh fulmina quantu
Ille meis oculis temperat imbre faber!
Scit Solyma, & lautis instrata sedilia mensis,
Solaque tunc armis arma terenda meis.
Ipse thoro astabat, qualisque in nube tonanti
Assidet intorquens ignea tela Deus.
Nostraque jam certo jaculatus fulmine corda
Quærebat gelido figere in ore faces.
Ipsa locum speculata oculis, discissaque crinem
Formavi auratis spicula longa comis.
Et simul astriferis ducebam vincula plantis:
Pectore figebam fortis & arma simul.

Neve meis ardens ignis procul abforet armis,
Fons geminus calidis ore fluebat aquis.
Unda dedit (mirum !) flammæ ; lacrimatus inaruit,
Et jaculis junxit vulnera certa liquor.
Spicula jam sensit, jam vincula : vincula plantis,
Spicula corde, undis ignea facta Deus.
Et mihi [quis credat ?] cessit, cessere potenti,
Quas dabat ultrices ore, manuque faces.
Ex illo mihi victus adest, meus ille per orbem
Vivebat, moriens & fuit ille meus.
Sed fuit ; neu fugit subito, raptoque potitus
Non bene possessas abdidit alter opes.
Et tamen addubitat mihi mens haud infcisa veri,
Nec potuisse rapi mortua membra timet.
Appendit magni digitis qui pondera mundi,
Cur gravis humanas non terat ille manus ?
Torquere ante humeris stellantem comminus axem,
Tollere terrestres debuit ante globos,
Qui nocturna sacro volvebat furta sepulchro,
Expertus quantum pendeat Orbis onus.
Ergo quis eripuit ? quis pondera viribus ausus
Tollere, sed vires non habitura pares ?
Magdala nocturnis plorans illuderis umbris,
Nec potis es dubios condere luce metus.
Non hic, exanimos tumulus qui condidit artus ;
Hic procul, & vere sic modo rebar, abest,
Signa tamen restant, nec me certissima fallent :
Certa mihi fuerint, quæ mihi signa feram.
Ipsa ego me (memini) tumulo tunc clausa reliqui,
Clausit divitias cum lapis iste meas.
Aspiciam, tacitis incustodita querelis
Magdala si tumulo condita forte gemam.
Hei mihi, non adsum ; non his meus ergo sepulchris
Defessa emoriens membra locavit amor.
Dicite ubi pascat, mediaque in luce recumbat
Ille meus, nostras quo fugit ille preces,
Roriferum qua fronde caput, qua protegit umbra,
Qua molli in somnos sternitur herba thoro.

Dicite vos, sumptis juvenes velociter alis,
Qui modo inaspectum fertis in antra jubar.
Sic vos, dum celeres deducitis æthere lapsus,
Terga super famulus tollat odora Notus:
Seu juvat immensi decurrere mœnia cœli,
Sol cum flammifero præbeat axe rotas.
Sive habitare solum, terræque immobilis Orbem,
Vos emat imperiis terra fretumque suis.
Dicite vos miseræ bona verba, quis abstulit? & vos
Quis putet ancipites fingere posse dolos?
Signa equidem nostis, vestri signa aurea Regis;
At mihi, quas gessit, dulce referre notas,
Candidus ille meus rubicundo pulcher in ostro
Ora verecundis pingit eburna rosis.
Induitur gemmas, toto caput emicat auro,
Sidereaque arcano fœdere juncta gerit.
Spissa coma, elatis veluti nova brachia Palmis,
Et viridi frondes truditur aucta libro.
Non aliter teneris per amœna fluenta columbis
Scintillant oculi, seque colorat apex:
Ut gemini radiant, oculorum lumina, Soles,
Atque immortales dantque feruntque faces.
Purpureus malas vernantis tegmine vestis
Signat, & auratus floret in ore decor.
Non secus areolas flores, & aromata pingunt,
Atque intersecta semita fronde viret.
Lilia odoratis redolent inscripta labellis,
Primaque ab his, veluti cortice, myrrha fluit.
Quærite opus tereti cives tornatile buxo,
Candentes format lævior ille manus!
Hei mihi qualis erat: nexis quam pulcher in astris
Omnia cum dominis jungeret astra comis;
Vos quoque cœlicolæ venistis ab æthere, tantum
Fas foret ut pura cernere fronte jubar.
Tuque resistentes frenasti, Phœbe, jugales,
Immotus radiis ut fruerere novis.
Discebasque diem meliori fingere luce,
Cum tot vidisses crinibus ire faces.

Qualis erat, quam pulcher erat! modo condidit antris,
At sua quam turpi pallidus ora nece!
Longa flagellatum livebat verberare corpus,
Inque represso vulnere vulnus erat.
Et qui floriferas cingebat fronte coronas,
Dumofos habuit, tristia ferta, rubos.
Pulvere fœdabat concretos sanguine crines,
Sidere contextus decedit unde nitor.
Ipse pedes ferro, palmas quoque fixus acuto,
Dissita multiplici vulnere membra gerit.
Illi omnes rupto numeravi in pectore costas,
Vidi perque omnes ossa refracta sinus.
Non oculis, orique decus, fugit intus abactos
Lux oculos, nigras mors cavat atra genas.
Atque ideo paribus livent mihi corpora signis,
Et cecidere meis luxque colorque genis.
Sic unguenta caput, mollique e flore coronæ
Sic odor, atque decor destituere comas;
Et vos obtutu, juvenes, hæretis in uno,
Quod pallens, udas sim quoque fusca genas?
Ipse coloravit mea Sol sic pallidus ora,
Extincti refero Solis amica notas.
Pulchra fui, formosa fui, dum luxit in orbem.
Occidit; exanimæ nox mihi juncta venit.
Tantum non rigido pariter sum clausa sepulchro,
Sed tumuli custos demoror ante fores.
Jam fulcite rosis, malisque ornate cadentem;
Ecce recedenti lumine languet amans.
Seu potius rege, tu rector terræque marisque,
Labentem, o tandem tu mihi solus ades.
Si dilecte fugis, lapides fuge victor avaros;
Par tibi, quo teneat, nil habet atra filex.
Surge veni expecto moriens: ni protinus adsis,
Jam rigeo, & durat frigida corda dolor.
Forſitan optabis nostro requiescere corde,
Si rigor, & tumuli frigida saxa juvant.
Si neque corda placent, venias, vox scilicet una
Hæc seu viventis, seu morientis erit.



CÆSARIS DUCCHI

ERIXIANI.

*In mortem Livie Calinae.*

TYndaridem forma insigni, superansque pudicam
 Romanam, interiit Livia pulchra, decens.
 Imo erat & Veneri formâ, & par mente Minervæ,
 Et tamen, heu, talem mors rigida eripuit.
 Credebam Divos haud fati sceptrâ timere:
 Diva tamen quamvis hæc foret, occubuit.
 Sed major Dea facta nitet, sed gaudet olympo,
 Qui patet excelsis, nobilibusque animis
 Æternum vale Diva potens, fidusque benignum;
 Fumentque ad tumulum tura Sabæa tuum.
 Spargat odoratos flores, & cinnama virgo,
 Teque canat versu docta Thalia gravi:
 Clarior ut morte invita tua fama resurgat;
 Milleque post hominum sæcula vivat adhuc;
 Adque sacros Phœbi postes tua nomina cyncus
 Deferat, ad Stygias non abitura plagas.
 I modo, pulchra tuum mox amplexura maritum;
 Æternumque simul vivite in Elysiis.

Ad Cynthiam, & Sabellam.

Impatiens miratur Amor, quod, Cynthia, nobis
 Es cordi, & quod te, pulchra Sabella, colo.
 At verum expertus dico, fateorque, quod unquam
 Divisus dulcis non erit ullus amor.
 Vos quodamo simul, hæc causa est (ni fallor) honesta;
 Cynthia namque anima es, corque, Sabella, meum.

Ut

Ut sine corde nequit corpus mortale vigere :
 Sic animâ ereptâ corpus inane perit .
 Vivam igitur longum ut sæclum, vos stamina nostræ
 Vitæ, oculis animam, corque vovete sinu.

Epitaphium Jul. G.

Hæc quæ nuper erat pulcherrima conditur, inque hoc
 Conduntur tumulo Juno, Minerva, Venus .
 Hic tela, hic ignes, arcusque Cupidinis, ingens
 Et decus, & sanctæ norma pudicitiae .
 Advena qui transis luge, & simul adspice, namque
 Quæ nihil est, Orbis gloria nuper erat .

Tityrus .

Tityrus ardet amans, pecudes dum gramina tondent,
 Et textit rutilis lilia verna rosis .
 Bacchaturque modo, dum fallere quærit amorem,
 Et valles Pæan, & nemus omne sonat .
 Interdum querulâ modulatur carmina voce,
 Et tacita accipiunt verba dolentis aves .
 Spernis, Hyella, tuum crudelis Tityron? ecce
 Nunc mihi mille greges pascua læta tenent .
 Ecce ferunt calathis plenis tibi dona Napeæ,
 Serpillum, & violas, munera nostra tamen .
 Sed mihi quid volui? mea rustica despicit, cheu,
 Verba diu, sequitur dum Corydona suum .
 Spernat, & illa licet, jam non minus uret amantem,
 Nec revocare gradum jacta sagitta potest .


Epitaphium Amoris .

Cum pharetrâ extinctus jacet hic, telisque Cupido,
 Et sobolem hæc Paphiæ continet urna Deæ .
 Nam dum blanditur, facilisque indulget, ut Ægle
 Marmoreâ tangat noxia tela manu ;
 Illa animo versans, quâ posset tuta triumphum
 Magnificum titulis addere fraude suis ;

Incautum adgreditur puerum, ac nil tale timentem,
 Et statim ex hymeris abstulit arma Dei.
 Mox arcum intorquens curvatum cominus illi,
 Tu qui nuper eras imperiosus Amor;
 Oria qui Divum toties hominumque revolvens,
 Duxisti ante aras clara trophæa tuas:
 I modo, dixit, inops vivas, & sceptrâ perosus,
 Vincula, & imperium disce subire meum,
 Et sævo tenerum trajecit vulnere pectus,
 Vulnere quo tacti tot periere homines.
 Insolitum ardorem tunc ipsæ hausere medullæ,
 Et fuit igne suo pulcher adustus Amor:
 Ignoransque locum, cui se committere posset,
 Virginis in tenero delituit gremio:
 Et velut in tutâ requievit conditus arce,
 Atque Dei reliquum nil nisi nomen erat.
 Hæc vero in miseros contorquens spicula amantes,
 Illa Amor, illa fuit maxima in orbe Dea.
 Juppiter at regnum ereptum indignatus Amori,
 Deceptam Veneris progeniemque dolo;
 Æthere ab ardenti telum demisit, & illâ
 Percussâ (miserum!) cæsus uterque ruit.
 Occultum puerum occidit nam fulmen hiulcum,
 Ægles dum properans pectora pulchra petit.
 Et facile hoc potuit misero contingere, qui tunc
 Sorte puer, nudus, cæcus, inermis erat
 Flos velut a valido is periit proscissus aratro,
 Hæc velut a rapidis fracta carina Notis.
 Irato hæc cecidit Jove, regnum perdidit ille,
 Igne suo vitam perdidit igne Jovis.
 Nec tamen hunc rapuit, mortales quæ rapit omnes;
 Sed propriâ extinxit Juppiter ipse manu.



JANIETRUSCI.



Cur Poëta hac ætate in pretio non sint.

Quod contempta jacet per tempora nostra Poësis,
 Resque sit in pretio carmine nulla minus,
 Ediderint plures cum sæcula nulla poëtas,
 Quam quos calchographi cura subinde parit:
 Conqueritur vatum celeberrima turba, reverti
 Vatribus Augusti sæcla benigna vovens.
 Ut tamen hæc redeant, Mæcenas, Cæsar & ipse:
 Munificos nostris vatribus esse putem?
 Mævius, atque comes Bavii cum plurimus Anser
 Obtineant Flacci, Virgilique locum?

Ad Jacobum Pseudopoëtam.

Terve, quaterve tuo cum sint Epigrammata centum,
 Pagina tam magno vix tamen ulla libro est,
 Qua non detractor, vel Zoilus ipse minaces
 Excipiat morsus, sed sine dente, tuos.
 Infima, si nescis, non umquam dente laceffit
 Invidia, at summo qua videt esse gradu.
 Ipse adeone malum quemquam, Jacobe, Poëtam
 Reris, ut invidet versibus ille tuis?

In Tymbogeronem.

Decrepitus cernens civili Marte peremptum
 Jam mortale genus, fatiferaque lue,
 Uxorem duxit juvenem, quo gentibus orbem
 Orbem foecundâ sic repararet sobole

Ast opus est viso, ne qui nunc tradere vitam
Vult aliis, subeat pro thalamo tumultum.

De Anchialo Medico, ad Gallum.

Exactas post quinque sibi, deciesque novenas
Messes, vivit adhuc clinicus Anchialus.
In tam longa putas protractam tempora vitam,
Dum se, Galle, suis artibus ipse juvat?
Falleris. Anchiali nihil est funestius arte,
Pharmaca dum miscet, miscet, & ille necem.
Hæc igitur cum mille animas demittat ad Orcum
Anchiali indoctas quæ subiere manus.
Quid mirum est illi violentam parcere mortem,
Quem sibi pro centum falcibus esse videt?

Ad Philosophum Platicum.

O sancti quem nulla latent abstrusa Platonis
Dogmata, queis pueri tela, facesque regit,
Cur me, cum placido meus ignis lumina vultu
Vertit, & obtutu prosperiore beat:
Cum videor sortem potiore sorte deorum
Nactus, & æterni delicias animi,
Non, animi dum claustra mei sic dulcia laxant
Gaudia, vita plagas exit in æthereas?
Cur iterum aspectu cum nubila lumina torvo
Iratæ faciunt indicium dominæ,
Dum sic arctantur valido mihi corda dolore
Non interstinguit tam fera vis animam?
An quod nostra nimis lætantia corda coërcet
Feminea certus de levitate timor?
Rursus &, irarum quamvis pæne obruta fluctu,
Spes tamen exanimum credula pectus alit?
O nimium crudelis Amor, cui semper amantes.
Ut pereant, mors est unica visa parum!



JO: BAPT. EVANGELISTÆ



Silvanus ad Silviam.

Sic formosa meis placuisti, Silvia, ocellis;
 Sic nostra immitis pectora carpit Amor,
 Ut dumeta placent nostris, salicesque capellis:
 Ut cupida, & mollis gramina carpit ovis.
 Sic os, sic oculi fures, sic dulce labellum,
 Sic dens candidulus, sic gena pulchra capit:
 Ut viscum turdos, ut lenti retia casses
 Et captant volucres, decipiuntque feras.
 Sic animum incautum facies spectata fefellit,
 Sic forma est oculis insidiata meis.
 Ut turmas avium, incautas mala fistula fallit,
 Ut lupus impatiens insidiatur ovi;
 Sic facibus sævis uruntur pectora amoris,
 Sic cor missilibus tunditur usque meum.
 Ut vidi stipulas flammis crepitantibus uri,
 Atque humiles tundi grandine sæpe casus.

Ad Amorem.

En morior, torquere faces, torquere sagittas
 Nil opus est: Veneris desine sæve Puer.
 Desine; namque ardens tua fax mea corda peredit:
 Ecce vomunt flammæ pectora adusta novas.
 Non est, quo immitis crudas jaculere sagittas;
 Concedunt nullum vulnera prisca locum.

In Amorem.

Quid lacerum laceras pectus? quid corda sagittis
 Improbe contundens faucia vellis Amor?
 Quid pœnam pœna, cumulasque dolore dolorem?
 Quid flammæ flammis, vulnera vulneribus?
 Quid geminas ictus? quid tela, volantia torques?
 Desine, jam morior, desine sæve Puer.
 Quæ modo multa facis, sunt irrita vulnera, nullum
 Inveniunt vacuum tela facesque locum.
 Te sequimur, tua præda sumus, deponere sagittas:
 Servasse infontem gloria major erit.

Ad eundem.

Ad veteres igitur plagas, flammæque vetustas
 Sæve Amor adicies tela facesque novas?
 Urebat Phyllis, Cassandra urebat amantem;
 Lucia nunc miserum tertius urit Amor.
 Saucia cædebat Cassandra, & pectora Phyllis:
 Impia nunc cædit Lucia corda recens.
 Luminibus Phyllis cœpit, Cassandra capillis:
 Lucia formoso pulchrior ore capit.
 Non novus antiquos potis est detrudere amores:
 Non tollit priscas, sed nova flamma facit.
 Hanc cupio; opto illas, pariter cruciatque necatque;
 Delectant pariter, proh pariterque placent.
 Vulnere sic triplici, triplici sic igne petitus,
 Unus ero infelix apta rapina trium.

Eidem.

Dum me unum, crudelis Amor, petis, omnia in unum
 Spicula contorques, & fera tela jasis:
 Quæ gravis ante fuit pharetra est exhausta sagittis,
 Contentusque diu redditus arcus iners.
 Quæis post hac feries armis? invicta, potensque
 Dextera, ni cesses, nuda, & inermis erit.

Vincere scis; victis sed victor parcere nescis,
Sævitia invicti gesta minora facit.
Sit vicisse satis, victumque ligasse catenis:
Factus mancipii sum miser ecce tui,
Quid crucias, perdisque tuos, Puer improbe, servos?
Devotosque tuos quid, male sane, necas?
Nonne pudet metuenda Jovi maculare cruore
Servili dominum tela superba Deum?
Tolle tuos; solus vacua regnabis in aula:
Tolle tuos; nullo suspicieris, Amor.
Es Puer; innumeros lesisti hominesque, Deosque,
Indiget auxilio, consilioque Puer.
Fortis es; at fortes, & magni utuntur, egentque
Mancipiis Reges, militibusque Duces.
Parce tuis servis; levibus quoque parce sagittis,
Ne desint valido miles, & arma Deo.
Cæde repugnantes, hostiles sterne catervas;
Atque male acceptas ignibus ure tuis,
At mihi, cui notæ vires, clementia tandem
Fac, precor, ut misero sit quoque nota tua.

Ad Dianam Melioratam.

Despiciens terras summi moderator olympi,
Magnus ad Adriacas lumina vertit, aquas:
Cum tua strata solo, curvati littoris Ancon,
Vidit Acidaliæ templa superba Deæ.
En collapsa jacent pulchræ delubra Erycinæ:
Urbs, ait, an majus Dorica numen habet?
Dixerat; atque oculos dum curva ad mœnia torquet,
Occurrit summo pulchra Diana Jovi.
Tres illam Charites, totidem Nymphæ, atque Cupido
Quod sequitur; dubitat, sitne Diana Venus.
Percussus forma ingenti miratur, & ardet,
Et cupit, & dignam, quæ colat astra, putat.
Ista Diana Venus, Venus ista Diana videtur:
An neutra est, quoniam major utraque Dea est?
Ornabis nostros formosa, & casta penates;
Non es mortali femina digna toro.

Sic

126 JO: BAPT. EVANGEL.
Sic ait ; & raptam complexus ad æthera velox
Evehit, & magnam tum jubet esse Deam.

De Victoria contra Turcas.

Cantemus victas pueri, innuptæque puellæ
Eoas acies, Threiciasque rates.
Cantemus captos reges, populosque superbos:
Barbaraque invicta signa zelata manu.
Fronde sacra, & violis victtricem cinge Columnam
Roma: triumphantem fuscipe læta ducem.
Non tam Scipiadæ veteres coluere Quirites,
Quam debet cunctis alta Columna coli.

De eadem.

Quod conjurati veniant ad classica venti:
Et faveat Petri pontus, & aura rati:
Quod victas classes, & barbara signa referre
Cernamus nostros ad pia templa duces;
Quodque catenatas acies, regesque superbos
Cernas, Roma, tuo subdere colla iugo;
Quod duplices uno populi Pastore regentur,
Quodque unum geminum claudet ovile gregem:
Fit superum studio, fit certo numine divum;
Fit prece Romani, Pontificisque Pii.



GABRIELIS FAERNI

CREMONENSIS.



Olla dua, Ænea, & Fictilis.

DUas trahebat amnis ollas, æneam
 Unam, alteram autem fictilem.
 Sed athena, proprio prægravata pondere,
 Sibique porro præcavens,
 Suadere cœpit anteeunti fictili,
 Conjungi uti vellet sibi;
 Quo rapidum aquarum sustinerent impetum,
 Junctis utrimque viribus.
 Cui fictilis: tua mihi, ait, vicinitas
 Non admodum placet, soror:
 Nam siue te mihi unda, siue me tibi
 Prope adnatantem illiferit,
 Ut sospitem te dura præstabit cutis,
 Fragilem meam sic conteret.

*Potentiorum semper est vicinitas
 Vitanda tenuioribus.*

Juppiter, & Minerva.

Legere proprias Dii sibi quondam arbores,
 Quam quisque vellet esse tutelâ in suâ:
 Quercum supremus Juppiter, mirtum Venus,
 Pinum humidi tridentifer Reçtor sali;
 Apollo laurum, populum excelsam Hercules.
 Mirata enimvero est, Minerva cur ita

In-

Infructuosas legere voluissent, quibus
 Tantum ad manum esset fructuosarum arborum.
 Cui Juppiter causam hac roganti reddidit:
 Ne existimemur fructu honorem vendere.
 Tum Pallas: At vos facite quod vobis lubet:
 Ego, inquit oleam fructuum causâ lego.
 Exosculatus filiam tum Juppiter:
 O nata dixit, jure sapiens omnibus
 Dicere sæclis: jure tu capitis mei
 Propago, nam *quod facimus, id nisi utile est,*
Stulta omnis, atque inanis inde est gloria.

Leo, Asinus, & Vulpes.

Inita societate asinus, & leo ac vulpes,
 Venatum iëre, quumque præda jam multa
 Facta esset, atque hanc tres asellus in partes
 Dividere jussus, ex bono esset atque æquo
 Partitus, ira leo superbus exarsit:
 Miserumque divisorem atrociter sane
 Doli mali, atque iniquitatis accusans,
 Discerptum, hianti condidit vorax alvo.
 Rictu cruento deinde versus ad vulpem,
 Ut faceret æquas sedulo innuit partes.
 Ea ferme ab una parte cuncta secrevit
 Leoni: ab altera id sibi quod a tanta
 Pauxillulum detractioe restabat.
 Tum gestiens leo: unde, ait, soror vulpes,
 Es dividundo tam erudita communi?
 Asini calamitas, exitusque lugubris
 Me fecit, inquit illa, jureconsultam.

Aliena sunt pericla cautio nostra.

Asinus, & Lupus.

Calcatus asino clavus, in pede hæserat:
 Quem lupo acutâ fretus acie dentium,
 Medicum professus, atque pactus præmium,

Ex-

Extraxit : itaque exigere mercedem institit.
 Obversus asinus , graviter os improvidi
 Lupi , atque mediam calce frontem perculit .
 Ibi lupus : jure , inquit , hoc mihi accidit ,
 Neque enim coquus qui sum , agere medicum debui .

Quam quisque novit artem , in hac se exerceat .

Leo mente captus , & Caprea .

Percitum atra bile caprea cum leonem cerneret ,
 Pervagantem lata campi spatia vesanis modis :
 O ferarum triste fatum , dixit , ac miserrimum !
 Nam leo si compos animi , non erat ferri potis ,
 Nunc ubi insanire cœpit , quam erit atrox , & impotens !

Fulmen est , ubi cum potestate habitat iracundia .

Asini duo .

Asini duo una forte faciebant iter ,
 Onustus alter spongiis , alter sale .
 Quumque hic vadoso in profluentis transitu
 Sub prægravante lapsus esset sarcina ;
 Contacto aqua sale , inque tabem liquidam
 Soluta , ab omni liber onere , & gestiens
 Evasis undis . Spongiarum alter ferens ,
 Hoc viso , & ipse sarcina se se ut sua
 Levaret . alto sponte procubuit vado :
 Sed spongiis aquam usque combibentibus
 Depressus , imo merfus hæsit flumine .

Non una agendi ratio cunctis congruit .

Formica , & Cicada .

Hiberno exponunt dum frumenta humida soli
 Formicæ confecta fame , & moribunda cicada
 Auxilium rebus supplex orabat egenis .
 Hanc formica anus , & multo usu docta rogavit ,
 Quid rerum æstate egisset : quumque illa , sonoro

Se membranarum pulsu, & crepitantibus alis,
 Diceret æstivos hominum lenisse labores;
 Formica excipiens: si tunc, inquit cecinisti
 Imprudens animi, vacuo nunc corpore salta.

Ætatis dum ver agitur, tum consule brumæ.

Turdi.

Ex maximo cum fore turdorum globo,
 Ad præcoces vindemias qui Gallæ
 Togatæ Etruscis devolarant montibus,
 Exigua sane pars revertissent domum,
 Sed hi sagina crassi, obesi, prægraves:
 Hos conspicati qui domi remanserant,
 Livore tacti, se suamque pessimam
 Cœpere sortem conqueri; quod cum iis simul
 Ad tam beatas non profecti essent dapes.
 Quibus unus ex iis qui reversi erant, ait:
 O inscientes, atque rerum improvidi!
 An non videtis, ex tot ante millibus,
 Qui exiveramus spe saginæ, & crapulæ,
 Ad quam redacti paucitatem nunc sumus?
 Fœdo exitu desideratis ceteris,
 Captis, necatis, sub corona venditis?
 Quod si miserias, si pericla, si metus,
 Si cuncta quæ nos, qui supersumus, mala
 Pertulimus, æstimetis, & casus graves;
 Næ hæc stulta vobis jam libido fugerit
 Externa conquisitum eundi pabula.

*Paucos beavit aula, plures perdidit:
 Sed & hos quoque ipsos, quos beavit, perdidit.*

Sus, & Canis.

Magna invicem contentione exarserant
 Sus, & canis; magnamque voce dissona
 Rixam ciebant, atque acerba jurgia.
 Tandem superbis exacerbatus minis

Sus,

Sus, per Venerem, ait, si mihi perrexeris
Molestus esse, dente te transfodero.

Tum canis amaris salibus aspergens suem :

Bene, inquit, atque apposite eam juras Deam,

Quæ te odit adeo, ut, qui ex tua impurissima

Carne ederit, eum illa arceat templo suo.

Immo potes, sus inquit, hinc dignoscere,

Quam diligit me Diva, quæ hunc, qui læserit

Me, quique carnes dente violarit meas,

Eum ut profanum nolit ad se admittere.

*Prudens vir ea, quæ exprobrat adversarius,
Ipse in suam torquere novit gloriam.*

Senex, & Mors.

Lignatum egressus nemorosi ad culmina montis

Confecto sub fasce senex se se inde ferebat :

Quumque labore viæ, atque injusto pondere pressus

Abjecisset onus, solis deprensus in arvis

Mortem implorabat, mortem sæpe ore ciebat.

Ecce autem huic diræ species se pallida mortis

Obtulit, &, si quid vellet, præsto esse professa est.

Ille metu sudans, atque in contraria versus

Vota; Juva me, inquit, tergo hunc imponere fascem.

*Multi absentem audent mortem contemnere, quæ mox
Terret eos, veris representata periclis.*

Mergus, Rubus, Vespertilio.

Mercaturæ olim focii, vasa ænea mergus,

Vestimenta rubus, argentum fœnore sumptum

Bestia, quæ mures inter, volucresque locatur,

Contulerant; atque his onerata mercibus alno,

Vela dabant læti minuente pericula lucro;

Quum subito miseros immanis adorta procella

Vorticibus rapidis navim cum mercibus hausit.

Ipsi udi, atque inopes, vix fluctibus evaserunt.

Ex illo mergus spumosa ad littora servat,

Si qua unda allidens, sua reddat ab æquore vasa,
 Obvia vestimenta rubus per rura vagantum,
 Si sua forte recognoscat, scabro ungue retentat.
 At vespertilio, longo quæ tempore debet
 Argenti summam, ipatiis fœnebris auctam,
 Luce appellari metuens, clam nocte vagatur.

*Sponte revertuntur vitia intermissa; maleque
 Invitos auferat nos consuetudinis astus.*

Cornix, et Canis.

Cornix Minervæ sacrificans, epulis canem
 Convivam adhibuit, ille amice eam monens:
 O bona, quid opus est tam tibi iratæ Deæ
 Te sacra facere? perdis, inquit, victimas.
 Abjecit illa te, & peculiaribus
 Omnem fidem abrogavit auguriis tuis.
 Tu cetera ex hoc conjice, & dijudica.
 Tum magnum ab alto corde agens suspirium
 Cornix: Scio, inquit, quæ refers de odio Deæ;
 Ego tamen neutiquam animum despondeo:
 Quin potius id ago, ut sacrificando, & munera
 Crebro offerendo, mitigem iratam Deam,
 Offensionemque obsequela leniam.

*Qui vincere adversarium ex tuto cupit,
 Beneficiis, & gratia certet bona.*

Corvus, & Mater.

Destitutus corvus æger mortis in periculo,
 Anxius matrem rogabat, ut salute pro sua
 Vota Diis concepta supplex, & preces effunderet:
 Nate mi quid vota pro te, mater inquit, proderunt,
 Qui tibi omnes reddidisti semper infensos Deos?
 Nam quis obsecro, est eorum, cujus ex altaribus
 Extâ tu non involaris, sacra non turbaveris?

*Impotenter qui nocere ceteris assueverit,
 Nullus illum sublevatum in rebus adversis volet.*

Musca.

In carnum ollam musca quondam decedit:
 Ubi quum cibo, potuque distenta, ac madens,
 Paullatim in alto jure se se cerneret
 Pessum ire, mortemque imminere jam sibi,
 Interrito, atque composito animo oppetens:
 Ego tantum, ait, bibi, & comedi, & lavi, ut hunc
 Satura exitum ferre haud moleste debeam.

Id, quod necesse est, fer, bonique consule.

Rusticus, & Eques.

Venalem tergo leporem quum ferret ad urbem
 Rusticus, inserto vincta inter crura bacillo,
 Obvius huic eques, emturi sub imagine sumpsit,
 Libravitque manu leporem; quantique, rogavit:
 Protinus & vafra referens per rura rapinam
 Admisso discessit equo, cui rusticus, Heus tu,
 Inquit, eum dono leporem tibi: vescere gratis,
 Vescere lato animo, & memori donantis amici.

Ridicule hac homines, nequeunt quæ vendere, donant.

Equus, & Asinus.

Equus, atque asellus, servientes uni hero,
 Uterque propria onustus ibat sarcina:
 Sed asellus adeo jam gravabatur sua,
 Ut cogeretur partis alicujus sibi
 Supplex levamen ab sodali exposcere;
 Quo denegante, præ labore concidens
 Miser supremum asellus egit balitum.
 Tum vero, ut asini sarcina, & corium insuper
 Equo ad priorem sarcinam sunt addita,
 Miserum ille se vocabat, atque perditum:
 Nam qui levare contubernalem meum
 Parte oneris, inquit, nolui, nunc omnia

Gesto, atque corium, tertiæ instar farcinæ.

*Si tenuiorem juverit potentior,
Utrique melius fuerit, & prolixius.*

Vulpes, & Erinaceus.

Tranarat alti fluminis vulpes vadum:
Sed ripa in ipsa, & udo aquarum margine,
Voraginoso crura defigens luto,
Muscarum acuto obnoxia hæsit morsui.
Quam destitutæ vulpis ærumnam dolens,
Qui forte eo devenerat erinaceus,
Amanter, atque sedulo officium suum,
Si qua in re eam juvare posset, obtulit.
Atque adeo, quando eripere te instinc non queo,
Vis, inquit, istas ut abigam muscas tibi,
Quæ te exodunt? Minime, ait illa, gentium:
Nam si hæ recedant, quæ repletæ, ac turgidæ
Non admodum nocere jam nobis queunt,
Aliæ illico successerint famelicæ,
Quæ reliquum omnem sanguinem exfugant mihi.

*Qui res novari, & regna mutari expetunt,
Quid aliud hi, quam majus accersunt malum?*

Leo, & Vulpes.

Horrenda primum cùm leonis efferi
Adspexit ora, præ metu vulpes ferè
Animam reliquit: viso eo rursus obvìo
Timuit quidem illa, sed minus multò tamen:
Denique datum in conspectum eum jam tertio,
Contempsit aded, ut non adire sit modò,
Sed adloqui quoque ausa familiariter.

*Quæ terribilia sunt ab insolentia,
Ea reddit adfuetudo blanda & mollia.*

Vulpes, & Uva.

Vulpes esuriens, alta de vite racemos
 Pendentes nulla quum prensare arte valeret,
 Nec pedibus tantum, aut agili se tollere saltu,
 Re infecta abscedens, hæc secum, Age desine, dixit;
 Immatura uva est, gustuque insuavis acerbo.

*Consuevere homines, eventu si qua sinistro
 Vota cadunt, iis se se alienos velle videri.*

Corvus, & Vulpes.

Insedit altæ corvus olim quercui,
 Rostro rapaci casei frustum tenens;
 Quem vafra blando adgressa sic vulpes dolo est:
 Quam pulchram avem, quam splendide cultam intuos
 Pennis decoris, atque versicoloribus!
 Salve, inquit, ô generosa: quod si prædita
 Cantu fuisses, summi eras aves Jovis.
 His ille, magnæ inductus in spem gloriæ,
 Cantu indecoro rauca solvit guttura.
 Tum versipellis decidente caseo
 Vulpes potita: corve tu, inquit, omnia
 Habes abunde; mente duntaxat cares.

*Qui coram in os te laudat, insidias struit:
 Qui laude ficta ducitur, cor non habet.*

Dies Festus, & Profestus.

Festum in diem profestus insurrexerat,
 Odiosa magno probra clamore ingerens:
 Quid te, inquit, ignave, esse tandem existimas,
 Qui tam otiose, delicatam. ac splendidam,
 Sine opere, sine labore, vitam ducites,
 Sudore parta prodigens meo bona?
 Olli renidens leniter festus dies:
 Et merito alis, ait, sortis auctorem tuæ:

Etenim quid esses, stulte, sine me? nam, nisi
Ego festus essem, tu profestus non fores.

Ordo optimatum, plebis haud dubie est salus.

Pavo, & Monedula.

Regi creando quum comitia avium forent,
Blando petebat pavo prensans ambitu,
Suas opes, suamque pulchritudinem
Jactans, & admirandum honorem corporis:
Et jam prope una mente centuriæ alitum
In gratiam pavonis inclinaverant:
Suffragia inhibens quum monedula: heus tu, ait,
Formose, si, te rege, nos aquila impetat,
Quo pacto opem ferre, aut tueri nos putes?

*In deligendo rege, multo impensius
Animi bona spectanda sunt, quam corporis.*

Cervus, & Hinnulus.

Cervo hinnulus olim filius dixit patri:
Et major es tu canibus, & velocior,
Et ardua alacri fronte gestas cornua:
Cur ergo quæso, tam times eos, pater?
Cui cervus, hæc, quæ de me, ait, fili, refers,
Sunt vera fateor; multa nobis contulit
Natura, multis provida instruxit bonis;
Sed ego latratum canis ubi primum audio,
Tum, vi abdita quadam, in pavorem, & in fugam
Agor, inque pedibus omne præsidium est mihi.

*Timidi & fugacis ingenii qui sunt, eos
Nulla arma, nulla texerint sat mœnia.*

Corvus, & Serpens.

Serpentem aprico conspicatus in loco
Somno gravatum corvus, escam quæritans
Allapsus, uncis occuparat unguibus:

Quum-

Quumque ille vertens se, inque gyrum colligens
Hunc dente perculisset irritabili,
Moribundus & flens corvus: en cuiusmodi
Reperi lucrum, inquit, quo miser me perdidit.

Infauſta multis ſunt ſua ipſorum lucra.

Cycnus, & Anſer.

Duas opima cors alebat alites,
Cycnum, anseremque candidum;
Ut ille dulce ferret auribus melos,
At hic obesa viscera
Gulæ exhiberet Ergo ut hunc hero in cibum
Parare iussus est coquus,
Loco anseris cycnum inſcius prehenderat,
Colore falsus alitum.
At ille funus, ut solent cycni, in suum
Suave carmen ordiens,
Ita agnitus, gravique mortis impiæ
Solutus est periculo.

*Pericla ſæpe, ſæpe proximam necem
Repellit eloquentia.*

Puer, & Scorpius.

Captabat agiles forte locustas puer,
Modo hanc, modo illam saltitantem persequens,
Quas inter atro scorpius viro tumens
Errabat, hunc locustam opinatus puer,
Dextram admoveere cœpit, ille subrigens
Caudam minacem, seque ad iſtum comparans:
Manum abſtine, inquit, inſciens; aliter malo
Cogere veras quoque locustas mittere.

*Tunc civitates ruere conſuerunt, ubi
Nequeunt probos ab improbis diſcernere.*

Anguilla, & Serpens.

Unanimem quondam serpentem anguilla rogavit,
 Cur anguillarum generi omnia plena periclis,
 Plena dolis hominum, atque inimicis fraudibus essent:
 At tu, inquit, mihi quum similis quum pæne gemellus
 Cetera sis, nullis obnoxius insidiis es;
 Securosque dies pacati transigis ævi.
 Cui serpens: Nimirum, inquit, quia qui mea turbat
 Oria, & infestam mihi vim temerarius affert,
 Non impune refert; nec inulta injuria restat.

Canis, & Lupus.

Canem ante stabuli dormientem januam
 Lupus irruens, quum devoraturus foret,
 Ille ejulans vocesque flebiles ciens,
 Ne se comesset, deprecabatur lupum:
 Aut certe, ait (nam & tenuis alioqui, ut vides,
 Macerque sum) da mi, obsecro, brevem moram;
 Domi enim meæ cras sunt futuræ nuptiæ;
 Ubi, ad affluentes pinguis effectus dapes,
 Opimior tibi esca ero, ac jucundior.
 Persuassus his, dimisit incolumem canem
 Lupus, revertens inde post aliquot dies,
 Eum, cubantem parte in excelsa domus,
 Quum inferne clamans excitavisset, datæ
 Fidei admonebat, atque pacti fœderis,
 Ibi tum ille ridens subdole: si me o lupe,
 Umquam ante stabulum dormientem inveneris,
 Ne nuptias dehinc, inquit, expectaveris.

*Quæ quis pericula est passus, hoc lucri hinc habet,
 In posterum vitare ut illa noverit.*



Canis, Gallus, & Vulpes.

Canis, atque gallus longum iter quondam simul
 Ingressi, opaco jam appetente vespere,
 Nacti arborem, ubi quiescerent, gallus quidem
 Fastigia alta frondeæ ascendit domus,
 Canis excavatum in caudicem se condidit.
 Quum vero, ut adventante consuevit die,
 Cantum edidisset gallus; accurrens eo
 Vulpes, eum rogabat enixissime,
 Descenderet, sui que faceret copiam:
 Gestire se, animal tam canorum, & musicum
 Amplecti, & osculari, & os agnoscere.
 Tum fraude gallus cognita: Cupio tibi,
 Quæcumque possum, commodare, & obsequi,
 Et esse tecum: sed tu, ait, quæso, hunc prius,
 Qui dormit infra, janitorem suscita,
 Fores mihi ut recludat, unde ad te exeam.
 Vocante vulpe janitorem, prodiit
 Canis; agnitamque adortus adversariam,
 Nil tale veritam, dente laniavit truci.

Qui fraude agit, jure ipse fraude fallitur.

Mulus.

Lascivientem plurimo hordeo mulum
 Quondam hæc superba cogitatio incessit:
 Ego pulcher, inquit, ego celerrimus cursor,
 Patrem habui equum, qui aurata frena mandebat.
 Hæc ille: sed mox, incidente currendi
 Necessitudine, impeditus, atque hærens,
 Ad prima campi spatia restitit lassus;
 Asinique patris est statim recordatus.

*Secunda nos fortuna nescios nostri
 Facit: sinistra nosmet indicat nobis.*

Juvenes duo, & Coquus.

Duo olim juvenes coquo affidebant :
 Quorum quum rapuisset alter offam
 Carnis, obtulit alteri occulendam :
 Sed coquo hanc repetente ab iis, uti qui
 Soli tempore furti ibi affuissent,
 Is, qui habebat eam, involasse se se,
 Qui involarat, habere se negabat,
 Sancte per Jovem uterque dejerantes,
 Queis amaro animo coquus renidens :
 Vestro me quidem, ait, potestis apte
 Circumscribere jure pejerato :

*Deum, cuncta scientem, & intuentem,
 Circumscribere fraude non potestis.*

Cochleæ.

Impositas prunis cochleas intentus, & hærens
 Filius agricolæ circumfuso igne coquebat.
 Illæ humore graves, & succo obstante calori,
 Edebant raucum tenui stridore sonorem.
 Tum puer irridens : o stulta animantia, dixit,
 Nunc canitis, vestræ quum flagrant ignibus ædes ?

Damnantur quæcumque alieno tempore fiunt.

Cornix, & Hirundo.

De pulchritudine, atque honore corporis
 Hirundine, & cornice contendentibus,
 Post multa utrimque dicta, ita adversariam
 Cornix retudit : quanti, ait, tandem tua est
 Faciendi pulchritudo, quæ prima modo
 Æstate floret, præ mea, quæ hñeme quoque ?

Diuturno fluxis preferenda sunt bona.

Merz

Mercurius, & Statuarius.

Visurus olim, quanti apud homines foret
 Mercurius, ora versus in mortalia,
 Se se in tabernam contulit statuarii:
 Inspecta ubi tonantis effigie Jovis,
 Quanti, rogavit: utque drachma comperit,
 Clam vililitatem patris irrisit sui.
 Inspecta item Junonis, aliquanto amplius
 Pretium ejus esse, quam prioris, audit.
 Postremo contemplatus & statuum suam,
 Existimansque se esse longe maximi,
 Quod lucra præstet, quod sit interpretes Deum,
 Pretium indicari petiit & sui sibi.
 Statuarius tum dixit: hæc si emeris,
 Et hanc tibi, hospes, additamentum dabo.

Plerumque nihili est, qui ipse se magni aestimat.

Pater, & Filii.

Moriens pater lecto assidentes filios
 Admonuit, auri maximam se in vinea
 Vim condidisse, proinde post obitum suum
 Id excavato penitus eruerent solo.
 Hæc ille, sed mox liberis rogantibus
 Uti ederet, qua parte tandem vineæ
 Aurum lateret; nil locutus amplius,
 Desiderati liquit incertos loci.
 Illi, peracto protinus busto patris,
 Versare duris vineam ligonibus,
 Et hic & illic scrobibus effossis humum
 Cœpere glebas in minutas frangere:
 Frustra: nil enim fuerat auri conditum:
 Illo subacta sed labore vinea,
 Uberrima ditavit hos vindemia.
 Tum primus horum, hic ille nimirum, refert,

The-

Theſaurus eſt, quem ſedulus nobis pater
Moriens reliquit, noſter, o fratres, labor.

Sua cuique vite induſtria inſtar eſt opum.

Simius, & Delphus.

Mos navigantium eſt, priſco ab uſque tempore,
Ut navigationis in ſolatium
Secum catellos, ſimioſve deferant.

Quidam igitur oram forte præter Atticam
Cum morione navigabat ſimio.

Ecce autem atroci concitata turbine
Maris procella, Sunium circa, Atticæ
Inſigne promontorium, evertit ratem.

Ibi inter alios naufragos & ſimio

Natante, quidam Delphus accurrens, cum
Hominem ratus, manu ex propinquo præbita
Undis levatum, an civis eſſet Atticus,

Rogavit, ille ſe eſſe vero, & nobili
Sane, atque claro genere dixit editum.

Quum deinde, & in Piræum una iſſent ſimul,
Notiſſimum navale Athenienſium,

Ibi ſciſcitatus Delphus eſt ab ſimio,

Noſſet ne Piræum? arbitratus ſimius

Eum rogare de homine claro quopiam,

Et noſſe dixit, & ſodalem eſſe hunc ſuum.

Quam ob vanitatem Delphus ira percitus,

Tum denique illum beſtiam agnoſcens, truci
Salo hauriendum, fluctibusque reddidit.

*Qui mentiuntur impudenter, hi ſuis
Reſellere ipſi ſe ſoleut mendaciis.*

Ranæ duæ ſitientes.

In ſiccitate, & ſumma aquæ penuria,

Ranæ vagabantur duæ,

Sicubi profundis invenirent vallibus

Aliquid liquoris abditi.

Tan-

Tandem, reperto puteo aqua pleno, altera
 Suadere descensum institit.
 Prudentior sed altera, & consultior:
 Si nos eo demittimus,
 Et ibi quoque, inquit, unda nos defecerit;
 Quonam modo inde exhibimus?

*Negotiorum jubeo spectari exitum
 Iis, qui inchoare quid volunt.*

Ranæ duæ vicinæ.

Ranæ duæ inter se propinquis sedibus
 Ætatem agebant, altera in via obtinens
 Parvam lacunam, devium stagnum altera.
 Sed in æstuosa solis impotentia,
 Tum quum arva radiis, orbitæ fervent rotis,
 Admonuit hæc vicinam, ut illum deferens
 Periculosum plane, & infestum locum,
 Domicilium transferret in stagnum suum.
 Illa asserens, sese unica dulcedine
 Ejus teneri, ubi egerat vitam, loci,
 Migrare renuit: donec illam transiens
 Gravis sonante currus obrivit rota.

*Homines malos plerumque mors ante occupat,
 Quam criminum vitæque penitentia.*

Auceps, & Cassita.

Alitibus laqueos auceps quum tenderet, alta
 Hunc conspicata ab arbore
 Quidnam ageret, simplex animi cassita rogavit:
 Condo, inquit auceps, oppidum.
 Deinde per insidias, procul inter opaca resedit
 Dumeta, & umbras arborum.
 Illa, fide verbis habita, ut nova comminus urbis
 Consideraret mœnia
 Accedens illuc, laqueis fallacibus hæsit.
 Redeunte tum ad prædam aucupe:

Heus,

Heus, inquit, bone vir, si talem extruxeris urbem
 Paucos habebis incolas.

*Principum avaritia, cæcæque libidine læsis
 Vastantur urbes civibus.*

Deceptor, & Apollo.

Quidam olim, ut ipse sibi videbatur, catus
 Abconditum passerulum manu tenens,
 Ad Delphicum profectus est oraculum.
 Hac sciscitatione lufurus Deum:
 O Apollo, passer, quem manu teneo mea,
 Dic se ulo, oro, vivus est, an mortuus?
 Si Apollo repondisset, illum vivere;
 Compressa eum elifurus ipse erat manu,
 Statimque prolaturus illi mortuum:
 Sin mortuum dixisset, ipse dextera
 Proferre laxa vivum eum decreverat.
 Sed Apollo prudens: Passer, inquit, hic tuus,
 Ut tute vis, & vivus est, & mortuus.

*Mortalium tanta est malitia, ut se Deum
 Ipsum arbitrentur posse circumscribere.*

Uxor summersa, & Vir.

Vir mersæ uxoris rapido torrente cadaver
 Adversa quærebat aqua: quem turba monere
 Institit accurrens, ut quæreretur amne secundo.
 Nequaquam, ille inquit: mea enim dum viveret uxor,
 Tam morosa fuit, tam aliorum semper abhorrens
 Moribus, ac factis, ut nunc quoque mortua labi
 Debeat haud aliter, quam adversa fluminis unda.

Morosa, & discors vel mortua litigat uxor.

Feles, & Gallus.

Compreſsum feles gallum quum tradere ventri

Jejuno vellet, jure ut fecisse videri
 Posset, & hanc noxam specie velaret honesti,
 Accusabat eum, quod pervigili, atque molesto
 Turbaret nocturnam hominum clamore quietem.
 Defendente illo, sese utilitatis eorum
 Id caussa facere, ut moniti adventantis Eoi
 Ad sua quisque operum studia exercenda redirent.
 Hunc rursus is naturæ hostem, infandoque fororum
 Concubitu, & matris fœdum, incestumque vocabat.
 Ille excusabat scelus utilitate, suamque
 Hinc multis dicebat heram ditariis ovis.
 Tum feles tandem perfrita fronte: sed et si
 Argumenta tuam defendunt plurima causam,
 Impastus tamen, inquit, ego hinc discedere nolo.

*Vim qui inferre parat, cupidus, certusque nocendi,
 Frustra illum ratione premas, aut jure refellas.*

Asinas, Simius, & Talpa,

Asinum querentem quod careret cornibus,
 Et simium, quod caudæ honore, hoc arguit
 Sermone talpa: quæ potestis, hanc meam
 Miseram intuentes cæcitatem, hæc conqueri?

*Aliena si estimaris infortunia,
 Tunc equiore mente perferes tua.*

Vulpes vota mutans.

Initura vulpes cortem opimam divitis
 Pingui refertam genere gallinaceo,
 Foramen id, qua transeundum erat sibi,
 Cupiebat in penetrando dilatarier.
 Rursus inde subreptam ore gallinam efferens
 Quum jam imminentem horreret a tergo canem,
 Ne se ille posset insequi, orabat Deos,
 Uti foramen redderent quam artificiosum.

*Pro commodis mutare vota homines solent,
 Sententiam alternante nunc spe, nunc met.*

Musca, & Quadrigæ.

Starent quadrigæ quum paratæ cursui,
 Musca advolans, temoni earum infederat.
 Misso ergo signo, illisque procurrentibus,
 Pulsu rotarum, & quadrupedantis ungulæ
 Pulverea nubes mota opacavit diem.
 Tum in se ipsa musca gestiens: Dii magni, ait,
 Quantam profundi vim excitavi pulveris!

*Ridiculus est, qui laudis alienæ decus
 Sibi vindicare gloriando nititur.*

Pica, & Aves.

Cuculum opacis frondium umbris abditum
 Intuita limis pica, & accipitrem rata,
 Aëria celeri spatia tranabat fuga,
 Quam conspicatæ, quæ assidebant, alites,
 Vanum illius terrorem, & insanos metus
 Cœpere salibus, atque risu prosequi:
 Quibus illa, ego riderier vobis, ait,
 Malo, quam amicis ac propinquis flerier.

Pertur facilius quod pudet, quam quod piget.

Mures.

Coactus olim quum senatus murium
 Deliberaret, sæva quo possent modo
 Cavere felis furta, & insidias graves,
 Decrevit unus, collo ut adversarii
 Suspenderent ex ære tintinnabulum,
 Cujus sono illum adesse persentiscerent.
 Probare pro se quisque consilium; & statim
 Cœpere pedibus ire in hanc sententiam.
 Tum ab sede surgens unus ex primoribus,
 Cui cana vetulas barba velabat genas,

Manu silentium imperans, mihi quoque
 Probatur, ut cui maxime, hæc sententia:
 Sed oro vos quis, inquit, ex nobis, patres,
 Feli ausit alligare tintinnabulum?

Carent periculosa consilia exitu.

Avarus.

Avarus auri massam humi defoderat,
 Quam quum anxius quotidie iret visere,
 Vicinus observavit, & clam sustulit.
 Reversus ille, offendit ut vacuum locum,
 Flere acriter, barbam, & capillum vellere,
 Vocare se mortalium miserrimum.
 Causa doloris cui viator cognita:
 Desiste, ait, te affligere; inque auri locum
 Saxum repone; & id tibi esse aurum puta:
 Etenim, ut video, ne tum quidem aurum habere te,
 Aurum quum habebas, jure poteras dicere.

Tam deest avaro, quod habet, quam quod non habet.

Vulpes, & Lupus.

In Puteum ab alto lapsa vulpes margine,
 Jam jam profundis haurienda aquis erat.
 Misera ergo ab adventante forte illuc Lupo
 Supplex petivit, fune demisso extrahi.
 Ille otiosi more, quærere institit,
 Quo lapsa pacto, quo fuisset tempore:
 Prius eripe hinc me, dum licet, vulpes ait,
 Deinde audies omne ordine, ut factum fiet.

In re arta amici ne esse cunctator velis.

Canna, & oliva.

De honore firmitatis, atque virium
 Canna, atque oliva litigantes, invicem
 Gravissimas dixere contumelias:

Atque adeo, tu ne, inepta, te preponere
 Audes mihi, aut certare mecum? oliva ait:
 Ego stipite inconcussa robustissimo,
 Telluris in profunda radices ago:
 Tu caule lento, tamquam olus, summo in solo
 Hæres, & omni obnoxia auræ fluctuas.
 Hæc illa quum jactaret insolentius,
 Tandem immodestis canna parcens litibus,
 Silentium egit, tempus expectans suum.
 Ecce autem atroci turbine turus impotens
 Incubuit arvis; cui quum oliva improvide
 Obniteretur, fracta procubuit solo.
 At canna cedens ultro, & huc illuc levi
 Inflexa declinatione spiritus,
 Incolumis, & superstes adversariæ,
 Gravem ejus olim risit insolentiam.

Potentiori non reluctari expedit,

Asini, & Juppiter.

Pertæsa gens asinina duras sarcinas,
 Legationem misit ad summum Jovem,
 Aliquando ut a tam exercita vita sibi
 Tandem quietem, & otium concederet.
 Quibus volens denunciare Juppiter,
 Fieri id nequire, tum quieturos eos
 Respondit, ubi tantum universi mejerent,
 Uti perenne flumen inde existeret.
 Ex illo asini, eum existimantes serio
 Hæc elocutum, ubi alter alterius vident
 Urinam, ibi insuevere vulgo mejere.

Hærus, & canis.

Canem habuit olim quidam, is illum pascere
 Quum vellet, id manu ipse faciebat sua.
 Quum vero verberare eum decreverat,
 Servo suo mandabat illud muneris.

Per-

Pertesus ejus vitæ ad extremum canis
 Aufugit. Herus huic postea casu obvius
 Convicium ingens fecit, oneravit probris,
 Et bestiam appellavit ingratissimam,
 Quod semper ab se pastus, atque habitus bene,
 Nec verberatus umquam; herum tam amabilem
 Relinquere induxisset in animum suum:
 Tu tu ipse, tu me verberasti, inquit canis,
 Tibi depilatum tergus hoc miserum, tibi
 Accepta refero facta flagris ulcera.
 Etenim quod, imperante te, servus tuus
 Faciebat, abs te id esse factum existimo.

Æque est nocens, qui mandat, atque is, qui facit.

Canis, & Caro.

Canis, ore frustum carniū ferens, vado
 Transibat amnem; quumque contemplanti aquam,
 Speciem ampliorem carniū illa redderet,
 Verum atque certum obsonium de faucibus
 Amisit inhians illi imaginario.
 Delusus ergo, speque frustratus sua:
 O me pecudem, ait, quanta ego imprudentia
 Id, quod tenebam, amisi, ut id, quod non erat,
 Captarem, & umbram corpori amens prætuli!

Ne incerta certis anteponantur, veto.

Afinus, & Aper.

Magnanimum quum segnis aprum rideret asellus,
 Ille premens iram, & sedata mente renidens:
 Perge, inquit: nam te tua tutum ignavia præstat.
 Nec tu umquam tantis potis es me incessere probris,
 Tam vili ut digner generosum sanguine dentem.
 Nam quamvis noxam meritis, dignusque malo tu,
 Nostra indigna tamen sese huc demittere virtus.

*Virtutem ne forte tuam contemptior hostis
 Inquinet, ultrices moderare potentior iras.*

Pullus Asini, & Lupus.

Morbo asinus olim quum laboraret gravi,
 Ut adesse mortem rumor increbesceret,
 Lupus ore ficto accessit illum visere.
 Quem pullus asini, qui assidens erat patri,
 Per obseratæ januæ rimam agnitum
 Admittere intro noluit, sed enim lupus,
 Quonam modo se haberet æger, institit
 Rogare: Melius, ille ait, quam tu velis.

Suspecta merito sunt & obsequia hostium.

Lupus, & Grus.

Ovem lupo voranti os in gula hæserat,
 Medicam ut necesse fuerit accersi gruem.
 Ea pasta pretium, penitus in gulam lupi
 Collo suo immisso, os molestum sustulit.
 De præmio appellante tum lupum grue:
 Abi, inquit ille, abi impudens: sat præmii est,
 Collum e lupi quod faucibus saluum refers.

*Homines mali beneficium se existimant
 Illis tribuere, in quos maleficio abstinere.*

Juppiter & Cochlea.

Regens creatis bestiis Divum pater,
 Quod quæque primum postulavisset, dabat.
 Tum cochlea impetravit, ut suam sibi
 Domum liceret ferre junctam corpori.
 Interrogata cur onus tam incommodum
 Pro munere experisset: hoc incommodi
 Perferre, dixit, malo, quam arbitrii mei
 Non esse, devitare vicinos malos.

Vicinitas mala instar infortunii est.

Satyrus, & Homo.

Satyrus atque homo fuerunt olim amici maximí:
 Quorum amorem, gratiamque casus hic scidit repens.
 Sæviente aliquando bruma, quum manus gelidas homo
 Crebro ad os suum admoveret, calidum agens anhelitum,
 Satyrus aspirationis causam ab illo quæsit:
 Frigidus, respondit ille, sic calefacio manus.
 Postea, cenante utroque, ut sæpe consueverant, simul,
 Forte quum venisset illuc ferculum ferventius,
 Atque homo afflavisset offæ: quam sibi desumserat,
 Denuo causam rogatus hujus afflatus sui,
 Hoc modo refrigeravi, dixit, escam fervidam.
 Satyrus hic ira incitatus: dehinc, ait, tecum mihi
 Nulla consuetudo fuerit, nulla amicitie fides,
 Qui mihi uno eodemque fundis ore calidum, & frigidum,

Quem bilinguem nosti, amicum ne tibi hunc adsciscito.

Mures, & Feles.

Murium vis magna in unis ævum agebat ædibus:
 Qui videntes felis astu se in dies absumier,
 Hoc suis cœpere rebus remedi, ut excelsissimam
 Ædium partem tenerent hosti inaccessam suo.
 Quod salubre constitutum muribus servantibus,
 Hunc vicissim excogitavit callidus feles dolum,
 Ut tigillo prominenti pariete ex domestico,
 Applicans pedes supinos, capite deorsum pendulo,
 Mortuum simularet, hunc sic pendulum unus murium
 Tecto ab alto conspicatus: nec si, ait, tam mortuum
 Te viderem, ut follis ex te fieret, umquam fiderem.

*Qui cavet ne decipiat, vix cavet, quum etiam cavet
 Etiam quum cavisse ratus est, sepe is cautor captus est.*

Vulpes, & Aquila.

Vulpes, & aquila, amore junctæ mutuo,

Ut amicitia adolesceret vicinia,
 Habitare decrevere junctis sedibus.
 Et hæc quidem locavit alta in arbore
 Nidum, illa vero in concavo ejus caudice.
 Ita deinde factus utraque edidit suos.
 Sed enim, profecta vulpe quondam ad pabulum,
 Aquila fame incitata, nido devolans
 In lustra vulpis, illius natos sibi
 Suisque dulcem rettulit pullis cibum.
 Reversa vulpes, fœditate cognita
 Rei, atque rupti idignitate fœderis,
 Quantum doloris, atque luctus cœperit,
 Quamque impotenti incendio irarum arserit,
 Reputare quivis de suo sensu potest.
 Nec vero acerba tam suorum liberum
 Dolebat illa morte, quam quod aliti,
 Terrestris ipsa, non videbatur fere
 Umquam nocere posse, nec par reddere.
 Quod ergo misera poterat, illud scilicet
 Faciebat, ut superbam in adversariam
 Probra, atque inanes rabida jactaret minas.
 Sed non die est lætata ruptrix fœderis
 Sua insolenti injuria: nam rusticis
 Capella in agro forte sacrificantibus,
 Illa advolans, frustum involavit carniū,
 Cui carbo candens e foco sacro hæserat:
 Quod quum intulisset nido, is occultum aridus
 Concepit ignem: dein coorto commodum
 Vento excitata flamma, in aquilæ filios
 Teneros adhuc, & involucre sœviit;
 Quos ustulatos decidentes arbore,
 Spectante matre, & flente natorum vicem,
 Duplici voravit læta vulpes gaudio.

*Qui tenuem amicum ledit, huic si humanitus
 Impune fuerit, imminet vindex Deus.*

Vulpes.

Comprensa laqueo in sæpe vulpes abdito,
 Implexam in evadendo caudam perdidit.
 Id ei, molestiæ, ac pudori tanto erat,
 Uti sibi esse vitam acerbam duceret.
 Tandem hoc remedii excogitavit, ceteris
 Ut vulpibus suaderet, ut caudas sibi,
 Onus molestum, incommodumque abscinderent;
 Ita publico dedecore tectum iri suum.
 Ergo advocata concione vulpium,
 Hortari ad id vehementer illas institit.
 Cui tum renidens una de popularibus,
 An tu, quia istud expedit, soror, tibi,
 Idcirco, ait, das ceteris hoc consilij?

*In publicis deliberationibus
 Plerique tantum commodis suis student.*

Lignator, & Mercurius.

Propter amnem ligna cædens, quum securim rusticus
 Forte lapsam perdidisset in profundo gurgite,
 Lacrimans suum dolere cœpit infortunium,
 Cui benignam opem misertus obtulit Cyllenius.
 Et statim urinatus, imo ab usque fundo fluminis
 Auream efferens securim, num ejus esset, quæsit.
 Ille enimvero negavit: proinde rursus quæreret.
 Tum Deus reversus alti stagna in amnis infima,
 Alteramque emersus inde proferens argenteam,
 Id quod ante sciscitatus, id quod antea audiit.
 Ferream demum securim sedulo expiscatus est.
 Quam recepit ille lætus, atque gratias agens.
 At Deus, viri probata integritate simplicis,
 Auream huic, argenteamque muneri ultro tradidit.
 Quæ suis quum deinde amicis rettulisset rusticus,
 Unus ex iis cogitavit per dolum ditare se;
 Atque eundemmet profectus in locum, quod fecerat
 For.

Fortuito homo ille simplex, ut securim amitteret,
Id suapte sponte fecit ipse per fallaciam.

Huic item Deus querenti de securi perdita,
Atque flenti, & ejulanti se repertorem offerens,
Quum securim in amne merfus extulisset auream,
Hæcine est tua, amice? dixit, tum ille totus gestiens,
Hæc mea ipsa, ait, profecto est; hæc mea ipsa ipsissima,
Hanc Deus tantam perosus hominis impudentiam,
Tradere auream securim non recusavit modo,
Ferream sed reddere illi propriam ejus noluit.

*Qui bonum colunt, & æquum, sæpe ditat hos Deus;
Fraudentos, improbosque sæpe contra pauperat.*

Fullo, & Carbonarius.

Fulloni instaret quum carbonarius olim,
Viveret ut secum, atque habitaret in ædibus iisdem:
Quoniam, ait, ille modo, genere in tam dispare quæstus
Tecum habitare queam? nam quæ ipse a sordibus alba
Reddidero, tu rursus atra fuligine tinges.

Ingenii tibi dissimilis consortia vita.

Factator.

Quidam a peregrinatione longinqua
Domum reversus, multa strenue facta
Ab se in peregrinatione, jactabat.
Inter quæ, eum saltasse se Rhodi saltum,
Quem æquare nullus ex ea urbe quivisset:
Hujusque testes facti habere se multos
Sane graves idoneosque dicebat.
Cui tum ex corona quidam: Amice, quid testes
Adducis, inquit, quum probare re possis?
Nam si utique verum est, quod refers; fidem nobis
Res ipsa faciat; en Rhodus tibi, en saltus.

Ubi rebus opus est, verba inaniter jactes.

Vulpes, & Rubus.

Excelsam vulpes sepem conscenderat horti :
 Unde gradu instabili, & titubante per ardua planta,
 Apprendit casura rubum, ille infestus acutis
 Sentibus incautæ pupugit vestigia vulpis.
 Quæ male multata, & plantas laniata cruentas,
 Incusare rubum, probrisque incessere cœpit ;
 Quod sibi, ad ejus opem quæ confugisset in artis
 Rebus, inhumano nocuisset barbarus ausu
 Cui rubus, immo, ait, imprudens plane ipsa fuisti
 Me apprehendendo, alios omnes qui apprehendere suevi :

*Stulti adeo sunt sæpe homines, ut rebus in artis
 Confugiant ad eos, quibus ultro ledere mos est.*

Vulpes, & Larva.

Mimi ingressa domum vulpes, dum singula refurn
 Visendi studio, scænæ instrumenta revolvit,
 Formosi larvam simulacrum repperit oris,
 Inque manus sumens, animoque, & lumine lustrans,
 O quam insigne caput, specie quam, dixit, honesta :
 Sed rationis inops, castoque informe cerebro !

Sordet hanc formæ, nisi cui sapientia juncta est.

Canes duo.

Canis fuit, qui tempore pluvio domi
 Se continebat, nec pedem umquam e limine.
 Interrogatus hic ab æquali suo,
 Cur id faceret : ego, inquit, alias fervida
 Perfusus unda, timeo nunc & frigidam.

Timeo innocentem, qui nocentem pertulit.

Mulier, & Medicus

Lippa olim mulier medico persolvere certam
 Mer-

Mercedem pacta est depulso denique morbo.
 Is caligantem quoties curaverat ægiam,
 Tempore quo nihil uti oculis ea quibat inunctis,
 Obvia quæque domo rapiens, exibat onustus.
 Jamque exportatis spoliaverat omnibus illam,
 Quum bene habere oculi, solitamque admittere lucem
 Cæperunt, tum demum operæ, remedique salubris
 Mercedem medicus quum posceret, illa recusans:
 Deterior nunc est visus mihi, quam fuit ante;
 Quippe domi congesta prius quæ multa videbam,
 Nunc quocumque oculos verto, nil conspicior, inquit,

*Corrumpunt multi, atque hominum de pectore delent
 Offensis sua sæpe novis benefacta priora.*

Astus Dominos mutans.

Olitori asellus serviens, quod pabuli
 Quam minimum haberet, quod laboris plurimum,
 Jovem est precatus, ut sibi alium herum daret.
 Dedit ille figulum: cui lutum assidue ferens,
 Durosque lateres, regulasque prægraves,
 Iniquiore sorte multo quam prius
 Agebat, ergo denuo dominum sibi
 Mutare uti liceret, oravit Jovem.
 Quo assentiente, venditus coriario.
 Ibi verò acerbam, luctuosam, & perditam
 Miser trahebat vitam, onustus, fœtidis
 Fratrum suorum, affiniumque pellibus.
 Tum triste rudens: ah quam, ait, satius fuit
 Servire servitutem heris prioribus.
 Hic enim, ut video, ubi me labore occiderit,
 Corium quoque exercere perget mortui.

Mutare dominum non nisi in pejus datur.

Cerva, & Vitis.

Vim venatorum fugeret quum cerva sequentum,
 Frondea ramosæ subiens umbracula vitis

Delituit : donec , jam discendentibus illis ,
 Se rata jam tutam , defunctamque esse periclo ,
 Ipsa suas ausa est morfu exagitare latebras ,
 Et sibi prætentas avidè decerpere frondes .
 Quem motum ramorum , agitataque vitea testâ
 Conversi venatores quum forte viderent ,
 Illud opinati quod erat , sub fronde latentem
 Esse feram , certis miseram fixere sagittis .
 Quæ moriens , calidoque animam cum sanguine fundens :
 Jure , ait , hoc patior : neque enim umquâ lædere , quæ me
 Servarat , debebam , aut tales reddere grates .

Divina ignaros homines ulciscitur ira .

Latro , & Mater .

Damnatus morti latro ducebatur acerbæ ,
 Digna recepturus sceleratæ præmia vitæ .
 Cui se in conspectum mater quum mœsta dedisset ,
 Ingeminans tristi miserandas voce querelas ,
 Ille ut eam affari est permissus , & oscula ferre ,
 Maternos morfu in vultus invasit acuto ;
 Totaque fœdavit laceratis naribus ora .
 Detestari hominem plebs circumfusa , vocare
 Immanem parricidam , atrocissima quæque
 Dicere supplicia , & pœnarum exempla mereri :
 Audite , ille inquit , cives : neu crimine tanto
 Indicta causâ immeritum damnare velitis .
 Exitii mihi namque caput , pestisque nefandæ
 Causâ , hæc sola fuit : mater mihi causâ mali omnis
 Sola fuit , fœdæque hujus mihi mortis origo ,
 Jam inde usque ab studiis , atque a puerilibus annis .
 Tempore quo subreptum æqualis forte libellum ,
 Rerum ignarus adhuc , & honesti nescius , ipsi
 Exhibui : læta , atque alacri , quæ fronte renidens ,
 Dulcibus excepit furtivam blanditiis rem .
 Inde aliis porro , atque aliis per tempora furtis
 Succedentia grassatus huic scilicet arti ,
 Huic vitæ generi assuevi , cui triste videtis

Sup-

Supplicium, sævæque crucis tormenta parari:
 Quæ facile vitare mihi licuisset, & esse
 Incolumi, ad mores conversa mente probatos,
 Si me hæc materno imperio, flagroque salubri
 Peccantem teneris castigavisset in annis.

Exitium natis parit indulgentia patrum.

Vates.

In populi cœtu, medio privata canebat
 Vates fata foro, & quæ quemque eventa manerent.
 Ecce superveniens securo nuncius illi
 Exposuit, fures per apertas forte fenestras
 Illius penetrasse domum, quæque intus erat rem
 Asportasse omnem, & vacuos liquisse penates.
 Ille gemens, mistoque ciens suspiria fletu,
 Visurus sua damna, gradu sese inde citato
 Proripuit, cui tum media de plebe facetus,
 Cur tu aliis, inquit, predicere fata professus,
 Non hæc ipse tibi cecinisti instantia damna?

Qui sibi non sapit, hic sapiens mihi non erit unquam.

Astrologus.

Obscura astrologus graditur dum noctis in umbra
 Intentus cœlo, & tacite labentibus astris,
 Decidit in puteum: casuque afflictus iniquo
 Implorabat opem, Divosque hominesque ciebat.
 Excitus accessit putei vicinus ad oras
 Salsus homo, &: Quænam hæc tua tam præpostera, dixit,
 Est ratio? nam qui ante pedes quæ sunt sita nescis,
 Dissita tam longe profiteris sidera nosse.

*Quid rerum causas, naturæque abdita queris,
 Ipse tui ipsius, propriæque oblite salutis?*

Leo,

Leo, & Vulpes.

Confectus senio leo, quum jam quærere victum
 Venatu ut quondam juvenis, non posset, id astu
 Decrevit facere, atque artes tentare dolosas.
 Morbum ergo simulans, in opaci faucibus antri
 Procubuit, gemitusque dedit, quumque undique ad ægrū
 Quadrupedes visendum irent, ut protinus illi
 Quæque propinquaret, rictu hanc inhiantem vorabat.
 Hac demum multis animantibus arte peremtis,
 Visendi causa, & vulpes accessit ad antrum;
 Atque a vestibulo ægrotum clamore salutans,
 Quo modo haberet, eum caute officiosa rogavit.
 Respondente illo, se vero pessime eamque
 Percunctante, aulæ cur non penetrare subiret;
 Suscepit vulpes, quia me vestigia terrent
 Omnia te adversum spectantia, nulla retrorsum.

Magna mala ex levibus vitat mens provida signis.

Armentarius.

Per confragosos forte saltus devium
 Quærens juvencum errabat armentarius.
 Quem quum irreperitum ab aliquo abactum crederet,
 Hædum tibi mactare vovit, Juppiter,
 Reperire furem si sibi concederes.
 Ingressus inde proximam silvam, videt
 Juvencum ibi ab leone lacerari suum.
 Tum vero egenus consili, ac tremens metu,
 Supplex supinas sustulit cælo manus;
 Tibique, inquit, hædum voveram, alme Juppiter,
 Si repperissem furem: opimum nunc bovem
 Polliceor, ejus si manus evasero.

*Humana mens, ignara fortis abdita,
 Nocitura sæpe pro salubribus petit.*

Lupus, & Mulier.

Arva quum jejunos olim pervagaretur lupus,
 Ad tugurium venit, unde vagiente puerulum,
 Huicque matrem comminantem sane acerbe exaudiit,
 Flere ni desineret, illum tradituram se lupo.
 Serio istæ elocutam mulierem ratus lupus,
 Jam sibi exspectabat obici contumacem puerulum.
 Multam in horam sic moratus, rursus audit mulierem
 Voce blanda, & ad soporem provocandum tinnula
 Dicere infanti: Bono animo es, nate mi dulcissime:
 Nam lupum, si raptor ille huc venerit, mactabimus.
 Hic lupus tum denique omni destitutus spe sua
 Tristis in silvas recedens: pro supreme Juppiter,
 Alia dicunt, alia faciunt hice mortales, ait.

Vespertilio, & Mustella.

Lapsam ex ære avem, cui sero ab vespere nomen,
 Quum mustella rapax laniare infensa pararet,
 Hæc vitæ usuram supplex, veniamque petebat.
 Olli mustella se parcere posse negante,
 Quod cunctis natura inimica volucribus esset,
 Illa implumem alvum, lactantiaque ubera pandens,
 Atque ita non volucrem, sed murem se esse professâ,
 Dimissa est sospes, & aperto reddita cœlo.
 Hæc eadem in rapidos paullo post incidit ungues
 Alterius mustellæ: & ab hac quoque mittier orans
 Audiit æternum cum muribus esse duellum
 Mustellis, proiâ spem veniæ deponeret omnem.
 Illa sed ostentans tenues, pennæ alitis instar,
 Membranas tergo hærentes, se se esse volucrem,
 Non murem asseruit: dimissaque rursus in auras,
 Sic commutato bis nomine nacta salutem est.

*Non unam semper rationem insistat agendi,
 Qui vitare cupis varii discrimina casus.*

Aper,

Aper, & Vulpes.

Dentes retufos arbore exacuens aper
 Satagebat : atque hunc forte præteriens via
 Vulpes rogavit , cur fine ulla prælii
 Neceffitate acuere dentes tenderet.
 Non abs re ego , inquit ille , fic facio , o bona :
 Nam quum ingruit periculum , & adverfarius
 Ad fanguinis , vitæque difcrimen vocat ,
 Haud fane acuere tum vacat dentes mihi .
 Itaque otii , & fecuritatis tempore
 Arma apparo , stringenda quum ufus venerit .

*Paratus animo contra iniqua cafuum ,
 Aut vincet illa , aut fortius certe feret .*

Gallina, & Hirundo .

Gallina quum ferpentis ova nafta efferet ,
 Ea diligenter fovit , atque ab iis fætus
 Exclufit , id prætervolans ea forte
 Hirundo confpicata : cur , ait , demens
 Hos alere tendis , qui ubi adoleverint , abs te ,
 Tuoque capite injuriam aufpicabuntur ?

Hominem improbum promoris , ipfe te evertet .

Canes duo , & Coquus .

Quidam hofpitem accepturus , huic convivium
 Lautum profufis apparabat ferculis .
 Canis quoque ejus , quum fuum æqualem canem
 Vocaffet , in culinam herilem fequi
 Se juffit , is tam fplendidas fpectans dapes :
 Papæ , quot , inquit , hic voluptates novæ !
 Quantum repente gaudii oblatum eft mihi !
 Quam multa video , quamque opima fercula !
 Quorum omnium jam implebor ; & pulchre fatur

Famem universo hoc triduo non sentiam.
 Hæc quum ille tecum agitaret, & caudam simul
 Motaret alacrem ludibundus, utpote
 Favore fidens qui vocatoris sui,
 Jam delicatas spe voravisset dapes;
 Coquus hunc repente pedibus arreptum, gravi
 Emisit altas per fenestras impetu
 Qui afflictus, atque perditus, flens ejulans
 Quum abiret inde, huic alius occurrens canis,
 Ut opipare cenatus esset, quæsit:
 Sane, inquit ille, tam madens, atque ebrius
 Revertor, ac distentus, ut ne ipsam quidem,
 Qua egressus inde sum, viam animadverterim.

*Qui pollicetur cumque de alieno tibi
 Benefacere, huic tu, si sapias, ne fido.*

Simius, & Vulpes.

Quadrupedum in cœtu quum saltavisset honeste
 Simius, hunc illæ regem dominumque creant.
 Tacta sed invidia, & sensu livoris iniqui,
 Vulpes vafra, novum instituit pervertere regem.
 Atque observatis ad opacum cassibus antrum,
 Huc illum adduxit, tamquam ostensura repertum
 Ab se thesaurum, qui lege, & moribus ipsi
 Deberetur uti regi, rerumque potenti.
 Credulus ille dolis inductus, & arte Pelasga,
 Inconsultius approperans, in vincula se se
 Induit infelix, & opertis cassibus hælit,
 Sero animadversas fraudes, & perfida vulpis
 Consilia incusans, cui vulpes: o bone, dixit,
 Tune isto male sano animo, tu sensibus istis
 Quadrupedum rex esse audes, sceptrisque potiri?

Ostendit commissus honos, quam quisque probandus.

Vulpes, Asinus, & Leo.

Vulpes, & asinus, societate contracta;

Si-

Simul in ferarum lustra iere venatum.
 lis quum leo occurrisset, ilicet vulpes,
 Tanto in metu, periculoque deprensa,
 Suas ad artes malitiamque confugit.
 Seorsum ab asino nam leone convento,
 Atque impetrata impunitate pro sese,
 Ei tradere astu comparem suum pacta est;
 Pauloque post, absconditos ibi forte
 Improvidum asinum vafra duxit in casses.
 Leo, qui videret prædam eam sibi in tuto,
 Prius apprehensam ventre condidit vulpem;
 Dein vero ad asinum versus, hunc quoque absumsit.

*Invisus adeo est proditor, graves ut de
 lis sæpe pænas, unde præmium sperat.*

Formica.

Formica quæ nunc est, homo fuit quondam,
 Agro colendo continenter incumbens;
 Nec secius, silente nocte, furtivas
 Fruges propinquis sæpe devehens arvis;
 Avidoque semper omnia horreo condens.
 Abominatus Juppiter, sub humana
 Specie ac figura tam nefarium monstrum,
 In hujus illum membra vertit insecti,
 Formica quæ nunc dicitur. Sed ut formam
 Mutavit oris, non refinxit & mores:
 Etenim rapinis nunc quoque arva divexat;
 Et insolentes ex agris agit prædas,
 Cupida, & tenax, semperque parca quæsit.

Eadem manet natura, sorte mutata.

Asinus, & Equus.

Asinus beatum existimaverat quondam
 Equum, quod affluenter hordeo pastus,
 Habitique semper eleganter, & laute,
 Cutis nitore, obesitate membrorum,

Curam in se herilem, gratiamque præferret :
 Quum ipse interim ne vilibus quidem posset
 Paleis famem, & jejuna viscera implere,
 Præsertim iniqua sarcina fatigatus.
 Sedenim, coorto forte bellico motu,
 Quum armis opertum hero insidente vidisset
 Equum apparari ad pugnam, & acriter sæpe
 Calcaribus vexatum in hostium turmas
 Agi : unde vulneratus, & gravi casu
 Collapsus, animam vix trahebat afflictam;
 Sententiâ mutavit; & suam sortem
 Præ ejus misera rursus haud malam duxit.

*Periculosum divitum statum spectans,
 Pauperiem, & artam disce amare fortunam.*

Monedula.

Pastor prehensæ ab se pedem monedulæ
 Filo alligavit: atque eam gnato suo
 Puerile, quicum luderet, munus dedit.
 Quæ vitam eam pertæsa, quum primum fugæ
 Occasio est oblata, cum vinclo avolans
 Se in arborem, suumque nidum contulit.
 Circumvoluto vero ramis vinculo,
 Sese expedire ad evolandum non valens,
 Quum instare mortem jam videret: hei mihi,
 Lacrimans ait, gemensque, quæ sit commodam
 Heri mei gravata consuetudinem,
 Me me ipsa libertate, vitaque exui.

*Incommodorum sæpe leviorum fuga
 In calamitates maximas incurritur.*

Hærus, & Canes.

Hiberna nimbo continente tempestas
 Quendam suo deprendit in suburbano.
 Is primum oves, dein comedit & capras:

Postremo tempestate perseverante
 Operarios quoque institit boves vesci.
 Quod ubi canes videre, territi sane,
 Interque sese clam timore mustantes:
 Quantum potest fugiamus, inquiunt: nam qui
 Ne operariis pepercerit quidem bobus,
 Nobilne eum putamus esse parsurum?

Caris iniquus, esse cui potest aquns?

Agnus, & Lupus.

Stans in supremo culmine agnus ædium
 In transeuntem probra jactabat lupum,
 Quæcumque in improbam, & voracem bestiam,
 Sævam atque sanguinariam dici queunt.
 Olli quieta mente subridens lupus:
 Non tu mihi maledicis, inquit, o bone,
 Sed iste, quo confidis, excelsus locus.

*Adversus homines præpotentes, & graves,
 Tenuibus animos tempus addit, & locus.*

Asinus, & Vulpes.

Leonis olim pelle asellus indutus
 Reliquas quadrupedes territans vagabatur.
 Vulpi quoque obviæ insolenter insultans,
 Terrere, & hanc tentavit: illa, quæ ignavum
 Rudentis ejus forte murmur audisset:
 Tua, inquit, ista horrenda torvitas oris
 Gravi profecto me pavore complexset,
 Nisi, qui leo esses, te rudente cognossem.

*Indoctus idem, atque arrogans, suo semet
 Sermone, & ignorantiam suam prodit.*

Asinus, Corvus, & Lupus.

Exulceratus dorsum asellus errabat
 Per prata, cujus ulcera advolans corvus

Tundente rescindebat improbus rostro.
 Rudebat ille, fœda labra distorquens,
 Crebrosque calces præ dolore jactabat.
 Morsum ulcerum repetente sæpius corvo,
 Spectaculum sane elegans agasoni
 Visum, ut profusos solveretur in risus.
 Quod intuens e proxima lupus silva:
 Me miserum, ait, quem si vel eminus tantum
 Vident, acerbe persequuntur: huic vero
 Noxam quoque admittenti amanter arrident.

Mercurius.

Mercurium ab alto misit olim Juppiter,
 Artificibus medicamen ut mendacii
 Misceret, ille diligenter id terens
 Ad constitutum mente mensuræ modum,
 Circuntulit, partemque cuique miscuit.
 Solus supererat futor: & medicaminis
 Multum etiam erat: quod universum illi Deus
 Ipso ebibendum præbuit mortario.
 Hinc factum, ut omnis mentiatur artifex,
 Sed futor illo in genere præstet omnibus.

Bubulcus, & Hercules.

Via in lutuosa prægrave hæserat plaustrum,
 Mersis ad usque axem rotis.
 Nihil hic bubulcus providere, nec se se
 Opi ferendæ accingere:
 Tantum sedens, suamque conquerens sortem,
 Magnum invocabat Herculem.
 Cui nube fultus candida Deus, præsto
 Fuit, & monere hæc institit:
 Age, inquit, & tu enitere ipse per tete,
 Atque id quod in te est, expedi;
 Stimulo boves, humerisque promove plaustrum.
 Tum demum agentem gnaviter

Vocatus adjuvabo, vique cœlesti
Humana vota prosequar.

*Vigilando, agendo, provideado quod possis,
Paratur e cœlo favor.*

Momus.

Juppiter, & Neptunus, & artibus inclita Pallas,
Certavere olim, quis eorum pulchrius orbi
Quid daret, ergo hominem speciosum Rector olympi,
Diva domum, saluæ taurum Rex edidit undæ.
Tum Momus iudex accitus, & omnia jussus
Contemplarier, atque æqua perpendere lance.
Is primum in tauro reprehendere cornua cœpit,
Quod fronti hærent: etenim consultius armos,
Acrior unde ictus foret, armatura fuisse.
Tum sensum, mentemque hominis sub pectore clausam
Carpere: quanto illam melius potuisse vel extra
Constitui, vel per patulam apparere fenestram;
Ut meditata ejus penitus novisse liceret.
Postremo damnare domum, vitique notare,
Mobilibus quod nixa rotis non esset, ut una
Cum domino externas proficisci posset in oras,
Vicinumque malum effugio vitare parato.

Damnari, carpique etiam rectissima possunt.

Arbores, & Rhamnus.

Regnum olim olivæ detulerunt arbores,
Et valida late scepra gentis frondeæ.
Quibus illa, quæ contenta sorte esset sua:
O amicæ, ait, meam ne pinguitudinem,
Diis, atque hominibus expetitam, deferam,
Ut imperem, regnique curis macerer?
Ite, oro, & alii sarcinam hanc imponite.
Rejectæ eunt ad ficum, uti regnet, rogant;
Quæ & ipsa, per se læta nativis bonis,
Egone ut meam dulcedinem, & suavissimos

Fructus, sapor mellis Hyblæi pares,
 Angore mutem, quo hic honos exuberat?
 Re rursus infecta hæsitabundæ arbores
 Vitem quoque statuere tentandam sibi.
 Ea tum nigranti concolores purpuræ
 Uvas onustos explicans per palmites:
 Videtis, inquit, has opes, hanc copiam,
 Hoc delicatum tot racemorum decus,
 Deo unde, hominibusque humor acceptus fluit?
 Hæc dona opima, hæc tanta naturæ bona
 Ut deferam, vos estis auctores mihi.
 Tum vero me omnes omnium stultissimam
 Existimarint arborum, si id fecero,
 Quo me ipsa perdam, ceteris ut consulam.
 Hæc illa; at hæc, jam supplicandi tædio
 Fessæ, ac labore, rhamno honorem deferunt.
 Elatus ille regio fastu, ac tumens:
 Si rex, ait, sum vester, ad me accedite
 Omnes, & umbra sub mea confidite.
 Ni id feceritis, rapidus ignis, nemini
 Parsurus, ex me erumpat, atque ipsas quoque
 Excelsiores hauriat Libani cedros.

*Aliis præesse optabile iis tantummodo est.
 Libidini servire qui volunt sue,*

Spes.

Bona universa Juppiter coëgerat
 In dolium; idque sane opertum sedulo
 Mortali amico deinde commendaverat.
 Is gestiens, quid intus esset, visere,
 Quum operculum amovisset, in cælum illico
 Cuncta evolarunt; spes modo hæsit in labro:

*Hinc in bonorum sola defectu omnium
 Mortalibus Spes alma unquam deficit.*

Asinus simulacrum gestans.

Simulacrum asellus bajulans argenteum,
 Quum id transeuntes flexo adorarent genu,
 Sui hoc honoris gratia est fieri ratus.
 Jamque insolenti elatus arrogantia,
 Nolebat asinus esse, donec aspero
 Probe dolatus fuste clunes audiit,
 O stulte, non es tu Deus, sed fers Deum.

Se norit hominem, qui magistratum gerit.

Cassita.

Ales est cassita, summum pileata verticem,
 In segetibus nidulari sueta, & ova excudere
 Ferme in anni tempus illud, filios ut puberes,
 Appetente messe, primis instruat volatibus.
 Forte tempestiviora legit hæc quondam fata:
 Itaque flavescente segete pulli adhuc implumibus.
 Egredi materna testæ non valebant artubus.
 Igitur ad cibum parandum fæta proficiscens foras,
 Monuit hos, si quid viderent, si quid audirent novi,
 Sedulo ut renunciare cuncta meminissent sibi.
 Ecce dominus segetis illuc venit; & gnatum vocans,
 Cernis hæc maturuisse, & postulare jam manus:
 Proinde cras ubi diurnum fulserit crepusculum,
 Ito, ait, rogato amicos mutuam, in messem hanc, opem.
 Anxii pulli reversæ matri id ipsum nunciant:
 Illa eos esse otiosos, atque securos jubet:
 Non enim messem futuram, dum ille amicis fideret.
 Postero de profecta rursus ad pastum alite,
 Dominus opperitur illos, quos vocari jusserat:
 Sol inardescit: nihil fit: præsto amicus nullus est.
 Tum ille gnato: isti amici nostri, ait sunt desides,
 Quin ad affines rogandos, & propinquos pergimus,
 Tempori cras ad metendum præsto uti nobis sient?
 Rursus hoc pulli parenti territi renunciant.

Mater illos tum quoque esse sine metu, & cura imperat :
 Vos modo, inquit, adnotate diligenter omnia,
 Quæque dicentur per illum, quæque fient denuo.
 Alia lux exoritur, ales pabulatum provolat.
 Ille vir bonus propinquos frustra, & affines manet.
 Quos jubens tandem valere, filio edixit suo,
 Ut duas deferret illuc luce falces postera :
 Tu tibi unam sumito, inquit. alteram ipse sumsero :
 Rem geremus marte nostro, & copiis domesticis.
 Hoc ubi rescivit ales. illicet pullis ait:
 Nunc profecto providendum est, vos ut alio transferam,
 Nam seges cras dem tetur ista certo certius:
 Quando is ipse, cuja res est, illam agendam suscipit.

*Hoc erit tibi argumentum semper in promptu situm,
 Nequid expectes amicos, quod tute agere possies.*

Vulpes, & Simius.

Animalium potitus imperio leo,
 Ea exulare e finibus regni sui,
 Honore caudæ quæ carerent, jusserat.
 Pavefacta vulpes, ire in exilium parans,
 Jam colligebat vasa cui quum simius,
 Ad regis imperata jam vertens solum,
 Non pertinere edictum ad illam, diceret,
 Quæ tantum haberet caudæ, ut & superforet:
 Verum. inquit illa dicis: & recte admones;
 Sed qui scio, inter illa, quæ cauda carent,
 An me leo numerare vel primam velit?

*Cui vita sub tyranno agenda contigit,
 Insens licet sit, plectitur saepe ut nocens.*

Rusticus, & Juppiter.

Fundum colendum rusticus quondam ab Jove
 Conduxit æqua parte cum illo fructuum,
 Hac lege, ut omnem ad ipsius nutum Deus,
 Ad rustici, inquam, jussa summus Juppiter

Pluc.

Plueret, serena faceret, auras mitteret.
 Ita deinde fundus sedulo est cœptus coli:
 Sata provenire, & aucta culmis surgere:
 Præstante pactas temporum vices Deo:
 Et ad imperata, nunc citum Favoniis,
 Nunc uvidum exhibente, nunc sudum aëra.
 Fit ecce messis: qua spem hiantis rustici
 Vanis aristis sterilis elusit seges.
 Subrisit, & iacturam eam haud ægre tulit,
 Qui templa cœli torquet, & terræ sola.
 Sed specimen ut prudentiæ suæ daret:
 Vides, bone, ait, agricola, quid profecerint
 Abs te institutus annus, & cultum solum:
 Parente semper me tibi, & semper tua
 Obnoxii ad vota tempestatibus.
 Nunc si placet, videamus annum hunc proximum:
 Tu arato, tu sarrito, tu occato ut soles:
 Me sine superne regere, & arbitrio meo
 Ventos cingere, nubilum, & sudum dare:
 Mea faxo videas ratio quam præstet tuæ.
 Hæc Juppiter, cui quum annuisset rusticus,
 Anno insequenti versus ordo temporum
 Læto replevit vacua proventu horrea.
 Ex illo omisit homo Deo præscribere,
 Bonique cuncta, quæ ille præstat, consulit.

Leo, Lupus, & Vulpes.

Ægrum leonem quadrupedes invisere,
 Cessante sola vulpe, jam omnes iverant.
 Ibi regis aures credulas nactus lupus
 Calumniari, & carpere absentem institit:
 Quid eam impedire, quid morari, quo minus
 Veniret ægrum regem & ipsa visere,
 Nisi contumacem spiritum, & superbiam,
 Qua gloriam de rege contempto petat?
 Interea ad ipsa jam perorantis lupi
 Extrema ferme verba vulpes adfuit,

Ita ut probe omnem vafra rem conjecerit.
 Infremuit ira incensus in vulpem leo:
 Quæ se tamen gravi ex pavore colligens,
 Defensionis impetrato tempore,
 Causam suam est exorsa in hanc sententiam:
 Generose rex, quis, inquit, est ex omnibus,
 Quicumque in hunc coïere regalem specum,
 Qui pro salute tam laborarit tua,
 Quantum ego? per omnes misera quæ terras ii,
 Omnes medentes, sana consului omnia,
 Uti remedium quærerem regi meo:
 Tandemque reperi. Jussa proferre illico,
 Ut, inquit, involvare detracta recens
 Et adhuc calente pelle viventis lupi.
 Sane facile medicamen est, inquit leo:
 Lupus ecce adest: viventem eum deglubite.
 Quo facto, amaris illa cum facetiis
 Conversa semivivum ad adversarium,
 Cur nudum, ait, te in publico video, lupe?
 An forte fieri vis palæstrita e coquo?
 Sic eat, herili quisquis olim gratia
 Abuti ad innocentium pestem volet.

Pater, Filius, & Asinus.

Pater senex, & gnatus adolescentulus
 Venalem asellum ad proximæ urbis nundinas
 Nulla gravatum præ se agebant sarcina.
 Hos intuens qui forte proxime viam
 Arabat, irridere cœpit rusticus:
 Quod, ut tenellos pædagogi heros solent,
 Ita ipsi asellum feriatum ducerent,
 Alter senex plane, alter adolescentulus,
 Ætate uterque, cui vehiculo opus foret.
 Hæc perpulere obnoxium dictis patrem
 Uti juberet filium conscendere.
 Ecce alius illis obviis reprehendere
 Senem institit, quod obsequens nimis pater

Juvenem, atque validum filium sineret vehi,
 Iter ipse pedibus faceret infirmus senex.
 Hæc vera visa, hic filio jussu pater
 Descendere, ipse insedit usque ad transitum
 Vici ad viam jacētis; ejus incolæ
 Notare pro se quisque cœperunt senem,
 Quod adhuc virenti ætate vir alacer, vicens
 Veheretur ipse; at filium tenellulum,
 Per tantum itineris, cogeret pedibus sequi.
 Hanc ille tantam sustinere non valens
 Invidiam, aselli clunibus gnatum jubet
 Post se insilire, atque onere duplicato vehi.
 Ibi tum viator, forte misericordia
 Commotus asini: valde, ait, vile hoc tibi est
 Animal, pater, qui id tam sinistre perdere
 Vasta duorum mole tendis corporum.
 His ille tot pugnātibz sententiis
 Distractus animum, incertus hæsit consili:
 Quum, non inani, non onusto tot modis
 Asino, per omnes reprehendentum vices,
 Sine lite posset, aut querela progredi.
 Tandem experiri & hanc quoque placuit viam:
 Inter supini ut colligatos indito
 Pedes aselli palo, eum ipsi pendulum
 Ferrent; ita humeris prægrave attollunt onus.
 Tum vero ad illud tam insolens spectaculum
 Affusa multitudo commeantium
 Rifu emoriri, insanum utrumque dicere,
 Vexare salibus, sed magis multo senem.
 Tum denique ille ira impotenti percitus,
 Præcipitem asellum in maximam malam crucem
 Ab aggere alto in proximum flumen dedit.

*Plerumque qui placere se cunctis studet,
 Et se ipse lædit, nec satis cuiquam placet.*



In Lutheranos, sectam Germanicam.

Batave Apollo, vosque Saxonum Musæ,
 Quæ montibusque, saltibusque Germanis
 Raucos cietis barbaro ore concentus,
 In vestra me vireta, & avias rupes
 Deducite, Deæ: sinite, quæso, ut adscribam
 Illi beato, & undecumque felici
 Germanicorum cœtui poëtarum,
 Qui nullam aquam Aoniam ebibere, sed multo
 Venas hiantes quum mero repleverunt,
 Tunc ructuoso pectore abditos sensus
 Vomunt, poëticamque crapulam exhalant.
 Lauros, & hederas, buxeumque pallorem
 Illis relinquunt, quos labori, & æumnæ
 Studium parandæ æternitatis addixit.
 Ipsi æstuosam pampinis coronati
 Frontem, atque multo tempora uda sudore
 Inter cachinnos, quos Lyæus excivit,
 Crebrosque cyathos pingue carmen eructant.
 Lata omnia illic: annuo recurrentum
 Jejuniorum ubique more sublato,
 Et tristium observatione mensarum,
 Potatur, estur quidquid attulit lauti
 Conviviorum delicata libertas.
 Id omne porro evomitur: additur rursus
 Quod rursus evomatur: ut novis porro
 Ingurgitationibus locus detur.
 Cessere totis ceremoniæ templis,
 Ritusque vani, & sanctimonix tristes;
 Claustrisque fractis ædium sacratarum,
 Ubi sterile ævum castitate traducens
 Peccata populi ignava turba mandebat,
 Hinc virgines sacræ, inde cœlibem vitam
 Marem professi, rupto inutili voto,
 Grata invicem connubia, & toros jungunt,
 Immanis ille terror inferum cessit,

Et ignium, voraciumque flammarum,
 Quæ morte functos expiare dicuntur.
 Jam scrupulosam pænitiæ legem,
 Sua quemque vitia quæ jubebat humanas
 Vulgare in aures, publice abrogaverunt.
 Bene ac beate vitam agunt: nihil peccant,
 Fato feruntur si quid accidit noxæ,
 Fato imputatur: lege vivitur nulla;
 Per otium, per gaudia, & voluptates
 Cælum paratur, anxia illa tolluntur
 Opera, atque merita, quosque vulgus insanum
 Subit labores, ut suprema post fata
 Superum beato perfruatur obitu,
 Tamquam illa summa sempiternaque arcana,
 Et præmium felicitatis æternæ
 Quisquam assequi labore possit humano.

Ad Homobonum Offredum, Medicum Cremonensem.

Quum tua torqueret gravis intestina lapillus,
 Egestæ falsus qua fluit humor aquæ,
 Obstructamque viam, & clausos urina meatus
 Ureret, & vetitum crebra cieret iter:
 Ipse autem tanto victus fremeres mugitu
 Quum tibi vefanus solveret ora dolor,
 Quantum nec Siculi gemuerunt sæva juvenci
 Æra, repertorem condere iussa suum:
 Jamque tibi extremum properarent rumpere filum
 Fata, & vitalem præcipitare colum:
 Redditus es nobis mediis e faucibus Orci,
 Offrede, artificis dexteritate manus,
 Quæ tua Pæonio penetrans in viscera ferro,
 Immite extraxit, letiferumque malum;
 Quod nulla remedi vi, nulla quiverat arte
 Leniri, nullo sistier auxilio.
 Nam quæ non tentata tibi præcepta medentum?
 Ars tua inexpertæ quidve reliquit opis?

Nil herbæ, nil saxa tamen juvere, facerve
 Sulphuræ epotus profuit amnis aquæ.
 Combustumve vitrum, aut multo lepus aridus igni.
 Aut versus tenuem scorpius in cinerem.
 Calculus aut utero quem spongia continet udo:
 Quique Palestino mittitur orbe lapis.
 Hircinusve cruor, sterilive infame veneno
 Asplenum, & vili reptile gramen humo,
 Aut alvi duræ asparagus lenitor, & inter
 Saxeæ radices litora batis agens,
 Aut hydris invisa adiantus, quodque trahendis
 Struthion urinis utile virus habet:
 Quæque alia huic pesti medicamina publicus usus
 Admovet, inventum quæque fuere tuum.
 Dum medicinam omnem evolvis, dum cura tui te
 Naturæ medicas vertere cogit opes:
 Acribus illa modo, modo lenibus usa medelis,
 Nunc mediis, siqua vinceret arte malum,
 Indomiti sed jam vis morbi, effrenaque pestis
 Vicisset, jam tu flebilis umbra fores,
 Ni superis, certe superis monstrantibus ipsis,
 Docta salutiferam dextra tulisset opem,
 Quæ tua Pæonio penetrans in viscera ferro
 Immite extraxit, letiferumque malum.

In Maledicum.

Impura lingua, quæ venenis illita,
 Imbuta felle noxio,
 Graves susurros spargis, & sermonibus
 Amara misces toxica:
 Conviciorum quis tuorum umquam modus,
 Quis terminus probris erit?
 Quæ finis impudentibus calumniis?
 Quibus impium virus vomis
 In omnium aures: inclitamque principum,
 Scelestæ, famam vellicas.
 Jam nulla legum te refrenant vincula:
 Nulli coërcent obices

Timoris, aut pudoris, aut æqui, & boni;

Quæ cuncta pro nihilo puras:

Homines, Deosque spernis, & fas, ac nefas.

Eodem habes in ordine.

Quid imprecer virtutibus dignum tuis,

O vipera omni sævior?

Nisi ut cruenta secta carnificis manu,

Tetrumque fundens sanguinem,

Mistum veneno, & ultima edens sibila,

Humi supremum palpites.

*Subscriptum simulacro Pyrrhi Epirotarum
Regis.*

Epirus mihi parva quidem, sed Martia tellus:

Et patria, & regnum, & generosæ bellica menti

Materies fuit. Æacides mihi sanguinis auctor,

Et mea cognatum virtus expressit Achillem.

Ipse ego præscripto docui munimine valli

Metari castra, & tutos ad bella receptus.

Romula me pubes certamine fusa cruento

Italicæ experta est sub mœnibus Heraclææ.

Quo terrore truces animos, atque aspera corda

Fregissem Æneadum, & statuissem foedera victis;

Ni pacem infamem, Cæci sententia discors

Disuasisset, & ad lituos, atque arma vocasset.

Sic ego re infecta Italo de littore cessi,

Quo me fors gravis, atque immitia fata trahebant,

Ad clarum nece nostra Argos, ubi sæva cientem

Prælia ab excelsis ultrix me tegula rectis

(Indignum!) dextra dejecta afflixit anili.

Hannibal in tabella.

Ferus, ille, dominæ terror Urbis, & pavor,

Clarissimorum pestis, & strages Ducum,

Procella Italici, vastitasque nominis,

Delineatus hac tabella est Hannibal;

Tom. IV.

M

Quem,

Quem, & ipsa quondam (o testimonium grave!)
 Statuarum honore Romula Urbs impertiit.
 Quantum ille meritus est apud Pœnos suos,
 Qui in hostium urbe, ipso, inquam, in hostili fore
 Virtutis ergo, marmore effectus stetit.

De Scipionis majoris imagine.

Pœnorum clades, domitor Carthaginiis altæ,
 Asdrubalis magni victor, & Hannibalis:
 Depictum cujus veteri de marmore vultum
 In claris Jovius fixit imaginibus:
 Quam te, magnanimo hêroum, tuaque ista verenda
 Ora, sacramque libens conspikor effigiem!
 Eminet in parva majestas quanta tabella!
 Quantum conspicui floret honos capitis!
 Apparet læto gravitas conjuncta detori,
 Et datur excelsi cernere sensum animi.
 Conspectiare diu, & vim spernere temporis aude,
 Divini species imperiosa viri.

Epitaphium Castrucci Castracanis.

Qui jam obsoletam bellicæ artis gloriam
 Castruccius Lucensium Dux, Italis
 Restituit, & pro factione Cæsarum
 Etruriam quatesfecit armorum sono:
 Nunc hic quiescit parvus e tanto Duce
 Pulvis, cinisque, & nudula umbra mortui.

*De Joanne Vitellio Cornetano, Patriarcha,
 & Cardinali.*

Quis tua facta potis, laudesque æquare canendo,
 Purpuream succincte togam, generose Vitelli?
 Majestas tibi Romani Pastoris, honorque
 Debet, & antiquum tibi disciplina vigorem
 Acceptum servata refert, tu fontibus æqua

Supplicia , & meritas tribuis , iustissime , pœnas .
 Disperfos tu silvarum per lustra latrones ,
 Non secus ac venator apros , indagine cingis .
 Tu diros Latio dominos , tu triste repellis
 Servitium , sævosque sua quemque urbe tyrannos
 Exigis , & iusta populos ditione coërces ,
 Infandæ plebis tu seditione fugatum
 Pontificem sacrum , iustis ulcisceris armis ;
 Stringis & horrendas in noxia colla secures .
 Salve , Purpurei decus , & tutela Senatus ,
 Priscarum virtutum imitator , & æmule laudum ;
 Imperio , quod servaras , dignissime , ni te
 Præpropera ambitio tentasset inanibus auris .
 Jactassetque avidam transverso turbine mentem .

*In imaginem Tamerlanis , Scytharum
 Imperatoris .*

Ille novus Xerxes , Orientis victor , & ingens ,
 Quacumque permearet , horror gentium ,
 Complevit totos Scythico qui milite campos ,
 Hoc se ferebat ore trux Tamerlanes ;
 Cujus in adventum tutæ altis mœnibus urbes ,
 Ipsumque terræ contremiscebat solum ;
 Ipsi adeo montes , ipsæ per devia valles
 Vim barbarorum non ferebant agminum .
 Quare ab Caucasæis Asiam convallibus omnem
 Ad usque Nili flumina armis subdidit ;
 Euphratem , & Tigrim , & rapidum tranavit Orontem ,
 Vi , vastitate , cæde cuncta proterens .
 Utque olim , fœda quum tempestate coorta
 Erumpit atra nube fulmen igneum :
 Obvia quæque cadens perrumpit , & alta sonanti
 Templâ , atque solidas strage turres disjicit .
 Subsidit vasto tellus labefacta fragori ,
 Humilisque mentes sternit humanas pavor :
 Haud secus ille viam ferro molitus , & igni ,
 Evertit arces , oppida æquavit solo .

Regem Asiæ horribili captum impete Bajazetem
Caveaque clausum ferrea circumtulit.

Hæc agitantem illum, & spirantem immania jussa,
Quæ cunctus undique orbis expavesceret,
Exiguo cæcæ domitum molimine febris,
Fatalis uno solvit hora triduo.

Deque tot infanis opibus, de tot modo regnis
Reliqua una parvo gleba texit pulvere.

*De Georgio Castrioto Scanderbecho, Epiri
Principe.*

Turcarum clades, Othomanni nominis horror,
Epiri tutela, illo jacuere sepulchro,
Quo quondam invicti cubuerunt ossa Georgi.
Nunc, & membra viri, & dissectum in frusta sepulchrum
Interiit: sparsi manes, concisa vagantur
Ossa, nec in gelida nunc saltem morte quiescunt.
Namque ut is assertum toties cum laude paternum
Imperium, exacta moriens ætate reliquit,
Ilicet immanes tenuerunt omnia Turcæ.
Tum clari Herois venerati nobile bustum,
Ossaque, marmoraque invictum condentia corpus
Abstulerunt sibi quisque in partes secta minutas,
Tamquam iis bellica vis, & Martius ardor inesset,
Et genium præstare bonum, sortemque valerent.
Sic quæ aliis tumulum virtus parat, abstulit illi,
Atque eadem diro venerandum præbuit hosti.

*Epitaphium Francisci Sfortie II. Mediolanensium
Principis.*

Franciscus hic situs secundus Sfortia est,
Insubrium Dux, cujus imperium, atque opes,
Nunc asperis, nunc prosperis eventibus
Fortuna forsque multiplex exercuit.
Atque ille nunc civilibus, nunc exteris
Petitus armis, Gallicisque, & Bæticiis,

Mediusque Reges inter adversarios,
 Suprema ad usque fata regnum patrum
 Servavit; & prudentia fretus sua
 Armis vim apertam fregit, atque astu dolos.
 Nunc hic quiescit parvus e tanto Duce
 Pulvis cinisque, & nudula umbra mortui.

In funere Alfonsi Davali Vastii.

Destituti flete cives magnum Vasti Principem,
 Deplorate raptum vobis præsidem justissimum,
 Luctuosa triste funus prosequentes nenia.
 Ille vestræ semper auxit civitatis commoda;
 Ille jus & æquitatem conservavit publicam;
 Inque sævis sæpe bellis sospitem urbem præstitit.
 Quare mœsti flete cives magnum Vasti Principem,
 Deplorate raptum vobis præsidem justissimum,
 Luctuosa triste funus prosequentes nenia.



MATTHÆI FAETANI
NEAPOLITANI.

— 0220 —

De Gigantibus a Julio restitutis.

Quos olim telis disiecit Juppiter, hos nunc
Julius invito tollit ad astra Jove.

De Amore ad Bajas dormiente.

Dum Baiis dormiret Amor prope littus in umbrâ
Murmure detentus lene fluentis aquæ,
Conspexere illum Nymphæ multo igne coruscum,
Et raptas lymphis supposuere faces.
Quis gelidum credat subito exaruisse liquorem,
Atque inde æternos emicuisse focos?
Nec mirum, his flammis, toties quibus arserat æther,
Vos quoque perpetuum si caluistis aquæ.

*Imago D. Blasii (ut puto) de rudi pictore queritur,
a quo malè fuerat effigiata.*

Me gemini lacerant alterna cuspide dentes,
Sed magis artificis lædit inepta manus.

— 0220 — 0220 —
— 0220 — 0220 —

*



HIERONYMI FALETI

SAVONENSIS.



Ad Juniperam Malatestam.

DUm tua fidereas æquantia lumina flammæ,
 Et placidos vultus, Junipera, adspicio,
 Pallada tunc videor, Cyprinque videre dolentes,
 Invidia sparsis crinibus ingemere.
 Et merito: nam pulchra nimis spectacula præbes,
 Infidet & roseo mirus in ore pudor.
 Quaque moves artus, artus opobalsama spirant,
 Ignivomas jaciunt lumina mota faces.
 Mirantur Phœbusque pater, doctæque sorores,
 Dum lepidum profert blandula lingua melos.
 Seu graderis, lætæ Charites comitantur euntem,
 Sive sedes, tellus suggerit alma rosas.
 Et circumstrepitant risus, facilesque cachinni:
 Quidquid agis, tota es Gratia, tota Venus.
 O decus egregium, rarâ o clarissima formâ,
 Digna polo, a summo digna Tonante rapi,
 Aurea fatales ducant tibi pensa sorores,
 Nec decus eripiant sæcula longa tuum.
 Sed quo me miserum retrahit tam dira cupido?
 Æterni ut cupiam quæ mihi causa mali?

Ad Galeacium Tassonum.

Vera tribunicii, Tassoni, juris imago,
 Floruit antiqui, qualis in urbe Remi;

Commendant sua Pierides tibi sacra puella,
 Sacra tuo quæ sunt digna favore coli.
 Illa diu neglecta, tuas volvuntur ad aras,
 Utque velis meritam ferre precantur opem.
 Certa manet merces: doctis celebrabere chartis.
 Doctus, & æternum fama loquetur anus.
 Hastenus egregiis vixisti clarus in armis,
 Nunc placida libeat munera obire togæ.

Ad Galeatium Gonzagam.

Est qui prælongo deducat origine nomen,
 Et referat veteris nobilitatis avos.
 Est qui divitiis, generosaque stemmata jungat,
 Et se felicem laude ab utraque ferat.
 At cui sit virtus, virtuti copulet uni
 Et sua cum summis stemmata divitiis:
 Et numeros condat, vel docto pectore, & ore
 Multiplici surgat magnus in eloquio;
 Sit patriæ gratum exemplar speculumque, quod Ochi
 Antiqui referat lumina imaginibus;
 Nullus erit, nisi tu, Galeax celeberrime, cui tot
 Virtutes & tot dona dedere Dei.

Ad Jacobum Leonardum.

Cum legum solers numerosa volumina verses,
 Sisque unus miseris anchora tuta reis;
 Et ferias montes numeris, atque arte Senatum,
 Eloquioque trahas, consiliisque Deos;
 Ingenio ducas fortes ad prælia Martes,
 Sintque tuâ toties parva trophæa manu:
 Nil mirum si Mars, si Phœbus, & aliger Arcas
 Dedicat in templis tot benefacta suis,
 Et triplici fultum studio, terno ore Faletus
 Divinum in terris, semideumque vocet.

Ad Alexandrum Guarinum.

Magnus Alexander fuerat, tu nomina Magni
 Digna refers, magno es magnus in officio.
 Et pariter magnus doctrinâ, magnus & arte,
 Ingenio magnus, magnus & eloquio.
 Magna loquor dum scribo tibi: jam quadrat utrumque:
 Nil nisi magna loquor; nil nisi magna facis.

In picturam Annæ, Principis Estensis.

Si spectas Annæ fictâ sub imagine formam,
 Eridani Nymphas dixeris, Anna refert.
 Quod si non fictam, veram sed videris; inter
 Æthereas præstat dixeris Anna Deas.

In eandem.

Anna suos pictâ dum cernit imagine vultus,
 Nescio quid tenui murmure visâ loqui est:
 Fallor? an hac pictâ lateo sub imagine, Carpi
 Vivus an hic doctâ spirat ab arte color?

Ad tabellam.

Quæ nuper rudis arbor eras, nunc pulchra puellæ
 Membra refers, debes hoc, reor, artifici.
 Sed formosa tibi debet magis Anna, quod illi
 Maxima de tabulis sit data fama tuis.

In eandem.

Hesperie cum læta suas inviseret urbes,
 Venit ad Eridani ditia regna Venus;
 Et modo divitias miratur fertilis agri,
 Et modo Atestini mœnia clara ducis.
 Hic tum forte tuam vidit sub imagine formam,
 Et pictum in tabulâ noscere credit opus.
 Quis mihi te similem pinxit, mea dulcis imago?
 Solæ meos vultus quam bene picta refers;
 Vera

Vera mei effigies, ait, est hic vultus, & ipsum
Pectus, & os, eadem lumina, labra, manus.
Ut vero Eridani Nympham te agnovit; obortis
Sic fata est lacrimis, quid juvat esse Deam?

De eadem.

Egreditur Cytherea mari quis pinget Apelles?
Quis canet hanc docto carmine Mœonides?
Inveni, Carpensis erit, qui pinget, Apelles;
Et qui laude feret Pyrrhus, Homerus erit,

De Violantillâ Trocta.

Intentus formæ variis ego dotibus hujus,
Mirabar tantæ nobilitatis opus.
Et dixi, Venerem vultus, Phœbumque capillos,
Pallada divinos composuisse sinus.
Juno manus dedit huic, dedit huic Latonia furas,
Et geminos oculos, sidera clara, polus.
Huic Amor aureolas Cyprio cum lacte papillas,
Pectoraque Alpinâ candidiora nive.
Formosas igitur pudeat ne huic cedere cunctas:
Quidquid enim in terris, sola decoris habet.
Judicium fieret Paridis si rursus in Idâ,
Huic uni posset cedere jure Venus.

Ad Carolum V. Cæsarem.

Hoc prius ambiguum, dum te miramur in armis,
Alcides esset parne. minorne tibi.
Nunc magis ambiguum, sis Carole, virne, Deusne,
Sunt tua facta viri, sunt tua facta Dei.

Ad eundem.

Vix bellum inceptum est, cùm vincis, vincere nec vis
Tam citò, quin parcas, sic tria Cæsar agis.
Una manus bellum præstat, manus altera pacem:
Nec tibi quàm bellum, longior ira manet.

Hoc

Hoc tibi perpetuum nomen molitur; & an sis,
Fortior, an verò mitior, ambiguum est.

In obitum Renati Aurasia Principis.

Jam mugit tellus, & fulminat, & tonat æther,
Et micat in terris stella micante comâ.
Pugnant astra, solent certo quæ fœdere jungi;
Nec Marti jam vult blanda coire Venus.
Fluctibus assiduis exundant flumina campos;
Cernimus adversas orbibus esse vices.
Omnia te lugent morientem sidera, Princeps,
Qui nobis fato raptus es ante diem.

In eundem.

Certantem armipotens hunc Mars adspexit olympo;
Atque ait: excelsa convenit iste polo.
Stellifera, vir summe, veni regione locandus;
Stelliferâ est capiti parta corona tuo.
Accipe nunc Superum sedes, fortissime Princeps,
Accipe virtutis præmia digna tuæ.
Purpuream excipiens animam super arce locavit
Empyreâ, lateri composuitque latus.
Ergo sedet cœlo Princeps Renatus in alto,
Et Martes cœlum gaudet habere duos.

De libello Jo: Rogii, Principis de Pozâ filii.

Phidia magnanimi conjecit ab ungue Leonis,
Quanta forent vastæ cetera membra feræ:
Fixaque dum vidit Samius vestigia plantæ
Herculeæ, moles cognita tota fuit.
Sic etiam Rogii pedibus dum scripta solutis,
Et quamvis tenui cortice cernis opus:
Pars quotacumque tamen dotes tibi monstrat, & artem,
Monstrat & ingenii cetera dona boni.
Monstrat & Hispanis quantum jubar exit ab oris,
Qualis & occiduo fulgeat orbe jubar.

Ne-

Nectar, & ambrosiam posthac effundet Iberus;
Jam Tartessiacis Sol orietur aquis.

De Spinula libello.

Mirari Hesperidum jam desine roscida, lector,
Poma, vel Alcinoi rura beata senis;
Vel Tagus auriferis locuples quod volvit in undis,
Vel quod purpureis Hermus abundat aquis.
Quid, Dodona, tuam jactas, quid, Media, silvam?
Massice quid vites, quidve, Falerne, tuas?
Spinula, dulce melos fert, cinnama, nectar, amomum
Chrysolitos, aurum, balsama, thura, Deos.

Ad amicum pro missa parte Perdixis.

Fracto crure volans nostrum ad penetrale sine alis,
Quod mirum est. nuper dædala venit avis:
Venit an Hesperio perdix demissa Tonante,
Et parte auxilium corporis illa tulit
Semianimem lacero revocavit corpore vitam:
Venisset si ad nos integra, divus eram.

Ad Phosphorum.

Temporibus nostris, quod lites, jurgia, rixæ,
Undique quod vigeant horrida bella, minæ:
Vis, odium, fraudes, alieni dira cupido,
Bella ducum, cædes, insidiæque graves,
Miraris? dicam si quæris. Phosphore caussam:
Tolle meum, atque tuum, sæcula prisca dabis.

In Gelrhiam.

Quod fremit in nostrum strictis mucronibus urbem
Gelrhia, & insanâ seditione ruit:
Infestatque lares, perturbat iusque, piumque
Gelrhia, nil mirum est: religione caret.

Ad Alphonsum Troctium.

Æmonio Typhis, Phrygio Palinurus, Achilli
 Automedon, Troctus dux mihi semper erit.
 At tanto major Troctus mihi semper, Achilles
 Automedonte suo quam duce major erat.
 Quid male sane paras componere magna pusillis?
 Hic mus, ille elephas: hic vir, at ille Deus.

Epitaphium Olympie Columnæ.

Digna polo, quam non capiebat marmor, olympo
 Emicat, & sedes unde recessit habet.

Epitaph. Ascanii Calcagnini, infantis.

Nona dies terris ostendit, & addidit astris.
 Felix qui cælo tam cito dignus eram.

Ad Sigismundum Sarmatiae Regem.

Magnos fama refert; adire reges
 Ditis Perfidos haud solere quemquam
 Absque munere, quamlibet pusillo:
 Nec dignum minus id sibi putare,
 Mentem munere pluris æstimantes.
 Hinc, fortissime rex patentis oræ,
 Pugnaces populi, atque bellicosi
 Cui parent; Ducis Herculis secundi,
 Quo Ferraria læta gloriatur,
 Orator vacuâ venire dextra,
 Ne forsan videar, brevem hunc libellum
 Tantisper tibi, quaecumque munus
 Dico, dum valeam parare majus,
 Indignum neque te, tuoque sceptro.

Ad Alciatum.

Magno Perfidos, Alciate, quondam
 Regi munus aquæ obtulit pusillum,
 Ambabus manibus fenex agrestis.
 Non accepta minus tamen voluntas.
 Sic nostrum tibi qualecumque carmen,
 Princeps maxime in orbe litterarum,
 Acceptum faciat bona hæc voluntas.

PHILIPPI FARSETTI

BURGENSIS.

*Mala Citria Xeniolum.*

Quæ bona Parthenope mittit mihi grata quotannis,
 Sint bene parva licet munera, dono tibi:
 Ut nuceum exornes puteum, vel lumina fessa
 De studio recrees, & releves animum;
 Vel mage, si placeat pretiosis claudere in arcis,
 Vestibus ut nocuas perdat odor tineas:
 Utque, venenorum virus si forte timebis,
 Hæc sint antidotum, theriaceque tibi.

Lapilli adulterini Xeniolum.

Principum, & Regum oculi lapillos
 Dent tibi veros: vitreos Patronis
 Ipse quos possum tribuo libenter,
 Ut modo cernis.

Et tamen non sum nimis arguendus,
 Quod dedi parvum tibi munus istud:

Munus est parvum, fateor, sed est non
Vile putandum.

Hinc enim Patrum calices sacrorum,
Annuli, vestes, bifidæque mitræ,
Et cruces fulgent, decorantur atque his
Templa lapillis.

His caput, pectus, digitos, & aures
Nobiles omnes, tenuisque census
Femina exornant, taceam ut virorum
Commoda plura.

Ergo non vile est specie, nec usu
Munus hoc, quamvis valeat trientes
Vix duos: at tu bonus hoc bonique
Consule, & æqui.

HONORATI FASITELLI

NEAPOLITANI.



AD DEOS.

O Inter veterem, & novam Theaten
Qui me, Dii, statuistis immerentem,
Quid vobis voluistis? an poëtam
Vestrum perdere per jocum, atque ludum?
Nam quid feci ego, quidve sum locutus,
Cur vos tam male me, male atque acerbè
Haberetis, ineptiusque multo,
Quam Rheæ deceat genus beatum?
Esto: enim mala nostra vos juvabant.
Una non satis, & super Charybdis
Erat? quorsum opus addidisse Scyllam?
Sed freto bona fides in Sicano
Duci Dulichio tulit salutem.

Ne

Nobis in Latio, salus Latinis
 Est a montibus expetenda summis:
 Ut Phœbus citharâ increpans sonorâ,
 Te per somnia visus admonere.
 Quare Tibridis ad fluenta, Montes,
 (Qui gravissima regna Diis tenetis,
 Cælo vertice proximi, & decorum
 Incincti triplici caput tiarâ)
 Summos vos adeo, rogoque supplex,
 Ut monstro me ab utroque liberetis.
 In sinu liceat latere vestro,
 Et sacra recreare me sub umbra
 Non fici Siculæ, sed Innocentis
 Floridæ, peramabilisque olivæ:
 A cujus mihi ramus in orbem
 Plexis, Palladium petam coronam;
 Et colam omnia vestra dicta, facta.
 Sic post sæcula longa, & usque, & usque
 Vobis non modo collium superbas
 Septem assurgere gratulemur arces,
 Sed magnum Oromedonta, & ipsum Olympum.

In Sabellam Romanam puellam.

Sabellæ ocelli, non ocelli, sed vagi
 Soles duo minutuli:
 Labella, non labella, sed coralia,
 Saxis tenella in candidis,
 Si vos rigentum flabra ventorum horrida
 Dissuaviari infaniunt;
 Nec est manu, vel pallio procacium
 Arcere pervicaciam;
 Nos perditos, qui carne molli, & ossibus
 Non faxeis plane sumus,
 Quonam putatis esse posse corculo?
 Quâ mente? nec plura attinet.

In eandem.

O os purpureum, genæque læves
 Sabellæ, o teneræ manus eburnæ,
 Dentes candiduli, venusti ocelli:
 Quibus candidius, venustiusque
 Nec candor potis esse, nec venustas:
 Qui vestra glacie Notum rigere,
 Aut vestrâ Boream tepere flammâ,
 Stulti versiculis canunt ineptis;
 Ah quanto satiusque, veriusque
 Me ægrum, flante Aquilone, flante & Austro,
 Dicerent tremere usque, & æstuarè.

De Livie Columnæ oculis.

Ocelli nitidi meæ puellæ,
 Puellæ lepidissimæ, & venustæ,
 Quantum non alia ulla, cui per urbes
 Forma excellere contigit Latinas;
 Ocelli nitidi, quid accidisse
 Vobis (me miserum) audio molesti?
 Vos horror malus, & malæ tenebræ,
 Vos furvis nigra nox obumbrat alis?
 Et qui sideribus pares eratis,
 Nunc caligine hebescit profunda?
 O nimis male, nequiterque factum;

Ad eosdem.

Næ, si vos nitidi, & venusti ocelli,
 In magnum Superi ferent olympum,
 Inter ætherias faces locandos,
 (Ut percrebuit, & dolemus omnes)
 Næ duri Superi, miselli homulli.
 Sed quando Superi, nec in beatos
 Jus ægris, neque fas: quod unum, & ingens
 Solamen reliquum: valete Ocelli:

Ocelli nitidi meæ puellæ,
 Avete, atque valete; deque summo
 Posthac vertice mi micate cœli.
 In terris ego thure vos, & arâ,
 Et cantu citharæ colam sonoræ;
 Incensus magis in dies, magisque
 Sanctarum liquido igne popularum.

Eisdem adhuc.

Postquam vos nitidi, & venusti ocelli,
 Ocelli nitidi meæ puellæ,
 Inter sidera Diis referre visum est;
 Nos vestrâ sine luce multa passi,
 Eo nomine gratulari habemus,
 Quod iidem dederunt mali levamen,
 Terrarum miseram vicem dolentes:
 Ut quicumque levi secant fœselo
 Magnæ navifragum salum Diones;
 Illis vos Helice petita nautis,
 Vos sitis Cynosura jam futuri.
 Ergo, quod superest, miselli amantes,
 Ne frustra irrevocabiles fleamus;
 Sit finis lacrimis, modus querelis:
 Et mecum, Veneris patens per æquor,
 Hos jam suspicite, hos duces habete.

In Aspasium, malum Poëtam.

Ad me tam stupidi, & mali poëtæ
 Aspasii maledicta numquid hilum
 Pertinent, rogo? noti uterque nostrum
 Bonis omnibus, & malis ad unum
 Ego, atque ille fumus; suis uterque,
 Solum me miseret dicacitatis,
 Qua fertur stolidus, ruitque præceps,
 Cæcus nequitia, in meos jambos.

In diem natalem.

Natalis meus est. Iô sodales
 Urantur pia thura Diis amicis,
 Vitæ auctoribus, & Jovi supremo.
 In primis hominum, & Deûm parenti.
 Post Jovem; neque Juno, nec Minerva,
 Sed Farnesius inclitus colendus,
 Bona cum veniâ omnium Deorum.
 Nam in terris propè par Jovi supremo,
 Luce non aliâ, sed ipsâ eâdem,
 Vitæ principium ut dedit mihi ille,
 Hic cultum addidit, & decus; paremque
 Jussit, & similem esse me Deorum.

In Paulum Jovium.

Næ debent Jovio viri elegantes,
 Bonis artibus his, & his politi;
 Næ debent Jovio elegantiarum
 Parenti, artibus polito,
 Quantum vix animus capeſſat ullus,
 Nec vivi modò, qui vident, amantque
 Urbani senis & ſalem, & lepôres,
 Sed quos lumine adempto avarus Orcus,
 Quis ſcit quo cohibet loco miſcellos?
 Nam facit Jovius ſuis tabellis,
 Excultis leſido ſuo labore,
 Lethi funera non timere vivos,
 Vitam vivere mortuos perennem.

Ad Antonium Perenotum Cardinalem.

Cùm quiſquam maris æſtibus
 Depreſſus, truculenti & rabie Noti,
 Jaſtatus lacerâ trabe,
 Certus naufragii, vota Deis facit;
 Implerint ſubitò leves
 A puppi ſi animæ lintea, & æſtibus

Ereptus, rabie & Noti,

Terras prospiciat, quas petit, & propè
Accedat magis, ac magis

Cara ad littora, caram ad requiem, & lares,
Non jam naufragium timens;

Attollit mediis lætus in æthera

Ex undis duplices manus,

Præsentisque supinus celebrat Deos:

Quo sperat fore perpetes.

Purgato rapidis cœlo Aquilonibus,

Dum terras cupidus premat.

Sarcit carbala mox, & reficit ratem

Diris fluctibus erutam:

Tranquillo det hians ne pelago prius,

Quam portum subeat, latus,

Et, qui nunc fuerat præsidio Dei

Servatus, sua inertia

Magno cum opprobrio turpiter occidat

Is, postquam incolumes tulit

Tandem in litrus amicum madidus pedes,

Pictis vestibibus, & trabe

Votivam superis pariete de sacro

Suspendit tabulam, memor

Quam vim suspiciat numinis, & colat.

Cesset si auxilium Dei,

Nil nostrum ingenium, nil valeant manus,

Sitque incognita cœlitum

Virtus, si nihil æquo ab Jovē defluat,

In obitu Arfilii medici, & Poëtæ.

Ergo videmus lumine hoc spirabili

Cassum jacere te quoque,

Ut plebe quivis unus e vili jacet,

Arfile, magno Apollini,

Novemque musis care? sive poculis

Præsentibus morbi graves

Essent levandi, sive dulci carmine

Dicenda mater aurea

Cupi-

Cupidinum, lususque furtorum leves.

O vota nostra inania!

Quid dura fati non potest necessitas?

I, da lyram mihi puer,

Manuque funde proniore cæcubum.

Nunc sunt Lyæi munera,

Nunc plectra cordi, nunc juvat lectissimo

Cinxisse flore tempora.

Sicci, tenebris obstiti, tristi in Styge

Fortasse cras silebimus.

Ad Nicolaum Ardingbellum Cardinalem.

Est quidem hoc aliquid, fatemur omnes,

Non magnum modo in urbe te, sed inter

Patres posse videre purpuratos.

Est quidem hoc aliquid, fatemur omnes,

Ardinghelle: fatemur, & frequentes

Hinc, atque hinc tibi gratulari avemus.

Sed quod sit satis, id negamus omnes,

Quantum, quod pote plurimum negari.

At, cum maximum in orbe viderimus,

Insignem triplici aurea tiara,

Quæ virtus tua, nostraque omnium est spes,

Tum vero id poterit satis videri.

Ad F. Cornelium.

Unus qui reliquus mihi patronus,

Corneli, fueras, vetusque amicus:

Qui excelso usque animo esse me jubebas

Firma in spe, eximiaque, maximaque,

Ut jam istos facerem pili beatos.

Nunc diversus abire, nunc videris

Idem non animo esse, non loquela.

Et quod me cruciat magis, magisque

Nullam ob causam aliam, nisi ob facerem

Unam, ridiculamque, futilemque

Quod Farnesius ad jocum libenter
 Refert omnia, qui solet joculari
 Tecum, & cui fuerit bono rogare.
 Atque hic tu, mihi per jocum, atque lusum
 Verbis illius (o novos lepores!)
 Quid non dicere, vel tacere pergis?
 Commentum placet elegans, salisque
 Plenum, sed mihi crede, vultu, ocellis,
 Pallore, atque tremore, denique ipsa
 Næ tu proderis oscitatione.
 Tun me? tun mihi? qui tibi, sed ad rem.
 Amabo, mihi desine ista posthac
 Plane frigida. Sin, vide, palam, clam
 Profecto ad Jovium elegantiarum
 Appellabo parentem, habet paratas
 Is chartas, calamosque sive Etruscos
 Malis, sive etiam Latiniores:
 Quales nunc Venetos tuos videmus:
 Quibus cum historiam politio-rem
 Conscribillet ab orbe condito omnem,
 Illustrans, celebransque & hos, & illos:
 Jure amicitiae petemus, ut te
 In hos inferat, & tuos lepores.

In Gibertum summa ingenii indole puerum.

Giberti ingenium bonas per artes
 Excultum celebramus urbe tota,
 Dignum Socratica institutione.
 Hinc est gloria vera comparanda:
 Hinc laus ipsa perennior petenda.
 Hoc Gibertus amat puer disertus,
 Contempta juvenum procacitate.

Ad Scipionem Capycium.

Quis mihi nunc ruri non suadeat esse, Capyci,
 Et vetet agresti munera ferre Lari?

In patrios migravit agros, cœloque Caserta
Devocat æternos ad sua rura Deos:
Et facit, ut magnum Campania terra Tryphonem
In parva jactet se quoque habere casa.
O ego quid cesso? populique, urbisque valete,
Et quæcumque levis compita vulgus amat:
Vulgus, in extremis quæsitâ Themistita terris.
Cui placet, incertis & Calicuta viis.
Nescio quæ Calicuta novo sub sole reposta,
Æternum humanæ munus avaritiæ.
Nempe parum fuerat, nostris ditescere regnis,
Et ver are avida fasque nefasque manu:
Intactos nisi classe nova penetrasset ad Indos,
Intentata rudis Tethyos ad spatia.
Scilicet a curvo miles digressus aratro,
Præceps trans terras, & maria alta ruit.
Jamque super solis cursusque, æstusque perennes
Audet in ignotum tendere vela salum.
Sic alius nobis alio micat orbe Bootes:
Mersaque sub Stygio gurgite terra patet.
Ille quidem victor terris advertere proram,
Et nova post tanto gestit adire sola.
Ignari rerum populi, per littora fusi,
Mirantur liquidas currere monstra vias.
Nunc alacres properant, trepida nunc mente resistunt:
Attollunt cœlo lumina cum manibus.
Dumque nova passim tacti dulcedine torpent,
Et multa ancipites speque, metuque fremunt,
Ecce tubæ subitus magnum ferit æthera clangor:
Et crebra resonant tympana pulsa manu.
Illi Nereidas divina voce canentes,
Et sanctos rentur Doridos ire choros.
Inter se miris obvertunt nutibus ora:
Et plausum magnis vocibus ingeminant.
Ast, ubi fulmineo cœlum tremit omne fragore:
Et late fumo stat graveolente fretum:
Tum vero ingenti perculsi corda pavore,
Bacchari Eumenidas per vada falsa putant.

Nec flammæ jam ferre novas, iustusque minaces,
 - Permistumque gravi fulfur odore queunt,
 Pars fugit, & silvis sese procul abdit opacis:
 Agmine pars denso regia iussa facit.
 Regem magna virum, proceraque colla duorum
 Sublimem junctis sustulerant manibus.
 Hi currus illis, hæ sunt in honore quadrigæ:
 Non aliis prisco more vehuntur equis.
 Sed quibus ille paret contra contendere telis?
 Aurum habet: hoc plena porrigit usque manu.
 Quid facis ab demens? gemmas, aurumque reconde:
 Muneribus perdis teque, tuosque tuis.
 At felix quondam patriis Epicurus in hortis,
 Dum sibi & ipse ferit, quod sibi & ipse metit,
 Contentus modico vitam traduxit agello,
 Nec labes sanctum polluit ulla senem.
 Hei mihi, quid dixi? Cœlestes, parcite fasso:
 Contempsit magnos impius ille Deos.
 Securus lethi, Stygiæ securus & undæ,
 Risit tergemini ferrea vincla canis.
 Non ego, qui soleam sacra menstrua (vos mihi testes)
 Excidit; & linguæ, non mea culpa fuit.
 Sanctum ego iudicibus potuissem dicere vobis,
 Flagraret tanta ni scelus invidia.
 Infelix Epicure, nec hoc mihi nomine care,
 Numina tunc ausus temnere magna Deum?
 Tunc ausus Grajas convellere sacra per urbes,
 Et dulci mentes fasce levare pias?
 Stulte luis pœnas; quam nunc Acheronte sub imo
 Velles accensis thura dedisse focus!
 I miser, Eumenidum pendentes fronte colubros,
 I nunc, & Manes, & Phlegethonta nega:
 Persephonem, Ditemque nega, te Tartarus horrens
 Compescat, miris excrucietque modis.
 Sed mea quæ pietas, unum hoc ignoscite Divi,
 Tuncque illum sanctum quis neget esse, rogem.
 Quis tunc oro, neget? primis cui semper ab annis,
 Ut sine cura esset, maxima cura fuit.

Non

Non vasti tumidis pelagi se credidit undis;
 Flecteret ut dubiam per freta cæca ratem.
 Non litui strepitus arrectis auribus hausit;
 Nec stupuit mediâ vellera tincta Tyro.
 Denique despexit curis; quæcunque sequaces
 Protinus a tristi pectore nos abigunt.
 Qui rerum causas tantum libare latentes
 Constituit primi liminis ante fores.
 Ne curis animum torqueret inanibus ægrum,
 Cerneret & medio somnia vana die.
 Huic igitur meritam dubitem concedere laudem:
 Et titulum nudi nominis invideam?
 Quin senis exemplo jam stat quoque, pace Deorum,
 Hoc reliquum vitæ degere, quod superest.
 Urbis delicias in cælum ferte, sodales;
 Urbs aliis placeat, fordida rura mihi.
 Hic juvet insanos animi componere motus,
 Et legere in tuto linthea laxa sinu,
 Armaque pro templo non magnæ figere villæ,
 Sospitis & cymbæ texta soluta meæ:
 Tum longis dulces somnis adjungere somnos,
 Et sæpè ipsius non meminisse mei.
 Dii facite, immites discerpant cetera venti;
 Hæc pars è votis sit rata sola meis.
 Ut sit, qui possit de me quoque dicere: felix,
 Urbe procul solis qui sibi vivit agris:
 Vivit; & æterno Christi dum flagrat amore,
 Farre pius modico rustica sacra facit.

Ad Cardinalem Farnesum.

Farnesi, tibi non sat est, ut ajunt,
 In magnis voluisse; nam pusilli
 Illud est hominis Tibullianum:
 Te qui maximus es, Deûmque proles
 Decet maxima quæque jure posse:
 Quamvis fors etiam Maronianum
 Perrupisse Acheronta sit necesse.

Jam scis quod volo: perfice, ut satis sit,
 Hac viâ, aut aliâ, nihil laboro:
 Tantum perfice: quod remordet hoc est,
 Sic tu terque quaterque Diis secundis
 Diu terque quaterque sis beatus.

Ad Petrum Myrteum.

Misi caseolum meo poëtæ;
 Ille continuò suæ puellæ
 Misit turpiculæ, atque ineleganti:
 Tanti me meus æstimat poëta.
 Post paulò suus it puer, reditque
 Ad me versiculis novis onustus,
 Quærens quod dominus comesse possit.
 Mittam, Myrtæ: qui negare possum?
 Sed prius mihi dic rogo, quid omnes
 Vos summi, & lepidissimi poëtæ
 Musas dicere virgines soletis;
 In lustris tamen improbè adlubescit
 Enektas scabie, & fame perire?

De Anniâ villâ.

Annii nemoris sacra
 Citria, & liquido sacer
 Fons fluens pede per nemus,
 Quodque colle habet in sacro
 Mollis acta facellum:
 Vosque agrestia Numina,
 Dii Deæque genus Jovis,
 Frigidum quibus est nemus,
 Fonsque jugis, & inclita
 Ara rite dicata:
 Ritè si nemore horrido
 Fonte seposito procul
 Imminens pelago capit,
 Ulla vos super arduo

Ara colle dicata :

Quàm relinquo dolens querens,
Quàm reviso volens lubens
Vos ego ! & tenerum in sinum,
Dia ad otia, gaudeo

Memet abdere vestrum

Sive sub nemoris nigri
Delitere comis juvat,
Et fluente brevi in tuni-
câ ad vagi Zephyri levem

Frigerarier auram :

Sive dulce loquaculi
Fontis ad gelidos specus
Sessitare, & aquam hac & hac
Somnuli illecebram manu

Usque pellere lentâ.

Tu modò spatiarier
Garrulâ citharâ gravem :
Collis è spicula modò
Mille cernere puppium

Vela prætereuntum,

Cùm calore canis gravi
Terrâ, & æquore perfurit,
Fervidoque Hyperione
Arctos icta vacat gelu,

Tristibusque tenebris.

At dies brevioribus
Rapta cùm spatiis ruit,
Brumaque extulit horridum
Verticem gelidæ nivis,

Imbriumque potentem,

Tum foco silua integra
Advoluta hilarat domum :
Nos pigri utraque & utraque
Cruraque, & latera indidem

Ustulamus ad ignem.

Verna pingue mihi veru
Versat, & pereat cavet

Ne qua stilla beatior:

Ac premens fovet offulis

Uncta crusta suillis.

Promit hic sibi Cæcuba,

Miscet ille Falerna, nec

Hic nec ille spuit, negans

Firma Massica lenibus

Diluenda Calenis.

Tum satur Genium Laris,

Tum Larem Genii canit:

Stridulaque strepens cicu-

tâ hinc, & hinc male sobrio

Ter solum pede pulsar:

Usque dum veniens genis

Conniventibus, & pede

Debili sopor, unus ut

Quisque eat cubitum monet

Oscitante labello.

Qui novi tibi flosculos

Veris explicet, explicet

Is minore negotio

Nocte quot media micant

Clara sidera cœlo.

Nec meum officium mihi

Excidit: facio Jovi

Maximo, reliquisque Diis

Semper; ut decet, & boni

Tradidere parentes,

Sive Solis ad extimos

Cardines, citimove se

Vertat annus, amabile

Sive rideat ad pares

Mollis ætheris horas.

Illâ nocte. dieque me

Cura fervidior coquit

Sola: cetera liberum,

Ne sacri ulla operatio

Negligatur aviti,

Hic diu mihi vivere, &
Hic tandem liceat mori,
Semper & lateam immemor
Omnium, bene nec mihi

Sæpe cognitus ipsi.

Quod meus Fabius suo
Cum Polo facit optimus
Optimo, Capimontio
Rure qui sibi candidum

Lætus exigit ævum.

Quod Caserta facit meus,
Pontietta facit meus,
Ille moribus aureis
Clarus, hic fidibus sacris,
Insulaque decorus.

Quod Mapphæus ad uidi
Rura frigida Tiburis
Nuper ambitiosius
Velle se quoque credulis

Jactitabat amicis.

At Farnesius inclitus
Vota dissipat irrita,
Et jubet medio in foro
Scribat historias graves,

Ludicrumque poema.

Sed Farnesius, omnia
Qui potest, mihi tum meum
Posset excutere Annium,
Cum suum imperium sibi

Poscet urbis & orbis.

Sic diu hic mihi vivere,
Hic mori liceat mihi,
Et Farnesius, ut lubet,
Possit omnia; maximo

Nil avo minor olim.

Vosque agræstia Numina,
Dii Deæque genus Jovis,
Este vos faciles mihi;

Vos Lares, Genius foci,
Intonate sinistrum.

Sic lætum vireat nemus
Semper, & vitreus fluat
Fons perenne, recentibus
Ara fumet odoribus,

Intonate sinistrum.

Ipse non Heliconio
Collis invidcat jugo,
Ipsa non Aracynthios
Optet acta sibi modos:

Intonate sinistrum.

Nullus huc aditum ferat,
Nullus aut grege cum improbo
Pastor impius, aut mala
Ales, aut quadrupes fera:

Intonate sinistrum.

Nullus undifoni æquoris
Fluctus auribus obstrepat.
Nulla vos violentior
Tundat aura Favonio:

Intonate sinistrum.

In Caroli Magni effigiem.

Audistine olim magni post Herculis arma,
Extremam paribus Calpen qui terruit ausis,
Invictum virtute animi, dextraque Rolandum?
Audistin' robusta senis tot pignora Amonis?
Ac teneram roseo cum primis ore puellam,
Casside sub dura solitam se credere campo,
Congressamque viris victricem excedere pugna?
Atque alios, aliosque omnes fortissima bello
Pectora, bis senos ex ordine Palatinos?
Quos magnis longum spectatos Gallia rebus
Evexit cælo, & fulgentibus intulit astris?
Scilicet insignes spoliis Heroas opimis,
Insignes raptis immani ex hoste trophæis;

Hoc


Hoc duce, quem multo trabeatum cernis in auro,
 Nunc etiam adspectu ipso & majestate verendum;
 Hoc meruere olli, & tantum exhaustere laborum,
 Carolus hic ille est, quem nec sæcla ulla . nec ætas
 Non canet eximio regem cognomine Magnum:
 Cujus ab auspiciis tum primum Gallica signa
 Bat̃is, & infractus victricia sensit Iberus.
 Intremuere Asiæ reges, jacuitque subacta
 Punica terribili tellus concussa duello.
 Cetera, ab angustæ spatiiis exclusa tabellæ,
 Te magni divina Jovii monumenta docebunt,

Parinata Uberto.

Servata per te Patria quod tum maxime,
 Sic cum misera casura fuerat maxime;
 Nunc optimo tu jure, præter ceteros
 O belli, & idem pacis artibus inclite
 Uberte, patria vivis in superstitute,
 Vivesque dum vivent sacri Annales Jovii.


Ad Jovii viros illustres.

Magnanimi Heroes, salvete, haud parva supremi
 Cura Jovis, docti maxima cura Jovii.
 Vos rulit in cœli sublimes Juppiter arcem,
 Dignatus mensa; concilioque Deum.
 Vos Jovius totum late volitare per orbem.
 Romanaque jubet vivere in historiâ.
 Munera magna Jovis: verum si dicere fas est,
 Non sunt æterni dona minora Jovii.



AUGUSTINI FAVORITI

NOVOLUNENSIS.



Ægôn, sive de obitu SIDRONII HOSSCHII
e Societate Jesu.

*Menalcas Fabium Chisium Cardinalem ;
Lycidas Poëtam refert .*

Lyc **Q**ui te sollicitat luctus, quæ cura, Menalca,
O & pastorum decus, & solatia ruris ?
Non animus tibi, non vultus, velût ante, serenus,
Quo blandos audire soles, ac reddere versus.
Atqui nunc lætos cum tempore sumere vultus,
Perque vices aliquid, curas quod fallat agrestes,
Ludere conveniat. Jam formosissimus annus,
Jam grati soles, motisque a frondibus aura
Lenior: herba torum, silvæ dant frigus, & umbras.
Et peream, si non invitant omnia cantum.
Quin huic nos clivo pariter succedimus, unde
Cernere prærupti fas est de vertice montis
Muscosum per iter rapidas descendere lymphas,
Dum subter ludunt saturæ per præta capellæ
Men. Ah! Lycida, Lycida, scires modo, quam mihi laxum
Pectore vulnus hiet, mœstum ridentibus agris
Haud, reor, obiiceres vultum mihi: mœstus & ipse
In gemitus planctusque oculis rorantibus ires.
Hic cœli nitor ipse, anni hæc vernantis imago,
Hæc antra, hi fontes, ipsa hæc juga frondea tantum
Me capiunt, quantum densis nox atra tenebris.
Aut, cum improvisâ cœlum ruit omne procellâ,
Per-

Percussæ nimbis segetes, & grandine vites.

Usque adeo premit, ac mentem dolor improbus haurit.

Lycid. Quidquid id est, ne conde sinu: medicina dolori est

Illius indicium. Quæ non fluit unda, putrescit,

Et ruit objecto violentior aggere torrens,

Et compressa parit majorem flamma ruinam,

Incusque Euri tellurem, atque oppida quassant.

Sic quoties celat causas, altâque repostus

Hæret mente dolor, damno est sibi pectore clausæ

Marcescunt lacrimæ, spirantque in viscera tabem,

Occidit hoc nuper morbo Lycus, occidit Alcon.

At si quid fortuna tibi crudele minatur,

Ante luem pecori, aut stabulis incendia mittat,

Aut capiti nostro quæ sint mala cumque reservet.

Te sine magna Pales squalentia linqueret arva,

Lugerent armenta, armentorumque magistri,

Fistula ne cuiquam curæ foret. Hæc mea certe,

Ludibrium ventis piceâ penderet ab altâ,

Nec pulsæ valles, vocisque referret imago,

Quod mihi cantandi cupido dictare solebat

Carmen Apollineâ demissus origine pastor.

Quin ego digressus silvis, lucemque perosus,

Ætatem in duro traherem miser Apennino.

Men. Si tibi tantus amor luctus cognoscere nostros,

Teque adeo tangit dolor hic meus, accipe. Venit

Verus ab Arcadiâ nuper mihi nuntius, eheu!

Ægonem occubuisse meum: meus occidit Ægon.

Ægon, quo pastor totâ præstantior alter

Non fuit Arcadiâ dulci perfundere cantu

Mœnala, seu patrii saltus mulcere Lycæi.

Cui me præclaris captum virtutibus olim,

Cùm daret hospitium nobis illa aurea tellus,

Fœdus amicitiae nexu devinxerat arcto:

Quicum sæpè morari, ac ludere sæpè solebam,

Quamquam vicinis fremerent regionibus arma,

Nostraque finitimæ turbarent otia gentes.

Quis casus mihi te, vel quis Deus abstulit, Ægon?

O nimis in miserum crudelia fata Menalcæ!

Infelix pecus ite, nihil moror, ite capellæ.

Lyc Anne erat ille Ægon, cujus tu carmina quondam
Infandam, nimum infandam referentia cædem
Ipse mihi celsâ (memini) de rupe canebas,
Unde omnes latè turres, ac Roma videri?
Sic inflectebas inter suspiria vocem,
Ut mihi visâ iterum fuerit discedere tellus,
Atque iterum mœstâ involvi caligine cælum.

Men. Ille erat illum atro merferunt funere Parcæ,
Aurea divino modulantem carmina plectro.
Esse quid hoc dicam, quod tam breve ducimus ævum
Mortales, vivunt cervi, corvique tot annos?
Vidi ego succisas iterum revirescere quercus,
Exutosque annis juvenescere sæpius angues.
Quin & avem fama est, sæclis jam quinque peractis,
Oppetere, eque rogo, quem, quo nutritur, amomo,
Et nardi calamis, & odoro cortice myrrhæ
Extruit ipsa sibi, vitam instaurare recentem.
Ast hominem nec fata sinunt producere vitam,
Nec semel extinctum remeare in luminis auras.
Nymphæ, immortales Nymphæ, succurrite nobis;
Dicite, si qua viret vestris in montibus herba,
Quæ gelidos animam revocet vitalis in artus.
Dicite: tum memor hic vobis altaria ponam,
Et tenerâ faciam meritis pro talibus agnâ.
Quid loquor? abripiunt venti mea vota protervi,
Et prece nequidquam Divos, atque, astra fatigo.
Ægon hinc abiit, nec quisquam Ægona reducet.
Crudeles Divi, crudelia sidera, Nymphæ
Crudeles? sed tu cunctis crudelior Ægon,
Cedere qui vitâ potuisti absente Menalca,
Immemor heu nostri? Licuisset lumina saltem
Claudere, & extremum lacrimis perfundere nostris
Et dare, si quid id est, frigentibus oscula labris.
Sed forsan, cum tu loquerere novissima verba
Languidus, ac dulces raperet dolor ultimus auras
Ipse inter lætas ducebam pocula mensas
Nescius, aut queruli dirimebam jurgia Codri.

Quam-

Quamquam, si penitus mihi mens non cæca fuisset,
 Certus ego hos olim potui prænoscere casus.
 Sæpe etenim esculæa captanti frigus in umbra,
 Dum tacitus sedeo, dum spirat amicior Auster,
 Lævam nescio quid pepulit mihi protinus aurem:
 Cumque admovissem teretes ad labra cicutas,
 Dissona feralem reddebat fistula cantum:
 Sæpè, & sponte suâ manibus delapsa cadebat.
 Quod superest, tumulum extincto statuemus inanem,
 Qua Tiberis sacrum delatus arundine crinem
 Pacato Latias interluit amne ruinas.
 Dein viridi in trunco nostri monumenta doloris
 Inscribam lacrimans: quæ forte notabitur arbos,
 Non illam venti eruerint, non frigore bruma
 Læserit, aut ardens inimicis solibus æstas.
 Fixa solo stabit, facietque nepotibus umbra,
 Æternum testata meos hoc carmine luctus:
 Salvete Ægonis cineres, quæcumque tenet vos
 In terris regio. Vobis hic iusta quotannis,
 Qui vicina tenent pastores pascua, solvent.
 Viventem coluit, nunc raptum luget, & absens
 Absenti tumulum posuit, titulumque Menalcas.
Lyc. Sed tu desine plura: vetat se quippe querelis
 Urgeri nostris, qui nunc, ut credere fas est,
 Exceptos cælo vates, exceptus & illo,
 Cantantes audit, pariterque auditur ab illis.
 Et tua dum mulcet nos fistula, pronus abit sol,
 Compellitque greges in septa reducere pastos.
 Cras facere exequias, manesque vocare licebit.

AD P. SFORTIAM PALLAVICINIUM S. J.

Nicander.

Nuper ad Albunæ silvam, qua rupe sub altâ
 Spumantis præceps Anio devolvitur amne,
 Tityrus, & Lycidas læti florentibus annis,
 Ambo pastores, ambo cantare periti,

Carmine certavere. Locus certaminis antrum,
 Antrum umbrosum, ingens, pumex cui plurimus arcū
 Efficit, at juxta læto se gramine tellus
 Vestit, & æternum violis vernantibus halat,
 Alluduntque leves avium concentibus auræ.
 Hic pueris locus: hic, cum sol altissimus umbras
 Fecerat exiguas, steterunt cantantibus illis
 Pastores gregis immemores, grex immemor herbæ.
 Quin & Hamadryadum chorus affuit, affuit ipse
 Pan Deus, ac fremitu Satyri plaufere secundo.
 Horum ego certamen, mihi quod narravit Amyntas,
 Carmine non vano referam, nisi vanus Amyntas.
 Tu modo, si Musam non dedignaris agrestem,
 Sfortia, stirpis honos magnæ, quo sospite sacrum
 Tollit adhuc supra gentes caput Itala virtus,
 Huc ades; hic molli mecum considerare in herbâ
 Interea, ac lentus poteris captare beatam,
 Quam Zephyris quercus ludentibus explicat, umbrâ,
 Dum rabidum latrat Canis æstifer, arvaque findit
 Torrida, dum tibi sudantur quæ Bætis, & Ister
 Miretur, serique legant monumenta nepotes.
 Ergo ubi propter aquam viridanti in gramine ripæ
 Procubuerunt, prior Lycidas, en Tityre nobis
 Illa dies tandem, bene quæ decernere possit,
 Quis nostrum melior cantu sit, & arte cicutæ.
Tit. Quo me cumque vocas adsum: sic adsit Apollo.
 Non ego detrecto certamina: non ego, forsan
 Ut reris, canere indoctus. Scit victus Jolas,
 Scit Dorylas, scit Acon, scit Tybridis accola Daphnis.
Lyc. Tu mentē huc adverte, Mycon: nec sit grave nostras
 Audire, arbitrioque tuo componere lites.
Myc. Ludite quæ vultis, cantuque exolvite curas.
 Pastori licuit semper, semperque licebit,
 Cū bene pavit oves, geniales dicere versus.
 At si umquam licuit calamis, si versibus unquam
 Ludere, nunc pastor calamis, nunc carmine ludat,
 Quando suas sibi pascit oves, oviumque suarum
 Vellera securus sibi tondet, & ubera mulget.

Tit.

Tu. Incipe tu primùm Lycida: nos deinde sequemur.

Lyc. Nulla mora est: tua jussa sequor. Sed nequa sit isti,
Vel mihi suspicio meditati carminis, omnem
Materiem præscribe, Mycon, legemque canendi.

Myc. Et dubitatis adhuc, cùm laudes, claraque facta
Nicandri montes resonent, vallesque profundæ?
Plaudite Nicandro, Nicandrum tollite ad astra,
Cui Divùm imperiis magni custodia templi,
Et gentes latè in Latias commissa potestas.

Lyc. Non opis est nostræ Nicandri dicere laudes,
Sed vatum, quibus est animus divinior, & vox:
Nos humiles humili res dicere carmine sueti,
Ac miscere leves per mutua jurgia lites.

Myc. Non semper leviora decet resonare cicutâ
Pastores Latios; sed ut ipsa armenta, gregesque
Pascuntur nunc valle cavâ, nunc montibus altis,
Sic decet interdum gracili nos promere cantu,
Quid faciat pingues pecudes, quid pabula læta,
Munera quæque leves vincant Amaryllidis iras;
Concipere interdum validos sub pectore motus,
Et canere heroas, & numina magna Deorum.

Tu. Audebo: obsequium Nicander fronte serenâ
Accipiet, si non carmen laudabit & artem.

Lyc. Nos quoque, nos quanquam tenui conabimur ore
Grandia: conanti veniam dabit ille, sinetque
Me laudi, meritisque suis, & grandibus ausis,
Dum majora paro, facili proludere versu,
Illi nostra quies, illi gratissima ruris
Otia debentur: quin ipse hic spiritus illi
Debitus; ille meos calamos non passus inertes,
Hospitiumque dedit, collemque habitare Quirini.
Et quamquam minime liceat mihi, ut ante licebat,
Sancta impressa notis cœlestibus ora tueri,
Ante, Mycon, versâ in cœlum radice videbis
Tendere Chaonias quercus, terramque subire
Frondebis, ante nigro manabunt lacte capellæ,
Quam sacer e nostro labatur pectore vultus.

Myc. Ergo agite, & celebrare virum: sed gentis honores

Mittite Nicandri propriis adjungere fastis.
 Longa retro series, quos illa recenset, avorum.
 Hi pacis clari studiis; hi Marte feroces
 Addiderunt patriis ingentia nomina fastis.
 Fundarunt alii regali splendida luxu
 Atria: solemnes alii cœlestibus aras,
 Ipsi olim decorandi aris: ingentibus illi
 Muneribus fovere Deas Heliconis, & omnes
 Egregias artes. Gens auri dives, & agri,
 Ausoniaeque domos claris complexa Hymenæis,
 Et late quondam Tusco dominata profundo,
 Qua sacer Alcidae portus. Sed nescia virtus
 Crescere majorum titulis. Erit hic vir, hic unus
 Argumentum ingens, messisque uberrima laudum.
 Vos canite, ut studiis major puerilibus infans,
 Cum vix a caræ depulsus lacte parentis
 Figeret incerto dubius vestigia gressu,
 Tempa celebrarit Superum, imbueritque tenellum
 Religione animum: ut fugiens contagia vulgi
 Hauserit augustos intra documenta penates,
 Queis ille insistens summa ad fastigia rerum
 Surgeret, ac fesso tandem succurreret orbi.
 Inde, ubi virgineas primæ lanuginis umbræ
 Conspergere genas, ut famâ impleverit Urbem,
 Et gravibus curis virides addixerit annos,
 Munera per populos obiens: ut sæpè potentum
 Limina, & augustas jussus penetraverit aulas,
 Quarum vestibulum ante ipsum manus excubat atra,
 Invidia, insidiæque truces, fraudeisque, dolique,
 Nec tamen attigerint illum fraude sive, dolive,
 Aut aliæ scelerum pestes. Ut namque per altos
 Ionii fluctus, & amaræ Doridos undam
 Integer evadit Siculas Alpheus ad oras:
 Sic magnam intactus mentem, fugiendaque certus,
 Quamvis blanda forent, non immiscere petendis,
 Ad patriæ sese vertit cœlestis amores.
 Testes, quos olim divino percitus igne
 Corticibus teneris ætate tenerimus ipse

Inscripsit versus, & quos jam firmior ætas
Ore alio indictos è venâ divite fudit
Per numeros omnes, quidvis imitante Camœnâ.

Dicite, quot vigili versaret pectore curas,
Cùm victum miseris tellus irata negaret
Gentibus, & crebræ viduarent oppida mortes,
Bellaque vicino fremerent insana tumultu,
Quà centum Eridanus fluviis, luctuque sororum
Dives init Libycis regnatum flatibus æquor.
Quid non Ionio in magno, quà nota trophæis
Insula Sicanium contra jacet alba Pachynum,
Quid non & Rheni sinuosum gessit ad amnem,
Dum pacem indignam Superis, inhonestaque damnat
Fœdera, frustra hominum testatus jura, Deûmque?
Hunc si sancta prius tribuissent numina terris,
Non toties luctu impleisset Germania cœlum,
Quod trunca heu toties provolvens busta, virumque
Cæde calens Albis glaciale resolveret æquor,
Tristiaque alberent inhumatis cladibus arva.
Non dulci patriâ extorres, inopesque Britannî
Errarent terras omnes, maria omnia circum:
Nec tam bella diu premerent, bella impia Cretam,
Qua fatum Europæ pendet: nec inulta doleret
Civibus exhaustas urbes, cultoribus agros
Italia infelix, priscos oblita triumphos.
Quin & Sarmatiam ferro quæ vastat, & igni
Barbara gens, rebusque novis elata superbit,
Cederet, ac versis dudum in contraria fatis,
Ardentis patriæ bustum, cineresque suorum
Ipsa gemens, fuso lueret commissa cruore.

Dicite, uti tandem post hæc discrimina rerum,
Postque tot exhaustos pelago, terraque labores,
Romuleas iterum meritum plenus ad arces
Venerit. Haud mora: vix aderat, cum vidimus ipsi
Murice fulgentem Tyrio succedere curis
Jam senis Ægonis, rerumque assuescere habenis,
Donec ad imperii culmen fatale trahentes
Necandrum Superis sacratâ in sede locarunt.

Heret adhuc animo haud obliuiscenda per ævum
 Illa dies, quæ prima virum mortalibus ægris
 Sublimem folio ostendit, cum pectore clausum
 Spiraret Numen, vultuque immobilis alto
 Divideret sacrâ cœlestia munera dextrâ.

Hinc canite, ut redeant nostris felicia silvis
 Sæcula, & antiqui mores; ut copia pellat
 Læta famem Latio, cœlumque Astræa relinquat:
 Ut, cogente Deâ, tandem furor impius arma
 Ponat, & agrestem gladii curventur in usum;
 Quæque tulere diu patrio procul ab lare durum
 Exilium tristes, inhonoratæque Camœnæ,
 Excutiant mœrorem animo, Phœboque canente
 Solemnes ducant choreas per amœna vireta,
 Rursus, & incipiant heroum dicere laudes.
 Sic ubi tempestas nil tale timentibus arvis
 Incubuit, stragemque dedit, si nubila cedant,
 Si lenes redeant Zephyri, solemque reducant;
 Ridet ager, curvumque nemus se rursus in auras
 Explicat, & sulco seges inclinata resurgit.

Nec finite indictum, ut passim decora alta Latini
 Nominis informes inter defossa ruinas
 Erigat: ut priscum templis instauret honorem;
 Vellat ut è nostris dumos, herbasque nocentes
 Providus, & lætas inducat montibus umbras;
 Utque suas, Divûmque sacras inscripserit ædes:
 Nulli fas castum scelerato insistere limen.

Tempus erit, quo facta dehinc majora canetis,
 Cùm, suadente illo, positis civilibus armis,
 Cessabit tandem quod Gens Feronia bellum
 Upiliâ cum gente gerit. Tum tota repente
 Tempestas belli Ionium descendet in æquor:
 Tum populum latè victorem, ac fata ferentem
 Ultima, & Ægæi rumpentem claustra profundi,
 Quò meritas repetat pœnas, gentemque superbam
 Rypheas hyemes ultra, Tanaïmque releget,
 Pallidus Odrysiâ spectabit ab arce Tyrannus.
 Sic ubi longa fames aquilam, cædisque cupido

Acrilor ad terram speculâ dimisit ab altâ,
 Tum qui se novus ad solem circumspicit aureo
 Fulgentem tergo, squamisque recentibus anguis
 Vicinâ condi properat sub rupe; sed illum
 Improvisa super volucris venit, & premit ungue,
 Nidorumque dolos, aviumque ulciscitur iras.
 Tum demum exuerit vinclis sese inclita tellus
 Divini fervans monumentum, ac pignus amoris.
 Tum caput attollet Silois, Tibrimque parentem
 Jordanes, jaculisque colet crinitus Orontes.
 Tum dulcem nobis longo post tempore tandem
 Fas erit Arcadiani, lucosque revisere sacros,
 Taygetique nemus nigrum, fontesque Lycei.
 Nec minus Arctoo properat quæ littore Pallas
 Romanum ad Tiberim Patribus spectanda Latinis,
 Grajorum decora, & caras inviset Athenas,
 Frigus & ad sacri ripam captabit Ilissi;
 Tum mores hominum mitescent, tum pecus omne
 Unum Pastorem, atque unum cognoscet ovile.
 At tu, Sancte Parens, hominum celebrabere votis,
 Africa qua longe pluvium porrecta sub Austrum
 Ambustum Oceani mediis caput inserit undis,
 Quaque Caledoniis Thule pulsata procellis
 Prospicit ignotâ curvo de littore fluctus.

Tale Mycon certare volentibus argumentum
 Tradidit, hanc rerum seriem: quam deinde secuti
 Tityrus & Lycidas, nemorum plaudente corona,
 Plurima sub sacra fuderunt carmina quercu,
 Quæ tacito secum meditari examine mentem
 Convenit, ut melius referamus in ordine quidquid
 Tityrus, & Lycidas sacrâ cecinere sub umbra.

Alexandro VII. Pont. Opt. Max. Renuntiato.

Ut ad vireta Pindi ab Urbe Romulâ
 Bono profecta Fama venit alite,
 Tenere sceptrâ Chisium, novem Deas
 Cemam ferunt ligasse fronde Delphicâ,

Eburneoque collo eburna barbitos
 Ut alligata, constitisse protinus,
 Ubi perennis unda prata dividit
 Odore læta graminum virentium.
 Ibi decenter implicasse mutuas
 Manus, pede impulisse & arva libero:
 Ibi increpante pectine aureas fides
 Diu negata condidisse carmina.

Dies beata ter quaterque, vatibus
 Canenda semper, & colenda gentibus,
 Vetusta sæcla quæ reducis aurea,
 Fidemque cum sorore ab axe devocas!
 Vides, redux ut Africis ab areis
 Latina jam revifat arva Copia,
 Famemque pellat Africas ad areas?
 Ut alma Pax neces, & arma submovens
 Gravi cruenta bella compede alliget?
 Tuo, beata lux, favente numine
 Loqui ecce rursus antra, rursus incipit
 Tegi erudita lætiore frondium
 Honore silva, largiorque Pegasi
 Sonante rivus exilire ab ungulâ.

Ubi hæc dedere dicta, nona Virginum
 Chorum jubet filere, & una concinens
 Lyram maritat altiore carmine.

De eodem.

Ergo inexplero miseras flagello
 Diræ agunt gentes? piget heu sinistram
 Tam diu sortem doluisse, & orbis

Fata ruentis.

Vidimus campo Libitinam aperto
 Huc equis illuc volitare nigris,
 Quæque Gradivi soluisset ardor

Ossa legentem.

Decolor tabo Sicoris, Padusque
 Testis, & ripâ Thamesis cruentâ,

Magnaque adversus Thamesim resolvens

Ostia Rhenus.

Turbine hinc nostras Oriens citato

Acer in clades ruit, hinc avorum

Kimber ulcisci cupidus Latino

Sanguine manes.

Hinc levi frontem redimita culmo

It Fames circum, sequiturque Pallor

Tristis, & scisso pavidus capillo

Luctus euntem.

Sed per hæc ardens init astra virtus,

O datum Europæ decus, & levamen

Dulce, Alexander, miserante fessas

Numine terras!

Monstra si tellus manibus negasset

Herculis, magnus latuisset heros,

Nec suo audisset resonare Tuscum

Nomine litus.

Tu bonæ fructus revehes benignus

Pacis, & plenis Cererem manipulis;

Te sacrum doctæ Tiberim revisunt

Vindice Musæ.

Flectere insuetum tibi cerno victos

Poplitum Parthos, Arabasque fracto

Supplices arcu dare thura nostris

Mascula templis.

Nam comâ latè viridante Quercus

Montis infedit juga Vaticanæ,

Totum ut humanum genus hospitali

Protegat umbrâ.

Vos Alexandro gladium sequestro

Ponite, & motus animi calentes:

Jam satis cædis, cinerumque: ferro

Parcite Reges.

Cur in infontum malè pertinaces

Urbium casus acuuntur enses,

Justiùs Thracum quibus imminentum

Turba periret?

Qui super campis glacialis oræ,
 Italûmque arvis, pelagoque fufus,
 Barbaram fanguis potuiffet omnem ex-
 Scindere gentem.

Jam pio tandem fociate fortes
 Fœdere in Creten, Solymamq; dextras.
 Ite victores pia vota magno
 Solvere buſto.

Ite: Naupaſti recubans in antro
 Nuper auditus graviore Triton
 Præfcus conchâ ceciniſſe fracti
 Colla Tyranni.

Thraciæ vobis animæ faventes
 Carbafa in Syrtes inimica vertent.
 Chiſium fidus reget omne certâ
 Luce periculum.

De eodem.

Clades furentis quifquis Europæ graves
 Abominatus, atque Chriſtiadûm (nefas!)
 Contaminatas ſcelere civili manus,
 Multâ rogafſti Numen iratum prece,
 Rediret ægris alma pax mortalibus,
 Et qui profanis mutuam in ſtragem duces
 Aguntur odiis, fœdere inter ſe pio
 Juncti in ſuperbos arma Thracas verterent;
 Quifquis reverſam cernere optaſſi diu
 Cornu beantem divite arva Copiam,
 Reducesque cum ſorore Pietatem ac Fidem,
 Et ad antra Cyrrhæ jam diu ſilentio
 Triſti jacentes, & recuſantes lyram,
 Burium canentes fontis ad caput ſacri
 Audire Muſas: quifquis Urbem redditam
 Decorî intueri, priſca quod virtus patrum
 Paravit, artibusque florentem bonis;
 Aras corollis, eia, conſternas pius,
 Summeque gratus vota perſolvas Deo:
 Maximus habenas rerum Alexander tenet.

In ejusdem S. D. N. diem Natalem.

Venit Alexandri natalis, supplicet aris
 Turba frequens: flammis fumet acerra piis.
 Nec citharæ sileant, citharis nec carmina desint:
 Huc, age, qui citharâ, carminibusque vales.
 Vos quoque, felices animæ, pia nomina, Vates,
 Quos Latium, quos & Græcia terra tulit;
 Seu vos æternum retinent Parnassia Tempe,
 Seu choream in silvâ ducitis Elysiâ;
 Quandoquidem manes imâ tellure repositos
 Arte ferunt, vivi quam colucre, capi;
 Cingite fronde comam, & Trojâ, Thebisque relictis,
 Natalem magni concelebrate Patris.
 Et dum, Vivatio, resonamus amabile carmen
 Integret Elysium, Pieriumque nemus.
 At vos, Aonides, quarum sub numine sacro
 Lætâ virent doctæ jugera Castaliæ,
 Flectere quis animos, & inexorabile pensum
 Parcarum citharâ carminibusque datum est,
 Si puerum arcana faciles fovistis in umbra;
 Si juvenem pura sæpe rigastis aquâ;
 Illius ob carmen nostri si gloria sæcli
 Tollit se vestris ardua verticibus:
 Si plausum tripodes, vocaliaque antra dedere,
 Cum Deus hunc magnum misit in imperium:
 Dum lucem hanc colimus, cantu, fidibusque favete,
 Ac pede, res agitur vestra, favete Deæ.
 Fallor? an excitæ veniunt ad sacra sutores,
 Fronde coronatas, expadiuntque lyras?
 Et numeris certare parant? Certaminis hujus
 Signa dat e summo Calliopeja iugo.
 Ergo diem faustis celebremus nos quoque votis:
 Annus enim nobis sæpe canendus adest,
 Quo Christum accipiant ultro regna invia nautis,
 Littoraque argenti siqua sub axe jacent:
 Quo tandem a miseris rubigo turpis acistis
 Telorum duram transeat in segetem.

Tu

Tu modo dexter ades, tantisque allabere cœptis,
 Qui flectis nutu regia, corda tuo.
 Quæ rabies armet populos, quæ prælia poscant,
 Quæ scelus, quæ sit Martis imago, vides.
 Hinc premit Helvetiam strictis furor impius armis:
 Hinc luget patrio Sarmata pulsus agro.
 Heu conjuratis etiam sociata Britannis
 Arma metum populis, exitiumque ferunt!
 Heu iter infaustum relegens feralis Enyo
 Italia pugnaces ducit in arva manus;
 Ceu Padus Infubres cum turbidus invehit imbres,
 Quos miseri luctus augeat agricolæ.
 Hinc etiam ferrum Odrysi crudele Tyranni
 Per Venetum clades imminet Italiæ.
 Scilicet Italiam contra bella impia surgunt:
 Huc inhiant diræ crimina barbariæ.
 Tu tamen o populis tellus assueta regendis,
 Ingenio, atque armis inclita, parce metu.
 Maxima Alexandri virtus tibi militat, altis
 Alpibus, & gemino firmior usque mari.

Ad eundem, de besterno fulmine.

Cesserat atra fames Latio, te, Maxime Princeps,
 Vindice, & horribilis, sed sine clade, lues;
 Cum miseræ nondum placatus Juppiter Urbi,
 Illam majori devovet exitio.
 Pallentem immittit morbum, quo Flavius æger
 Detinuit multos anxia corda dies.
 At Juvenem egregium populis donare coactus,
 Arripuit tandem tela trifulca manu.
 Irrita sed pariter ceciderunt fulmina, & iram
 Numinis ante tuos deposuere pedes.

*Ad Flavium Chisum Alexandri VII. Pont. Opt.
 Max. fratris filium.*

Phœbus ubi primum revehit cum luce labores,
 Redux ab orbe suaveolentis Indiæ,

Ejus

Ejus ab aspectu pender prænoscere sollers
Ligur magister atque arator Appulus,
Quid pelago campisque niger denuntiet Eurus,
Orionisque triste sidus apparet.
Nam si nubilus obducatur caligine vultum,
Uterque cautus abstinet periculo:
Sin autem extulerit nebulis rosea ora fugatis,
Hic alligare vomeri boves, at hic
Solvere velivolam properat de littore puppim,
Rates & æquor execrante conjuge.
Haud aliter te, qui priscum genus indole pulchrâ,
Et ore, suavibusque moribus refers,
Ut nitidum os, Flavi, divino lumine vidit;
Recentis extulisse more sideris,
Suspexit Roma, estque animo prudente futuri
Dies sibi augurata candidissimos.
Late humiles terras animo nam despicias alto,
Cupidinumque vulgus impotentium
Sub pedibus premis, infelix quibus acta juvenus
Tumet furente pejus Adriatico.
Unus amor recti, virtutis te decor unus
Juvat, pudorque, comitasque Chisia:
Degeneremque vocas, veterum qui jactat avorum
Iners propago, nomen, atque imagines.
Quare hominum studia, ac dulces ante omnia Musæ,
Novam micare quando spem vident sibi,
Erexere animos. Tu Divas excipe blando
Domesticam secute gloriam sinu.
Scilicet Augusti referentem nomen, & artes
Virum memento sanguinis decus tui.
Qui nisi regali jussisset mente beatum
Patere limen hospitale vatibus,
Egregios ut avos, & avos numeraret avorum,
Ut esset ampla res, opesque Chisias,
Frigidus, heu, mutusque foret sine nomine pulvis,
Per ora nec volaret inclitus virum.
Quamquam operæ precium priscorum ingentia non est
Referre facta Patrum, ubi præit suis

Maximus auctor Alexander, qui cum pietate
 Suaque sorte robur æquat ingenî.
 Ille vides ut sæpe jubet secedere curas,
 Onusque ponit, & reclinat in sinum
 Musarum. Hæ folio nimirum cum Themide ipsa,
 Sororibusque pulcher assident chorus.
 Credo equidem: neque enim ingentis fuit hospita sacris
 Pudor vireta linquere, & jugum biceps
 Pro Vaticano, pro dulci colle Quirini,
 Ubi perennis aura veris intepet.
 Nec minùs interea populis assuesce regendis,
 Id approbante, qui benignus imperi
 Te vocat in partem, rerumque arcana, secutus
 Quod omnium supremus arbiter Deus
 Suadet, Alexandri qui res, & facta reliquit
 Sibi, suoque temperanda numine:
 At regere imperio volucres elementa ministros,
 Polumque jussit, & rotare sidera.
 Jamque decus, patrio tibi quod promittitur astro,
 Et expetita fervidis Quiritium
 Votis alma dies aderit, cum Romula pubes
 Metu soluta, tristibusque naniis,
 Te proceres inter Latios, spem Tibridis altam,
 Honore cernet eminere debito.
 Mox linquentem urbem comitabitur omine læto
 Iter precata molle; seu jubeberis
 Ire Alpes ultra, seu te committere ponto,
 Etrusca præter & volare litora.
 Olim namque tibi Regum componere dextras
 Deus reservat, & ligare mutuo
 Fœdere in excidium Thracum, tua jussa sequente
 Per æquora alta me, per Alpium juga.
 Tum mihi, tum magnis pia vatibus arma vicissim
 Canentur arma, fortiumque dexteræ,
 Quis feret auspicibus Solymæo dona sepulchro
 Ab occidente vestus hospes ultimo.
 Medus Alexandro tunc demum ac Thracia supplex
 Sacrus fidelis osculabitur pedes.

*Cleopatra in Hortis Vaticanis, ad Christinam
Svecorum, Gothorum, Vandalorum
Reginam.*

Si te spectaculum infelix, si tristia tangunt
Fata meæ duro benè sculptæ in marmore sortis,
O nostros dignata lares invisere mundi
Cardine ab extremo, patriâ, regnoque relictis,
Regina, heroum nulli virtute secunda,
Aurea quos olim tulit ætas, maxima olympi
Numina cum humanos non dedignantia cœtus
Tecta frequentabant mortalia, castaque gentis
Pectora non falsæ complebant laudis amore;
Huc ades. Illa ego sum Latiis celeberrima fastis
Femina Nosti angues, animumque in morte ferocem,
Quo properas? Saltem alloquio solare dolentem
Reginam Regina; nec est indigna videri
Forma loci, & sacris regio gratissima Musis,
Quæ nemus hoc, fontesque colunt, jugaque alta, viretis
Cyrrhæ posthabitis, & verticibus Parnassi.
Hîc ubi Grajorum artificum miranda videbis
Signa antiqua, tuæ gentis quibus ira pepercit,
Abstinetque manus artem mirata vetustas.
Ut de me fileam, viden' hos, qui robore multo
Luctantem, ingratosque Deos, arasque vocantem
Arrecti miserum spiris ingentibus hydri
Laocoonta ligant? ut anhelat: ut ore supremum
Ingemit; ut socios implorat, opemque propinqui
Herculis, ipse quidem casum dolet, & cupit angues
Elisisse manu, ac primos iterare labores?
Phidiacus labor Alcides; sed enim aspera Juno
Heroa immeritum dum grandine pulsat & imbri,
Non tantum orbavit clavâ, exuviisque leonis,
Verum & poplitibus nervos, humerisque torosa
Brachia divellit, fecitque ex Hercule monstrum
Informe, ignaræque (nefas!) ludibria turbæ.
Ast illum informem licet, & sine nomine truncum

Miratum huc Ararim veniunt, Rhenumque bibentes,
 Et vivos illinc discunt effingere vultus.
 Cetera quid memorem? Nilum, Tybrimque parentem
 Spiritus docto in silice, Eridanumque, Tagumque
 Nativo fulgentem auro, Gangemque superbum
 Eois opibus, quos omnes dædala & ipsi
 Æmula Naturæ finxit manus? Hic habitant Dii.
 Aut to hic Phœbus percurrit pectine chordas:
 Hic gelidam fundit proles Semeleia lympham,
 Pocula, deliciasque tuas: hic oria degunt
 Mercuriusque, minaxque rubenti casside Mavors,
 Et magni Æneæ genitrix, & candida Phœbe,
 Omnes aut Divi, aut Divum genus: unaque decrat,
 Quam studiis, vultuque refers, factisque, Minerva.
 Huc & Alexander (Fabium tunc nomine dici
 Audieram) indocti fugeret cum murmura vulgi,
 Nobiliumque manus juvenum comitata solebant
 Ferre pedem, hic tristes animo deponere curas,
 Dulcia securæ ducentes gaudia mentis.
 Vidi ego, & in cubitum surrexi oblita doloris,
 Incessumque viri observans, & lumina, dixi:
 Aut Babylon ignara futuri; aut hic erit, hic vir,
 Olim qui Latiam regnando restituat rem,
 Qui veteres artes, & sæcula prisca reducat,
 Iratasque pio componat fœdere gentes,
 Quamquam animi flecti indociles, & vulnera tactu
 Crudescent, medicamque manum impacata recusent.
 Quo properas? ne, Diva, oculis te subtrahe nostris:
 Namque ego te rerum seriem, eventumque docebo,
 Qui super heroum sedes, super æthera tollent
 Nomen Alexandri, sub mortem plurima quando,
 Et longe faciem venientis cernimus ævi.
 An te proxima silva trahit, studiumque ferarum?
 Non ibi torvus aper, non duris unguibus ursi,
 Quos jaculo cecidisse tuo sæpe horruit Arctos
 Utraque; sed cervi imbelles, capreæque fugaces,
 Pistarumque cohors non invadenda volucrum.
 Quin etiam casus, & mors ingloria ab altis

Imminet arboribus; nam quæ nux pinea curvo
 Strata jacet campo, Satyros quam ludere circum,
 Metirique vides thyrsò, suâ ab arbore nuper
 Decidit, & magno tellurem perculit ictu.
 Adde, quodd inclusus Boreas, Eurysque, Notusque,
 Et quotquot sævis agitant plangoribus æquor,
 Illâ turre fremunt everfuri omnia latè:
 Quamvis sub tanto cohiberi Principe venti
 Non indignentur, veniantque ad jussa volentes,
 Jamque parent iterum Scythicas illidere puppes
 Leucatæ. Ah diram Leucatam, & conscia luctus
 Saxa mei! heu dolor, heu cladis monumenta nefandæ!

Imminente jam Autumno invitat ad rusticandum.

Pater Quirine, tuque Mater urbium,
 Strepente semper æstuans negotio,
 Diu valete; tuque lympa nobilis,
 Ubi erudita Pallas ora proluit,
 Paterque Phœbus aureum lavit caput,
 Vocant enim beata ruris otia,
 Chorusque mollis innubarum Oreadum,
loque Bacche, Mœnadum freméntium,
 Quibus reclamat ore Bacchus ebrio
 Caput corymbo amiçtus, atque pampino
 Decora vinçtus implicante cornua;
Bibamus, eia, tempus, eia Mœnades.
 Eamus ergò, seu vetusta Tiburis
 Juvat videre tecta, sive Tusculum.
 Sed omnis antè cura acerba pectoris
 Recedat usque ad ultimam Britanniam,
 Laborque durus inquietus exulet,
 Amor sit unus, una cogitatio,
 Carere amore, cogitationibus.



*Bernardino Cardinali Spada, ineunte anno 1651.
bene precatur.*

O pars altior incliti Senatus,
Cujus Romula gens ab ore pendet
In lætis simul, arduisque rebus,
Nostri præsidium, decusque sæcli,
Qui patrocínio tuo fideli
Omnes ingenuas tueris artes,
Artes ingenuas adeptus omnes;
Vultu illo excipe blando, amabilique,
Quo tamquam in folio suo renidet
Majestas Latii, decorque priscus,
Propensum obsequium meæ Camœnæ,
Dum Jani redeuntibus Kalendis
Vota concipit, aureosque Soles
Tibi, ac Nestoreos precatur annos,
Dexter atque utinam Deus secundet,
Quæ cum Solibus aureis Camœna,
Et cum Nestoreis precatur annis.

*Aulea a fulmine illæsa, aureo tantùm limbo
correpto.*

Aurum corripuit fulmen; nil cetera læsit.
Non aliàs cecidit justiùs ira Jovis.

*Faber ferrarius diurnum questum scenicis
ludis impendens.*

Postquam lassavit miseros incude lacertos
Forcipibus versans æra recocta faber,
Scenica ridendi studio spectacula quærit,
Quosque locat populo mimica turba jocos.
Hinc cœna infelix torquentes lumina cepæ:
Sic illi risus vertitur in lacrimas.

*Cùm inhabitaret cubicula, quæ sunt in fornice
Vaticano.*

Quas imminentes fornici vides curvo
Ædes inæquali ambitu, sed arcano
Sacras recessu, hortis virentibus lætas,
Miroque hyemè mediâ tepore vernantes,
Me summa Principis benignitas jussit
Incolere; me, qui nuper improbæ nutu
Sortis reductum in angulum relegatus,
Qua bubo, qua diræ striges catervatim
Feriale ab altis carmen integrant nidis,
Longe a sodalium, atque solis aspectu
Vitam in tenebris, ac timore ducebam.
Succede testis, hospes, & loci felix
Genio fruarè, dum recolligis vires,
Quas longa passus mille porticus fregit.
Hîc Phidiæ non signa, non Apellæas
Tabulas require; non teguntur aulæis,
Tyrio nec ostro splendidi lares fulgent;
Sed omnium instar vultus est Alexandri.

*Ad Alexandrum VII. Pont. Opt. Max. ineunte
Pontificatus anno quarto.*

Non indigna tui canerem nunc, Maxime Princeps,
Sed cohibet justus me, retinetque pudor.
Nam recolens lucem, tibi quæ dedit Orbis habenas,
Natalem celebrat nostra Thalia suum.

*Ad Villam Perettam in Agro Tusculano, cùm Flavius
Chisus S. R. E. Cardinalis lentâ inibi febrî
detineretur.*

Villa decus Latæ telluris, candida Villa,
Credita cui domini vita salusque mei;
Salve o deposito felix, & pignore tanto
Factura egregiis urbibus invidiam.

Quod si quam felix, si quam formosa vocaris,
 Vis quoque tam nobis dicier esse pia:
 Redde illum precibus tandem mitissima nostris,
 Et Romæ assiduis vocibus incolumem.
 Spes fuit, his Juvenem recreatum dulcibus auris
 Non multos intra posse valere dies.
 Urbis propterea grave murmur, & aëra lentum
 Deferuit, cælo posthabuitque tuo.
 Irrita ne facias, quæ tu sperare jubebas;
 Sed fac quod medicæ non valuerunt manus.
 Omnia præsidia, atque artem consumpsimus omnes:
 Morbi evellendi nulla relicta via est.
 Secta bis ardentem venis fudere cruorem
 Brachia, nec pedibus sæva pepercit acus:
 Non tamen idcirco penitus deferbuit ardor
 Indomitus. per enim viscera serpit adhuc.
 Omnes experti succos, quos Appula tellus,
 Pinguibus & venis India dives alit:
 Non tamen Appuliæ, nec quos alit India succos
 Attulerunt, ægrum quæ relevaret. opem.
 Nil non tentatum nobis: nil profuit ægro:
 Quæque juvat cunctos, huic fuit herba nocens.
 Hæret adhuc siccis vis morbi infixæ medullis,
 Nescius & stomacho cedere languor iners.
 Jamque dies illum decies, heu! quinque jacentem
 Lectulus ingrato detinet hospitio,
 Scilicet est illi sedes invisæ quietis,
 Pluma gravis misero est, ipsaque dura quies.
 Nos verò interea, Flavi cum posceret ægri
 Lapso valetudo publica damna queri,
 Colle super viridi, nigraque sub ilice lenti
 Ludimus imparibus carmina juncta modis.
 Et nunc insidias avibus, nunc tendere damis,
 Nunc juvat Albanos currere lintre lacus.
 Ire nec aërii piget ad fastigia montis,
 Unde humiles terras cernimus, & maria.
 Sæpè suburbanas amor est lustrare ruinas,
 Quæque jacent veterum tot monumenta virum.

Atque hic obliti curarum, Urbisque laborum,
Dicimus: o hominum gloria, spesque breves!
Vivamus dum fata sinunt, dum sanguis & ætas
Firma: venit celeri cana senectæ pede.
Inde super mensâ discumbitur ordine longo,
Et loquimur multo libera verba mero.
Me tamen hæc inter domini languentis imago
Admonet in magnâ vivere tristitia:
Nec tantum precibus Divos onerare, sed ipsi
Ferre jubet saxi vota, precesque dolor.
Tu nostro, tu, Villa, precor, succurre dolori:
Istic jam lucet bis jacet ille novem.
Pallor eat, maciesque omnis procul, & mala febris
Desinat alterno corripere ossa gelu.
Fac redeat pedibusque vigor, sensusque palato,
Occupet & tota lumina nocte sopor.
Fac revocent vires excusso membra veterno,
Floreat & læto pristinus ore color.
Sic tibi ne pinguem lædant mala gramina messem,
Nec timeat siccos vinea culta dies.
Sic quæ perpetuo velat nebula improba Romam,
Exulet æternum finibus illa tuis.
Sic tristes hyemes, & fœtos grandine nimbos
Juppiter intactis arceat arboribus.
Sed, cum opus est, placidum demittat ab æthere, sensim
Qui sole arentem temperet imber humum.
Ipsa tuos colles vivaci Pallas olivâ
Vestiat, & Baccho ceteræ amica Ceres.
Quique coloratos reditum meditatur ad Indos
Pomorum nullo vinctus honore caput,
Hinc legat Autumnus semper sibi poma, suasque
Conferat huc omnes fertilis annus opes.
Præterea si fama tibi, si gloria cordi est,
Villarum fies tu quoque nobilium.
Nam tibi munera læta, tibi annua sacra feremus
Instructi citharâ, carminibusque sacris.
Huc ego cum Musis Parnassia templa potenti
Carmine traducam, Pieriosque lacus.

Hic ederae surgent, hinc laurus digna Poëtis,
 Hinc se victores cingere fronde volent,
 Tunc tibi Telegoni cedit locus omnis, & udo
 Quotquot spectantur Tibure deliciae,
 Cedit & ipsa Paphos, semperque virentia Tempe,
 Et fies hortis notior Alcinoi.

AD FELICEM ZACHIAM

*In funere Natalis Rondinini Filii.
 Ex Albano secessu.*

Secretæ nemorum valles, mutique recessus,
 Et deserta loca, & taciturna querentibus antra,
 Quæ priscos habitasse ferunt (& credere dignum est)
 Mortales, sine lege pios, sine messe beatos,
 Accipite hos ægro proruptos pectore questus,
 Quos pietas, quos æger amor, luctusque requirunt.
 Et vós frondoso surgentes vertice fagi
 Me finite, crepti lugentem funus amici,
 Illius æternum vestris incidere nomen
 Corticibus: meus hic saltem, dum stabitis, una
 Vivet amor, luctusque mei monumenta manebunt.
 Me finite hinc viridi carmen, lacrimabile carmen,
 Tristibus ad citharam numeris disperdere in umbrâ,
 Quod recinant, qui se querulis solantur avenis.
 Dulce queri miseris: dedit hoc natura levamen.
 Hoc animi, quæ vix umquam coitura putares,
 Vulnere dictamno curat, mulcetque dolorem,
 Plorat Ityn Progne; consortem turtur ademtum;
 Cæcyæ Alcyone, casum Phaëthontis olores.
 Scilicet & mœstis implet nemus omne querelis
 Flebiliter quærens absentem bucula matrem:
 Et nunc hæret inops animi, nunc arrigit aures,
 Si qua forte procul crebris mugitibus instet,
 Errantem admonitura sui: nunc acta furore
 Dat gemitus incompósitos, & in avia fertur,
 Terror Hamadryadum, stragesque miserrima silvæ.

Illa

*Illæ peregrinum, natorum oblita, juvenum
Per ialsus sequitur, vel festa altaria circum
Flores revincta caput magnis cadit hostia Divis.*

*Iusta quidem caræ jam pridem solvimus umbræ:
Nec cineri amplexus, largus nec defuit imber
Funeri, ubi casu perculsi, ac vulnere primo
Sed præstans animi Natalis, & indole pulchrâ.
Constantique fide primis mihi junctus ab annis,
Triste sui desiderium, luctumque reliquit.
Ut me nulla dies solari, nulla queat res,
Cogar & in longos absumere lumina fletus.
Ergo sive aperit rebus lux alma colorem,
Sive aufert, umbrâ involvens nox humida terras;
Dilecti manes, dilecta occurrit imago,
Pallida languenti violæ, vel grandine tacto
Narcisso similis, frigentique ore videtur
Oscula ferre genis, & brachia tendere collo
Cara meo, qualem supremo in funere vidi,
Cum jam frigida mors oculis induceret umbras,
Me quærentem oculis, & pectore singultantem,
Cum Fernandus, amicitie pars tertia nostræ,
Astaret lacrimans; sancto mox cedere jussis
Officio lacrimis, Superos in vota vocaret,
Difficilesque obitus, animamque exire parantem
Cœlesti firmaret ope, ac prece fervidus omni.
Hæc rerum species animum noctesque, diesque
Infelix subit; hæc sensus mihi furripit omnes,
Nec finit a tristi curâ requiescere mentem.
Nam neque Castalides, mihi dulcia nomina quondam,
Quæ me illi ad laudem comitem, quamquâ impare gressu,
Addiderant, & amore pio, paribusque ligant
Auspiciis, possunt miserum lenire: nec ipse.
Quæ relevent ægrum, Phœbus pater invenit herbas.
Cetera, quæ pariter quondam oblectare solebant,
Omnia sunt ingrata: nihil juvat. Hæc loca certè
Ipse hic formosi nemoris gratissimus horror,
Et fortunati gelidus fons graminis alter;
Ipse lacus ridens, avium secunda voluptas,*

Silvarum decus, & Latiae telluris ocellus,
 In lacrimas questumque trahunt. Hæc ille solebat
 Mecum animis, studioque pari loca adire quotannis;
 Hic pariter mecum fugientes condere soles
 Alloquio dulci, curarum oblitus, & Urbis.
 Hæc illi regio dilecta: hic sæpius illum
 Næades pulchræ, pulchræ stupuere Napeæ,
 Casta Philetæis lociantes carmina chordis.
 Non tamen astrorum cursus, non abdita terris
 Prodigia, aut ortus ventorum, vel maris æstus,
 Omnia adhuc hominum studiis ignota, canebat:
 Sed Christi Heroas, immoto barbara vultu
 Supplicia expertos, ignominiasque Tyranni;
 Sed laudes Superum, & diæ virtutis honores,
 Quæque docet verax, & fallere nescius Auctor,
 Humana majora fide penetralia rerum.
 Inde ad Alexandri despectens inclita facta,
 Commemorabat, uti Saturnia sæcla redirent,
 Et probitas, & sancta fides, jam Præsides terris,
 Qui sciret regni hanc molem non ære, nec auro
 Stare, nec arte hominum, sed religionis amore,
 Sed virtute animi, & veterum pietate parentum.
 Illius auspicio Latiis e finibus actam
 Esuriemque, gravemque luem; decora addita templis;
 Reddita virtuti sua præmia; reddita Musis
 Otia, & erectas artes; illoque sequestro
 Venturam populis post tristia bella quietem.
 Omnia, quæ summi quondam præsaga Dei mens
 Cum fore prospiceret, nostræ miserata labores
 Gentis, Alexandro mandasset fulmina, & orbis
 Imperium, quamquam magnis virtutibus impar.
 Talia non ficto referebat carmine vates,
 Si quando a gravibus curis, studiisque severæ
 Palladis, & doctis animum revocaret Athenis.
 Rudera vel Latii, & prisca monumenta Senatus
 Lustrabat, veterum gaudens incisa metallis
 Ora virum, & sculptas a tergo noscere pugnas,
 Enatus & armorum. Nemo nam certius illo

Norat, quæ belli ratio circumdaret urbi
Mœnia, quæ victrix aperiret machina muros.
Illum ego sæpe equitum stantes, peditumque maniplos,
Et pugnx instructas acies, & Martia castra,
Præliaque in docto scribentem pulvere vidi.

Tunc igitur dulces auras, & dulcia nostræ
Pignora amicitix, tantarum in limine rerum,
Deseris, inque tuo surgentes nomine cunctas
Spes Latii perdis? nihil ergò ars docta medentùm,
Nil herbæ valuere? nihil flos vividus ævi?
Nec fratrum te cura vigil, nec sedula mater,
Nec dilecta Deo soror eripuerè periculo?

Utque tuas parco delibem carmine laudes,
Non tua te pietas, non culta altaria, non te
Candida mens animi, aut doctæ facundia linguæ,
Non vis ingenii præstans, & ducta per omnes
Ingenuas artes, letho subduxit acerbo;

Cùm gentem innumeram, telluris inutile pondus,
Non nisi post seram mactet Libitina senectam?

O semper damnata pati fata aspera virtus!

Vidi ego perjuras, prædæque nocentis onustas,
Post longos pelagi errores, casusque per omnes,
Incolumes tamen ad patriam remeasse carinas:
Naufraga cùm gemeret puppis, quæ littore ab Indo
Tunc primùm niveis pacata per æquora velis
Ibat ovans, Divùmque aris pia thura ferebat.

Intereà casum ingemuit Romana juvenus,
Fassa suum decus extinctum: ingemere relicta,

Et tibi ferali crinem cinxere cupressu

Pierides, fluvioque dolens Tiberinus ab alto

In mare visus aquis Tuscum dilabier atris.

Ipsam etiam dolor invictum tot casibus, ipsam

Flexit Alexandrum, lacrimisque in funere crudo

Pænè profanari cœlestia vidimus ora.

Quippe acre ingenium Pater æquus norat, & alta

Semina virtutis, patrioque fovebat amore.

Nimirum ille, sacro solium stipante Senatu,

Principibus, te vato, dabat responsa benignus.

Voce tuâ solitus populos armare fideles,
 Sive laboraret Venetus, seu tristis Enyo
 Verteret Helvetiam seu bello assueta nefando
 Suecia Sarmaticos vastaret milite campos.

Sed jam cesset inops dolor infelicia verba
 Fundere Tu felix, Divorumque unus, olympi
 Securâ de parte, nigris Aquilonibus actam
 Serpere sacrilegam, populosque exurere flammam
 Perque omnes volitare vides bella impia terras,
 Pauperiem circum, miserasque ferentia clades.
 Inde hominum genus, & casuras despicias urbes
 Altior invidia, & Regum capita ardua calcas.
 Quod tibi, si celsam mortalis gloria mentem
 Tangit adhuc, non tu tabulis, nec marmore Lunæ,
 Æreque, quod Siculis miscent Cyclopes in antris;
 Sed merito ipse tuo, & vatum sacrabere chartis.
 Illa ruunt ævo tandem consumpta, vel igni:
 His Lachesis, rerumque vices, & fulmina parent.
 Nempe tuum posthac nulli violabile fato
 Illorum fidibus viver decus: hi tibi famam
 Longius extendent vitali carmine, quam si
 Marmore de Libyco, aut Ephyreio duceret ære
 Graia tuam manus effigiem, vel barbara moles
 Ægypti ad cælum faxis audacibus iret,
 Infans labor, & solamen inane sepulchri.
 Quin etiam (qui rarus honos) tibi Belgica plorans
 Sollemnes struit exequias, & funera Clio:
 Carminibusque sacris inscriptas littore in illo
 Pyramidas statuit, laudum monumenta tuarum,
 Æternum mansura; licet sæpè illius oram
 Littoris implacidum latè voret æquor, & urbes.
 Sed neque me immemoris, si vera recepit Apollo,
 Arguerint animi venientia secula: nomen
 Quippe tuum, nosterque dolor, lacrimæque manebunt.
 Nec tibi quæ mœsta inferias, ac debita mittit
 Munera Alexandri multum sublata favore,
 Iverit ad seros ingloria Musa nepotes.

Tu verò Latias inter clarissima matres,

At-

Atque olim numero doctarum addenda sororum,
 Urbis honos, Felix, lacrimis absiste profanis:
 Neu nati turbare velis ingrata quietem.
 Cùm Vaticanam facerem pullatus ad aram,
 Servari quâ certa fides ossa inclita Petri,
 Et requiem dulci, veniamque precarer amico,
 Reddita, vel mihi visa sacro vox reddier antro:
 Dic bona verba: procul feralia vota sacerdos.
 Jam pridem cœtu Superùm, folioque receptus
 Egregius juvenis: scelerum vix flamma piatrix
 Distulit æternæ pereunti gaudia vitæ.
 Nunc ille ætherio graditur spectandus in ostro,
 Effigiemque Dei, cujus fulgore beantur
 Cœlestes animæ, multùm sub imagine pulchri
 Quæsitam in terris, manifestâ in luce tuetur.
 Jam cœlo apparet medio, sidusque benignum
 Collibus affulget Latiis, & lumine certo
 Signat iter, quo nisa polum subit ignea virtus.

*Cùm ad Aram Apostolorum in Vaticano novus Sacerdos
 primam hostiam Deo offerret.*

Si te fassa graves mortalia corda labores,
 Tactaque non ficta religione movent,
 Magne Deus, lacrimaque dolor tibi supplice victor
 Iratam exarmat fulmine sæpe manum;
 Respice, meque tuæ trepidantem accumbere mensæ
 Ipse tuâ in sanctum duc penetrale manu.
 Immunem posthac animum servabit ab omni
 Labe Calix, succis qui scatet æthereis.
 Sic mihi fas illinc potare obliviam rerum,
 Quas avido appetiit gutture nostra sitis.
 Si fallo, feriat læsas me fulmen ad aras,
 Nec dantem pœnas pallia sacra tegant.
 Si fallo, subito mihi terra dehiscat hiatu,
 Tuque preces furda supplicis aure bibas.
 An violare nefas legem cum quolibet icti
 Fœderis, atque hominum sic mihi sancta fides?

Pro qua nil verear Siculis occurrere flammis,
 Et media impavidum pectus in arma ruat;
 Quæ tibi præsentis tactis juravimus aris,
 Ferre leves patiar irrita verba Notos?
 Mox aderis niveum crusti conclusus in orbem;
 Me pavidò arcanas ore canente notas:
 At tibi ne grave sit nostris succedere testis,
 Sint licet innumeris hospita criminibus.
 Quæ genio, & mensis vasa assuevere profanis,
 Sæpè vides aram ponier ante tuam.
 Multa, quibus coleris, cæcis mortalibus olim
 Tempia Paratónios exhibuere Deos.
 Forsan & hic cineres servans locus, ossaque magna
 Heroum, arcano quos habet urna sinu,
 Vel scelerum addictus pœnis, rudibusve Latinis
 Infandâ fuerat religione facer.
 Hic veteres sisto exuvias novus hospes, ut Inda
 Surgit odoratis ales ab inferiis.
 Tristes exuviae, vitæ miseranda peractæ
 Effigies, animo luridaque umbra meo!
 Sic horret maculas, nuper quas exuit, anguis,
 Atque ipsum infelix terret imago sui.
 Hei mihi! primævæ faciem, casusque juventæ
 Dum tuor, & dubiæ cæcæ pericla viæ,
 Quo surgunt horrore comæ; quam frigidus artus
 Sudor, & occultum permeat ossa gelu;
 Talis. naufragium passus grave, respicit altum
 Æquor, & in sicco navita pallet adhuc.
 Quod si ille. impatiens inopem traducere vitam,
 Subducit quassam, restituitque ratem,
 Tempestate iterum, & casu doliturus acerbo,
 Denique Carpathiis præda futurus aquis:
 Vos o adeste mihi, superi, vel tu mihi nigras
 Iniice casuro Mors, precor, æqua manus.
 Me tantas evectum ad res, tot honoribus auctum
 Æquo animo juvenem tollere fata feram.
 Jam mihi, florentes ex quo male perdimus annos,
 Ter decimam supra tertia fluxit hyems.

Pars igitur vitæ melior, lucisque peracta est;
 Quamprimum incipient membra caduca mori.
 Et jam (me miserum!) procul apparere senecta
 Incipit, antiquum stipite fultra latus:
 Hanc Morbi, tristisque Metus, Curæque sequuntur,
 Quorum agmen claudens Mors quatit atra facem.
 Et nunc quod vivo, quod spiritus hos regit artus,
 Munus id, o Custos Aliger, omne tuum est.
 Pars ea noctis erat, qua solvere pectora curis
 Incipit, & pigro spargere rore sopor;
 Ecce Quirinalis, nec opinio, murmure tractus
 Intremittit, hortorum septaque lapsa ruunt.
 Dumque ruunt, simili ad terram traxere ruinâ
 Secum una stantes e regione domos.
 Quod nisi visum esset superis servare nocentem,
 Hos ego debueram tunc habitare lares.
 Sæpius infelix tectum, multumque poposci,
 Nemo & poscenti dixerat: Æqua pete.
 Non tamen exiguos exoravere penates,
 Aptæ vel æratas verba movere fores.
 Quique omni facilis fuerat mihi tempore, durum
 Hac in re sensi difficilemque virum?
 Ergo ut visa loci facies, disjectaque saxa,
 Dirigui: cecidit vox, steteruntque comæ.
 Nam mihi sum visus pars illius esse ruinæ,
 Et dici a populo prætereunte miser.
 Tum mihi visa parens cadere exanimata dolore;
 Mox hæc singultus inter anhelæ loqui:
 Hæc igitur de te miseram sperare jubebat
 De rebus toties fama secunda tuis?
 Tune jaces subitâ discerptus, nate, ruinâ,
 Quem suevi columen sæpè vocare meum?
 Sancta, quid in vestras tantum commisimus aras,
 O mihi perpetua Numina culta prece?
 Nate jaces? nec te genitrix deserta videbit
 Amplius? ah diro funere raptæ mihi!
 Scilicet hoc magnis est inclarescere factis:
 Huc te mortalis gloriæ adegit amor.

Nonne fuit satius vota inter cara tuorum
Ignotum patrio consensuisse lare?
Quod si tollere te juvenem, mediumque secare
Debuerat vitæ stamen acerba dies;
Ipsa tibi saltem clausissim lumina: saltem
Venisses oculis lætior umbra meis.
Infelix! & adhuc vivo tibi, nate, superstes?
Et meus, ut moriar, non habet arma dolor?
Hæc super extincto fudisset perdita nato,
Quæque solent matres dicere verba piæ.
Intercè Superis tanto pro munere grates,
Debitaque æterno solvere vota Deo
Attonitus casu meditabar. Cetera nosti
O Loiolæ gentis, Oliva decus.
Tu, quem acri ingenio, & laudis nullius egentem
Ipsa suo Pietas imbuuit eloquio,
Jussit & augusti moderantem frena theatri,
Ad templi Proceres ignea verba loqui.
Tu mihi cœlestes monitus, & dicta reportas:
Hæc ego jam miles, te duce castra sequor:
Te duce monstra Erebi vici, nexusque resolvi;
Fas est victorem ferre trophæa Jovi.
Irarum fibræ, fractique Cupidinis arcus,
Pendebunt sancto Teiaque plectra tholo.
Jam mihi, quò tenues umbras, & cæca viarum
Dispiciam, præfert lampada Dius Amor.
Ille suas etiam nobis accommodat alas,
Unde humili possim me quoque tollere humo;
Ireque trans cœli metas æterna tuentem
Gaudia, mortali non referenda sono.
Quòd me siqua trahent terræ contagia, siqua
Subjiciet cordi dira cupido faces;
Te, Christe, amplectar, lacrimisque repentia supplex
Figam sacratis oscula vulneribus.
Illa dies subeat, qua te Judæa per omnes
Traductum pœnas extulit exanimum:
Cum medio Phœbus defecit in æthere, & ipsum
Fœdavit tenebris nox adoperta caput:

Seu totum involvit nigra formidine mundum;
Seu tantum vultus, impia terra, tuos.
Impia, quandoquidem robur fatale tulisti,
Unde Sator rerum triste pendit onus.
Tune refers spinas, tibi qui dat poma benignus,
Et gravidas vites, & fata læta facit?
Tune tuis ferrum fovisti immane latebris,
Divinum potuit quod penetrare latus?
Et merito, scelerum tantorum conscia tellus,
Indigno vivis subdita servitio:
Jordanesque (nefas) sacer ille argenteus amnis,
Et Silois collo turpia vincla gerunt.
Quodque nefas augeat, tumulo, qui vicit Avernum,
Obscœni insultant, Thracia turba, canes.
Heu pudor Hesperia, sæclique infamia nostri!
Degener a proavis tuque juvenia tuis!
Scilicet æternis Europam involvere bellis,
Urereque immeritos gloria major agros.
Interea miseris pax suspirata colonis
Exulat, & Latium vix tenet ægra suum.
Ter sedare faces belli conata; ter illi
Absumsit pennas bellica flamma sacras.
Hinc meritò luget, nec adhuc se candida Virgo
Audet Alexandri proripere è gremio;
Quò Christi pariter signatas nomine gentes
Mittat in æternæ fœdus amicitia:
Armaque bellantùm civilia vertat, & iras
Threïciæ tandem gentis in excidium.
Nunc quando alternas in clades armat Erynnis
Christiadùm, oblitâ relligione, manus;
Nec Venetis longo fractis certamine quisquam
Audet Alexandrum ferre secutus opem:
Tu, Melite, Odrysiio nomen fatale Tyranno,
I celer, & Latiis puppibus adde tuas.
Hellepontiacas audax invade procellas,
Infer & Euxino candida signa mari.
Barbaricos latè ferro lustrate recessus,
Et Scythicâ puppes clade referte graves.

I, decus Europæ, pubes assueta triumphis :
 Gloria vos illuc non moritura vocat.
 Placati nobis invertent Thracibus Euri
 Æquor, & in Syrtes impia vela ferent.
 Auspice Alexandro solvat pia littora classis :
 Fuderit hæc hostem, fundet ut Ille preces.

In Philomathi Musas Juveniles.

Tandem pudori pone modum tuo
 Fassusque vultus exere. Tu licet
 Et nomen occultes, & ortus,
 Dicere quem prohibebis : *Hic est?*
 Laus una vatum nomina fortium
 Flecente Ditem tollere barbitō
 Ab jure Parcarum ; sed ipsos
 Musa mori vetat æqua vates.
 Te fama Thule novit ab ultimâ :
 Te spreta prodit gloria : te colit
 Germana pubes : te canentem
 Itala jam celebrat juvenus.
 Seu ludis arguto pede ; seu tubâ
 Majora pandis ; seu lacrimabilis
 Sublimis incedis cothurno,
 Dum Pharium scelus in severos
 Producis actus ; sive pericula
 Dirçæa tentas, Phœbus in ardua,
 Terrisque, limosoque vulgo
 Abripit impavidum relictis.
 Latere Virtus nescia præpete
 Sublime pennâ fertur, ut ignibus
 Jungatur æternis. In auras
 Nonne vides ut avita surgat
 Quercus vetusto stipite nobilis,
 Nam sub profundam quo latet altius
 Demissa tellurem, supernas
 Fronte ferit propiore sedes.
 Non illa cladem sibila Thraciæ

Latura campis, damnave Pontici
 Furoris, aut Cauri procellas
 In segetem pavet irruentis:
 Immota sed se mole regit suâ,
 Annosa centum brachia proferens,
 Thracumque sustentat cruentas
 Exuviis onerata clades.

*Ad Ferdinandum Furstenbergium, Neapolim
 iturum.*

Ergo age felici discedas alite, quando
 Ire apparas Neapolim,
 Dulcis ubi æternum spirat clementia veris,
 Lætumque crispantes mare
 Floribus illudunt variis Zephyritides auræ,
 Coluntque citium nêmus.
 Multa quidem tibi Parthenope miranda sub ipso
 Monstrabit urbis limine,
 Eductas cœlo moles, atque aurea tecta,
 Et signa Phidiacæ manus.
 Sed tibi, quo tegitur tumulto, sit cura videndi,
 Maronis inclitus cinis,
 Quem memorant (credi si digna est fama) furorem
 Afflare sacrum vatibus;
 Quare ibi posthabito castas Helicone Sorores
 Fixisse mansuram domum.
 Illæ te excipient venientem, ac fronte benignâ
 Sic alloquentes audies:
 O nostris addicte sacris, generosa propago,
 Tuæque flos Germaniæ,
 Lætus ades, nostrosque velis lustrare recessus,
 Vatum feraces grandium:
 Seu Surrentinos amor est invisere colles,
 Dulci virentes pampino;
 Seu magis arridet pulcherrima Mergilline,
 Dilecta Syncero domus;
 Seu juga Pausilypi pelago prætenta sereno,
 Qua cœrulæ Nereides

Sæpe leves ducunt choreas Tritona sequentes
 Curva sonantem buccina;
 Seu juvat irati tonitrus audire Vesevi
 Lateque nigrantes globos,
 Sparsaque per campos ambusti viscera montis
 Candente merfos sulphure.
 Sed tibi scrutandi veniat ne dira cupido,
 Quæ causâ venis abdita,
 Pabula inexhaustis tot jam per sæcula flammis
 Tellure ab ima suggerat.
 Te miseri subeat fatum crudele Secundi
 Undante fumo hic obruti:
 Namque Deus, rerumque vices, venturaque fata
 Latere mortales jubet.

*In obitum fortissimi Viri Nicolai Serinii ab
 Apro confecti.*

Dum flet dente fero Mavors heroa peremptum,
 In quem Asiæ iratæ nil potuere manus;
 Dumq; hasta premit ultor Aprum, & simul exprobrat illi,
 Quo Veneri placeat funus, Adoni, tuum;
 Quid mea, clamat Aper, benefacta in crimina vertis?
 Hæc mihi pro gemino munere, Dive, refers?
 Solliciti tibi materies erat alter amoris:
 Cura, metusque tuis Thracibus alter erat?

Ad Leopoldum Mediceum S. R. E. Cardinalem.

Crediderat famæ de te præclara loquenti
 Indolis, & generis conscia Roma tui.
 Sed postquam sacro te fulgere vidit in ostro,
 Et verti in te oculos undique, & ora virum:
 Sive vacas superis, hominum seu commoda curas,
 Res ubicumque tuam publica poscit opem:
 Sive novas reparis, prisca seu protegis artes,
 Impiger ingenio, munificusque manu:
 Seu renuis titulos, sceptrique insigne paterni,
 Fortunæ oblitus ut videre tuæ;

Notus eras Medis, notus, Leopolde, Britannis;
Sed mihi adhuc, inquit, non bene notus eras.

De Pomis ex cera affabre fictis.

Naturæ invidiam, desideriumque palato
Ista movent docta poma creata manu.
Tam bene fraga rubent cum versicoloribus uvis,
Tam bene cum pepone ficus hiant viret.
Persica jures modo lecta ex arbore mala,
Prunaque cum hirsutis cerea castaneis.
Quid memores uvam volucres quæ picta fefellit?
Auctorem hæc possunt fallere poma suum.

*Ad Franciscum Barberinum S. R. E. Cardinalem,
Episcopum Ostiensem, cum in insula Creta
esset a nostris improspere
pugnatum.*

Eheu furori cedere barbaro
Coacta virtus! occidit, occidit
Invicta pubes: Galliarumque
Flos canibus data præda Turcis.
Jam Cræta ferro diruta, & ignibus
Procumbit. Illam tendere supplices
Jam pæne palmas huc volentem
Odrysia prohibent catenæ.
Quo læta tollit cornua nuntio
Carthago, avitis effera cladibus,
Torvoque jam pridem tuetur
Italiam, Tiberimque vultu.
Videre nostris jam videor trucis
Victum per æquor, vela Propontidis
Lunata, & Afrorum cruentas
Littoribus volitare puppes.
Non jam latronum more; sed (heu pudor!)
Late paventis nunc dominas maris,
Diram ferentes imparatæ
Urbibus Ausoniae ruinam.

Frustra Garumnâ misit ab ultimo
Classem, & cohortes non timidas mori,
Mori ipse promptus pro salute,
Pro Latiis Ludovicus aris.
Nil Italorum fortia pectora,
Nil præpotens Germania, classico
Excita Clementis per omnem
Hesperiam rapientis arma,
Juvere: ab ipso nil lacrimæ, nihil
Clemente fusæ suppliciter preces,
Quibus Tonantis sæpe telum
Excutit e manibus trifulcum.
Non miles armis degener, aut Ducum
Culpandus error. Ipse juvat Scythas,
Et tradit invisam Gelonæ,
Progeniem Deus ultor hastæ.
Hic barbarorum spicula dirigens,
Dat nostra ventis irrita: hic æthera
Infestat, Ægæasque nostrum
Armat in exitium procellas.
Illum exuentis frena licentiæ,
Luxusque pravi crimina, & ædium
Movere sacrarum querelæ.
Ipsa quidem simulacra, & ævo
Collapsa Divûm templa refecimus,
Afro tegentes marmore: sed tamen
Ut nomen, exclusis, profanum
Fronte ferant, titulumque, Divis.
Non thura defunt mascula, non apes
Præbere cessant lumen Hymettie:
Gemmâque collucent, & auro
Pallia cum pateris Eoo,
Sed non probandis moribus inquinat
Aras Juventus, nec timet hostiam
Intonsus attrectare Dîam
Sacrilegis manibus Sacerdos.
Et quas piorum prisca fides Patrum
Assuetâ duram pauperiêm pati,

Famem inter & cædes paravit
 Divitias, malesuada sæpe
 Libido perdit. Te pia jugiter
 Juvante bella, rectaque pauperum,
 Franciscæ, semotamque Goam,
 Quas & inops rigat Ister oras;
 Cui nostra Patres si similes duos
 Ætas tulisset, Romulea in toga;
 Versis videremus superbam
 Flere Asiam Libyamque fatis.
 Tu fata curas publica: tu viros
 Ictu immerentes quos premit aspero
 Fortuna, plebejusque livor,
 Erigis, exulibusque dextram
 Musis fidelem porrigis, & lare
 Foves benigno: tu Latio decus
 Priscum reducis; tu sepulchro
 Docta rapis monumenta Grajum,
 Adeptus artes, queis stetit Italæ
 Hucusque gentis gloria, quas novâ
 Urbanus auxit luce Princeps
 Pieridum, columnenque rerum:
 Dirceæ cujus barbitos admonet
 Silere nostram: barbitos inclita
 Quæ sacra personabat alto
 Par animo, Imperioque major.

*Ad Matthiam Naldum S. D. N. Medicum, &
 Cubicularium intimum. Ex lectulo.*

Nalde, peregrinis famâ jam cognite terris,
 Quem Phœbus pater eximio complexus amore
 Edocuit citharæque modos, artemque medendi:
 Fare age quæ valeant herbarum tollere succi,
 Vel saltem lenire sitim ægrotantis amici,
 Quam mihi per cunctas paulatim didita fibras
 Ossibus implicuit nuper febricula siccis;
 Ut sive Eo nos Lucifer axe revist,

Seu convexa rubens accendit sidera Vesper,
 Irrequietus agar majori percitus æstro,
 Quàm quod Apollinæ spirat cortina Sibyllæ.
 Ergo si quis aquæ frigens mihi rivulus olim
 Visus ab aërio clivo descendere: siquis
 Muscum inter viridem gelido manare sub antro,
 Perque cavam leni vallem manare susurro:
 Quicumque insano fons fornice ductus in urbem
 Mole super tereti peregrinas explicat undas,
 Aut vulgo ignotus secretos irrigat hortos;
 Scilicet ille mihi semper se rivulus offert,
 Illius ante oculos semper stat fontis imago.
 Uritur infelix, & imagine crescit in illa
 Nostra sitis, sequiturque sitim sitis altera major.
 Præcipuè menti, desiderioque recurrit,
 Qui Ligurum saxis Tuscos discriminat agros,
 Apenninigenas inter non ultimus amnes
 Macra parens, longæva salix cui litus inumbrat,
 Cui centum herbofo pascuntur margine Cycni
 Aëra tranantes liquidum pernicibus alis.
 Illius argentes ingressi sæpius undas,
 Squalida rimofus cum Sirius ureret arva,
 Vidimus innantes vitreo sub gurgite Nymphas,
 Et manibus nexus molles glomerare choreas.
 Macra per umbriferam vallem pellucidus ibat
 Flexibus incertis, atque inter cana volutus
 Saxa, sinus omnes nudabat pauperis alvei,
 Suadebatque manu latices haurire rigentes.
 Quamquam ubi contristat cælum nimbofus Orion
 Diluviem, tonitrusque ciens; exuberat ille
 Spumeus, aggeribus ruptis, latèque Tyrannus
 In mare fert pinguem limum, quo vendicat arvis
 Litus, & antiquæ profert confinia Lunæ.
 Hæc vigilans. Quòd si fessos sopor alligat artus
 Albanos intrare Lacus, avido simul ore
 Exaturare sitim videor: nunc æthere aperto
 Impatiens æstus pluviam captare cadentem;
 Nunc per amœna sequi fugientem gramina rivum,

Bacchatosque choris Nympharum accedere fontes.
 Haud secus afficitur, cum tacta cupidinibus mens
 Æstuat, atque illam specie seducit inani
 Ambitio præceps, & amor malefuadus honorum,
 Aut æuri color, aut Erycinæ dulce venenum.
 Quippe amens agitur, ceu Baccha concita Thyas,
 Istæque imaginibus variis huc volvitur, illuc,
 Duri fiat voti rea; dum sitis ægra prehendam
 Mortiferos latices, quos gutture ducat hianti.

Tu, cui secretas morborum pandere causas,
 Et morbos relevare graves concessit Apollo,
 Nalde, jecur seu lenta meis infixæ medullis
 Pestis edit, seu lethiferi vapor igneus astri
 Inclusus venis arentia viscera torquet;
 Affer opem, ac nostro facilis succurre labori,
 Hæc ubi desierit miseras sitis urere fauces,
 Vitiferæ tractus Albæ, juga læta, revisam,
 Prataque purpureâ nuper renovata juventa:
 Plestra manu, carmenque geram; stratique per umbram
 Montis, Alexandri tecum referemus honores.

Ad Leonem Allatium V. C. ex Albano.

Alcidæ, Leo, comparande magno,
 Dum mactas calamo subinde monstra,
 Quæ fert in Latium Britanna tellus,
 Aut serpentigenæ palus Genevæ;
 Grajæ omnis Pater eruditionis,
 Cui quamquam Patria est amata Baccho
 Grajarum Chios Insularum ocellus;
 Olim cum tamen atra, edax vetustas
 Delêrit monumenta litterarum,
 (Hæc enim quoque diruet vetustas)
 Certatim tibi Patriam fuisse
 Smyrna, Ios, Colophon, Rhodosque, & Argo,
 Et Pandionis volent Athenæ.
 O Vir candidior tuis capillis!
 O vitæ mihi dulcior sodalis!

Si in ruris licet otio jocari,
 Farcimen tibi mittimus suillum,
 Distinctum spatiiis pares in offas,
 Lucani quibus indidere nomen,
 Quod fari hendecasyllabi recusant.
 Vilem, atque è trivio (fatemur) escam,
 Quam paucis emit assibus popellus:
 Anni si tamen intuere tempus,
 Et quâ facta sit arte, quo paratu,
 Inter Regificas dapes habendam.
 Hîc aromata fertilis Moluccæ,
 Hîc baccas Arabum beatiores,
 Et quidquid peregrini odoris usquam est,
 Factoris manus erudita clusit:
 Et, quod omnibus his magis placebit,
 Antiquas tibi litteras amanti,
 Sus, quæ conditur hoc sub involuero,
 Non de plebe suum est propago vilis,
 Verùm, ut hi referunt mihi subulci
 A priscis sibi traditum subulcis,
 Jactat nobilium greges avorum,
 Ac Trojana genus refert ad usque
 Clarum tempora, semine orta Porcæ,
 Quæ sub Ilíce fœta nomen Albæ,
 Et locum dedit Urbis. Extat Ilex
 Tot post sæcula posteris videnda,
 Cujus sub placida solemus umbra
 (In nos quæ Domini benignitas est)
 Venâ fundere carmen affluentem.
 Sed non hîc ego te diu tenebo
 Albæ inter monumenta, originesque,
 Ne dicas, Leo doctè: Sus Minervam.

*Ad Clementem IX. Pont. Max. ineunte Pontificatus
 anno tertio.*

Tertius ingreditur, populis plaudentibus, annus,
 Ex quo Roma tuis oscula dat pedibus.

Nescia labis eat, vota inter læta precantum,
 Et resonet festis vocibus alma dies.
 Neve illam nebulis offundat Creta laborans,
 Quæ te curarum maxima discruciat.
 Comprimet invictis Asiam Vincentius armis;
 Inque tuum vertet nostra pericla decus.
 Auspice te magni ponunt odia aspera Reges;
 Et tibi se subdunt, & focia arma ferunt.
 Europa in Cretam ruit omnis, & ultima Turcis
 Fata per Ionium, Gallia classe vehit.
 Moxque sequens tua signa, novo sub Rege, Polonus,
 Arva triumphanti Thracia vertet equo.
 Jam turpem trans Bactra fugam parat hostis, & omnia
 Ad nomen trepidat barbara terra tuum.
 Te multum ut timeat, non tam tamen illa timebit,
 Altera pars orbis quàm melioris amat.

*Ad eundem, in funere cæsorum Cretensi bello, ejus
 jussu apparatissimè celebrato in Basilica
 Liberiana.*

Dum fortes lacrimis decoras, & honore sepulchri
 Pro Latia extinctos Relligione duces;
 Rumpitur invidiâ rupes Tarpeja, superbam
 Opposito cernens surgere colle pyram:
 Majoresque dolet quòd nunc defensa triumphos
 Creta dat Exquiliis, quàm sibi victa dedit.



LUDOVICI FENAROLI

B R I X I A N I.

De Imperatore Carolo V.

MArs Caroli in Lybicas magnus dum fulminat arces,
 Victorique parat dum spolia ampla Jovi;
 In Jovi. Ultoris magnus nunc fulgurat arces
 Britonii Phœbus, facta tonans Caroli.
 O facta æterna hæc, o numina magna Deorum;
 Et Phœbi, & Martis, Britonio, & Carolo.

De eodem.

Africa dum Carolum patriis adspexit in armis,
 Belligera adspexit Numina cum Carolo.
 Mox cum Asia hunc Regem agnoscet, tunc omnia in uno
 Omnes cognoscent Numina, & imperia.
 Dum Carolum Europa adspectat victorem, & amicum,
 Pacifera adspectat Numina cum Carolo.

De eodem.

Roma olim imperio potitur dum maxima rerum:
 Omnibus illa Deis maxima templa facit.
 Nunc late Carolus dum maximus imperat orbi,
 Templa omnes Carolo maxima Dii faciunt.
 Ergo si Carolo faciunt Dii maxima templa,
 Non Carolo facient maxima sacra homines?

De Paulo Pent. III.

Carminc facta hominum vivunt, & facta Deorum:
 Et semper sacrâ vivitur historiâ.

Carmine, & historiâ vivant licet omnia semper;
At Paulo vivunt carmina, & historia.

In fontem.

Naturæ his Genius se se miratur in undis;
Naturæ inspiciens numen, & artis opus.
Huic fonti, huic Genio, huic arti mira omnia cedant;
Fontis aquæ, Genii numen, & artis opus.

Epit. Latini Veccie Romani.

Romano priscos æquas dum Marte Latinos
Romanâ ante annos morte, Latine, cadis.
Sed moriens, bello exemplum, morti addis honorem,
Romanus factis, morte, animo, & genere.

De eodem.

Romanus Latio crescens jam magnus Achilles,
Romulidum indueras arma, Latine, ducum.
Atque uno in bello, & belli in discrimine primo,
Romulidum æquasti facta ducum moriens.
Quid si vixisses? priscis obscura Latinis
Fama foret, nobis clarior, & Latio.

De Victoria Columna.

Musarum, & Christi, & rerum, Victoria donec
Nobis defuerat, gloria rara fuit.
Musarum, & Christi, & rerum, Victoria postquam
Nobis adfuerat, gloria summa fuit.
Donec erit victrix vitii hæc Victoria; rebus,
Et Christo, & Musis gloria semper erit.

De eadem cum in Monasterio degeret.

Francisco dum læta suo Victoria nupta est,
Est data dos magno gloria magna viro.
Francisco peperit Victoria læta triumphos,
Maximaque in juncto est gloria parta toro.

254 LUDOV. FENAROLI.
Sed nunc nupta Deo Victoria sacra, triumphos
Nam paritura hominum est, an paritura Deum?

De Philippo Archinto Gab. Urbis.

Romulus antiquis fundavit legibus Urbem,
Atque idem erexit mœnia, & Urbis opes,
Sed tempus leges, sed fatum mœnia, opesque
Evertere; Urbis sic monumenta ruunt.
At tu, Archinte, tuis renovas nunc legibus Urbem,
Atque auges idem mœnia, & Urbis opes.
Urbi vive igitur felix, Archinte, uti leges
Vivant, atque Urbis mœnia, & Urbis opes.

JO: FRANCISCI FERRARII MUTINENSIS.



In Principis interitum.

GAllia securo pulsanda est nunc pede tellus,
Gratia nunc Regi est plurima habenda tuo.
Hic etenim curas juvenili in corde viriles
Gestat, ut Alcides, monstraque sæva domat.
Ille tuus Briareus, tuus en Catilina parabat
Exitium miseræ, perniciemque tibi.
Dumque graves Urbi casus minitur, & Orbi,
Conatu demens corruit ipse suo.
Carolus occurrens magna virtute rebellem
Sternit, & aërii vota tulere Noti.
Immemor ille sui, furiiisque agitatus, avito
Sanguine posthabito, posthabitisque Deis;
Ceu lupo, insequitur puerum, quem jure tueri
Debebat. Regi sanguine junctus erat.

Haud

Haud rapere erubuit sua regia sceptrâ nepoti,
Nec puduit dominum perdere velle suum.
I nunc, vane dolis laudes tibi congere: nunc i,
Conde triumphali nomina vana Domo.
Rem simul, & vitam, caros quoque perdis honores,
Et patitur manes umbra superba suos.
Heu quid non misera ambitio, heu quid sævus habendi
Pectore mortali non potuistis Amor?
En belli rabies: miscentur sacra profanis,
Sanctaque Religio, pro scelus! ejicitur.
Evocæ Bacche sonant: sua pro ratione voluntas
Est cuique in Venerem plebs tua tota ruit.
Furta vigent passim, populari cuncta videntur,
Testa, urbes, arces, templaque sacra cadunt.
Omnia vexabat late discordia; rerum
Unaque non facies, non modus unus erat.
Tot mutasse ferunt dubios haud Protea vultus,
Secta recens hujus dogmata quot variat.
Sæpe eadem diversa labat sententia eodem
Tempore: quid levius commeminiſſe licet?
Abnuît, affirmat, mutat quadrata rotundis;
Affirmat, renuit, quadra rotunda facit.
Dixerat at demum, ducat sua quemque voluptas;
In Venere, & Baccho convenit una fides.
O pestem infandam, o crudelem, Gallia, pestem!
Nunc Regi plena lilia funde manu.
Trajano melior, forti similisque parenti
Hic populos summa cum pietate reget.
Hic generis priscos contendet vincere honores,
.....
Credite compertum veracibus hoc mihi signis,
Credite; nam testis jam mihi tempus erit.
Horribiles, rebus pacatis, vertet in Indos
Arma pati mollem nescia desidiâ.
Tarpejas veniet victor sublimis ad arces,
Visere clavigeri limina sancta Petri.
Fas erit antiquos iterum tibi Roma triumphos
Cernere, & Augustos, Scipiadasque tuos.

Turca ferox genibus minor hunc venerabere donis,
 Submittes Gallo colla superba iugo.
 Hujus suscipies priscos Germania ritus
 Virtute, antiquam tuque, Britanne, fidem.
 Occidet hinc serpens, hinc fallax herba veneni
 Tolleretur, pascunt pabula tuta greges.
 Mox unus pastor, mox unum fiet ovile,
 Carolus et mundo sæcla priora dabit.

In Amorem.

Huc illuc volitans se tollit in aëra summum,
 Et cœli ingreditur limina sævus Amor.
 Cunctaque despiciens prædatur, diripit ausis
 Fortibus, atque ipsis vim facit ille Deis.
 Aurea Mercurii levibus talaria plantis
 Eripit, atque arcum, casta Diana, tibi.
 Cuspide Bellonam, clypeo, cristaque comanti
 Exiit, incinctum Martis & ense latus.
 Alcide clavam, tibi que, o Neptune, tridentem
 Detrahit, & magno tela trifulca Jovi.
 Atque armis iisdem miseris mortalibus acer
 Pugnat, & impavidus bella superba gerit,
 Et certent homines, cedunt cui numina? forti
 Pectore quis superos vincere posse putet?
 Hei mihi numen Amor nulli tolerabile vires
 Occulit immensas corpore in exiguo.
 Callidus est, quamvis blandum se præbeat ore;
 Est senior, puerum se tamen arte facit.
 Apparet ridens, ridendo irascitur idem,
 Et lacrimas nostris eluit ex oculis,
 Instar habet Persæ pendentem namque pharetram,
 Et media ipsa truci cuspide corda ferit.
 Exiit ludens, lethales spargit & ignes;
 Nam manibus flammæ, queis cremat ossa, gerit
 Cunctaque perlustrat pennis velocibus, alas
 Dimovet, atque Euros ocyor antevolat.
 Omnia pervertit naturæ jura, profundi
 Hinc monstra, hinc volucres, hinc pecus omne furit;
 Te-

Tela quis illius valeat vitare; triumphum
Cum cœlo, & terris imperiosus agat?

Ad Horatium Bladum.

Te Colchus, & Dacus atrox, volucresque Geloni.

Te Rhodanum potans, te quoque discet Iber.

Ales Hyperboreos vives nitidissimus agros,

Et Lybiæ syrtes, Herculeumque fretum.

Bosphorias victor tranabis, gurgite vasto

Quasque iterum revomit dira Carybdis, aquas.

Antipodum adversas lustrabit maximus oras,

Multaque vitabit pars fera fata tui.

Semper eris, Stygia numquam cohibeberis unda,

Egregiis cresces laudibus usque recens.

Perpetuum feriet sublimi vertice nomen

Astra, tuus semper Blade manebit honos.

Eja age, care puer, ceptum decurte laborem:

Sedulus insistas, Tullius alter eris.

Ad eundem.

Mendacem dum me tua clamat epistola Bladi,

Ad cœlum quod te laudibus extulerim:

Nodum eadem solvit, Latioque referta lepore

Te meritum ostendit, me quoque veriloquum.

Ad eos, qui uxorem appetunt.

Tu quicumque voles uxorem ducere, magni

Ante oculos semper dicta Biantis habe.

Ducito formosam; inducet tibi forma timorem:

Turpis at æterni causa doloris erit.

Ad Cinciam de ejus filiola.

Ecce meas vestes, pretiosa monilia, gemmas,

Ostendens Gracchos, maxima mater ait.

258 J O: F R A N C I S C I
Thefauros vidiffe tuos sic Cincia fi quis
Optat, respondes : en mea Olympiola.

*In Insigne GREGORII XIII.
Pont. Max.*

Adspice cristati fulgentia colla draconis ,
Commisit proprium cui Deus ipse gregem .
Languentum ut Mosis sanabat corpora serpens ,
Sic noster maculas eluet ex animis .
Utque olim Pharios absumpsit dente colubros
Mutata in speciem virgula vipeream ,
Sic. Thracum genti qui nunc ferus incubat, anguem
Hic teret, atque draco præda Draconis erit.

*In Jusitiam, quæ sedebat super caput ejusdem
Pontificis .*

Cur oculos velata sedes Astra? suum ne ,
Lumine cum careas, reddere cuique potes?
Cui Dea : sufficient aures; ego lumina condo,
Ne mihi perturbent lumina iudicium .

Ad eundem .

Nomine, reque vigil sanctissime Gregori, alendas
Commisit pecudes cui Deus ipse suas,
Ut modo vidisti missos Orientis ab oris
Ante tuos ultro procubuisse pedes ,
Sic jam tempus erit, cum Asiæ regnator iniquus
Romano subdet colla superba jugo .
Vive igitur pater alme, instant majora peractis;
Nam per te Christus littus utrumque colet.

In eundem .

Vestus ut in Latium serpens Epidaurius olim
Languores pepulit maxima Roma tuos .

Sic

Sic hominum mentes ægras , animosque jacentes
 Felsinea crexit missus ab urbe Draco .
 Annua lux rediit , tibi qua dedit ille salutem ,
 Aureus & cunctis aurea sæcla tulit .
 Bis decies saltem quæso placidissima nobis
 Fulgeat hæc , cælum serus & ille petat .

In Alexandri Cardinalis Cribelli insignia .

Adspice sublimi demissa ancilia cœlo ,
 His dabitur sordes pellere Roma tuas .
 Omnia manabunt nostri sub pondere Cribri ,
 Hinc lolium infelix , hinc & avena cadet .
 Horrea tunc Christi purgatis messibus idem
 Implebit , Mundus tunc quoque mundus erit .

In malos Principes .

Projiciunt nummos , instar frumenta ferentis ,
 Dum subeunt primi regna novella Duces .
 Hæc quorsum ? populo mandant sua semina , ut idem ,
 Mox sibi cum multo sænore restituat .
 Ni ferat agricola , at non colliget , ac semel anno ;
 Una hi continuo sed satiatione metunt .

Ad Hippolytum Capilapum .

Myssorum haud valeo postremus , Juppiter esse :
 Attamen efficiunt me tua vina Jovem .
 Nam quoties Gandulfa bibo pretiosa , liquores
 Nectareos videor fugere , & ambrosiam .

In eundem .

Me Phœbo ignotum penitus , doctæque Minervæ ,
 Mirantur multi condere versiculos :
 Cumque Caballinis haud umquam fluctibus ora
 Proluerim , vatum scribier in numero .

Aonias fateor numquam vidisse sorores;
 Ignoro Phœbum, Castaliosque lacus.
 Hippolytum novi cunctis virtutibus auctum,
 Hippolytum Latio qui fuit eloquio.
 Ille, quibus scribo, dedit atramenta benignus,
 Et chartas; hinc est carmina quod facio.
 Ille mihi Pindus, Parnassus, Pallas, Apollo,
 Ille Hippocrene est, Pieridumque chorus.
 Jufferit Hippolytus, lauro dignabimur; aufer
 Obscurus fiet, si velit albus color.

Ad Achillem Statium,

Sum Davanzati gracilis Ferrarius umbra,
 Atque libens dominum persequor usque meum.
 Ille igitur, Statii, quoties cœnabit apud te,
 Ipse adero, sequitur corpus ut umbra suum.

Ad Laurentium Gambaram.

Laurenti, crines docto cui laurea cingit,
 Cujus & excultum carmen ab ore fluit,
 Quas referam grates meritis pro talibus? aut quæ
 Ferrea dicturo vox satis esse queat?
 Sit licet æterno similis tua Musa Maroni,
 Albius & palmam porrigat ipse tibi:
 Te tamen in cunctos geris æque comiter, orbis
 Te canat ut totus laudibus usque novis.

Ad Jo: Hieronymum Catenam.

Surgeret a claro quod sanguine, fors fuit illi,
 Obscuro poterat qui jacuisse loco.
 Quod fruitur natus patrio sudore paratis,
 Non illi, at parco est gratia habenda patti.
 Sed propria virtute sibi, proprioque labore
 Qui laudem egregiam, divitiasque parit,
 Ille quidem populo merito laudatur ab omni,
 Fortunæ fuerit quod faber ipse fuit.

Murice luxuriant tincta qua veste tyranni,
 Hæc eadem pecoris sordida lana fuit
 Hærentem quamvis semper gestaret eandem,
 Muta fuit semper, cernua semper ovis.
 Res sine virtute est projecta vilior alga,
 Immutat vestis nec pretiosa genus.
 Simia purpureo quamvis decoretur amictu,
 Quamvis sceptræ gerat, simia semper erit.
 Cum sapiens valeas, quæ sentis, dicere, abunde
 Cum tibi contingant gloria, fama, lepos:
 Cur mihi non liceat diti præferre poetam
 Candidulum lingua, candidulumque manu?
 Quantum humus ardenti cedit lutulenta lapillo,
 Umbra corporibus, corpora quantum animis,
 Divitias tantum virtuti cedere par est,
 Tantum carminibus, docte Catena, tuis.

IN BENEDICTUM MANZOLUM

Qui erat profecturus in Galliam.

Sic, eque, Gallorum rigidas vestire per alpes
 Manzolum, faveant Diique, Deæque tibi.
 Sic pedibus pennas addat, ut more feraris
 Pegaseo, faciles æstraque dira fugent.
 Curre precor cautus Graja en tibi creditur omnis
 Spes, decus Etruscum, & fama Latina simul.

Ad Rinaldum Corsum.

Nondum igitur satiata tuis adversa, Rinalde
 Tot fortuna malis, te mala vexat adhuc?
 Nonne satis fuerat Thysbem cecidisse tenellam?
 Thysbem, luce magis quæ tibi cara fuit?
 Nunc etiam eripiunt crudelia fata parentem:
 Proh dolor, o qualis femina deperiit!
 Matris ut ipse refert vultum, sic candida mores,
 Atque animum natis rettulit illa sui.

Tu casum, ut semper, forti fer pectore acerbum,
Mortali natam conditione memor.

Ad eundem.

Pelias, ut quondam vulnus quæ fecerat hosti,
Auxilium hæc eadem vulneris hasta tulit.
Sic stomacho, pro te scribens, dum, Corse, laboro,
En tua me subito pharmaca missa juvant.

In ALOPSIUM ESTENSEM Cardinalem.

Hospes, & Manzolus.

H. Quis novus hic splendor? quæ lux tam lucida? mirū,
Sol geminat radios, plus solitoque nitet.
M. Maximus en Heros toto notissimus Orbe
Estensis, Tyriæ gloria prima togæ.
H. Qui propria virtute micat, qui clarus avorum est
Sanguine, Dux casulas siccine tantus adit?
M. Non ideo superos veneramur, in æthere quod sint,
Nobile sed cælum Juppiter ipse facit.

Ad M. Antonium Muretum.

Pontificem ereptum meritis dum laudibus ornas,
Pendentisque tuo cernis ab ore patres:
Eadem opera tibi Marce decus, tibi gloria crescit,
Et toto nomen spargitur orbe tuum.
Nec fuerat quisquam laudari dignior illo,
Nec laudare illum dignior alter erat.

Ad Silvium Antonianum.

Æneadum splendor, Silvi, clarissima virtus
Quem volitare virum docta per ora facit:
Tene Oratorem dicam, celebremve poetam?
Nescio: utrumque tamen, namque es uterque, canam
Canam

Candidus ore, manu, siquidem tu fluminis instar
Dum loqueris, dulci diffusis eloquiis.
Tullius es, quoties scribis sermone soluto,
Æqui, paras docto carmine Virgilium.

Ad Paulum Paravicinum.

Plus hominem semper fortunæ juvit amicæ
Guttula, Palladiæ dolia quam sophiæ.
Græcia sic dixit: licet & sit Græcia mendax,
Attamen hoc verum Græcia, Paule, tulit.

In Tarquiniam Molsam.

Tarquinix similes astris ut vidit ocellos;
Urimur exclamans, urimur, inquit Amor.
Quo mihi nunc ignes? quove arcus? ipse furores
Heu patior demens, experiorque meos.
Ridebat mater puerum, sed percitus ira
Tum puer in matrem talia verba jacit.
Cede Venus, nam te per me Gradivus amavit,
Hæc me per se oculis perdidit ipsa suis.

Ad Antonium Bandinellium.

Femineos edat semper quod Julia foetus,
O mihi Theseo junctus amore, doles.
Hocque agis immerito: niveum cum sæcla pudorem
Perdiderint, omnis langueat & probitas;
Nititur illa sua similes genuisse puellas,
Aurea quo mundo sæcula restituat,

In Incendium.

Quæ fuerant vigili tandem conflata labore,
Igne ruunt, oculos dum tenet alta quies.
Quam male res cecidit; multos vix parta per annos,
Ah dictu infandum, perdidit una dies!

Ad Julium Masettum.

Quem gravi finem facies dolori?
 Quem modum desiderio, Masette?
 Ora gestabis lacrimosus ergo.

Humida semper?

Me tuis nempe exanimas querelis:
 Nocte nam tota violenter urges,
 Et die tota gemiru beatum,

Quæris amicum.

Flendus, heu, vobis cecidit Virellus,
 Flendus & nobis, pariterque Gallo
 Flendus, ac Urbi generosus, idem
 Flendus & Orbi.

Ille, cui castus pudor ille, sancti
 Cui fides æqui foror, atque nuda
 Veritas, quando similem videbunt.

Sive secundum?

Tristis excelsas pede pulsat æquo
 Principum turres libitina, parvas
 Vilis & vulgi casulas, precesque,
 Votaque temnit.

Nemo desperet meliora lapsis,
 Docte tu nosti, rotat omne fatum:
 Luce sol nigras sequitur coruscas
 Noctis & umbras.

Ad Dionysium Zanebium.

Alterum Musa tenui Maronem,
 Dulcis o Zanchi, prece me fatigas
 Ut petam, Pindi dominumque rauca
 Voce laceſſam

Scriberem vires animo obsequenti
 Si pares essent; eadem sed ætas
 Non mihi, non mens: lateo repositis
 Abditus armis.

Gam.

Gambaræ magno, metuens Apollo
 Cui pater ceter, rudis obstrepenti
 Ore concurram, veluti canoro
 Anser olori?


Labitur longas Phrygiæ per oras
 Pelle direpta, nimis insolentis
 Solvit atque ausi meritas revictus
 Marsia pœnas.

In Herculeum Ciofæum Sulmonensem.

Dicitur Augææ stabulum purgasse refertum
 Sordibus innumeris Amphitryoniades,
 At novus Alcides, patriæ nova gloria vati
 Peligno priscum reddidit ipse Deus.
 Nasoni debes, culte quod scripserit, idem
 Ciofano, mendas, Sulmo, quod abstulerit.

In Franciscam Ursinam.

Romanas ornat mira dum laude puellas
 Mutius, & lepido carmine ad astra vocat:
 Aurea & hinc Helice rerum pulcherrima fulget,
 Atque Helicen, Helicen littus utrumque sonat:
 Sentit, & indignans limis subrisit ocellis,
 Et puero Cyprius sic ait alma suo:
 Quis novus hic rumor? quæ nova: hæc forma? revertit
 Calisto, summum ducere ab axe Jovem?
 Est minor, est major, dicatur maxima Vesta hæc,
 Sideris in numerum tertia jamque volet.
 Tunc Amor: umbrosa si conspexisset in Ida
 Hanc Paris, hujus erat, non tua palma, Venus.



IN HELENAM PARAVICINAM

*Quæ ob tactum corpus enidam Sandalis
commitigavit caput.*

Troius Argivæ digitum vix iniicit, illa
Cum flagrat, Paridi dat quoque victa manus.
At Romana latus velle ut sibi sensit, acerbe
Ultrici vim vi reppulit ipsa manu.
Illa sequens, Grajum maculavit crimine nomen,
Romanum pugnans auget at ista decus.

In Jovis Quercum.

Errantes hederas ad sidera tollit Jacchus,
Et teneras myrtos Cypria laudat amans.
Herculis invicti celebratur Populus ore,
Tum Cybele Pinum jactitat alma suam.
Phœbe, canis laurum, felicem Pallas olivam,
Juppiter at veniens; quid mea Quercus? ait.

Ad Fabium Carandinum.

Quid faciam Romæ, postquam respexit inertem
Me bona libertas, quæris, amice Fabi.
Excussus propriis aliena negocia curo,
Quæ saliunt centum per caput, atque pedes,
Et sponte, & nulla penitus mercede recepta:
Quid mirum? nemo nascitur ipse sibi.
Non ego divitiis avidus postponere amores:
Utilitas vulgo præbet amicitias.

In Camillum Capilupum.

Progenerat fortem præclaro semine fortis,
Et vatem vates culte Camille creat.

Edidit ex atavis te Mantua docta poëtis ,
 Mantua Pierii gloria prima chori .
 Quid mirum est igitur, si, currens amnis ab alto
 Monte velut, ferves, largus & ore ruis ?
 Vis patris in nato : Latio nam teste Phileta ,
 Naturæ sequitur semina quisque suæ .

*In Marcum Antonium Muretum Civitate
 donatum .*

Hoste triumphato, spoliis orientis onustus,
 Dum repetis patrios alte Columna lares:
 Pro populo meritas superis Muretus agebat
 Grates, facundo maximus ore ruens .
 Admirata viri divinum Roma leporem,
 Proh, fluit eloquio Tullius alter ; ait .
 Comprobat hic Marci te nomen : verba ego rursus
 Prisca bibo, priscos audio læta sonos .
 Nec mora : Romanis adscribit civibus illum ,
 Et gremio gaudens confovet ipsa suo .
 Hunc decorat titulis , ornantem ornatus ut ornet ,
 Et Latium prisco floreat eloquio .

Epit. Virginia Tassonia .

Venturi genitrix miseræ mihi præscia nomen
 Virgineum imponit, Viginiamque vocat .
 Ardet, & invitæ frater simul acrior instat,
 Effugiam ut tædas, o Himenæe, tuas .
 Vicit Amor rationis egens, mea ille coëgit
 Subdere lethifero libera colla jugo .
 Et sum juncta viro, & suscepi denique prolem :
 A partu, ah, morior protinus ipsa meo .
 Innuptæ doceant vos o mea fata puellæ,
 Velle quod & frater suasit, & ante parens .

Epit. Magdalene Contugie.

Flete meos casus nuptæ, innuptæque puellæ;
 Fle quoque tu fortem, maxima Roma, meam.
 Illa ego quæ Paridis poteram formosa morari
 Judicium, & Paphiæ tollere mala Deæ,
 Infelix, teneræ primo sub flore juventæ
 Juncta viro, hic jaceo, proh dolor! ante diem.
 Quam male res cecidit miseræ: ferienda sagittis.
 Corda Cupidineis mors fera transfadigit.

Epit. Snarellorum.

Tres ætate pares uno sub tempore febris
 Intereunt; dominus, serva, marita simul.
 Parthenope genuit: vir Cincius, uxor Amata,
 Tertia Briseis nomine dicta fuit;
 Bis quater undenos implevit quisque Decembres;
 Vixere unanimes, unanimes obeunt
 Ter vidit junctos messis vigesima; septem
 Lustra per hæc gratum præstitit obsequium.
 Felices, quibus una dies fuit ultima, & una
 Ætas, gens, morbus, fata, sepulchra, lares.


Epit. Magnatis.


Tendimus huc omnes, hæc est domus ultima, finem
 Hanc hominum curis imposuere Dei.
 Eja agite cumuletis opes, cumuletis honores;
 Parva teget tellus hæc cumulata tamen.
 Cui modo surgebant omnes, divisque putarunt
 Esse parem: hic humili, cernire, condor humo.
 Nulli fata parent, omnes heu, una manet fors:
 Electitur ad nullas mors violenta preces.



In Obitum Alexandri Melani.

Ut mortem superi docto novere Melano
Indictam, fatis præcipiente Deo:
Extemplo magnis cælum clamoribus implent
Mercurius, Pallas, Phœbus, Amorque levis.
Quid Divum terras spoliās crudelis honore?
Eripis, heu, nostræ quidve decus Mutinæ?
Sancte parens homines nitido sine sole relinquis:
Præterea & quisquam numina nostra colat?
Juppiter hæc contra: sublimem ingressus olympum
Ille novis crescet laudibus u que recens.
Desero nec Mutinam, superest en altera Sappho
Tarquinia, illa Helena pulchrior, & Venere:
Illa decem per quam numero crevere sorores,
Additaque illa eadem Grætia quarta tribus.





ZACHARIÆ FERRERII

V I C E N T I N I .

20 02

Lugudunense somnium de Leonis X. Pont. Maximi
ad Summum Pontificatum divina promotione.

Ad Franciscum Soderinum S. R. E. Cardinal.

S Y L V A .

S Oderiniadum soboles excelsa parentum,
Atque Fluentinæ rarissima gloria gentis,
Cui Romana dedit sublimes purpura fasces,
Et Volaterranæ remanent vocabula mitræ;
Cui vivens addictus ero, cui mortuus omnis
Sacramento virtutem animi, Francisce, perennem
Sub testudineo coeunt ubi Arar, Rhodanusque,
Nocte lacunari clausus nonnulla legebam
Stemmata Semideum (ni fallat opinio) coram
Pagina monstrabat magni mihi principis ortum,
Actaque; qui functo vitam genitore subegit
Urbanum imperium, postquam suspexit in axe
Christiferæ vexilla Crucis, vocemque triumphum
Pollicitam audivit, palmamque ex hoste ferentem:
Quique salutari tingens pia membra lavacro
Dira elephantiadis pepulit contagia lepræ,
Tantaque Romuleo concessit munera patri,
Ausoniam, quidquidve cadens sol occupat, auri
Fulcimenta, decusque ingens, sceptræ, atque secures
Cæsareas, diadema triplex in vertice sancto;

At-

Atque Palatinas ædes, Bisantiaque arva
In sua delegit; quum mox invadere cœpit
Me sopor, & jussit concedere membra cubili.
Grata quies aderat; stertebant ebria somno
Gutturæ fervorum, quos cella propinqua tenebat;
Et lychnum ardentem pascebat Palladis humor.
Alta Dionæi repetebant æquora pisces
Frontibus occiduis, ariesque Ammonius ardor
Signiferæ princeps, primusque auriga coronæ
Limen Apollineis referans ingressibus amplo
Aurigerum vellus procul ostentabat olympo;
Pleiadum cœtus vicinos ibat in ortus:
Omneque sub verno nemus instaurabat honore.
Dormio. Me variis tunc ardua somnia versant
Subter imaginibus, ferrique per astra videbar,
Et rapidis sulcare leves tranatibus auras.
Efferat a terris plusquam juga Pelion alta
Elevet Æmonii, Othrisque, & Pyndus in arvis.
Transeo perpetuis frigentem algoribus oram
Aëris, unde cadunt tenues in gramina rores;
Atque pruinoso tellus canescit amictu;
Qua fera larvarum illuvies ex æthere pulsa
Truditur assiduis tenebris, & carcere cæco.
Qua Notus, & Boreas æterno murmure certant;
Atque cident nimbos, tonitruque, & fulgure verrunt
Nubila, sulphureæque ruunt in fulmina petraë,
Et qua cæruleis grando de nubibus exit,
Hibernæque nives celsas sparguntur in alpes.
Accipit æthereos hic pars elatior ignes.
Sideribus tractos ima a tellure vapores
Huc accendit, & in varios ea flamma cometas
Format, & insolitos didicit portendere casus.
Illæsus penetro non exurentis apertum
Ignis iter; recipitque suo me Delia circo;
Quæ sub Agenoreo deducens cornua tauro
Irrorabat aquis terras, pontumque movebat.
Non potui satis admirari ut sideris orbem
Tantæ molis ego aspexi, cui parva videtur

His brevibus terræ spaciis existeret formæ.
 Reddidit astrorum motus Pæana sonorum
 Auribus, & sonuit toto symphonia cœlo;
 Ac suspensa diu tenuit præcordia cantus.
 Inde per Hermetis fulgentia limina grati
 Ascensus patuere. Hilari me suscipit ore
 Sydus, & immenso tonuit rota lucida plausu.
 Mite salutavi jubar. O salve optime, dixi,
 Rhetor, & ingenuæ linguae facunde magister.
 Influis ingenii tu vim, facis ora diserta,
 Quæ moveant lapides, & viscera cruda ferarum
 (Nedum hominum sensus, humanaque pectora) tu fers.
 Nectar in Eurotam, dulcemque Heliconis in undas
 Amorosiam, laureta tuo spiramine Delphi
 Tollit, & in placidum carmen prorumpit Apollo
 Te Ciceronæi patres, te sancta Maronum
 Agmina, te sacri sophiæ venerantur alumni.
 Auspice te suave cantavit Lesbia virgo,
 Hero didicit furas redimire cothurno
 Te, Colophone, satus; sylvas Æagrius Orpheus
 Traxit, & Andinus validis sua carbasa ventis
 Explicuit vates, magnumque tetendit in æquor.
 Te Phereciadiacam navavit Tullius artem
 Remige; & orandi varios Demosthenis ausa est
 Lingua per anfractus altum transmittere pontum.
 Nicomachi proles acie penetravit acuta
 Te duce quidquid habet rerum natura latentis;
 In Superosque parum referens sese altius illo
 Divus Aristocles plura e cœlestibus hausit.
 Hæc tibi concessit summus dominator olympi
 Munera, & his titulis inter tu sidera præstas.
 Jure tuas igitur laudes cantare tenemur,
 Et tua jucundo decernere lumina vultu.
 Hæc ubi dicta, hilari Cyllenius annuit ore.
 Scando magis Sese Venus obtulit aurea nobis.
 Alipedes urgebat equos Hyperionis alma
 Progenies; cui se jungens Erycina venusto
 Ore serenatam spargebat in æquora lucem;

Et

Et vitreos stillans in Gallica rura liquores,
 Et violas ab humo ducens, & ab arbore flores
 Restituebat opes, redivivaque pascua campis.
 Exupero Paphiæ gyrum, Phœbæaque tecta
 Ingredior toto lucem spargentia cœlo.
 Admirande nitor, mundique amplissima lampas,
 Inquo, quæ obliquo numquam discedis ab orbe:
 Atque viam rediens observas semper eandem
 In medio Cœli ceu rex geris aurea sceptrâ,
 Et nocturna tuis splendoribus imbuis astra.
 Tu vitale decus, tu lux, tu regula rerum.
 Sic pater omnipotens voluit, sic maximus auctor
 Instituit; profers tu semina, & entia servas.
 Ipse salutarum mittis medicamen in herbas.
 Te duce Phyllirides componere pharmaca novit,
 Anguiferusque senex ægris inferre salutem.
 Plectere dulcisonos docuisti Amphiona nervos
 Tu pater Aonidum Delos tua, Cirrha, Rhodisque,
 Sunt tua odoratæ Tempe suavissima Daphnes;
 Est tua Dircei doctissima gloria saltus.
 Quidquid habet Delphi, quidquid Cynthi ardua rupes
 Sunt tua Traicio vati tu plectra, lyramque
 Formasti, fidibusque melos cœleste dedisti.
 Exeo Tymbrei domibus, tendoque cruentas,
 Confectasque diu tabo Mavortis ad ædes.
 Sanguineas vidi hic flammâs, vultusque minaces;
 Armaque multiplices cito portendentia mortes
 Christigenum, cæsisque ex undique & oppida, & urbes
 Plena cadaveribus, maculatos sanguine campos,
 Et vada purpureo late stagnata cruore,
 Sicut apud Cannas, veluti Trasimena per arva,
 Sive Placentinas Trebiæ labentis ad undas
 Æneadas, Tyriosque inter certamine facto.
 Insonuisse meis visæ sunt auribus atræ
 Plangentum voces sua mortua pignora matrum.
 Obstupui tremefactus ad hæc spectacula, & alsit
 Spiritus, obrigit sanguis, mens horrida mansit.
 Vividus abscessit color, & vox faucibus hæsit,

Non secus ac quando quisquam per inhospita solus
 Exerrat spelæa, videns insurgere contra
 Se scytalem, aut lepas, vel guttura sæva draconum,
 Territus exhalat gelido de corpore vires.
 Eminus aspexi quorsum me vertere possem,
 Ut fugerem tristes accensi saceris iras,
 Atque oculos alio tanta de strage referrem.

Occurrunt steriles spaciofo in vertice campi,
 Quales circa Æthnæ combusta cacumina degunt,
 Qua Sicanus ager tumulos portendit in æquor,
 Sive in arenosis Libyci regionibus Austri
 Æthiopum effœtis torrent ubi solibus arva.
 Huc ego secessi plorans immania fata
 Martis, & Oenotrias Bacchantia bella per oras,
 Non habitura adeo finem, metamque propinquam,
 Ceu pensat discursus iners, & opinio fallax.
 Italiæ casus, & longa piamina flebam;
 Ceu quando amissam dumeta per invia Tisbem
 Pyramus ingemuit sortem miseratus amicæ;
 Aut quando Andromachæ extincti super Hæctora flevit;
 Sive super Priami funus mæstissima locrus:
 Atque super Solymam vates Helchiacus urbem.
 Mos erat Aufoniis numquam trepidare; sed hostem
 Insequi, & in pugnas animis præstantibus ire.
 Nunc fera barbaries Italum nil pendere Martem
 Audet, & Italidæ, soliti superare, fugantur,
 Feminæ genus effecti, seu corda pavori
 Dedita. Nam propriis olim qui viribus orbem
 Vicere, utuntur peregrino milite, quando
 Nunc opus est moto patriam servare duello
 (Proh pudor!) impatiens ægit discordia nobis
 Hoc funeste malum, & vindictæ effræna cupido.
 Adde, quod & scelerum vindex Deus omnia iusta
 Pergere lance finit, dignoque nomismate solvit.
 In nos, o superi, qui tam diuturna movetis
 Prælia, sat juimus tanto jam funere culpas;
 Atque amissarum tanto discrimine rerum,
 Tam longoque metu; peregrina per arva vagati

Sat fumus, ut puppis variis impulsa procellis
 Huc, illucque Notis, Euris, Zephyrisque sinistris.
 Parcite, & ah tandem generis miserescite nostri.
 Sic ibam tristis nullo solamine fultus.
 Dumque acies verto, si quem decernere possem
 Qui mihi anhelanti, pavidoque levamina ferret,
 Quattuor hic vidi nymphas; quarum una seorsum
 Sola sedebat, & ingenti mœrore sepulta
 Esse videbatur. curisque immersa profundis.
 Tres aliæ junctæ simul, atque reciproca verba
 Miscentes ibant hilares per inertia prata.
 Una inter geminas (quæ formosissima) claro
 Murice splendebat, gemmisque insignis, & auro
 Præcedebat iens, & jucundissima vultu
 Sæpius in nostram figebat lumina frontem;
 Inde etiam prospexi aliam, cui venter obesus,
 Triste supercilium, frons impia, & uvida membra.
 Quinta erat, & volucro nivei velaminis acta
 Cingebat sublime caput, gressuque citato
 Jungere se reliquis tentabat forte puellis.
 Hic animo suspensus eram, cupidusque petendi,
 Quæ nam quinque forent hæ, cur & bella perhorrens
 Feminæ coleret Mavortia limina sexus,
 Quid quoque tam diræ clades inferre volebant,
 Qui mihi narraret, cupiebam offendere quemquam.
 Nec mora, de clivo senior veniebat aprico:
 Cui facies herois erat, cui maximus ori
 Splendor, & ætherius decor, ac cœlestis imago:
 Byssina erat chalcasis: circum zona aurea renes.
 Circum colla ibat gemmis ditissima torques,
 Præcinctasque super vestes hyacinthina palla:
 Plurima canicies mento: Peneia laurus
 Stringebat niveam permixto bacchare frontem:
 Stellabatque manu nitido carbunculus ore.
 Majestate viri attonitus, nilque ausus eunti
 Appropriare pedes, sisto, & vestigia figo
 Ille in me vertens obliquo tramite gressus
 Talibus incœpit mox compellare loquelis:

Heus, o Pieridum cultor, divumque minister,
 Qui tua divinis cessisti tempora chartis.
 Et superum sanctis didicisti accumbere mensis
 Terrenæ non molis adhuc, & corporis experts;
 Quid pavitas, & cur tanto mœrore teneris?
 Neu metuas, tantumque animi deponere dolorem.
 Nam licet immites irato ex æthere mortes,
 Infaustosque dies homini Mars ipse minetur
 Terrigenum pravis id deposcentibus actis:
 At fator omnipotens, cujus clementia major
 Criminibus cunctis contra hæc incendia, & œstrum,
 Aspectusque graves, bilem, influxusque malignos
 Protulit ardentem stellam, sydusque benignum
 Nuper, ut ætherium virus, dirumque furorem
 Placet, & a terris Cœlerum eliminet iras.
 Pontificem summum (quia jam migraverit ægris
 Julius e membris senio confectus, & annis)
 Delegere poli de tot mortalibus unum,
 Qui mira probitate animi, ac ingentibus ausis
 Temporis exigui post intervalla Latinas
 Pacabit terras, longave quiescere potiri
 Efficiet, votumque omnes connectet in unum
 Christigenum mentes, & conciliabit amorem
 Perpetuum populos inter, regesque, ducesque,
 Et quamvis talus scelerum purgare manentes
 Reliquias expectet adhuc; hæc omnia cedent
 Februa ad æternæ tamen incrementa salutis.
 Post longas hominum clades diuturna videbit
 Gaudia pacifera, jucundaque tempora vitæ,
 Excussoque jugo, duraque tyrannide gentis
 Barbaricæ, stabili sub libertate manebit.
 Sicut quando Notus piceo velamine totum
 Cœlum operit, longosque pluit de nubibus imbres
 Sive agitans Neptunus aquas spumantibus undis
 Prolixo insequitur titubantes impete nautas;
 Quando serena redit lux, & tranquilla quiescunt
 Æquora, fixa manent, & multo tempore durant;
 Sic longos gemitus sequitur diuturna voluptas.

Pax optata diu toto firmabitur orbe :
 Nullibi stridentes litui, non arma sonabunt :
 Omnibus applaudet dulci concordia vultu :
 Martia in herbifecae redigentur spicula falces :
 Et fodient segnes incurvis ensibus agros
 Ruricolæ, tutusque ibit gravis ære viator .
 Ista senex ; cui dum vellem me flectere curvis
 Poplitibus, vetuit, iussitque incedere secum .
 Dive senex, qui læta mihi fers nuncia (dixi)
 Te supplex exoro, tuum mihi pandito nomen ;
 De quibus es superis, & qua statione potiris
 Inter cœlicolæ (ni te hæc mea cura fatiget)
 Quid sibi quinque velint nymphæ, & tot cæsa virorum
 Corpora ; quæ cuncta hæc vidi Mamertis in ora
 Declarato, meisque rogo, pater, annue votis .
 Ille alacri vultu dedit hæc responsa : Fatebor,
 Huc ego ad hoc veni pulchro de limine divum ;
 Magna senescentis dicam miracula mundi,
 Et tibi narrabo per plures singula partes .
 Ipse genus, nomenque meum, patriam, studiumque
 (Postquam audire libet) referam prius : inde Gradi
 Visa per ardentes acies ex ordine pandam .
 Est natale solum mihi Tusca Fluentia rubro
 Flore nitens, jucunda situ, spectabilis Arno :
 Aligera de gente satus civilibus armis
 Exilium tolerare, domoque exire coactus
 Pluribus erravi terris peregrinus, & hospes .
 Ille ego sum Dantes, cui plena Aganippidos undæ
 Pocula miserunt ; & cui vernacula ab alma
 Phocide venerunt faciles in carmina Musæ .
 Regna peragravi Senonum : gymnasia vidi
 Cecropydum devecta ab agris in Parrisorum
 Mœnia Sequanicis undis præclara : duobus
 Pontibus excelsis insignia, & hospite multo .
 Alta ibi proposui problemata, disseruique
 De rerum natura, & transcendentibus astra ;
 Quæ sunt humanis oculis abscondita prorsus .
 Scripsi ego de superis rebus : scripsi entia mundi,

Quæque sub incurva cœli testudine degunt.
 Et Phlegethontæos amnes, & Tartara regna,
 Pervia quibusdam concessio ex inde regressu,
 Pervia nonnullis sine spe, sine lege recessus.
 Ipse monarchæam dicens fore Cæsaris unam, &
 Terrenum imperium nil dependere Latino
 A patre, qui toto Christi vice præsidet orbe,
 Erravi (tamen absque dolo) multisque diebus
 Ante mihi, quam se facerent empyrea testæ
 Cognita, & intrarem secreta cubicula divum
 Tenareis arsi Cocyti in limine flammis.
 Applicui tandem post longa pericula tuto
 Littori, & in placido solvi mea carbasa portu.
 Aureolæ sociata caput mihi laurea cingit;
 Aureaque immensum superaddunt ferta decorem,
 Quum fruar æterna supremi numinis aura,
 Et liceat semper divinos cernere vultus.
 Talia dicebat. Rumpens ego verba loquentis
 Vertice nudato dixi: sanctissime vates,
 Qui studiis tantis cœleste cacumen adisti,
 Parce precor, si te fidentius alloquar; unum
 Sciscitor; en superi, quando de limine cœli
 Exiliunt, videant semper magni ora tonantis.
 Neu dubites (inquit senior) nam quum sit ubique
 Ipse Deus præsens, & contemplabilis omni
 Spiritui, quem summus apex attollit olympi
 Inter Cœligenas; quocumque inceserit expers
 Numquam erit intuitus divinæ frontis, & usquam
 Haud jejunos erit dapibus cœlestis eduli.
 Sed redeamus ad inceptos ex ordine versus;
 Quandoquidem tali causa descendimus ad te.
 Progeniem, nomenque meum, vitam, atque penates
 Audisti brevibus dictis. Ad mystica signa,
 Quæ modo vidisti sermonem extendere fas est.
 Non ego Persephonem raptam, non Phyllidis ignes,
 Non Cypriæ formam, aut Tyriæ Didonis amores:
 Non ego Pasiphæ coitus, non ora Medusæ
 Contexam; sed nota dabo mysteria certis

Circumscripta modis, & demonstrata figuris;
 Quæ incepere tuis e magna parte diebus.
 Quinque puellari vidisti in cyclade nymphas;
 Quarum sola sedens una est, atque anxia curis.
 Tres incedentes hilares; lætissima vero
 Quæ præcedit, & in medio pulcherrima vadit.
 Quinta procul veniens reliquis se unire laborat
 Circumsepta caput lino, ventrosa, severa.
 Quamvis tota tribus discreta est machina terræ
 Silicet Europæ, Libyes, Asiæque lacertis;
 Magna tamen synodus Romano accita parente
 Omnibus e mundi patribus sub quinque redacta est
 Gentibus; ut paribus zonis secernitur orbis.
 Quattuor occiduae: Ausonia, & gens accola Rhæni
 [Quamquam sit potius septem connexa trioni]
 Gallia, & Hesperiae regio, quam dicit Iberus;
 Quinta resurgentis Phœbi signatur ab ortu.
 Omnes æquali sunt religione sorores
 (Degenerare licet voluit pars maxima quintæ
 Sub Machometæis delusa erroribus olim,
 Atque salutiferæ facta adversaria legi)
 Quæ mœret disjuncta sedens est Gallia, quæ nunc
 (Quamquam tota simul non. sed pars infima tantum,
 Quæ trahit inviti secum moderamina regni)
 A reliquis divisa manet sub schismate facto.
 Illa opus incœptum cernens subsistere nullo
 Robore, & a superis explosum, cogitat unde
 Palliet errorem, quodamve colore reperto
 Sit sine dedecoris macula, & se jungat ovili;
 Unde recessisse est sine portu, & remige, & urſa
 Incertum per iter dubio se credere ponto.
 Adde quod & cuneis hostilibus undique pressa
 Languet, & immensas premit alto pectore curas.
 Talia narrantem obstupui, digitoque labellum
 Compescens habui tremulum sine sanguine pectus;
 Dissimulo tamen, atque tego ficto ore timorem.
 Dicta sequebatur senior, seriemque loquendi:
 Tres aliæ (dixit) quas æquo incedere gressu

Aspicias : Italia, & Germania, & Hispalis ora
 Cognomenta ferens sunt. Uno fœdere junctæ
 Relligionis agunt cœtum, generaleque patrum
 Concilium, qua sunt Laterana palatia sancto
 Præsîde Pontifice, e totoque petentibus illuc
 Orbe sacerdotum turmis Roma undique plena est.
 Quæ reliquis præstat mediumque habet inter utramq;
 Læta gradum, rubicunda genas, & eburnea collum,
 Luminibus Phœbo similis formosior omni
 Tyndaride & Pandora omni, Phrygiaque Cybelle
 Comptior Europæ caput est Oenotria. Gestit
 De Pastore novo, quem sub felicibus auris
 Montibus Etruscis genuit de mœnibus altis,
 Stemmata de prisco, clara de stirpe parentum,
 Nostra Fluentinis ubi ridet patria campis.
 Illius auspicio, studiis, sapientia, & astu
 Sperat ad antiquum quandoque redire decorem,
 Atque triumphales arcus, altosque colossos,
 Ceu rerum dominos quum pax augusta Latines
 Fecerat, & domiti tenuere cacumina mundi
 Romulidæ, legesque dabant terraque, marique,
 Ac ferus Aufonium trepidabat barbarus ensen.
 Quinta caput nivæ præcincta volumine vittæ
 Fronte superba, ferox ciliis, & corpore turgens
 Est Agarenorum deleta Ecclesia sectis,
 Quæ Libyes, Asiæque lares amplexa, sinumque
 Exiguum Europæ, qua sunt Bizantia sceptrâ
 Et Graii pars illa soli, quam nominat Helles
 Mundæ olim vitæ meritis, & sanguine sparso
 Undique diffusum Christi illustrabat ovile,
 Et sophiæ miros late exhalabat odores.
 Nunc patiens servile jugum, ritusque nefandos
 Relligionis inops, mores induta ferinos,
 Terrenis inhians opibus, vitæque futura
 Immemor, incumbens ventri, luxuque sepulta
 Dedicidit superos, sanctæque oracula Romæ.
 Attamen ipsa brevi reliquas aditura sorores
 Assiduis curis, & sedulitate medentis

Pontificis; cui luce nova congaudet olympus,
Evomet imbibitum virus, pellemque vetustam
Exuet, atque sacro nocuas in flumine sordes
Abluet, & supplex Christi concurret ad aras.
Roma tamen purganda prius, postrema moratur
Quanto tarda magis, tanto graviora flagella.
Jam puppes, & vela parans Othomana propago
Accelerabit iter, veniensque in Martia testā
Sacrificæ tollet scelus, & contagia gentis
Cæde gravi (ni forte aliud sententia cœli,
Quam mutare solet clemens aliquando magister,
Afferat, atque velit fatis melioribus uti)
Congeries cæorum hominum, lamenta, cruores
Visa per hos campos illa infelicia signant
Funera, & infâustos urbana per atria casus.
Quod si forte manus districti judicis æquo
Diuget arbitrio, & condigno verberare noxas,
Pater ab excelsa Roman qui temperat arce
Innocentæ vitæ meritis ter gratus olympo
Virgineas sine labe manus in sidera tolliet,
Et debacchantem sedabit in urbe furorem.
Moribus angelicis teneris imbutus ab annis
Alter erit Pæan, nitido qui lumine mundum
Illustrabit, & ut Romana piacula finem
Accipiant, miris Machometia fœdera signis
Destruet, & faciet sanctos assuescere ritus.
O felix sine fraude parens, sine crimine præsul;
Quem favor humanus, seu vis, seu munera nusquam
Sive preces nusquam solii ad fastigia tanti
Provexere; sed illapsus de cardine summo
Spiritus inflammans animos, & pectora lustrans
Egit, ut eligeret votis concordibus omnis
Purpureus te cœtus habens præ lumine solum,
Et præ mente Deum te vix adhibere volente
Consensum, nutusque tuos, nique ardua patrum
Sollicitudo, preces instantes, ipsaque mundi
Utilitas, commune bonum, spiramen olympi,
Sanctæ Paracleti vis, & manifesta voluntas

Principis ætherei (cui fas se opponere non est)
 Te persuasissent caput inclinare pudicum
 Ipse tuis molem hanc humeris assumere nusquam
 Ausus eras, quoniam fatis intolerabile pondus.
 Non amor hæc fari patriæ, non ulla libido
 Cogit adulandi. Mortali e corpore liber,
 Et sæcura tenens loca summo in culmine mundi
 Nil peccare queo, nil vinci a sensibus ullis.
 Nam virtus augusta tenens in principe tanto
 Æternum hospitium sola est, quæ prodere mandat
 Illius & dotes nos, & præconia laudum.
 O fauste Antistes, cui tellus parer, & æther
 Dulciter aspirat, sophiæ cui maxima cura,
 Cui noctu, atque die lac porrigit Attica Pallas:
 Cui nunc Stoa novos dat, nunc Academia census:
 Cui Grajæ, & Latij præstantia maxima linguæ:
 Cui numeri, & vocum concors discrimin in usu:
 Cui ratio, & causæ. cui cuncta sophismata clarent:
 Cui Cœli spectare vias, & sidera notum.
 Cui visi patrum annales, mundi quæ graphia:
 Cui Pontificiæ leges sunt, Cæsareæque:
 Cui scitabilium suprema peritia rerum:
 Cui jucunda ferunt castæ solatia Musæ:
 Cuive (quod est majus) suavissima pagina divum
 Perpetuis adhibet vitalia pabula mensis.
 O fortunatam tanto sub præside Romam
 Quo duce schismaticus passim delebitur error,
 Et Romanus apex solitos rehaerebunt honores.
 Quo duce religio toto reparabitur orbe,
 Atque per Eoas procul amplificabitur oras.
 Quas ibi vidisti, quinque in consortia nymphæ,
 Atque sodalitiis fœdus jungentur, & unum
 Sub pastore uno late confurget ovile.
 Ipse pedo minabit oves ad pascua læta
 Pastor, & exertis languentes colliget ulnis;
 Nec sinet in miseris sævire Lycaonis ora,
 Hunc decus e cunctis in pleno flore juventæ,
 Non senio attritum, non morbo ascivit inertæ,

Quo

Quo satius valeat vastos tolerare labores,
Quos tantus deposcit apex, & robore verno
Protrahat in longum felicia secula tempus.
Sedibus e summis oriuntur semina pacis,
Jucundique dies cœlo panduntur ab alto
Aurea nunc ætas, & felicissima current,
Qualia Saturno fluxerunt sidera rege.
Dixerat hæc vates; quum mox prorumpere cogor
Lætambundus in hæc pleno jam pectore dicta:
Sat, pater, audiui: sat pendeo ab ore loquentis;
Parce: ego conceptum nequeo compescere verbum.
Cuncta habeo quæcumque mihi narrare tulisti.
Immensas habeo [nitarque rependere] grates;
Sed rogo, neu suspensa diu mea vota teneto.
Conscia fama meas jamdudum perculit aures,
Ut valetudinibus Lethem potarat Julus.
Ast in sede patrum quis sit suffectus eidem
Ignoramus adhuc, quoniam distamus ab urbe
Longo interstitio; tamen ut perpendimus ipse,
Cui datur e superis spectare hæc omnia cœlis,
Pontificem factum quali sit nomine dictus,
Qua de stirpe latus: titulos, & culmina nosti.
Sat memoro patriam: memoro fastigia morum.
Et virides annos; superest ut cætera prodas.
Pande, precor, nomen, genus, & vocabula certa.
O felix, quicumque ille es, Romane sacerdos,
Et patres longe ante alios dignissime Pastor,
Qui meritis tantis, qui tot virtutibus inter
Pontifices primos, velut inter sidera Titan,
Ætherio splendore micas, & lumine pleno.
Vix ego te humano credam de semine cretum,
Cui tot olympiacas tribuerunt numina dotes.
Tu vetus excludens ævum nova sæcula portas;
Te tua, te ventura olim mirabitur ætas;
Et tibi perpetuis ardebunt ignibus aræ,
O mihi, si tantum liceat cognoscere lumen!
O mihi, si pedibus detur oscula figere sanctis,
Divinosque tui vultus, atque ora tueri!

O mihi, si genesimque tuam, seriemque tuorum
 Decantare semel liceat, describere gesta,
 Herooque tuas contexere carmine laudes!
 Ita ego dum farer dum præ dulcedine mentis
 Lumina rorantur fletu, lacrimasque cadentes
 Ex oculis admota inter sudaria sicco;
 Illico me senior clementi fronte tuetur
 Apprensamque manu magis in sublimia ducit
 Sidera, & his una dictis affatur euntem:
 Altius [at nihil expaveas] conscende, novumque
 Pontificem monstrabo tibi, cui stellifer orbis
 Latius aridet, totusque applaudit olympus.
 Scandimus auricomos ignes; placidumque nitorem,
 Pacificumque jubar Jovis, & venerabile fulmen.
 Vidimus hic pallere procul Saturnia testæ,
 Falciferique senis tremulas sine robore palmas
 Ante pedes curvam sensim deponere falcem.
 Suspensis [ajebat vates mihi] fidus adunca
 Arma ferens noxas paulatim amittere vires?
 Hoc facit aspectus veniens a fulgure nato,
 Atque novi influxus, objectaque lumina stellæ,
 Stellæ inclementes abigentis ab æthere flammæ.
 Vidimus innumera splendere hinc lampade cælum,
 Vidimus obliquo duodena animalia circo
 Post Elicem conversa caput, cristallina longe,
 Quæ circumclaudunt curvato limite mundum
 Aspicimus nitidam glaciem referentia claustra,
 Unde sua ætherei capiunt exordia motus
 Ex Austro in Boream tendens hæc machina secum
 Demovet inclusos forti molimine cælos.
 Qua Jovis aula sita est, offert se regia nobis
 Ardua, cujus apex multo spectabilis auro,
 Sculptus imaginibus, varioque, marmore pictus
 Hac virides intrare sinus, & prata videmur,
 Amplaque Panchæis fragrantia odoribus arva.
 Florea se ostentant gratis spectacula campis,
 Atque insigne nemus; cujus peregrina comantes
 Poma colorabant variato cortice frondes.

Hinc

Hinc arbuta sonant volucrum lætissima cantu,
Inde susurrantes veniunt e collibus amnes.
Tantus erat decor arboribus; tam mira venustas
Alitibus, rivis, & florescentibus agris
Ut nemus Hesperidum, & Phæacum regia Tempe,
Elysiæ sinus, & Thessala rura, vel ipsæ
Insulæ in Oceano prope littora Atlantica Mauro
Cessissent. Mirabar uti in sublimibus astris
Terra foret, fluerentque vagis super orbibus undæ
Neu mireris (ait senior) sunt mystica cuncta
Mirificis ostensa modis tibi. Maxime vates,
Dico, ubi Romulidum quem vis ostendere Pastor?
His ne locis errat? tam pulchra ne circuit arva?
Pande mihi (nisi scire nefas) optata Latini
Ora patris, seu si qua hic illius aula doceto.
Visum egomet pergam, nec sollicitudine tanta
Forte laborabis tu, nec calcaribus istis
Angar ego (expectare diu mihi pondus acerbum)
Ferto parum (mens agebat dux) ibimus ambo.
Nam sine me nusquam esse potest tibi semita nota.
Non labor est quod eam tecum, sed summa voluptas
Cœlestes etenim mentes operando quiescunt,
Cassari nequeunt, quia carnis pondere nudæ.
Jam sumus in portis, & limen habemus apertum.
Ibamus celeres, & dum loqueremur eundo,
En procul apparent excelsa palatia summis
Fastigata jugis, vallataque mœnibus altis.
Ardua sublimes attingunt sidera pyrgi
Cuspidibus, rutili lucent in turribus ignes,
Et cava multifonis gaudent tinnitibus æra.
Omnis ager gestit, fieri tuor undique plausum.
Quid, pater, hæc signant? (dixi) cur copia tanta
Lætitiæ? Cujus sunt hæc amplissima tecta,
Tam pulchra aspectu, & pinnis turrita superbis?
Pontifici dat festa novo nunc gaudia Roma,
Ille ait; insignes ipse pater incolit aulas.
Sunt Vaticani (si respicis) atria montis.
Huc ascende parum, saxo spectabis ab alto.

Ecce leoninis circumdata limina muris,
 Quæ Constantiades ut Martia sceptrâ recepit
 Clavigero posuit levi de marmore Petro.
 Ecce super Tiberim quam pulchra Adrianica moles;
 Et quantum Tarpea levant Capitolia frontem,
 Et juga bifronti quondam gratissima Jano;
 Dorſaque Aventini phano celebrata Dianæ:
 Cœlium, & Exquiliâs, dictumque a vimine collem,
 Amphitheatrales circos, geminasque columnas:
 Et Pallantæum Evandri memorabile prisco
 Herculis hospitio, bobusque a Gadibus actis:
 Et mirum Agrippæ magna testudine templum,
 Et loca Naumachiæ, ductosque per aëra rivos,
 Metam, atque a testis sortitum nomina montem.
 Aspice; tu ne viden pileatas ire catervas
 Pontificum; tot equos ardenti murice stratos,
 Aurea frena, superque sedere in vestibus amplis
 Longa togatorum seriatis agmina turmis?
 Tu ne audin clangore tubas, & tympana pulsu
 Reddere multiplices partito carmine cantus,
 Atque Quirinales sua post vexilla senatus
 Tendere sacratas magni Pastoris ad ædes?
 Jam video (dixi) sed nota insignia cerno,
 Cerno rubras splendere pilas [ni fallar] in auro;
 Et tria ferta super binas innectere claves.
 Hæc Medices fert signa domus, domus inclita natu.
 Forte ne Joannes, teneram cui purpura frontem
 Cinxit, ephebœis quando degebat in annis
 Candida Romanæ subiit fastigia mitræ?
 O nos felices, si vera insigne fatetur!
 Vera fatetur (ait vates) vera esse videbis.
 O superi (clamo) faustos qui inducitis annos,
 Hoc opus est vestrum, vestra hæc sunt munera, divi.
 Hactenus infesto qui dudum elanguit astro
 Gressibus incipiet labi melioribus æther.
 Sed (rogo) sancte senex, quia nil ratione carere
 Debet; quid signant sex dona rubentia, & aurum?
 Aurum fœdereos (ait) effigiando nitores

Fert

Fert illustre genus veluti cœlestis origo.
 Sexque pilæ, quod eis sit sphærica forma, figurant
 Immortale decus. Nam sex ætatibus omnis
 Vita hominum currit; sex sæcla rotunda voluble
 Omne ævum peragunt [si vera oracula patrum,
 Omnia, quæ existunt, sex sunt patrata diebus.
 Spiritibus cunctis seraphin præstantior alis
 Sex regitur: senis gradibus Salomoniam sedes
 Scanditur: ætherei sunt ad convivia regis
 Sex hydriæ. Stat parte sui perfectus in omni
 Hic numerus; quoniam ex tribus, atque duobus, & uno
 Constat, & æternum quid, & indelebile monstrat.
 Purpureus color insinuat, quod fortia corda,
 Intemerata fides, pietasque innata parentum
 Tanta vigent, ut pro seu religione tuenda,
 Sive fide servanda, etiam nil parcere vitæ
 Præsto adsint, & sanguineo nil cedere letho.
 Magna fuit Medices insignis, & alta propago
 Semper, & innumeros ampla de stirpe nepotes
 Edidit eximios vel religione, vel armis,
 Aut sophia, qui bello acres, qui pace potentes,
 Qui sua principibus partiti pignora sancto
 Connubio ad commune bonum nati Herculis instar,
 Æternum meruere decus, viridesque coronas.
 Florida pace fuit, fuit & clarissima bello
 Nil prædæ meditata, nihilque tyrannidis ausa,
 Qualis apud priscos gens Æmiliana Quirites.
 Quanta fuit Cosmæ, & genito prudentia Petro;
 Quantus erat Petri soboles Laurentius alma,
 Pontificisque parens, & gloria gentis Etruscæ;
 Qui nedum patriæ pater, ast & totius orbis
 Et pater, & princeps, & dux erat, atque magister?
 Plena manet tellus, sparsæque per æquora moles,
 Ille erat irato communis ab æquore portus:
 Ille erat adversis commune in rebus asylum.
 Talia narrabat senior, quum intrare videmur
 Pontificis magno spaciosum in limine campum,
 Qua populi ingentes strepitus, confusaque vocum

Congeries alte veniam, sanctumque Leonem
 Acclamant, passimque Leo Leo fertur ad auras.
 Quid sibi vult hoc, dive senex? Quid vociferantum
 Rumor ubique Leo, dixi, Leo sidera pulsat
 Undique, & infantes, juvenesque, senesque Leonem
 Ore ferunt? pastor ne novus Leo for e vocatur?
 Immo, ait, accepit felici hoc omine nomen.
 Namque fuere novem Romana in sede Leones
 Præter eum. Prior Etruscus, qui numine plenus
 Vandalicas placasse iras, odiumque tyranni
 Fertur ubi Erydani jungit se Mintius undis.
 Bis Synodum magnam vasto concivit ab orbe,
 Custodire facit signata cubicula fratrum
 Ossa sepulta Petri, Paulique sub arcubus isdem.
 Uno & viginti sedit feliciter annis.
 Musicus insignis sricula de gente secundus
 Centu meliore hymnos, sanctique prophetæ
 Carmina digessit: Simona exclusit ab urbe;
 Effecit Romæ tumidam parere Ravenam;
 Dulceque & eloquium, facundaque scripta reliquit
 Ille decem tantum vitali mensibus aura
 Culmine suscepto potitur, brevibusque diebus
 Ægit, quod multos aliqui fecere per annos.
 Tertius e Latia satus urbe, pudicior omni
 Hippolyto, facundus item, pius, integer, almus
 Cultores adeo sophiæ dilexit, ut hosdem
 Munere de cunctis ascisceret urbibus ad se,
 Totaque de illorum caperet solatia fœtis
 Alloquiis, & docta ageret commertia semper.
 Ille sinistra tulit pro libertate Latina.
 Lumina perfoffus, duroque in carcere trusus
 Visum instauratum recipit divinitus: exit
 Fornice de nigro, de illato crimine purgat
 Se patrum in cœtu simul acclamantibus illis
 Non decet urbanum quemquam censere parentem.
 Carolus his aderat gestorum culmine magnus,
 Cui dedit augustum decus, & diadema Latini
 Imperii, sceptrumque Leo, titulosque superbos.

Ipse laborantes leva valetudine visit;
 Ipse inopes amplo relevavit munere cives:
 Et pater, & custos erat, ac tutor egeni.
 Ipse erat erranti via; desperantibus ingens
 Perfugium, & portus, si quisquam naufragus undis.
 Instituit tres ille dies, quibus ante volatum
 Christi ad olympicas arces cœlum omne rogatur.
 Uno & bisdenis Laterano præsidet annis,
 Quartus item Romanus erat; prudentia cujus
 Serpentina fuit cum simplicitate columbæ.
 Vaticana novis circumserat atria muris,
 Atque Leoninam de se cognominat urbem.
 Ille salutiferæ crucis edens signa profanam
 Classẽ Agarenorum Tiberina per ostia rumpit.
 Albion exclusa terrarum limite cepit
 Solvere Romanæ tum vœtigalia mitræ.
 Romuleos apices octavo terminat anno.
 Quintus (ab historicis licet absque penatibus ullis
 Sit datus) at Calaber fuit, & pietate decorus;
 Quo, quia mundus erat tunc forte indignus, ad ædem
 Tollitur ætheream cito de mortalibus oris;
 Ille duos etenim sedit tantummodo menses.
 Æneadum claro genitus de sanguine sextus,
 Divinis intentus erat super omnia curis.
 Discordes revocare, simulque innectere cives:
 Dura tyrannorum juga frangere: dissidiorum
 Vellere radices; res integrare Latinas:
 Externos pacare hostes: & barbara sceptrâ
 Pellere ab Italidis operam navavit, & artem.
 At nisi septenis gessit moderamina lunis.
 Septimus urbanis itidem de civibus ortus,
 Quamquam nulla sui terræ monumenta reliquit,
 Multa tamen cœlis habet, & fastigia cellâ
 Obtinet in superis: laudum quia nulla libido
 Prostituit niveam subter præconia mentem.
 Res secura magis coram tantummodo divis
 Prodere virtutes, & gesta celebria [quamvis
 Sapius expediat si sint stratagemata nota]

Ille tribus Latios, fasces exercuit armis.
 Ipse quoque octavus Romano stemmate cretus
 Cæsareis primum titulis illustrat Othonem;
 Et tutelarem Latiae jubet esse tiaræ.
 Sole uno tantum labentem temperat orbem.
 Teuthonico demum veniens a climate Roman
 Nonus Olympiacas audivit ab æthere voces,
 Quæ cito venturæ cecinerunt fœdera pacis.
 Tam vastæ pietatis erat, tam ingentis amoris
 Erga inopes, ut tota etiam penetralia tecta
 Panderet hospitibus miseris, & egentibus ægris.
 Ille sub effigie leprosi pauperis intra
 [Res miranda!] domus secreta cubicula Christum
 Sumere, & in proprio semel inclinare grabato
 Promeruit, suavesque haurire illectus odores,
 Nemine comperto (nam mox evanuit æger
 Ex oculis, veluti tenues si ivisset in auras)
 Vercellis generale Patrum simul aggregat agmen,
 Atque Berengarium perverso in dogmate damnat.
 Deferit elapso Romana insignia lustro.
 Ecce novem pariter quanta probitate Leones
 Emicuere; omnes pleni virtutibus, omnes
 Undique præclari summa integritate, nec ulli
 Pontificum, passim quos cætera nomina dicunt,
 Tam præstantis erant, mundæque per omnia vitæ.
 Nam malus istorum nemo, quum ex omnibus illis
 Degeneres quidam fuerint, fontesque reperti.
 Ab re non igitur sese appellare Leonem
 Instituit Medices ad sancta cacumina vectus,
 Ut tantum commune bonis pastoribus aptet
 Jure sibi nomen, nullaque tyrannide fuscum.
 Adde quod & Christi robur Leo sæpe figurat
 Codicibus sacris. Leo robustissimus inter
 Omnia, quæ latis errant animalia terris;
 Nullius occursum pavitat. Leo nobilis iræ,
 Et generosi animi (cujus clementia nota est)
 Supplicibus veniam facit, insequiturque superbos.
 Lumina aperta Leo tenet, & vigilare videtur

Cum

Cum dormit, vigilemque refert, vegetumque parentem:
 Pastoribusque gregem super haud torpentia corda,
 Adde Fluentinos insignia ferre leonis;
 Adde Cleonæum stellato vertice sidus:
 Adde leo verbum, quod vel struo, formo vel infert:
 (Id licet assiduus nequaquam comprobet usus)
 Deleo, cui contra est, deformat, aut destruo signans.
 Maximus ipse etenim Pater immortalia testā
 Construet ætherio regi de marmore vivo,
 Efficiens utraque esse unum; divisæque sicut
 Angulus annectet, dispersæque colliget; ægra
 Curabit Medica ipse manu: convertet in aurum
 Ferrea sæcla: hominum fera pectora molliet; atque
 Ambrosiam, nectarque omnem diffundet in orbem.
 Hæc seniore mihi narrante subivimus ædes;
 Perque gradus altos amplas intravimus aulas.
 Auratus paries, testudo aurata refulgent,
 Undique Apellæi rutilant monumenta laboris:
 Pictæque fulcra nitent, aulæque barbara splendent:
 Atria plena manent populis, & gente togata.
 Vix transire datur, premimur, versamur eundo.
 Perconctamus, ubi Antistes Romanus; ovantes
 Clavigeri Patris (dicunt) defertur ad aras
 Sessurus cathedra, & folio ponendus in alto.
 Imus, & innumeras penetramus ab undique turbas.
 Ingredimur fanum, sonat alto murmure templum,
 Ceu cum præcipites veniunt e cotibus undæ
 Ingenti crepitant strepitu, grandique boatu.
 Tendimus ulterius, jamque admirabile Patrum
 Agmen ab excelsis patefit altaribus, atque
 Longa Sacerdotum series, quos purpura, quosve
 Candida byssus agunt inter pia sacra nitentes.
 Vidimus & Medicem gemmis, auroque coruscum,
 Stellatumque caput cœlesti lumine ferri,
 Sublimique sedere throno clamantibus una
 Omnibus: æterno Pastor Leo maximus ævo
 Vivat, & hæc niveo lux sit signata lapillo.
 Pronus adoravi divo sub pectore numen:

Pronus adoravit senior quoque limina habentem
 Cœlorum in terris, terræ, Ditisque profundi;
 Quod triplici signat spectabilis infula ferto.
 Ætheriam frontem, divinaque pectora cernens,
 Non potui placidos oculis compescere fletus.
 Dulcibus in lacrimis turgentia lumina habant,
 Singultus suaves pectus, gutturque premebant,
 Grataque de madidis suspiria faucibus ibant
 O salve (dixi) fragilis spes unica mundi
 Verus es Alcides, Lernæ qui interficis hydram.
 Tu cantata diu Glauci castissima proles
 Sæva trucidabis succensæ ostenta Chimææ.
 Mercurii plusquam tua, plusquam Palladis arma
 Gorgonei tortos extinguunt verticis angues.
 Tu plusquam Thesæa manus Minoia monstra
 Dedaleis inclusa vis; quæ pluribus augent
 Cædibus ingluvie, ac immitibus ora rapinis
 Complevere, tuo facies occumbere ferro.
 Tu cœleste genus Boreæ, quod dira Celæno,
 Atque infesta lues, fluxuque, fameque pavescunt
 Harpyæ, quæ sacra volant per tecta, per aulas.
 Arte tua a Siculis Syrenes fluctibus ibunt
 Sub Phlegetontæis lacubus, nusquamvè nocebunt
 Carmine lethæo, Cyrrhæaque filia Circe,
 Quæ vultus hominum convertit in ora ferarum
 Cantibus, amittet duce te viresque dolosque.
 Vindice te possum vitiorum exercitus ibit:
 Et longe, & late dominabitur aurea virtus.
 Nunc erit ingenio reverentia, digna Minervæ
 Præmia, nunc sacri captabunt ocia vates.
 Nunc Phœbæus honor redit. & Parnasia laurus
 Incipiet frondere: novem sua barbita Musæ
 Instaurant. tonsisque parant nova carmina nervis.
 Talia promebam, repetens ea dicta frequenter,
 Quum meus adducens me dux ad inane sacellum
 Christiparæ nymphæ, quæ febribus imperat, inquit:
 Vidisti, o fili, nova tu miracula cœli?
 Vidisti ne novum fœdus, nova sæcla, novumque

Impe-

Imperium, & Titana novum, qui illuminat orbem?
(Obsecro) quamprimum fuge de squalentibus umbris
Conciliablæ gentis. Jam ad corda reversus
Errores agnosce graves, gemituque patenti
Dilue tot maculas; clemens tibi namque sacerdos
Indulgebit; & ad pia virginis ubera matris
Protinus admittens hilari te colliget ore.
Erravi ne beate senex? mone impius error
Detinuit? (dico) super his synteresis ulla
Corripuit numquam mea corda; sed ipse putavi
Obsequium præstare Deo, justumque tueri.
Quod si adversa tuli, reliquive tulere faventes
Huic operi, invidia Ditis, mundique maligni
Turbing credidimus nos evenisse probandi
Causa animos fortes; velut & primordia fumens
Relligio diros inter cunabula prima
Passa fuit casus, variasque repulsa per oras.
Omne opus egregium; vel præstantissima virtus
Difficiles ortus habet, atque ostacula multa
Attamen, alme Parens, (potius tibi credere dignum)
Qui superis compar falli, seu fallere nescis.
Si erravi, doleo, semperque dolebo futura
Tempestate, velut fluvius mæsta ora rigabo
Assiduis lacrimis, & pugnīs pectora tundam.
Ille dies, in qua fallaci dogmate captus,
Implicui mentem vesanis ausibus, atras
In tenebras vertatur, & indelebile semper
Sit Chaos, atque inter noctes numeretur inanes.
Cur ego non potius moritura hæc membra reliqui
Tunc infonte anima? Cur inter spicula, & enses
Non cecidi? sine labe foret, sine crimine pectus.
At divina senex ora hæc in verba resolvit;
Peccasti (fatear) quamvis sine fraude, doloque,
Sicut & innumeri divum consortia habentes,
Qualis ego quondam, qualesve fuere parentes
Nonnulli sophia illustres, pietateque summa
Præclari, qui vera minus scripsere, putantes
Edere recta. Facit sublime frequenter acumen


Ingenii plures errare, sed, ut quoque tumet
 Fecisti, quoniam sua scripta probanda Latino
 Supposuere patri, retractavereque demum
 Errores aliqui veniam meruere paratam.
 Quod nova religio vario quassata tumultu
 Jamdudum fuerit verum, sed quanta subivit
 Prælia, tanta sui late incrementa recepit.
 Quod virtus, quod opus quodcumque insigne prematur
 Difficili ingressu verum, sed turbine nullo
 Divelli, subigique potest. Fortissima virtus
 Crescit in immensum, validæque simillima palmæ,
 Quanto onerata magis, tanto robustior exit.
 Hæc autem assiduis secta est allisa procellis,
 Tamquam odiosa Deo, & cunctis mortalibus; unde
 Quanto attrita fuit, tanto decrevit inani
 Fulta solo, fundata super nutantis arenæ
 Aggere, nec solidæ stabilis munimine petrae
 Concilii profugi cito garrula lingua silebit.
 (Ipsemet aspicias) tenues solvetur in auras;
 Et velut exorto evanescet Apolline nubes;
 Signa quod exosum superis sit, terrigenisque.
 Gallia nusquam adeo quicquam fecisse videtur
 (Quod memorem) deforme, priori ab origine numquam
 Aurea fœdavit tali sua lilia fūco.
 (Id licet haud omnis patrarit Gallia crimen)
 Quare, age, tolle moras, cætusque relinque profanos.
 Quo medio fugiam (dixi) Pater? omnia circum
 Custodita manent, Araris ne mœnia linquam
 Limina. Cardinei quum discessere parentes
 Carvajalæo de sanguine cretus, & alma
 Stirpe Severina genitus, duo maxima mundi
 Lumina; qui flantes Lariis e mœnibus Austros,
 Insolitumque genus declinavere caloris
 Corde gigantæo, fidei intemerabile pignus
 Tutati semper; rati inviolabile fœdus
 Ipse ego supplicibus votis simul ire petivi,
 Atque illi petiere; tamen mihi gratia soli
 Nulla recedendi donata est. Omnibus ultro

Fas fuit ire; mihi tantum prohibetur inertī.
 Te venerande senex (si qua est clementia divis,
 Si qua tibi pietas) oro, mihi pande recessus,
 Pande modum, vel si nunc fas est degere Romæ
 (Si Roma hæc) nusquam patiare relinquere Romam
 Me rogo. Neu Senonas repetam, sanctissime vates,
 Ulterius sine, sat tenuit me Belgica tellus,
 Satque fui inviso Gallorum limite clausus.
 Nunc opus abscedas (senior respondit) Arar te
 Celticus exorto late jam sole moratur:
 Post breve tempus erit tibi fas dimittere Gallos:
 Debita sæpe petes abeundi jura: negabunt
 Semper, & invitum secum te degere cogent
 Conciliablistæ; quorum mens perfida durat.
 Tunc tu nocturno Rhodani vada percita cursu
 Sulcabis, fugiesque celer confinia regni;
 Et fugiens captivus eris (sed tempore parvo)
 Qui reget infausto moderamine Conciliabulum,
 Te captum mittet, Lucii cognomina portans
 Et rem; namque lupum sonat ex idiomate græco:
 Est lucius piscis, vocabula Achææ secutus;
 Quod veluti lupus ingluviem saturare rapina
 Squammigeri gregis assoleat, faucesque lupinas
 Præferat, & sævos piscosa in cœrula mores.
 Qua ad Rhodani ripas surgit vivaria tellus
 Inter saxa, altæque domus in sidera tendunt,
 Tu capiere; tribus tu detrudere diebus
 Limite seclusus; sed te Turnonia proles
 Claudius antistes divum stimulante timore
 Forsitan eripiet (quod si succedat) ab alta
 Arce per appensum faciens abscendere fune,
 Teque, tuosque omnes tutos dimittet in oras
 Avinionæas, ubi præsidet inclita Roma.
 Virtutum titulis, charitumque nitore coruscus
 Ille tibi impendet placidum solamen, eritque
 Quod fuit erranti Diomedi Daunus: Ulyssī
 Alcinous, Troæque domus Evander alumno.
 Paulus ut effugiens molimina regis Arethæ

Mœnibus ex altis sporta demissus abivit,
Sic forte evades gentis commenta nefandæ.
At puto Lugdunum cogere redire, & ibidem
Muneribus, precibusque datis, terrore, minisque
Schismaticis hædere dolis arctabere; sed tu
Infandis monitis aurem præbere recusa;
Ad vomitumque redire cave, nam rector olympi
Crede, proculdubio tanto e discrimine demum
Te trahet, & mire ducet cœlo auspice Romam.
Neu paveas: tu fide Deo, cœloque faventi.
Te Deus efficiet sortem superare sinistram,
Et vehet in dulces per acerba pericula portus.
Talia dum senior dictis sequeretur amicis,
Me sopor abscedens dimisit. Ab æthere Phœbus
Luce diu fusa thalamum penetrabat acuto
Lumine per rimas; aderant in limine servi
Ante ea pervigiles. Per somnia longa loquentem
Me audivisse palam dixere, soporeque nusquam
Matutino alias usum obstupuere. Jacentem
Erigo me; patulæ tum circumquaque fenestræ
Admisere diem; tota ora madentia cerno,
Pectora, iocices, lacrimarum flumine sparso.
Ipse quoque admirans tanti misteria somni
Miris visâ modis vix languida membra ferebam:
Figere vix poteram plantas, vix sistere corda
Vulneribus perfossa piis: vix abdere fletus
Nectareos. Dulces urebant pectora flammæ;
Mensque sub eventu rerum perplexa manebat.
Suspendos animos mirantur, & ora ministri
Fixa solo, dubiosque diu trutinantia casus.
Induor. Ire paro vicina ad templa daturus
Et laudes, & dona Deo, mundasque diei
Primitias. Iter arripio taciturnus, & anceps.
Hæc erat alma dies, qua magnus in æthera Pastor
Ivit ab afflictis membris, & corpore fesso
Gregorius; cujus Deus ad suspiria versus,
Votaque Trajanum nigro revocarat ab orco.
Extra limen eo, casuque occurrit eunti

Bentivola de gente satus Galeacius, omni
 Ingenua probitate nitens, & cælibe lecto:
 Qui me insueta videns, titubantiaque ora ferentem,
 Scire cupit causam. Rogat ut si tristitia forte,
 Aut si læta habeam (bona vel mala) nuncia dicam.
 Ingredimur phanum simul, & quum mystica sacra
 Vidimus offerri, scamno consedimus una.
 Narravi, quæcumque mihi per somnia visa.
 Fausta proculdubio (ni vana) hæc somnia promunt,
 Nuncia (respondet Galeacius) illa secundos
 Quum referunt casus semper mendacia fingunt.
 At si triste ferunt, nimium veracia produnt.
 Tota morabatur supplex audire creatum
 Gallia Pontificem votis flagrantibus: ut quum
 Post tempestates, pluvias, Eurumque sinistrum
 Anxius expectat Zephyros prodire secundos
 Nauta, serenatamque diem apparere viator.
 Tertia lux aderat; quum mane tabellio pernix
 Urbe Flumentina missus denunciât esse
 Delectum Medicem summa ad fastigia Petri:
 Et Latios gaudere Patres, ceu Martia Roma
 Gestit, occiduo quum nacta est orbe triumphos.





BAPTISTÆ FIERÆ

MANTUANI.



Melissa.

COr mihi triste, gelu pectus, cerebrumque rigescit
Singultit stomachus: grata Melissa, veni.
Per te hilaris, redolens, & mundi corporis, aucto
Sumque calore potens: grata Melissa, veni.

De Aëre.

Quas dabimus grates aër tibi, pessime? per te
Vivimus, & morimur, gratia nulla tua est.

Sorba, Arbuta, Mespila.

Arbuta, sorba, tenent fluidos & mespila ventres:
Parvo siccescunt hæc tria poma gelu.
Hæc fugias nitido dum cortice poma rubescunt:
Vix simul eveniunt, & decor, & bonitas.

Nox.

Mille nuces, poteras dixisse; sed unica juglans
Nux dicta est, linguæ jam nocitura tuæ.
Siccior arefcit, stomachum, & caput improba vexat.
Mirum si nocuæ sit bene juncta viæ?

Grana myrti.

Dum sitibunda rigent, referatos grana cruores
Myrtea compescunt, & bene semper olent.

Corda, senescentemque jubent revirescere formam:
Hinc tibi grata putant myrteaserta Venus.

Bacca hederæ.

Sicca nocens nervis hederæ est, & frigida parvo
Igne calet; variis sic male mixta modis.
Vina domant, firmantque caput, ventremque corymbi,
Cinctæ hederæ nimium tempora, Bacche, sapis.

Farra.

Farra calent nimium siccata: his esca tenacis
Sumpta cibi est: mollem sacchara conficiunt;
Sic stomachum, & pectus refovebunt, quam bene dictum est
Sacchara non ullis posse nocere cibis?

Fungus.

Funge vale: genitum nil miror nocte sub una:
Sic properant rapido noxia quæque pede,

Erinaceus.

Si tibi echinus adest; stomachum fovet; ilia mollit,
Humet, & urinæ membra relaxa tenet.
Febris in antiquæ cæna optatissimus, ægris
Antidorum nervis nobile falsus erit.
Scilicet hic mos est naturæ, excelsa recondit
Munera, dumosum tot bona tergus habet.

Brassica.

Arida Socraticam pareret nisi brassica bilem,
Jure erat in morbis omnibus illa satis.

HYMNI DIVINI AD LEONEM X. Pont. Max.

Deo Patri Hymnus.

Omnipotens qui cuncta creas, solusque necesse est;
Per quem cuncta vigent; quem vis non terminat ullas
Mens Deus omniscia æterna, atque æterna voluntas,
De

Da Pater, ut pius immensum es, nec munere parco
 Ærumnas tollis misero, sed prodigus ultro
 Divitias fluis omnigenas, communia dona,
 Nec pateris sorte ut quisquam labatur iniqua
 Justitiæ æternum solidæ, & bonitatis alumnus,
 Da mihi, da Pater ingenium, ne paupere vena
 Sordidior, tenuique nimis tibi carmine cultus
 Hymnus hiet; quamquam de te molimina cuncta
 Mortales superent ausus, longeqûe fatiscant.

Da precor (haud meritum fasso, Pater optime, munus)
 Non equidem ut plena attentem tua numina laude,
 Quod nec fas cuiquam, quam nec sis fabilis ulli,
 Semper inaccessus, vallo nec septus ab ullo,
 Ad quem aditus nullus, cum sis tamen obvius ultro,
 Omnibus illabens, nec te sine vita sit ulla;
 Da molle exiguumque cœstrum, non alta fluentia
 Undantesque lacus, nato quos sufficis uni;
 Sed minima exorem supplex aspergine tangi;
 Sed riguo vix ore sacros elingere potus.

Tunc mihi, tunc furor intunieat, quo sanctior unquæ
 Haud fluxit Mosis, quo me tua magna canentem
 Mirentur cœtus superi cœlestis origo,
 Quo stupeant tanta attonitæ dictata Sibyllæ
 Mirentur cœtus superi, stupeantque Sibyllæ
 Ignavi verum vates, quos vana libido,
 Quos premit ardor iners, rigeant ad seria mira.

Tunc cœlos per te, nulli nota arte creatos,
 Et compage nova solidos, quos nulla senectus,
 Nullaque colluvies ullo umquam diruat ævo,
 Et canerem cœlis injuncta in lumina mundi
 Sidera inestinctæ lucis, variiqûe rotatus,
 Imperio mandante tuo nulli orta quieti,
 Ut nulla est ventura quies, morave ulla negoti
 Mundanæ moli, tibi sic volventibus astris,
 Sic animant elementa novis grata usque figuris
 Fætiferisque ligant numeris connubia rerum
 Inque vices statuunt illis ortusque, obitusque
 Tu cunctis, Pater alme, præes, jussisque maritas

Cun.

Cuncta tuis, mente usque nova, immutabilis usque
 Addictus nulli, nulla in contraria lapsus,
 Omnibus insertus, nulli promiscuus idem;
 Qui per te te ipse es tu tu, & sunt cetera per te,
 Sufficit & tua sola potens ea cuncta voluntas
 De nihilo fecunda parens, fecundior alvus,
 Subsit & huic refluus semper formosior annus.

Tum ne animas ausim humanas mentesque referre,
 Cœlicolas (manuum decus immortale tuarum)
 Divinus quas Ambrosiis, & nectare potas,
 Dignaris mensa æterna, solisque beatis,
 Ut pietas sine fine tua, immensumque profunda est;
 Dulcia uti tantum fluis undique, & undique manas
 Fragrantis succos, & fragrantissima mella.

O pater, o si vel tenui vix subriger haustu
 Tantillo, madeantve mihi labra ima liquore,
 Exolver, Pater, his ausis in limine primo;
 Sic aditis labo vix tactis, sic perditus amens
 (Sed juvat) & fusa penitus jara mente liquefco.
 O pater, o jam jam felix tua dum sacra anhelō
 Expirem, & solvar felix in munere magno?
 Hoc Pater, hoc utinam mandes. Quid dulcius orem?
 Quæ veniat speranda mihi securior hora?
 Sparge molam, atque aris adole sua thura sacerdos;
 Sic præstat; sic dulce mori est sub numine tanto.

Deo Filio Hymnus.

Nate idem Patri æterno Deus, illa eadem mens
 Qua sapit, & sese memorat fecunda Pater mens:
 Virginis intactæ Nate idem sancta propago:
 Seu Christi, seu forte alio velatius addi
 Nomine, vel mavis dici Salvator Jesus:
 A quo principium mihi de te, aut unde licebit
 Ordiri, si mente bona, & spe ductus anhelā
 In tua sacra feror magno percussus amore?

Tu Deus es, nec mente capi, nec dicier aptus:
 Idem homo es, haud fati immunis, cædisve cruentæ,
 Sed

Sed tamen humano numquam memorabilis ore;
 Cæligena vel mente etiam procul editus omni.
 Semina sic ea quosque hebetant genitalia sensus;
 Sic caperis Deus haud spatiis oclusus apertis,
 Nasceris, & casti violato haud limite partus;
 Certa puerperii cœlestis & omina firma
 Numinis, & sanctæ nati miracula prima.

Dic Deus o Deus, o divino e femine proles,
 Cui dictum solium æternum, imperiumque perenne,
 Stelliferi cur posthabito diademate regni
 Sordentes terras habites, & lubrica mundi?
 Quid Deus, humani attentes consortia cœtus?

Sed Deus, o Divæ intactæ divina propago,
 En subiit memorem pietas tua fervida tantum?
 Jam memini quid, sancte, feras: quæ commoda portes,
 Unde libens ultro accurras mortalibus ægris.
 Scilicet ille ipse es, quem verax Entheus olim
 Plurimus antistes sacro prædixerat ore.

Ille Deus, Deus ille quidem es, salvator Jesus,
 Quem generi humano in labem (miserabile) lapso
 Præsidium venturum olim haud mentita Sibylla est.

O pietas summa, o bonitas, quæ prodiga largas
 Fundis opes, & restituis nos sedibus altis;
 Nec pateris cæca pressos caligine patrum
 Exilio æternum indicto ingemuisse sub orco.
 Divinum immensum munus, clementia tantum
 Quod tua sola queat, divina immensa potestas.

Ergo tu Deus ille Deus, quem non labor ullus,
 Quem non paupertas, quem non perterritum unquam
 Ulla fames, quem non moveant jejunia longa,
 Nec mendicato pudeat vixisse Salino,
 Cui præbent instrata thorum præsepia nato,
 Cui sufflat molles, ut bucus affuit, ignes;
 Ingemit alma parens nudo, & miseratur inane,
 Nudarique pudet castam, ut te obnubat amictu.
 Blanditur lacrimans protentis mollius ulnis
 Josippus puero, & querulus balbutit egeno.
 Talibus auspiciis ergo, puer inclite, ab ortu

Or,

Ordinis vitæ infelicem in munera nostra:
 Nec quicquam finis intentatum, aut linquis in ausum
 Sponte etiam vel morte obita, quam nulla sit umquam
 Passa ætas, nec sit sæclis passura sub ullis,
 Ut dolor it sine fine tuus, nova ut illa malorum
 Ingeminant pœnas tormenta, necemque nefandam
 Proh pietas divina quidem, proh sancta voluptas!

Sanctæque amor, ingens nimium? tu perderis ergo
 Labe madens nulla penitus, sed criminis experts
 Rerum, Christe potens, Cœlum cui militat omne,
 Qui vitæ das, atque adimis tortoribus ipsi?
 Infandum scelus est nostrum, peccavimus ipsi,
 Tu pœnas, mortemque subis nostra unde supersit
 Perpetuum vita, æterno jam addicta barathro.

O bonitas nullo audita, sperata vel ævo!
 Impurus delinquit homo, Deus angitur insons;
 Interclusa dies homini redit auspice Christo:
 Christus obit: maleficus homo huic necis improbus au-
 Munere sed quidnam tanto mortalibus augur (ctor.
 Ominer haud fallax, ado ut fumantibus aris,
 Ut Deitas tam sancta manet mihi cura perennis?

Mortales rerum summa est (nec fallimur) hæc mors.
 Hinc æterna salus nobis, epulæque beatæ:
 Hinc etiam tremor æternus: jam quisque supernas
 Noverit ire vias, Christus sanctæ orbita vitæ est.
 Hinc lux, hinc astrum reges comitatur Eoos
 Muneribus quam vix natum, teneroque sub ortu
 (Res mira) angusto admissi venerantur in antro.

Invigilate omnes orem, quos aura recurfat
 Vitalis; quis sanus adhuc vigor ubere manat:
 Hic Deus est, qui cuncta potest: quo cæca renident
 Lumina; qui surdas aures modulamine mulcet,
 In cœleste melos, qui muta silentia solvit
 Per quem vel longa redeunt jam morte perempti
 Pro libito, ut præsto illi est mors, & vita ministra,
 Pro libito cui molle labans cœlum intremis omne.

Jam lex est vulgata fatis, jam certa salutis
 Causa perorata est: agedum sacra fœdera inite

Mor-

Mortales, quis jam forsan fera imminet hora.

Deo Paraclete Hymnus.

Numen idem Patri, & Nato, fecunda utriusque
 Uno eodem nixu soboles, nullo obsita vallo,
 Idem Amor æternæ, atque æterni munus Amoris
 Te quoque sancte Deus celebrem, te liber adorem
 Non Semeles partus mendax, & fabula inanis,
 Libera sed patre, & nato diffolata potestas.
 Incubitus calor æterni, immensi ardor amoris,
 Quo vegeta it rebus cunctis genialis, & aura
 Fæta renascenti quo sunt sua semina mundo,
 Quique fide frenas certa certantia solvi.
 Ergo & tu, Paraclete, adsis, subeasque precanti
 Illabens vati tam sanctæ laudis anhelio.

A te Amor immensæ est nobis via prima salutis
 Auspicia & per te nostræ felicia vitæ
 Solus ut es dapis æternæ, mensæque beatæ
 Ambrosiæque auctor sanctæ; ut sanctissima solus
 Mella æterna fluvis, dulcique in pace quiescis,
 Nil nisi pacatum meditans, solidumque perenne,
 Æternas & amicitias, & fœdera rerum:
 Nostra olim collisa ratis sub forde parentum
 Evalit per te æterno non merisa profundo
 Sic fidus, sic nauta vigil, sic sidera servas,
 Tranquilla, & rigui æternum sancta ostia Amoris;
 Sic per te felix nobis enavigat Arctos,
 Arctos perpetuum fulgens & nescia mergi
 Tempestate ulla, sævum licet æstuet æquor,
 Irruat usque licet turgens immane procella:
 Tabuit ut numquam forde ulla sancta marita,
 Sancta Patris nata æterni, sancta inclita virgo
 Alma parens Christi, per te fecunda, gravisque,
 Parturiensque Deum per te felicia dona
 In summum commune bonum Mortalibus ægris.
 Tu tu, Amor, hæc labis nostræ, scelerisque misertor,
 Qui misere vixisse Deo, suadesque volenti

Dul-

Dulce mori, ne perpetuus nos obruat horror,
Et gaudes mortale genus præferre Tonanti.

Verum, o me miserum, infano qui molior ausu,
Sancte, Amor, hæc: utinam humana quod supplice saltē,
Atque humili quis voce queat, te carmine adirem?
Parce precor, sic ipse tuo sic captus amore
Obstrepo, sic & delirus tua numina anhelō:
Sat fuerit tibi vel minimum si blandiar orsus.

Sed tamen ut quo splendidius majoreque largus
Munere dives agis, sic ditior affluīs usque
(Tam vastum immensumque tui scatet æquor amoris)
Quis scit, an & me olim blando digneris honore,
Quo Christi quondam comites, sacraria sancta
Legis honoratæ sanctus solator adisti,
Postque nihil nisi docta melos sanctum ora sonabant.

At quo jam feror imprudens, penitus procul omni
Mente bona? heu quo dulcis me hæc amentia torset?
Parce, Amor omnipotens, jam lora modestius ausim.

Deo Trino Hymnus.

Trine Deus, tu liber Amor, tu Nate, Paterque,
Quorum Numen idem, mens, visque, eademq; voluntas
Esse unum, Persona triplex, Deus attamen unus:
En etiam tibi procumbens, jam nube reiectus,
Et nivea tibi conspicuus, & mente fideli
Te te unum, & te te trinum, teque omnia fassus
Vultu, animoque humilis sacras tibi volvor ad aras.
Et quando Deus es trinus, Deus attamen unus,
Per quem (quam lustror) felix in singula nitor
Nomina præfatus sancta, & venerabile signum,
Sic uni hæc mea sit pariter vox agnita trino,
Hæcque preces trinus nostras admiseris unus.
Pœnituit dudum fontem, scelerisque peracti
Ingemui infelix sordem, infelixque gemiscam
Jam bonus, insanos dum spiritus hos reget artus:
Ut præstat sine labe datam contingere metam,
Et præstat tibi dulce mori noxa procul omni:

O Deus, o miserere mei, miserere precantis,
Trine Deus, Pater omnipotens, & tu inclite Fili,
Tuque Amor, ut pariter vobis sunt omnia curæ.

Divæ Virgini Hymnus.

Salve fiderei gloria stemmatis:

Virgo præsidium, & certa salus bonis:
Incorrupta Parens, inviolabilis,
Et sancti Geniti sancta puerpera.
Patris perpetui Nataque, Sponsaque
Regina altitonans sedis olympicæ,
Cui Christus suus est, cui Deus assidet.

Salve splendida fax virginibus tuis,
Lucina omnipotens, spes parientibus,
Humano ut generi provida præsides,
Nec jam sit misero te duce fas mori.

Salve cui Charitum sexus amabilis,
Cui Cœli unanimes Spirituum chori
Aër perspicuus, flammivomus globus,
Ingens oceanus, terraque serviunt.

Salve perdomiti Diva piaculi;
Quæ nos ætheræ restituis plagæ,
Quam Diræ fugiunt, Tartara contremunt.

Ut Cœlos referas arbitrio pio,
Ut Virgo imperium conteris inferum,
Ut Christus tuus est, ut Deus assidet,
Ah ah me quoque, me, spes mea, comprobe.

Eidem alter Hymnus.

Sed te iterum, & tua sancta vocem pia numina, Virgo,
Addictum Dea præsidium mortalibus alma,
Qua scelere infano merita non morte perimus,
Ut pietati orta, & vitæ spes maxima nostræ es,
Cœlorum Regina potens, cui Tartara parent,
Sancta ut mente viges, æternum casta, pudica,
Et sine labe ulla Virgo, via certa salutis:

Sola sacrum fidus, quod nullum interluit æquor:
 Sola Elice æternæ lucis, qua fospita puppis
 Sulcat inaccessos scopulos, & cæca pericla,
 Quæ Siren blandita solet, quæ Scylla minatur,
 Mundanosque vomens luxus epota Charybdis.

Diva fave, Diva o felix mihi rite vocata,
 Diva potens, quæ nata Dei es, quæ Sponsa, parensque,
 Et misereri orta, & labes eradere nostras
 Cura tibi, ut laus hæc est, atque hac dote superbis.

*Ad Philippum Albrissum, Flaminem Virginalem, vita
 & doctrina eminentissimum, ex sorore nepotem,
 adhortatio, ut in solitudine
 D. Virginem celebret.*

Pbilibpe, Flamen Virginalis integer,
 Parentis almæ Virginis, Matris Dei,
 Itemque Filiæ, parit quem mox, Dei,
 Miraculo quod solus instituit Deus,
 Trino supernæ mentis auspicio duce,
 Mortale supra ingenium, captum supra
 Spirituum cœlestium sancti chori:
 Miraculo, quod improbus haud Tartarus,
 Maligna plebsve Eumenidum resciverat,
 Jure tremiscens modo plebs Eumenidum,
 Virginea jam prole numine agnito:
 Miraculo, quo reddita est mortalium
 Cœlestibus gens foliis Christigena,
 Perpetuo fraudamur hinc nec ocio
 Discubitori nectar ad ambrosium,
 Fluenta per perennia æternæ dapis
 Fecundior haud fabuloso poculo,
 Quo saturemur usque numquam saturi,
 (Labem perosi, quoque plectimur jugo)
 Humana vis ut appetit, perennius
 Non perituros, quos Deus fluit, favos
 Clementiore sitibundis munere:
 Philippe flamen inque amator nepos,

Qui me in Jambos desides citas modo,
 Ut ambigis, quid rure liber audeas,
 In solitate cœlitus tibi credita,
 Velut veterno pressus angaris malo
 Infantiæ vel improbæ delirio:
 Numquam Minerva consulet probe suam,
 Professæ nec belle in Athenæo est anus;
 Tu tamen audi quod paterne moneo
 Annosus auctor (insolentia procul)
 Auctor probatæ fidei conspicuus,
 Relligio quem vera Christi commonet,
 Omnipotens quem Paracletus edomat,
 Lux increata non inaccessible bonis
 Fecunda sempiterni Amoris soboles,
 Dulcedo summa, summa suaveolentia.

Quid sulcet æquor improbum periculi
 Carina certior furente vel Noto,
 Vel Aquilone sæviante pessimo,
 Ubi Carybdis irretire promptior,
 Latransve nautis Scylla vorticofus
 Obire negligentioribus solet?

Aranda laudem Mintii potius vada,
 Securiore blandiente murmure,
 Subsalientis undulæ ad Favonium.

Avarus obruta gemit turpe rate,
 Ut patrimonium vorax mare sorbuit,
 Quod malefano constitisset solide
 Si parva cautus arva, vile supparum
 (Tenujore ferculo satis satur)
 Præposuisset ambienti purpuræ.

Marte superbus occubat miles suo,
 Quietis impatiens protervus ut furit,
 Et concitata properat per vulnera

Perimus ultro sæpius ventre, gula,
 Agunt beate, quos premit nequitia
 Infania sic pruriunt illepida,
 Mortalium contagies improbior.

Discrimen illud vereor præ ceteris,

Occasio quod imminens frequens solet
 Si populosa forte turba plauserit
 Conspiciendus, ambiasque civibus,
 Philippe, quæ procella sit voracior?
 Quod rete subdolum magis? fidum minus?

Fortuna larvas induit fallax novas:
 Quis lapidosa tutus ambulet loca?
 Non oculata semper est virtus vigil:
 Cœcutiens frequentius mens concidit.

Bacchatur improbum scelus ruri minus.
 Hic nullus æmulantium strepit furor,
 Malivolæve curiæ tumultuant:
 Libido cedit, it inane ambitio:
 Nil insolenter obigit ruricolæ;
 Hic tenues sapiunt dapes auro sine,
 Splendidiore vel paratæ embammate,
 Exilium curis, & indictum hic foro
 (Ut jurgii est acer comes) silentium;
 It pede nudo Veritas, Debes, Tene.

Hic duriusculus, sed ingenuus labor:
 Sudore liberalius nil rustico,
 Angustiore pro re it amplior fides.

Nil rure tam composito est beatius:
 Tibi, Philippe, gratius nil suppetat,
 Cui non arandum larga vis Cœli dedit,
 Lanitii cui cura non est credita,
 Triticeæve messis ardor anxius,
 Cui non riganda prata sunt fœnifecis,
 Nec polienda ablaqueata vinea,
 Fastidit hæc ut animus nobilior,
 Sublime ut hæc dignatur ingenium minus.

Commoditas, & ocium hoc suavius
 Tibi, Philippe, suggerat quod audeas,
 Quod intones felicius tumens Deo,
 Disertus, & sapientia eminens gravi.

Num subit Alma, cui dicatus es, Dea?
 Pudica virgo, candor, & decus tuum,
 Cui sacra debes, cui cothurnos induas,

Deo audiendus Filio, Deo Patri,
Et Paracleto amandus (ut suberit) Deo?

Aude sacrata plestra Virginis orgia,
Quæ stupeant cœlestium summi chori,
Miretur æther, astra suppressant rotas,
Et fabulantes somnia hinc subsileant.

Age, Philippe, quid beatius petas?
Age melos grandisonum, sanctisonum;
Ut famulari flammæ his lubet sacris,
Lilia gemmis inferunt, violas rosis.
Et gratiæ gliscunt tibi; arridet Dea.

Divo Jo: Baptista Hymnus.

Te quoque, Dive Pater, felici assessor in ortu
Sancte mihi auspicio in magno, & tua numina adorem,
Quem merito, quem jure vocem sanctumque, Deumq;
Jam sterilis fœturam uteri, annosque Parentis,
Et summo mandante Deo (mirabile dictu)
Non jam natum hominem, sed mundi lege solutum
Conditione procul mortali; & labe supina,
Matris adhuc ut præclusus velamine sancto
Nascentem æterne natum, sua gaudia mundo
Præsentisque Dei numen, certissimus index
Jam monstras, humilisque æterno advolveris agno
Ante ortum Christo addictus, quem grandior olim
Fonte laves non immundum, & baptismate lustres,
Fundatorem orbis magni, terræque, marisque,
Fundantem sacratum opus, & vestigia firma
Cœlestem in vitam nobis molimine certo.
Ergo age, Dive Pater cui tot miracula longo
Prælucent, penitus sanctam renitentia mentem
Ne vatem, ne linque tuum, ne sperne precantem
Nomine qui insignis tanto in natalibus ambit
Tantum aram, & tibi divinos meditatus honores,
Ut tibi cum Christo tantum natalia festa
Externis celebrata etiam Gentilibus ipsis.
Tu mihi, tu summus vatum tibi sancta fluentia,

Divinique lacus refluunt, age rore beato
Baptistam Baptista riges, quo promptius amplam
Deferar in laudem, tibi prona, & mente fideli
Sive habites terras hominum, seu lustra ferarum
Melle satur sancto, divinoque ubere pastus,
Quem licetæ, aut madido non solvant vina Lyæo,
Ut gaudes placuisse Deo, religatus eremo
Sponte inopi, exilio & grato tibi in ocia sancta
Contentus pelle hinnulea vix pube revincta,
Cetera nudus agens, cui saxum molle cubile,
Antra quies dulcis, camerataque tegmina silvæ,
Vivendi genus austerum cui solus anhelet
Mente Deo injunctus rota, & cœlestibus oris.
Hæc omnis tua cura, Pater, sic totus amore
Solveris, inque Deum assidue flagrantius ardes
Voce Deum effatus verbum, quod mente volutas,
Indice & extento monstrans, quem lumine cernis,
Ore Deum, mente, atque oculo, & simul indice fassus.
Et quamquam non sorde labes, madeasve reatu,
Castigas tamen, & te humilis, populosque cœrces,
Pœniteatque mones; cum jam plena ara salutis
Instet, & ecce Agnum, clamas, qui crimina tollit,
Ecce Agnum, ecce Deum, qui mundi crimina tollit.
Tu clamas, resonant colles, nemorosaque cremus,
Ecce Deum, ecce Agnum, qui mundi crimina tollit.
Hoc amor ille tuus, Pater, & tua libera in omnes
Larga facit pietas, & sancte prodiga virtus
Oblitosque sui, pariter rectique, Deique
Cogis (ut orbatos) in limina tuta reverti
Tu pater, hæc, Deus ipse tibi mentem oraque solvit:
Fitque Dei tribuente manu tua gratia major,
Ut præstas natos omnes, numquam editus infans
Divinus mente ante ortum, & maturior ore,
Matrem immo intra alvum vegetans arcana professam
Prævious ipsi etiam Christo, cui nasceris auctor,
Intactæque viæ in sanctam monstrator eremum.
Tu sterilem fulcas campum, quem virgine natus
Seminat æterni proventus, fruge beata.

Tu soli in tenebris præcurrens lumina pandis,
 Lumina justitiæ æternæ referentia lucem.
 His polles, Dive o, titulis, hinc laudibus ornat
 Te merito innumeris, qui jam tibi volvitur orbis;
 Nec mirum, cum te numquam mentitus honoret
 Ore Deus sacro, qui te mortalibus unum
 Præficit, & te uno præ charis omnibus ambit:
 Quique novo nondum natum te nomine signat;
 Mirantur patres urbis, cognataque turba
 Ipsa sui Helisabe cœlestis conscia fœtus,
 Annosusque Pater divino in nomine gaudent.
 Spe puer in magna lætæ tandem ederis urbi,
 Blanda anus infans genitrix in munere tanto,
 Excitus pater attonitæ retinacula linguæ
 Erumpit, plenusque Deo præfagia mira
 Orditur, divinæ orto blanditus alumno.
 Sed, Pater, heu blanda heu mater, jam currite summos
 Quisque dies vestros, nec tanto astate dolori.
 (Horresco referens) veniet properantibus annis
 Invidiosa viro sancto tam candida virtus.
 Jam sese minui, sibi quod prædixerit olim
 Sentiet; heu patres ne tanto astate dolori.
 Quid non incestus, damnataque Adultera possit?
 Psalteria quid nequeat mollis, turpisque libido?
 Proh scelus, ecce caput disco defertur honorum
 Juratum regi infande, Dux femina facti!
 Tu puer ante aras calices mihi suggere puros,
 Polluere haud ultra liceat sacra Orgia nostra.

*Ad Jacobum Brixensem Monachum, celebratio
 Carthusiensis solitudinis, & duobus
 Hugonibus Hymnus.*

Quando, Jacobe, sparsimus tandem nuces
 Dudum relicto pueris levi trocho,
 Anilis ut fabellæ inane somnium,
 Reliquimusque Græculas licentias,
 Quibus juvena pruxit frequens mala.

Quam.

Quando virilem sapimus prudentiam:

Et cana barba jam ferit præcordia:

Severiores nec rubere nos decet,

Obiicitur si forte negligentia.

Quando vacare feriis proponimus,

Et cogitamus imminens jam crassinum

Deposituri forsan, & propediem

Mortale corpus anxium jugum bonis,

Ut omnibus vel ocys vel ferius

Eunda certi semita est occubitus,

Perpetuumque liberanda mole mens,

Mens bibitura sempiterna pocula

Delicium suave, Cœli pabulum,

Sordidior ni temere deliquerit.

Quid improba tepebimus nequitia?

Quid malesani turpe delirabimus?

Et quid agendum quando simus moniti?

Cessabimus, quod instat, eniti decus,

Et omnium sublime munus aggredi?

Eja, Jacobe, præstat hoc probe mihi,

Agenda vita hæc procul est infamia,

Statque inhianum haud perituræ ambrosiæ

Sic ter vocatus annuat trinus Deus.

Quid tamen abster? & tu identidem libens

Ausis idipsum certiore carbaso,

Securiore tibi puppe credita,

Ut solitate constitutus integra

Carthusiense sub jugum suavius

Jucundiore resipiscis ocio:

Mundana nec te revocant commertia,

Ambitiove prodiga insolentius,

Non rixa mendax, non libido auritenax,

Non affluens lauticiæ perniciēs,

Tumultuans vel improbe æmulatio.

Tantum modesta vos habet frugalitas,

Nequitiae quæ domitrix severior

Nihil supinum, molliusve suggerit,

Ne solitatis ardor hinc deferbeat

Sincera quo divina mens Carthusia est.
 Christicolis anhela claustra plurima
 Relligionis arduæ probaverim,
 Ut in amore gratus est labor Deo.
 Nonnulla nudo pede mensam quæritant,
 Complura nuditatis hujus inscia
 Mendiciter vixisse sponte deligunt.
 Sunt cœnobitæ multiformis ordinis,
 Sed fidei conspicuæ, & mentis bonæ,
 Quis nuditas, & odio est mendicitas:
 Carthusiensis grata nullis solitas.
 Præsbyteris proprietas licentia est,
 Hinc Parochiæ non amantur inopes,
 Tumet libidinosa avara ambitio,
 Discriminoso militant periculo.
 An me, Jacobe, Judicem citas modo
 Candidioris quem vocas propositi,
 Quo nuda prodit veritas liberius?
 Titillat ut petulcior Voluptia,
 Et nulla mundo sine labe gaudia,
 Carthusiensis mihi grata est solitas
 Frugalitatis vinculo modestior.
 Homo Deus sic agitur perfectius:
 It mens Deo divina sic interior:
 Sed sæpe cum necesse sit quo plectimur,
 Nec nuditas amica nec mendicitas:
 Si minimo stat vita, non stat nihilo.
 Sibi relicta (si comes frugalitas),
 Procul negociis, & illecebris procul,
 Proculque nuditate semper querula,
 Fit solitate promptius mens enthea,
 Frequentiusque amore summo rigua est
 Delicium suavius quis appetat?
 Nectareum quis mage mel liguriat,
 Quod meditatu sit frequens vel unico?
 Mens prona fertur in Deum Carthusia,
 Mens sancta pudica, mundi nescia,
 Cui solitatis dulce Christi vinculum;

Ut puerili vix peracta ætatula
 Christus eremi coluit latibula,
 Præfagiens hanc fore vitam cœlitum,
 Mundana temnit omnia ut mens enthea.

O ergo Christi vera vitæ regula,
 Religio beata, sancta solitas,
 Sed numerosa, & populosa solitas,
 Cui Christus auctor, & magister assidet?
 Sed populosa civitas Hierusalem
 Vera bonorum patria, & domus Dei.

Ergo beatis, Hugo magne, auspiciis
 Quam labilis mundana sit conditio,
 Ingenitæque conscius proterviæ,
 Humana qua perennius mens angitur,
 Instituisti claustra solitudinis;
 Nec jam rogari passus ab Theutonico,
 Sed fervidus jam solidus proposito,
 Et folio Pontificis posthabito,
 Occasione labis hinc edomita,
 Proculque prorsus improbo periculo,
 Sic æmulatus es Dei consilium;
 Nec nostra jam dignaris hæc hospitia;
 Sancta o superbia, sanctaque æmulatio,
 Secura sanctæ norma rectitudinis!

Quid, bone Bruno, flagitas, quod ille te
 Precetur ultro solitatis anxius;
 Antistiti jam concito nil gratius
 Septena dulce in iter astant lumina
 Superna mens commonuit, viam parat.

Aude Comes beate sancte Presbyter,
 Future jam Dux in eremo Præsuli,
 Jube, jugum paratus ultro subiit.
 Nil sceptræ, nil jam curat agnos creditos,
 Erems huic est cura, grata solitas,
 Stillat ubi perenne manna dulcius,
 Halant ubi perenne cœli balsama,
 Exilium fidele sic perambulat,
 Vestigioque alleclus haud ambiguo.

In comitatu stat Dei perpetuo.

Divina sed quid non queat clementia?

Relligiosa dulce fragrat sanctitas,

Spirat odora vita solitudinis,

Crescit caterva solitatis incola:

Huc Galliis ex omnibus jam commeant,

Qui sitiunt hæc pocula, has delicias,

Discubuisse gaudet hic Italia;

Currunt Iberi, navigat Britannia.

Nec labitur jam longius mox sæculum,

Ecce jubar fulgidius resplenduit:

Emergit alter Hugo, sidus alterum,

Tum solidæ cœlestæ dogma regulæ.

Hunc sancta eremus, hunc stupefcunt accolæ,

Adorat orbis hinc & inde confluvius.

Ad te decus Carthusiæ jam vertimur,

Sic humilem digneris, Hugo, barbitum,

Austera cujus probitas sic nituit,

Sic vita solitudinis perspicuæ,

Ut jam procul mortalibus sis habitus,

Ore Deo simillimus conspiceris,

Sermone, sanctoque opere ut potens Deus.

Mirum decora si viget miraculis

Mens tua tam reposta, tam recondita,

Tam sancta quid non possit, Hugo, hæc tua mens?

Affeda Christus affidet proposito,

Et solitare gaudet ut sancte obita,

Jam supplicantes non anhelant irritum,

Per te valere languidos quis ambigat?

Jam jus suum dementibus restitui,

Et abigi perspeximus delirium,

Mortale quod non audeat consilium.

Pontificem quis rite non admiserit

Rogante rege, & inclita Britannia,

Sic annuente sempiterno omnibono,

Cui semel iustum fœdus insolubile est?

Lyconix tu dirutæ præficeris,

In lacrimasque sufficis lætitiâ,

O sancta vota, sancta Christi accessio,
Benigna sancti numinis Clementia!

Jam communes quo mereant Episcopi,
Quis creditur procella navigantium,
Et miserorum sarcienda carbasa;

Hæc solitatis erudita dogmata:

Conspiciuæque charitas Carthusiæ

In miseros anhelat ardor entheus,

Amore fragrat alma suaveolentia,

Numen honorum veneratur Anglia.

Sed, sancte Pastor, jam superna gaudia,

Et subeunda vita sempiternior,

Jam morte liberaberis beatior,

Jam pietatis munere tam fervido,

Quo nituisti in solitatis ocio,

Lynconiaque in anxio negotio

Tibi fruendum jure Christus offeret.

Ut tulit in natalibus blanditiis

Reges Eoos ille regum maximus;

Sic tibi, Sancte Præsul, in funeribus

Occiduos astare reges statuit,

Pontificesque illius orbis inclitos.

Ecce feretrum bajulant compositi,

Par pietatis ardor omnes occupat,

Et grave lacrimati, adempti incommodo,

Officio quo datur hinc te prosequi

(Pronus ut orbis undecumque convolat)

Te quisque adorat, tibi quisque flectitur,

Propitioque in numine ora solvunt,

Præcipue quis solitas hereditas.

O sancte nostri miserere Pontifex,

Lynconia perpetuum præsidium,

Carthusiensis Hugo fama gloriæ,

Jam celebratum dogma solitudinis.

Divo Paulo Tarsensi Hymnus.

Nunc ad te legis vix pubescentis honore
Immo infantis adhuc, nec adhuc plena ubera pastæ,
At-

Atque auctoris adhuc madida sub cæde labantis,
 Saule tremor, solvo: tu lintea plena secundis
 Fer Zephyris, fremitu posito, pulsoque furore,
 Quo Christo addictos quondam torquere solebas:
 Cur secus accurras? quid longa infanior ira
 Jam scævisse potes? si non illustria facta,
 Persææque manus pietas, & gloria tangunt,
 Qua salva Andromede est, & sancte cæsa Medusa,
 Qua patriæ tumuisse tuæ laus inclita fertur,
 Addita qua nova tunc cælo tot sidera fama est,
 At moveare, olim, quod Christi in munere magno
 Mentito non illusu, nec somnio inani
 (Ut clemens sine fine Deus) cohiberis habena:
 Et feritate madens tetra in consortia divum
 Cogaris, arcanique sinus dignaris honore,
 Ardore afflatus supero, vivalque Tonantis
 Percitus ad voces, quod nulli contigit unquam,
 Quamvis innocuo, atque infonti pectore casto:
 Sic bonitas immensa in te, sic prodiga fusa est.
 Ergo Deo, & dulci, quem flagras, captus Jesu,
 Quem vivus toties resonas & mortuus ore,
 Elatos quo restituis in munera vitæ,
 Ut tibi in officium blandum succurrit abunde,
 Quantum Relligio, & Christi tibi gloria curæ,
 Et me respicias, meaque in præcordia tendas,
 Instillesque melos, quo jam Dionysia per te
 Intonuit tuba divinos edocta triumphos;
 Ut per te in lumen felix in dogma salutis
 Commonitus pulsa invaluit caligine cæco,
 Ignotumque prius numen Dionysius arsit.
 Te cano, Paule, libens Christo in certamina magna
 Auspicio æternum solido, & molimine firmo,
 Delecte in rabiemque feram, sævosque furores
 Eumenidum, & multa heu nimium jam cæde madentis,
 Sanguine, nec saturi passim saliente tyranni;
 Christicolis ut jam cæsis, sic morte parentat,
 Paule, tua Christus, finemque imponere cladi
 Morte tua instituit, non ultra passus iniqua

Sic scire ira tot in impia funera regem :
 O fausta, o non mors, o felix vita perennis,
 Vita piæ vivens genti, cœtuque fideli!
 Mirum si sancti spirant hoc funere odores,
 Si sanctum jubar effulget, si lactis inundant
 Flumina, nectareoque madent rigua omnia fonte,
 Conscia sunt tam sancti epuli, sanctique holocausti
 Tam dulce halantis Christo, & cœlestibus aris,
 Tam dulce ardentis, caleant quo numina cuncta,
 Quo flagrent non jam delira amentia corda,
 (Dogmate si qua tument infano, & inanibus ausis)
 Nec pudeat tam vesanum excussisse veterum.

Divo Petro Max. Pont. primo.

Quo tandem solidum præmissis carmine pectus,
 Petre, tibi accingar sacra tam solemnia nixus,
 Ut Christo comes is primus, cui pignora vitæ
 Ultro offers, spondens certum, spondensque fidelem?
 Qui solus turbæ infensæ discrimine magno
 Exempto occurris gladio, nec linqvis inultus
 Turpe in vincla adigi detentum, & vindice nullo,
 Intrepide pugnans, illo moriturus adempto.
 Quique audes mare nec pavidus fulcare profundum,
 Et propere ad dominum sicca decurrere planta,
 Quod securus amor monuere, ardorque fidelis?
 An ne humiles ortus referam? subitoque relictæ
 Retia, quum prima excivit te voce magister,
 Semper ut es præsto mandantis vota subire?
 Est aliquid flevisse diu, dominoque perempto
 Pene oculis, rigisque genis mœrore litasse;
 Cæcutis ut jam lippus, rimisque fatiscis:
 Sed forsan tua mors humilis te moverit olim,
 Quod cervice cruci demissa affigier oras,
 Ut sua in extremum maneat reverentia Christo,
 Neve Deo moriturus eas in funere compar.
 Non animo ista sedent nostro: sint grandia quamquam
 Non

In solo spectanda Deo vel numine magno;
 Scilicet unum illud præstat, præque omnibus hic est,
 Quod missos anteis omnes, quod credita primum
 Puppis sancta tibi est, quod sancte creditus orbis,
 Quod moriente Deo legis sit summa novatæ,
 Petre, tuo dicta arbitrio, quod singula cures
 Pontificum summus, geminaque in clave ministros,
 Desque, adimisque animas Cœlo, Stygiumque furorem
 Pro libito avertas, nec te sine vivere sanctum,
 Humano generi quod primum Christus anhelat
 Supremo hoc mortale genus dignatus honore,
 Non horrens mortem in labes, & crimina nostra:
 Sic animæ sunt curæ illi; viventibus amplum
 It mundus nobis munus: post fata perennis
 Sancta manet vita insontes; hæc cura quietum
 (Ultro posthabito Cœlo, soliisque beatis)
 Sola Deum versat, solo hoc in munere pendet
 Per nos addictus pœnæ, sævoque dolori,
 Ærunnis tot sponte obitis in commoda nostra,
 Sponte Crucem subiens crudeli funere functus,
 Non ad delicias, non natus ad ocia vana,
 Non ad opes, non ad luxum, fastumve tumentem,
 Qui solis lacrimis, singultu, & pastus amaro est,
 Pelle satur supremum in munus, munere nostro:
 O pietas sine fine vicens, sine fine profunda!
 O amor, o sine fine Dei, sine fine voluptas!
 O bonitas sine fine fluens tam sancta fluente!

Hoc, Petre, hoc tantum præstas, sanctumque mereris:
 Scilicet hoc unum est, hos es quæsitus in usus,
 Hic animis sanctæ Sedi; solioque fideli
 Præficeris, sancto Christi cauturus ovili:
 Hæc mens sola Dei, sola hæc mandata voluntas,
 Hoc opus, hic Christo gratus labor unica cura hæc:
 Illæsam jam vult sedem, sic clavibus auget
 Imperium, sic sufficeris moderator habenis,
 Credita sic cymba in tutum est, in littora salva
 Scylla vorax, sævumque vomens vitanda Carybdis:
 Petre, opus excubitu est, monuit ter pervigil ales

Jam

Jam venisse diem, quo sancte obeunda potestas:
 Commissum ne linque gregem, populumque fidelem:
 Ocia sint sua sancta ovibus, divinaque Tempe
 Exemplum Pastor ventura in sæcula longa,
 Quod spectent proni qui sanctum hoc munus obibunt.
 Sed jam sat monitum est, & fausto fine perorem,
 De summa hic animarum agitur, de sanguine Christi:
 Omnipotens Deus est Christus, non mota voluntas:
 Justitia æternum constans, & criminis ultor:
 Spectatæ fidei, & sanctæ probitatis amator.

VINCENTII A FILICAJA

FLORENTINI.



*Beata Humiliana Regali filia improvise extinctæ
 vitam impetrat.*

Occidit! inferias vidui comitentur amores,
 Effusaque fleat forma; leporque coma.
 Occidit (heu matrum nimis anxia vota!) puella,
 Heu nimium matri chara puella suæ.
 Ipsiùs ante oculos, ante ipsius ora Parentis
 Occidit, & subitum possidet ossa gelu.
 Hanc sibi jam Charites quartam ascivere sororem:
 Hanc Tusci Proceres expetiere nurum:
 Sed quò forma abiit? quo quo risusque, jocique,
 Et facies, qua non altera amabilior?
 Et vox, dulce loqui quæ nocte, dieque solebat,
 Et facere innocuas auribus insidias?
 Improbà mors! cumulas quot crimina crimine in uno
 Quàm malè de tota posteritate meres!
 Inlicitum est ævo vulnus lethale futuro,
 Et plura in se unum funera funus habet.

Hic præcisa ætas; hinc spes jugulata nepotum.
Tota hinc pæne jacet semisepulta domus.
Quid faciat miseranda parens? num pectora palmis,
Tundit, & insana sidera voce ferit?
Quodque unum restat miseræ, num frigida membra
Alloqui, & o saltem dicere, Nata, vale,
Num prensare juvat dextram, num claudere ocellos
Quos regit æterna ferrea nocte quies,
Et quos illa oculis modò plus ambobus amabat,
Et solatiolum qui modo matris erant?
Fallor! habent magnæ nimis alta silentia curæ;
Et levis est, vano qui madet imbre dolor.
Illa tacet, casuque animum labefacta sinistro
Vim facit ærumnis, & grave vulnus alit.
O dilecta Deo, lacrimis quæ dicere legem,
Et servare modum, temperiemque potest!
Una illi ingentem Divinæ Virginis Icon
Spem facit, & magnâ cum Genitrice Puer,
Icon, sive cadat, seu sol caput exerat unda,
Suppliciter flexo sæpe rogata genu.
Hanc venerata diu, Puer o dulcissime, dixit:
Aspice, quanta mei pars inhumata jacet!
Nata jacet: natam mihi mors crudelis ademit,
Natam animæ partem, dimidiumque meæ.
Ah si qua est pietas, matri succurre; decorum est
Et matri natam reddere, meque mihi.
Sors utranque eadem maneat: servabimur ambæ,
Anne ambas letho destinat una dies?
Auspice te, superas fas illi evadere ad auras,
Et mortis duro a limine restitui.
Jam precibus mater Puerum Naina redemit,
Et potuit veritas ille redire vias.
Nec frustra extinctum gemit soror utraque fratrem
Quem potuit reducem quarta videre dies.
Non minus infelix ego sum, nec parcius opto,
Nec minus est fidei, nec minus ipse potes.
Eripe, namque potes, natam precor, eripe letho;
Accedat palmis hæc quoque palma tuis.

Dixit, & exanimem signo præmuniit alto,
Viſta ſalutari mors ubi morte fuit.
Nec mora ſupra animi captum pulcherrimus Infans
Inceſſu, forma, vultu, habituque Deus
Icône de parva (magnum, ac mirabile monſtrum!)
Proſilit; & læto purpurat igne color.
Vix oculis, animoque fides, miratur olympus,
Mirantur trepidi talia monſtra lares.
Ille ubi ter moto pede ſubſtitit, ora puellæ
Luminaque æterno viſta ſopore levat;
Et ſuperimpoſito, trepidant quo Tartara, ſigno,
Vanefcit fumum ceu vapor in tenuem.
Jamque habitat calor oſſa redux, oculosque recenti
Morte graves implet jam nova luce dies.
Forma redit, geminas & qui modo lampadas ignis;
Nutrit, & roſeus qui fuit ante color;
Inque locum primæ ſeſe nova ſubrogat ætas,
Atque intermiſſum vita reſumit opus.
At mater (læto manant nam talia fletu
Gaudia) feſtivas ſolvitur in lacrimas.
Nec jam oculis, iſſis nec habere amplexibus audet
[Tanta rei novitas] quam cupit ipſa fidem.
O tandem exclamat: rurſum mea, tene ego vivam
Aſpicio, an falſis ludor imaginibus?
Vivis io, mea nata: preces Deus audiit; ac, tu
Bis mihi nata; tibi bis ego facta parens.
Ille hauſtus Cœli puros, ille aſtra, diemque
Reddidit; oh quantum vota, preceſque valent!
Jam fruiſe his donis, & quæ tibi tempora reſtant;
Vive Deo, cui non vivere, pæne mori eſt,
Id te unum ſupplex moneo, ſemperque monebo,
Idque unum poſco, filia: vive Deo.
Felix, cui nullo traducta eſt crimine vita,
Nullaque de toto cui perit hora die.
Sic ait, & magnum voti rea numen adorat.
Ah pereat, facilem qui negat eſſe Deum.

*Ob Arni inundationem ad B. Humilianam
precatio.*

Fallimur, an vindex iterum Cœlo excidit imber,
 Atque iterum infensis terra operitur aquis?
 Oh utinam aut oculis extrema ærumna careret,
 Aut oculis saltem crederet illa minus!
 Spumeus inscens equitat jam pontibus Arnus,
 Jamque sibi tota sternit in urbe viam.
 Affer opem, nostræ si qua est tibi cura salutis:
 Sanguis, Diva, tuus te rogat, affer opem.
 Aspice, ut immensum Cœlo ruat agmen aquarum,
 Atque undis jam jam desinat esse locus!
 Cum stabulis armenta suis (miserabile visu!)
 Cum pastore pecus, cunIQUE serente seges.
 Non sine camporum fremitu, nemorumque fragore
 Undosum per iter, qua data porta, ruunt:
 Jam volucrum nidos phocæ populantur, & ulmos
 Occupat expulsa jam Melanurus ave:
 Jamq; (ingens monstrū!) summa natat arbore Delphin
 Materies duræ fertilis historiæ.
 Quid querimur miseri? digitis a morte duobus
 Absumus; atque vorat naufraga verba fretum.
 Tolle, precor nimbos, tempestatesque cœrce;
 Pœnarum satis est, Diva, superque datum.
 Ni te fœda movet patriæ trepidantis imago,
 Ad te ambas tendit quæ ruitura manus:
 Has ultor pœnas vel si Deus exigit, & nos
 Post patriam everfam debita fata manent,
 At saltem cineres, & non violanda sepulchri
 (Hoc satis est miseris) jura tuere tui
 Nostræ fata urbis tumulo conduntur in isto,
 Semper & hæc illo sospite sospes erit.
 Audimur! procul ecce fugit nimbosus Orion,
 Humentesque Hyadum verberat aura comas,
 Decrescitque Arnus, veterique modestius alveo
 Redditur, & servat vallibus unda fidem.

Unde nova hæc, Cœli facies? ubi Caurus, & Auster,
Nubilaque epoto non satiata mari?

Quis postliminio reducem Solemque dici,
Ereptumque oculis reddidit hisce diem?

Imperiosa precum vis est, & dicere legem
Ipsi audet Cœlo, vimque jubentis habet.

Quantum, Diva, tibi servata hæc mœnia debent!

Jure quidem patriæ diceris esse parens.

Auspice te, sudum, redivivaque cernimus astra:

Auspice te, junctis jugera bobus arat

Agricola, & scissis anni spes creditur arvis.

Usque adeo docuit multa rogare timor:

Multa rogare timor docuit; sed plura dedisti;

Nostraque sunt donis vota minora tuis.

Verum aliquid possunt si carmina, non ego nostris

Te indictam chartis, præteritamque sinam.

Nec te ardens Libyæ, nec te domus utraque Solis,

Arctoi nec te nesciet unda maris,

Tuque mihi semper columen, tu rebus in arctis

Tutela, ac magnum tu mihi numen eris.

Nunc ades, & patriæ serva communis amorem,

Bisque tuam, salvis mœnibus esse puta.

De Eadem.

Nox erat, & facilem suadebant astra soporem;

Subque interregno cuncta quietis erant;

Excubiasque animus jam non sopitus agebat;

Cum se oculis offert Humiliana meis.

Oh numquam vigilem; vel si vigilare necesse est;

Talia contingant somnia sæpe mihi!

Ite procul, qui vera loqui non creditis umbras;

Desinite in somnis quærere nolle fidem.

Tuque Argiva tace jam fabula: non mihi eburnis

Nocturna hæc facies exiit e foribus.

Falsa monent superi numquam; nec fallere Divum est,

Et certe nequeunt ficta latere diu.

Illam mihi haud umbræ similis, nec qualis inane

Accipere haud raro corpus imago solet;

Sed vera, aut verè proprior se se obtulit, & quam,
Si credas oculis, jure filere neges.
Nescierim sane, qua se ratione priori
Reddiderit formæ, desieritque mori.
Palla pedes illi proluxa fluebat ad imos;
At pauper duro in vellere mundities.
Tegmen idem capiti; funis latus asper habebat,
Pandum extenta librum dextera, læva Crucem.
Mox ubi dulce oculos in me defixit amicos,
Divino tales edidit ore sonos.
O vita mihi chare magis, dum vita manebat,
Caste Poëta: bona te Deus auctet ope.
Sis licet incelebris, non tu sine pectore corpus,
Plebejamque sitis non tua potat aquam.
Nec sophiæ fontes labris primoribus hausti:
Cetera si desint, est voluisse satis.
Tu prior aggressus cineri dare carmina nostro:
Tu cantare udis ante sepulchra genis,
Ingenium, & lacrimis, vocemque afflare dolori,
Et facere, ut me etiam fama loquatur anus.
Ni mens ista tibi, patrio vix nota laterem
Pæne solo, & mutus clauderet ossa lapis.
Tu majora aude; tua sunt mihi carmina curæ,
Carmina, quæ porro nil nisi numen olent.
Ah pereant, inhonesta suos quæ polluit auctor
Scripta; sed hac vatum pars quota labe caret?
Vix purum quicquam invenias, utinamque Poësis
Vel formosa minus, vel mage casta foret.
Tu mores huic redde suos, artemque pudicam,
Qua potes, extremo vindica ab interitu.
Ipsa animos addam, ac vires, adero ipsa canenti:
Ipsa operis confors ipsa laboris ero.
Non imbellis enim; nec telum imbelle sine ictu,
Ut plerique putant, sacra Camæna jacit.
Est ea cæte audax feliciter, & suus illam
Subsequitur cultu simpliciore decor.
Nec mirari ausis; nonne hanc decet esse, magistro
Cantum olim fertur quæ didicisse Deo?

Ergo macte animis : hac te fas ire volentem ;
Hac iter est , raro qua via trita pede .
Te fortasse aliquis digito monstrabit ; & hic est
Dicet , qui sacræ flagrat amore lyræ ;
Quique altum resonare ausas , casteque locutas
Non injucunda vellicat arte fides .
Ne qua tamen , famæ dum te venientis imago
Implet , gloriolæ te levet aura , cave .
Fama malum est pulchrum , & quoddâ sine crimine crimē
Deperit hanc , nimium qui sibi cumque placet .
Sit satis exiguis aliquid committere chartis :
Sit satis ingenio frangere nolle fidem :
Sit cineri superesse satis : quid in aëre prodest ,
Et vanum in rapida scribere nomen aqua ?
Non te sollicitos venari audacter honores ,
Credula non votis te dare vela juvet ;
Nec latum temere clavum indue , nec tua multus
Mane saluator limina sæpe terat .
Nec nitidis aulæ scopulis impinge carinam ,
Sunt ubi tot iyrtes , quot numerantur aquæ .
Te tua paupertas , & non ignobilis oti
Celabit fido tutius umbra sinu ;
Et probitas (quoniam tibi præmia nulla parantur)
Census , crede mihi , sat tibi dives erit .
Altum alii teneant , quorum est audacia felix ,
Dum tua vicinum palmula litus amet .
Quis furor est surdos ad lintea poscere ventos ;
Fastidit gracilem fortior aura ratem .
Tu tamen obdura , vultumque immotus eundem
Exere ; mutari nec tua fata velis .
Egregie immites fortunæ ulciscitur ictus ,
Proterit invicto qui sua vota pede .
Sufficiant steriles , si qua est ea gloria , laudes ,
Atque uni tua sit cura placere Deo .
Cetera , si nescis , velut ægri somnia , vanis
Undique nixa umbris nil nisi nomen habent .
Nonne audis , ævi torrens ut ad ima volurus
Secum una ingenti cuncta fragore trahat ?

Sed tibi sensus hebes, surda velut aure cadentem
 Excipiunt Nilum qui Catadupa colunt.
 Si sapias, illecebras, perituraque gaudia ride:
 Sola diu probitas, & benefacta manent.
 Dixit; & extemplo sese mihi, meque sopori
 Abstulit; oh quantum nox fuit illa brevis;
 Sunt ea dicta mihi semper vice legis habenda,
 Quæ colui, & merito semper honore colam;
 Nec tam firmæ altis hæret radicibus arbor,
 Quam quæ animo arrectus tunc sitiente bibi,
 Sed tu, de nostra quæ tam bene nocte mereris,
 Ad mea, Diva, precor, somnia sæpe redi.
 Ipsa licet fileas, vultus tamen ipse docebit.
 Non semel est miseros erudiisse satis.

Ad Eandem.

Vidi te in somnis, an te vidisse putavi,
 Frigida cum medium Luna teneret iter?
 Te vidi in somnis: haud fallor; nec mihi certe
 Suspecta est animi relligiosa fides.
 Nec vidi tantum; sed te mihi, Diva, locutam
 Auribus astipulor credulus ipse meis.
 Oh utinam quantum visa, atque audita recordor,
 Tantum ego non solito fortius ore tonem,
 Sitque ratum quodcumque jubes, nec aranea vanum
 Ah nimis exili in carmine ducat opus?
 De te pauca quidem cecini; nam vectus in altum
 Expavit reliquas currere linter aquas.
 At quando hæ Musæ tua nunc sub signa vocantur,
 Atque hoc omne tibi militat ingenium,
 In leges jurare tuas ut debeo, sic te
 Arma mihi, & vires contribuisse decet.
 Jam vallum egredior, duce te; pugnamque capessio,
 Atque tuo hæsuræ in pectore tela gero.
 Nobiliore quidem tu cuspide digna feriri;
 Verum ego te feriam, nec tamen hostis ero.
 Carmina erunt ictus, & sacræ vulnera laudes,
 Fama volet quorum forsitan ore loqui.

Hanc ego militiam semper sectabor, & una
Finis erit vitæ, militiæque dies.
Verum operis molem, pondusque hinc metior, illud
Quod fero, & ignoro, qua ratione feram.
Tu mihi quodcumque hoc animi divinitus afflas,
Nam sine te nostræ nil valere fides.
Ac veluti ferrum fabrili adjuta lacerto
Cos acuat quamvis, ipsa secare nequit;
Sic te, Diva, cano, licet inscius ipse canendi;
Ac labor iste tuus, famaue tota tua est.
Sed Musas habeam iratas, artemque novercam,
Si quid non sanctum scribere fert animus.
Nonne satis Cœlum stabulis impleſſe ferarum,
Infamaſſe fuit sidera nonne satis?
Perdimus heu mores, bibimusque venena per aures;
Et dulce est falli, cum dolus ipse placet.
Me fugo non picta adeat, nardoque peruncta,
Nec quæ lascivam subdola Cyprion olet;
Sed casta, & proprio contenta decore Camœna,
Quæ prodesse magis, quam placuisse velit.
Quis cantare queat lascive, ac vivere caste?
Raro iisdem lingua est improba, vita proba.
Te per ego has igitur lacrimas, numenque tuum te,
Perque probaturum talia vota Deum,
Diva, rogo, hanc imis curam mihi fige medullis,
Ingenii posthac & cape lora mei.
Aspice, ut Urbe procul vacuas dare versibus horas
Nitar, & occultas promere mentis opes?
Hic ego, ne urbanum quærant sibi vulnus ocelli,
Exigo securos, & sine nube dies.
Et nunc me quercus fide amplectentis ad umbram,
Nunc lene ad murmur prætereuntis aquæ
Spes, dico, steriles, & vota antiqua valete;
Mecum libertas & mea chara mane.
Fumum, & opes, vanosque alii sectentur honores,
Possum fortunæ non ego ferre dolos.
Nec posco, ut centum findant mihi jugera tauri,
Nec thoro ut aurato sit mea nixa quies,

Nec me alat ut Phasis, nec textilis induat aura,
 Nec Tyrium vellus, linea nec nebula.
 Sufficiant arcti fines, & pauper agellus:
 Sint epulæ haud emptæ, sit mihi mensa tripes,
 Et domus, & vestis non absona moribus, & quam
 Sedulitas Phrygiæ non variet acus.
 Rura colam, rurisque artes; his vita magistris
 Desuevit multum civica tela pati.
 Gratia magna, istis lateam si tutus in antris,
 Et quis ego, & quid agam quærere nemo velit.
 Repere me docuit fortuna; sed abditus ima
 Sim terræ latebra, sic mage tutus ero.
 Aut saltem intonsi montes, nemora invia Soli
 Me miserum vestris condite celsitibus;
 Ut si forte aliquas veniam laudatus ad aures,
 Me pulchre mendax tunc ego nosse negem.
 Quod si opere ex ipso deprendar, & indice fama
 Proditus, a Musis arguar ipse meis;
 Nunc mihi abortivam sit fas præcidere laudem,
 Et prohibere malum rite puerperium,
 Viribus ac totis inimicæ occurrere famæ,
 Ante ortum plausus & sepelire meos.
 Tu modo (nam certe Divum est miserescere) saltem
 Ah saltem in somnis te mihi redde semel.
 Ecce oculos claudio Solem precor ecce, Britanno.
 Fonte moraturos ut cito mergat equos;
 Urque facem revehens, producta nocte, diurnam
 Tollat ab Eoo segnius amne caput.
 Jam vel ficta veni; pendebo loquentis ab ore,
 Et veros monitus vox mihi ficta dabit.

Ad eandem.

Esse aliquid rebar Musas, aliquidque valere,
 Nunc nil posse illas, & reor esse nihil.
 O patria, o quondam pace inclita, & inclita bello,
 Et sophiæ quondam, Pieridumque domus,
 Quàm non es quod eras! oculis latè omnia lustro,
 Et patriam in patria quæro, nec invenio.

Flent

Flent inopes frustra deserta in rupe Camœnæ,
Barbiton & paries nunc inhonorus habet;
Pannosæque Artes lacrimis, & paupere lingua
Præter vota sibi nil superesse dolent.
Est ne hominum, an sæcli vitium, vel Numinis ira?
Nescio: tu dictis astrue, Diva, fidem.
Nam quid es in terris, nisi magni nominis umbra?
Aut quid de te aliud, quàm levis aura sonat?
Ossa viatori nunquid tua flebile carmen
Indicat, aut tituli gaudet honore lapis?
Cui versum fatear, cui te debere lituram?
Anne tibi est aliqua linea ducta manu?
Laudibus ah pudeat cinerem fraudasse supremis,
Teque secundæ iterum pæne dedisse neci.
Proh dolor! humanis respondent saxa querelis;
Voxque sua est antris, littoribusque sua;
Nec desiderium potis est leo ferre lænæ,
Nec fortè ignotis temperat a lacrimis.
Et nostri gemitus, & vox tibi nostra negatur,
Natali ut taceas advena pænè solo?
Quid si Cœli haustus alios, aliumque bibisses
Aëra, nosque eadem non genuisset humus?
Teque triumphati spoliis Acherontis onustam
Gloria non fastis adderet Indigetum?
O sæclum infelix! Urbs o malè cauta, tuique
Immemor, inque malis ambitiosa tuis!
Jam fuimus Tusci, fuit Arnus, & artibus artes
Increvere; auri nunc dominatur amor.
Infra aurum leges, auro famulatur honestas,
Aurum omnes magni Numinis instar habent.
Aurea tempestas jura omnia merfit; & ungue
Jam secto Virtus, rasiq; pæne caput
Incumbens tabulæ circumspicit anxia, quænam
Seque, suumque velint littora naufragium.
Hinc nos reliquias priscae vix laudis olemus;
Et famam a vitiis hinc sibi quisque petit.
Fœnoris ingluvies hunc distinet: ille peculi
Præda fit imprudens, mancipiumque sui;

Et pavida extremos iterum trabe currit ad Indos,
Joniumque onerat quæstibus omne mare:
Portanturque avidas miserorum fracta per undas
Viscera; & ad clavum culpa, dolusque sedent,
Cæmentis alius terram premit, inque profundis
Manibus explorat, quod modò carpet iter.
Strato alios dormire ostro, fundosque paternos
Induere, & Syrio vivere more juvat;
Externamque comam, & pictos medicamine vultus,
Panchæoque litas cortice habere manus.
Quis votum superis faciat, si plena Marone
Lingua sibi, aut madidum Socrate pectus erit?
Aut lactis quem parte sui quinta imbuat uber
Musarum, si nil, quo repleatur, habet?
His agimur miseri fatis, animumque supinum
Indecores vitio, desidæque damus.
Parce reis igitur fassis, pulsoque veterno,
Tolle animi effœtum, Diva, precor, senium,
Publico & o tandem sine nos emergere cœno,
Immensumque tuæ currere laudis iter.
Fallor, an ingenii rugæ jam sponte recedunt?
Jam sum alius; venas jam novus ignis alit.
Durus eram, gelidusque lapis longo oblitus ævo;
Exprimit abstrusas nunc tua dextra faces.
Atque utinam hæc longè volitet, latèque favilla,
Occidat inque ortu nec vapor iste suo,
Nam si qua ingenio vis est, & gratia nostro:
Sanguinis ingenui carmina si quid habent,
Stat pro te pharetram Latæ vacuare Poësis,
Doricaque Ausonia mittere tela manu.
Et me tollere humo, totoque in sæcula nifu
(Ipsa modò aspires) anteriora rapi.
Me duce, fortè alii, quos cæstrum immanius urget,
Monstratum unanimes ingredientur iter;
Teque volent meritam doctis intexere chartis;
Nec pudor his fuerit, me præcunte, sequi.
Sic patriam ingratham, segnesque piabimus annos:
Ore tuus nostro sic adolescet honos.

Quid

Quid moror? ingenium dat sæpe coacta voluntas;
 Rebus & in magnis vim sibi quisque facit.
 Certè aliquam, laudis quamquam nihil indiga nostræ,
 Accipies famam; sed magis ipsa dabis.

Ad Eandem.

Siccine tam velox vitæ fuga? siccine semper
 Conjurant volucres in mea fata dies?
 Meque mihi semper fur surripit hora, mihi que
 Non intellecto mors venit atra pede?
 Paulatim morior: frustra id celare quid ausim?
 Non sum hodie, fueram qui mihi visus heri.
 Optima pars nostri periit; manet altera fatum;
 Sed manet? immo etiam, dum loquor, ista perit.
 Extincto jam flore vigor tepet igneus; & jam
 Anticipata meo vertice candet hyems;
 Et si forte animum, vireſque interrogo, vita
 Sentio me sensim deficiente mori.
 Hæc levius quererem, possem si dicere: vixi,
 Dicere si possem: mors mihi, fera venis.
 Quot mihi, si lapsi rationem temporis ipse
 Mecum recte ineam; quot periire dies?
 Quam nihil heu vixi! turpi mea vita sub hasta
 Veniit; & pretium pœnituisse fuit.
 Pœnituit, fateor, genuique sed impare luctu;
 Et lacrimis certe defuit unda meis;
 Necdum animam efflevi totam; dolor ultima quærit
 Pabula; meque mei nunc meminisse pudet;
 Ultricesque habitant laniato in pectore pœnæ;
 Ipsaque sunt animo crimina supplicium.
 His me, Diva, malis pressum, & graviora timentem
 Juncta quater nonæ tertia portat hyems.
 Quid faciam? effugii nulla est via, nulla salutis;
 Jamque extrema dies imminet: affer opem.
 Affer opem, nam Diva potes: tibi mille juvandi,
 Mille medendi artes; ah precor, affer opem.
 Magna salutis enim pars est voluisse salutem;
 Hanc volo, nec morbis blandior ipse meis.

Ac veluti alpinis nix alta diutius hæret
Verticibus, cultos at cito linquit agros;
Haud aliter mentes peccandi effrena cupido
Obsidet agrestes, transilit ingenuas.
Mene igitur palmas ad te cum voce supinas
Tendentem absumi tot patiæ malis?
Ne omnino absumar, jam spes ejuro priores:
Armo jam rigidas in mea vota manus;
Transactumque ævum doleo, metuoque futurum,
Extremam lacrimans opperiorque diem.
En deserta tenent hic me loca, & apta dolenti,
Solutus ubi ærumnas alloquor ipse meas;
Meque urbi, populoque nego; nam culpa videre est
Quod nocet, & sola vincitur illa fuga.
Ah quoties viridi (scis ipsa) sub arboris umbra,
Frigida qua vitreo labitur unda pede,
Multa gemens, vincunt numero mea crimina, dixi,
Silvæ hujus frondes, fontis & hujus aquas?
Ah tenera quoties incidere cortice juvit,
Vitæ actæ seriem, desidiæque meæ.
Nulla exinde quies, finis mihi nulla dolendi est;
Crescit nempe arbor, crescit & ipse dolor.
Hæc, mihi ne desim, perago; verum ardua tento;
Et si velle mihi, non ita posse datum,
Tu patriæ tutela tuæ, morumque magistra,
Tu firmare animum, propositumque potes.
Omne a stirpe mihi vitium vellatur; & insons
Vita sit hæc saltem, si fuit acta nocens.
Non me auri, famæque sitis, non me ullus honorum
Vincat amor; votum sit cupiisse nihil.
Ut cum summa dies fatalem advexerit horam,
Sarcina sit scelerum nulla, vel illa levis.
Maximus hic rerum cardo est; quid cetera prosint
Rite acta, hoc unum si male cedat opus?
Vidi ego, ut illimi niteat pauperrimus unda
Rivulus, & fluvio casta tributa ferat:
Vidi etidem spumofum amnem, ripæque minantem,
Centum aliæ sparsim cui famulantur aquæ.


Hic

Hic dorso nemora alta ferens magis æstuat, amplum
 Cum se se, moriens, mittit in Oceanum.
 Sic placidæ pereunt, bona quos commendat egestas:
 Divitis at vita est anxia, morsque gravis.
 Si mea non locuples, & non inhonesta futura est,
 Diva, tibi voti debitor hujus ero.
 Tu pia, tuque potens, & eris mihi maxima semper;
 Te, nascente die, te moriente canam
 Atque utinam facias, fuero cum versus in umbram,
 Hæc tumulo ut verax carmina Musa notet
 Hic jacet osor opum; fuit huic latuisse voluptas
 Peccavisse dolor, pœnituisse salus.

*Agit gratias B Humiliana pro impetrato Uxori
 sue laboranti feliciter puerperio.*

Solvere jam tempus votum quinquennæ merenti;
 Ex animo grates jam tibi tempus agi.
 Tempus agi grates, quas nunc foret æquius actas;
 Parce, bonique, precor, consule, Diva, moram.
 Conjuge servata, quam me mihi reddis! in uno
 Corpore jam dicam convaluisse duos.
 Hei mihi, qualis erat, clausa, cum ægresceret alvo,
 Maturumque uteri non bene ferret onus!
 Pœne animam excussit; tam creber anhelitus, ac tam
 Concitus, impatiens, irrequietus erat.
 Quid facerem? fuerat vis tota absumpta medendi;
 Ars deerat, medicæ destiterantque manus.
 Ipse dolore amens miserum patris inter amorem,
 Atque viri, hercbam victus utroque malo.
 Procubui genibus, palmas & utrasque retendi;
 Et dixi, faulrix o mihi semper, ades;
 Nunc ades, ægrota rogo te pro conjuge conjux;
 Pro nondum nata te rogo prole pater.
 Duro utramque, precor, fato eripe, meque timori,
 Laxatoque uteri carcere pande viam.
 Vix ea fatus eram, cum vi patefacta repenti
 Sponte sua veniens edidit alvus onus;

Evaluitque uxor festivam enixa puellam,
Cujus erat placido multus in ore parens.
O velox pietas ut spes inopina revixit;
Inque oculis pressio substitit imbre dolor!
Quis tanti putet esse preces, ut pareat æther,
Abstineatque avidas mors quoque iussa manu?
Occidit illa quidem sesquiannum emensa, medullis.
Et mihi luce ipsa filia chara magis,
Quæ solatiolum, quæ matris ocellus, amorque,
Deliciumque sui quæ modo patris erat.
Sed quid ego extinctam doleo? fuit utile nasci,
Utilius certe sed periisse fuit.
Nunc etenim sentit, quam se tibi debeat; & nunc
Sidera emi nullo posse labore videt;
Fertque accepta tibi quæ possidet astra; tuumque
Jam secura sui nunc mage munus amat.
Nos igitur tua cura sumus; nostræque vocamus
Te merito còlumen, præsidiumque domus;
Utque diu natum serves utrumque precamur,
Nec minor uxoris sit tibi cura meæ.
Hæc lateri assideat semper comes, una voluntas,
Una fides ambos uniat, unus amor.
Fluctibus ac veluti, ventisque agitur iisdem
Cymba minor magnæ confociata rati,
Sic mecum ærumnas, & dura incommoda discant,
Fortunæque vices hæc utriusque pati.
Illius ipse feram monitus, ferat illa monentem;
Illi ego sim vitæ regula, & illa mihi.
Culpæ omni nec labe vacet modò uterque, sed omni
(Quod magis est) culpæ suspitione vacet.
Audior, an fallor? patet isti janua voto,
Donisque accedunt hæc quoque dona tuis.
Te tamen usque rogo; non qui thura irrita fundit,
Ille colit superos; qui rogat, ille colit.



*Filiolam suam extinctam alloquitur B. Humiliana
ope vite limen ingressam.*

Nata, mei quondam lusus, mea sola voluptas,
Bisdenus potuit quam dare mensis humo :
Non ego te vulsis ausim lugere capillis ;
Tam chari capitis non ego fata queri ;
Nec possum lacrimis avidum satiare dolorem ,
Jacturæ quoniam gratulor ipse meæ .
Sævus ego videar (Naturæ ignoscite leges ,
Parce amor , hæc forti dum pietate loquor)
Sævus ego videar , dum sis , mea filia , felix :
Mensura hæc nostri semper amoris erit .
Sat modicum vixisse fuit , vitæque procellas
Actutum sicco transiliisse pede .
Nunc te portus habet : fessi miserere parentis ,
Cujus erat medium fracta carina mare .
Ultima , quæ superant de me modo fragmina , serves ;
Tuque mihi tabulæ fungere nata , vice .
Nec non Cerchiaden bis , terque medullitus ora ,
Sit cymbæ felix ut Cynosura meæ ;
Ne totus peream , & scopulos ne allisus ad istos
Morte mea infames navita vitet aquas .
Illi ego non frustrà pro te , si rite recordor ,
Proque parente tua vota , precesque tuli .
Ne sis nunc injusta , mihi prope naufrago eandem
Sæpe roga ; & patri , filia , redde vicem .
Illius è verbis , cum vult vincere Tonantem ,
Aurea divinus vincula nectit Amor .
Illa roget , posito vindex cadit ira flagello :
Illa roget : læsus projicit arma Deus .
Illi hominum pœnas donat , miseramque recudi
Vultu alio sortem , si velit illa , jubet .
Hanc reverenter adi (nam quid clementius umquam ?)
Erroresque meos , & mea fata doce .
Dic , ni aliquid mihi præstet opis , discrimina mille ,
Mille instare metus undique , mille mala .

Dic stimulis animum fodiat, ne temporis hujus
 Possideam mores: dic, mea vincla levet;
 Et quas illa olim gessit, mihi commodet alas,
 Quodque olim tenuit, nunc mihi monstret iter.
 Experto credas: nihil est humanius illa;
 Si fallo, iratam semper utramque habeam.
 Per mea sæpe mihi contraria fata, measque
 Juro per ærumnas, gaudia perque tua;
 Non pater ipse magis tibi sum, quam filius isti.
 Jam quid adhuc cessas? experiere; roga.
 Cetera si dispar, par esse in amore labora;
 Nempe illi hoc uno te decet esse parem.
 Quod cælum teneas, toto tibi pectore grator:
 Quod mea sis proles, gratulor ipse mihi.
 Qua frueris, vitam sed si mihi, nata, rependes,
 Vera meæ proles tunc ego prolis ero.

De Spei funere.

Cedat recenti fabula historię vetus.
 Agnoscere ortus quærere
 Furtum sororis irreperitæ ut desitit,
 Anguem necatorem neci
 Dedit. Bubulcus inde conspersit solum
 Semente dentium fera,
 E cujus alvo bellicosa militum
 Repentè messis exiit,
 Periere utrinque mutuo qui vulnere.
 Felicitatem sic ego
 Frustra diu venatus, occidi improbam
 Spem [versipelle, suppiter,
 Sævumque monstrum] cujus è cadavere
 Mille hinc, & inde prodiit
 Deprœliantum exercitus Pathematum,
 Quasi ultor extinctæ Spei.
 Sed primo in ortu (vix mihi ipse credidi)
 Assurgere ulnas in decem,

Dispo-

Disponere agmen, dimicare, interfici
 Res una. Quale [Dii boni!]
 Certamen illud, quo cupido, & ambitus,
 Amorque non sanus mei,
 Nec non secundi livor impatiens loci,
 Primique semper appetens,
 Utrinque conscivere mutuam sibi
 Mucrone fraterno necem.
 Sic undequaque victa post Pathemata,
 Thebana jam non construo,
 Ut Cadmus olim, sed quieti, & otio
 Perenniora mœnia.

De Bellis sui temporis.

Neroniana dum favilla Romuli
 Arces, & alta mœnia,
 Septemque colles undequaque devorat;
 Totamque luctus, & pavor
 Urbem pererrant, atque desperatio:
 Ambusta solus non sine
 Rifu, & cachinno testa miratur Nero,
 Oratque ventos, desidem
 Flabro ut favillam fortiore suscitent.
 Sic Bætis, Ister, Sequana,
 Padusque dum cruenta Neptuno ferunt
 Tributa, dumque bellicus
 Bacchatur ignis, donec aut igni fames,
 Aut esca desit, & locus:
 Fumantium tot urbium cadavera,
 Tot regna depasram facem
 Rex ridet Hebri amarulento scommate,
 Nec parcit iræ follibus
 Redintegrare jam senescentem rogam,
 Prunasque prunis addere.
 Bellum o malorum fertile! o nullis Hydram
 Flammas profligandam! lues
 Hæc unde seva? dulcis unde infania
 Mortes emendi? sanguinis

Parumne fufum eft? aut parum miferi fumus?

Male ah fit illi, nexuit

Qui Tempori alas. Pigrius quid Tempore,

Quod Pacis ad charæ oscula

Preccem tot annis publicam nondum tulit?

Sed progredi expeditius

Momenta vultis pigra? votorum, precor,

Alas meorum fumite.

De fua Creatione.

Informe, & atrum nuper eram Chaos;

Nutu fed uno congeriem Deus

Discrevit indigeftam; & aura

Spiritui data; fanguini ignis.

Porro fibi undam fluxa Pathemata,

Sibique inertem corpus iners humum

Assumpfuit; & metus rigentes

Quandam hyemis, viridesque quandam

Spes induerunt veris imaginem;

Æftas nec anno defuit huic novo,

Præfervido æftivam, igneoque

Ingenio referente flammam.

Autumnus atque nullus adhuc. Quid heu

Quid cunctor amens? fructu operum, precor,

Abundet autumnus bonorum

Perpetuos pariturus annos.

*Ad Benedictum Gori Advocatum ex Collegio
Nobilium.*

De contempta terreni honoris.

Quid eft, quod intus me cruciat, Gori?

Honor ne? verum five honor illud eft,

Sive umbra honoris; quale jam illud?

Si bona res, nocet undè tantum?

Si prava, tantum quid placet? o malum

Dulce! o voluptas exitiabilis!

Volens, & invitus peræquè

Discrucior, cruciari & opto.

At dulci amara ope malè credulus

Quonam usque abutar? dempto ego cortice,

Atque intus inspecta medulla

Quid sit honor, patere ut requiram.

Heu quale monstrum! Pars hominem refert

Superna, in anguem desinit infima;

In piscem, ut olim desuisse

Pulchræ Acheloiades feruntur.

Quo abundat intus felle honor, en meos

Lino ipsè ocellos, & video statim,

Ut subdolè assentatur, usque

Spe miseros alit inquieta,

Vanaque rerum semper imagine,

Non rebus implet. Sic Latiae fami

Frumenta deposcenti, arcam

Plena tulit, fabulumque navis.

Idolum id ergo quod facimus Deum,

Cœlo & locamus non sine victima,

Rem ludicram, atque imaginofam,

Et nitidam sine corpore umbram

Frangamus ambo. Fregi ego sæpius,

Frangam & deinceps, dum ratio finet;

Latumque cur paulo ante clavum

Induerim, puto, nosti abundè.

At lucè honorum quid tibi cum extera?

Te clarus uno lucè nites tua,

Nec dignitatum in te parèrga,

Sed te homines venerantur in te

Te multa fandi lactea copia:

Scientiarum tē phalæra omnium

Ornant ferè omnes: te clientum

Turba vocat simul omnis unum;

Et seu reorum præsidio exeris

Stylum, atque linguam; sive agis in reos

Vi legum, & exemplorum; adoptat

Penè sequax tua vota Judex.

Optare honores quàm miserum! assequi
 Quàm turbulentum! Laus tibi maxima,
 Dicere si nullum assecutus
 Esse gradum, meruisse cunctos.

De Pratura Volaterrana,

Ad Comitem Franciscam Montani.

Me Prætor quater gelidi rediere Decembres,
 Quaterque arista floruit.
 Quid, Montane, actum? dices: magna, ædepol, egi
 Magna, hercle, nec pauca admodum,
 Quæque operæ pretium sit dicere. Redditus urbi est
 Diu negatus Histrio;
 Bisque novem clausæ, populo indignante, per annos
 Jam comicæ patent fores:
 Sublati anfractus passim, salebræque viarum
 Hinc saxo, & hinc laterculo:
 Defensæ leges: odia intercisa: diremptæ
 Lites perantiquæ, & graves:
 Indictum iceleri bellum: Meretricia labe
 Absterfa: difficillimis
 Nec non temporibus servata annona. Quid ultra?
 Non orphano, non yirgini,
 Præsidium viduæ non defuit, & mihi toto
 Nox una quadriennio
 Extra urbem haud sane transacta; data inde Latina
 Sunt subcissiva tempora,
 Etruscæque lyræ nonnumquam. Nec, pluraque forsan
 Egisse me non abnuo.
 Egi autem? sim stulte audax, nisi cetera dicam.
 Egi hæc, Deo sed auspice,
 Atque auctore Deo. Frustra vigilo ipse, vigil nã
 Urbem Deus custodiat.

*

Ad

*Ad Benedictum Gori Advocatum ex Collegio
Nobilium.*

Plusquam fena, Gori, iustra tenet nos bene mutuus,
 Nec vulgaris amor; nosque animi glutine par fere
 Ætas, par studium, parque etiam copulat indoles.
 Quā rarū,arque novū! nostri equidem temporis hic amor,
 Sed priscum redolet; nec similem sane alium reor.
 Et si post cinerem vixerimus, postera sæcula
 Dicent forte, duos nec titulis, nec genere impares,
 Et non in literis incelebres [parce etenim loqui
 De te cogor ego, de me etiam dum loquor insimul]
 Dilexisse adeo se invicem, & ardentius in diem.
 Nunc te Clavis habet: me Cecina; & legibus oppida,
 Et gentes regimus, maximæ opus molis, & arduum,
 Et plusquam Herculeum; quippe lues publica, fertilis
 Mille hydra est capitū, fronte nova utcūque regerminans
 Par tu certe operi; nec tibi tu, nec populis dees.
 Desum sane ego, desum (fateor) meque mei pudet.

Ad Scipionem Filium.

Nosti ne, Fili, Rege sub optimo
 Quot genti Etruscæ Dii tulerint bona?
 Pauca ipse dicam; cetera ingens
 Numen habent reticenda vulgo.
 Nobis, priorum non sine temporum
 Livore, nupsit libera servitus,
 Non serva libertas, ut olim;
 Cum rabida Imperii libido
 Tot, viscera, Urbes, in sua verteret
 (Crudele spectaculum!) & per avi nepos,
 Fraterque per fratris cadaver,
 Perque patris sibi natus ipse
 Viam pararet. Cum in pretio furor,
 Suspecta virtus, quæque velis, loqui
 Periculosum, quæque nobis,

Effet atrox, miserumque prorsus.
 At jure quivis dicere nunc potest.
 Haud liber essem, ni penitus foret
 Amissa libertas. Amor nos
 Ferre jugum docuit; salusque
 Extrema passis hæc fuit unica.
 Negetur? an si Religio auctior;
 Merces nec uspiam bene actis
 Larga deest, neque pena culpæ.
 An si modo Arnum, dum fremit undique
 Arma arma Miles, Gallica, Iberaque
 Armenta non potant; nec usquam
 Castra tenet metuenda Teuton,
 Infubri acerbis Teuton, & Itali
 Auri, & cruoris plus nimio appetens;
 Non Principi hæc accepta ferri
 Par fuerit, tribuique nostro?
 Non alta sepes, non rigida Alpium
 Compago, sed mens provida Principis
 Contra hospitem infidas, gravesque
 Teutonum amicitias, & agger,
 Vallumque facta est. Quæ fierent modo
 Cædes, rapinæ, incendia? quis thorax
 Intactus? aut quæ septa florem
 Virginei tuerentur horti?
 Incognita essent hæc utinam! sciunt
 Sabaudi, & omnis, quam Padus alluit,
 Fere ora, quam ferex, & asper,
 Quamque parum malefidus hospes
 Ab hoste distet, longe etiam, ut ferunt,
 Ipso hoste pejor. Grator Etruriæ
 Huic grator ætati, & futuræ
 Invideo, tibi & inviderem:
 Tibi, inquam, amarem si minus; insimul
 Aut stare possent invidia, atque amor,
 Nate, inviderem, cui beate
 Est, & erit veniens in ævum,
 Et cui, Deorum non sine munere,

Sanctum, atque fortem, Disque simillimum,
 Et publicæ felicitatis .
 Fata vadem tribuere Regem .

*Ad Benedictum Gori Advocatum ex Collegio
 Nobilium .*

Mirere, Gori; poscere abs te debui
 Quam re integra, sententiam,
 Re jam peracta, posco. Quantum Carminis
 Utraque lingua scripserim,
 Quantumque porro scriptitem, nosti probe,
 Scripturus, adsit si Deus,
 Et si quid otii derur, ævo in ultimo.
 Donec receptui canam.
 Poëta sed nec esse, nec dici volo;
 Prætorum monstruosus
 Nam quid Poëta? semifer Cacus: triceps
 Chimera: Centaurus: Gyges,
 Tartessique forma Pastoris triplex
 Minora certe monstra sunt;
 Proinde nulli, nec rogatus, versuum
 Feci meorum copiam.
 Nuperrime autem vir rogavit haud quidem
 Illiteratus, & mihi
 Apprime amicus, lucubrantiumculam
 Ut pangerem Poëticam.
 Resistere ipse, rem, locumque incongruum
 Causatus; instare acris
 Ille, ac magis, magisque. Quis pugnae exitus?
 Vinci mehercle malui,
 Nec non sponendi lucubrantiumculam,
 Lateret auctor dummodo.
 Accepta lex; fecique; cur id fecerim,
 Nunc accipe. Obstrictus mihi
 Quamplurimis vir iste de causis erat;
 Rebarque non improvide;

Omnem priorum, si negaverim ultima,
 Perisse prorsus gratiam.
 Antiquiora quippe merita intercidunt,
 Nisi augeas recentibus.
 Mei hæc profecto consili ratio fuit.
 Quid sentias, tu scribe.
 Damnantis æque grata libertas erit,
 Probantis ac modestia.

*De Balneis Pecciolensibus ad P. Vincentium Mariam
 Fratrem cum iisdem valetudinis causa
 uteretur.*

Dum flagrat æstas, teque falsi rheumatis
 Ardentior longe altera
 Æstas adurit; efficaci & istius
 Lætari usu Balnei;
 Quid aptius, magisque fraternum, & pium,
 Quam flamine ut Poëtico
 Utramque, frater, temperem? quare hætenus
 Rem carmine indictam, & fere
 Longo ævo adefam, Balneique originem
 Bibacula aure sorbeas.
 Pisano in agro forte Mathildes erat:
 Magna illa Mathildes, colit
 Quam Romuli Urbs augusta, & æternum colet.
 Ut moris est, indagine
 Repente silva, mons repente cingitur.
 Venator hinc, odoraque
 Canum præalta, & ima vestigantium
 Vis: hinc & aëris rapax
 Grassator Astur, atque, Falco in alites,
 Clamore non sine absongo,
 Emissus, & jam jam cruentis unguium
 Amplexibus prædam tenens.
 Hos inter Asturi omnium longè optimo,
 Longèque perniciosissimo

Rebulliebat sanguis, aspera hinc cutis,
 Et furfurosa squamulae,
 Scobentis atque indefinenter ungula
 Voluptuosa immanitas.
 Hic, dum perempto, jam vocatus, alite
 Custodis ad manum redit,
 (Res mira!) ter, quaterque in undae venulam
 Siticulosus mergitur,
 Et convalescit. Illicò res diditur,
 Locusque aditur, venulae
 Facto haud semel periculo. Hinc ferri statim
 Coementa, lympham colligi,
 Et construi aedes, & quod usui potest
 Aegro esse, Mathildes jubet.
 Dein postea aetas auxit, atque operi novum
 Prisco parergon addidit.
 Hanc certa, Frater, haud fides Annalium
 Narratiunculam mihi,
 Sed vir probatae integritatis, & quidem
 Non indifertus retrulit.
 Utcunque sit; ferofus hinc sanguis tuus,
 Unde ille tam mordaculus,
 Ac falsus humor, infra abstergat luem,
 Atque illicò abstergat. Modum
 Excedo, & opto intemperanter; at quoque
 Intemperanter diligo;
 Et quae cupita tempus expectant suum,
 Matura non, sed fera sunt.
 Vota interim praecurre successu optimo;
 Sospesque vise sospitem.

De residuo dolore post obitum Filii.

Crudi vulneris est manus amicae.
 Formidare medentium, pati mox,
 Dein ultro petere, ac rogare. Verum
 Mihi nil simile accidit. Duobus
 Olim è filiis adeptus alter.

Vix fleui, & patienter orbitatem
 Tuli; & plaga animi recens medenti
 Mollem præbuit, obviamque se se.
 At (quis tale aliquid putasset unquam?)
 Quartæ post hyemis fugam cicatrix
 Penè obducta recrudit. Dolorne,
 Undæ instar Batavam rigantis oram,
 Fluit nunc, refluitque nunc? senectæ
 An dicam hoc vitium mala æstimantis
 Plus æquo, & fatue superbientis
 Malorum prope dignitate quadam?
 Sed quorsum dolor iste perduellis?
 Vana hæc, & petulans querela quorsum?
 Si queri est opus, & dolere; quid non,
 Heu quid non dolco meum dolorem,
 Querelasque meas queror? bene actum est.
 Importune dolor sile, quiesce.
 Jam Patrem exuo; grator orbitati:
 Grator morti etiam, & mihi ipse grator.
 Me ne obfistere Numini? absit, absit.
 Illi soli honor; illiusque ad aram
 Natum sponte superstitem, measque
 Res, meque immolo victima, & sacerdos.

*Se adhuc Puerum semel amore captum, &
 deinde numquam.*

Et me sævus Amor tunc puerum, & nihil
 Tale unquam veritum, vulnera nec prius
 Expertum ferit. Roscido acerbior
 Pomo, & pulchra nimis Virgo nigerrimis,
 Heu me perditæ amans, cœpit ocellulis,
 Gaudebamque capi, vinclaque erant mihi
 Libertate magis dulcia. Sic ego
 Sic illa æque avidis luminibus diu
 Arsuram penitis visceribus facem
 Potabamus. Erant contiguæ domus;
 Hinc nullo unanimes obice identidem

Nativis animæ sedibus exules
Errabant; dubiumque alter, an altera
Arderet gravius. Juge silentium,
Cautique intuitus, flammaque pectore
Plusquam ætas caperet clausa. Quid amplius?
Egerunt oculi causam, & utrinque amor
Insignem retulit victor adoream.
Semiannus parili nos face torruit;
Mox non sponte abii. Mentior heu! mei
Pars externa abiit, restitit intima.
Nam quæ balsama vel temporis, aut loci
Sanent chara animæ vulnera faucis?
Nulla est arte lues hæc medicabilis;
Non sanatur Amor. Tertius arserat
Jam Cælo Procyon, cum viro idoneam
Illustri egregius junxit Hymen thoro.
Arsi una, & rigui, nec scio cur ego
Non totus perii. Sed miseram mei
Non sane immemorem plaga animi, & gravis
Cura, exspesque dolor Manibus intulit,
Extremique comes tæda fuit rogi.
Quem Divum, atque hominum mentis inops miser
Non culpavi ego tunc? Quas lacrimas dedi!
Quas voces! tumulum tunc ego ad illius
Omnes delicias, & genium, & jocos,
Spemque omnem posui, bellaque amoribus
Indixi, rigido stat mihi perpetim
Exin corde silex, corque adamantinum,
In me tota ruat nec si etiam Venus,
Nec pomum triplices rursus ob aureum
Si certare velint, Judice me, Deæ,
Bruma unquam tepeat pectoris algidi.
Occisi ad tumulum Pyrrhus Achillei
Mactavit sobolem quid Priameiam?
Pœna injusta, & atrox. At si ego perdidì
Affectu miseram, nonne meos modo
Affectus jugulem? Nulla nocentior,
Nulla umquam cecidit purior hastia.

Ad Hirundinem albam.

Alba Hirundo tenerrima

Dum vagatur, it, & redie

Garrula, incommitataque,

Vi coëgit amabili

Hæc me dare voces.

Alba Hirundo magis nive,

Qua favilla ego jam senex

Urat, accipe. Amo, & mihi

Flammula interiorem edit,

Devoratque medullam.

Virginem egregiam hætenus

Plus amavi oculis meis,

Atque nunc amo; nec pudet

Si meos aliquis Cato

Deprehendat amores.

Deprehendat, & increpet,

Rideatque. Volo tamen

Mittere hanc ei epistolam,

Quam tuâ sine ut oculam,

Alligemque sub ala.

Ut Columba solet, schedam

Fer deinde Virgini;

Umbilico in Etruriæ

Solitudinis hospita

Degit illa prope Arnum.

Vade; candida candidam

Prendet, ac dabit oscula,

Terque litterulam, & quater

Perlectam: ut valet, inquiet,

Quidve agit meus ille?

Ille nunc quid agit meus?

Frustula inde sui offeret

Panis, & cyatho e suo

Portiunculam aquæ optimæ;

Tuque mox duplici ala

Um;

Umbellam facies ei.

Vade. Quæ sit Amasia

Nemini volui hætenus

Dicere, at volo nunc tibi.

Puritas ea sancta est.

Ad Christinam Suecorum Reginam.

Regum maxima, grandiorque Regno,

Terque augusta Virago, terque fortis,

Necnon ter sapiens, Jovisque veri

Cerebro edita Pallas: ecquid istud

Rei est? Te ne ego mortuam silebo,

Qui vivam cecini? & Latina nondum

Vestigalia non soluta solvam?

Si faxo, male sit meis Camœnis;

Irritumque molesta opus faceffat

Meo semper aranea in papyro.

Sed te dicere, totque gesta, plenus

Alex labor est periculosa,

Et magnum quoque terreat Maronem.

Quid poppysmate Pegasum canoro

Conscendisse iterum velim? sat ipse

Satis cum folio tuo loquutus,

Nunc tecum liceat loqui. O beata

Tempora! o geminam mehercule albo

Signandam trieteridem lapillo!

Quæ nam sors fuit illa, Dii, Deæque,

Sors plane omnibus invidenda, nostram

Tanti pendere Barbiton, mihique

Tantum mittere sæpe litterarum!

Quid dico litteras? per ampla nonne

Est Panegyris unaquæque, Vatum

Dum clamas veterum, & recentiorum

Nulli cedere me, præire multos?

In me dum reducem asseris Petrarcham,

Sed mendam reducem sine ulla, & a me

Uno hæc sæcula nostra Tassiano

Expectare Poëma non secundum?

Famam haud aucupor, & parerga vero

Non addo, neque scitulus videri

Volo, optoque. Silere an illud ausim

Quod scribis? Fateor mei hac malignâ

Invitâ genii severitate,

Quâ nil pæne meo sapit palato

Invenisse nihil tuo in libello,

Quod valde haud sapiat meo palato?

Atque illud quoque; præmium nisi esset

Virtutis Deus ipse, & ipsa Virtus,

Par toto reperire in orbe posset

Nil præmî tua musa, musa grandi

Oestro percita, Principumque laudes

Magnorum eximias referre nata,

Quam nunc si audiat, haud Achilli Homerum

Rex Pellæ invidet? Quid illa porro?

Non præconia posco. Laus profecto

Debetur mihi nulla præter unam,

Nare ubilibet optimum sagaci

Quod venor, poteritque dicere Orbis

Christina extera vidit, & probavit.

Magni carmina docta Filicajæ.

Quid quod te mihi ubique debitoricem,

Solvendo neque idoneam fateris,

Ut Regnum pigeat fere abdicasse?

Quid quod crimine ab omni avara fata

Plane absolvis, utrique te Parentem

Spondens filiolo? Alterum Lycæo

Et Senensi ubi miseris: cape inquis

Hunc mei, & sile amoris arrhabonem,

Donec grande aliquid, sonantiusque

Pro te gessere, meque, teque dignum?

Hæc dum cogito, vix mihi ipse credo,

Provocoque ad epistolas, meique

Suspecta est oculi fides. Quid ultro?

Te superstitute non ego Maroni

Augustum (mihi crede) non Petrarchæ

Robertum, tenero Adriæque Cycno
 Invidi haud ego Tusciæ Leonem.
 Nunc bustum Chelys ad tuum reclinis,
 Fracta, & dissona feriat, ac te
 Nostræ hæ litterulæ, fidesque nostræ,
 Ubertim lacrimis gemunt obortis.
 Me infeliciores est, fuitque, critque
 Quis mehercle homo: quidve non sibi ipsos
 In Reges Libitina vult licere?
 Jacturam ne ego publicam quærar nunc,
 Privatam an prius? o severa Fata?
 O infortunia magna litterarum!
 O cuncta irrediviva Plestra, & ipso
 Cum Phœbo exanimis novem Sorores!

*In funere Victoria Roboreæ Magnæ Ducis
 Etruriæ.*

Hæcine mille olim spoliis, titulisque superba,
 Atque auras tendens vertice in ætherias,
 Pulchra, ingens, augusta, Jovi sacra Quercus Etrusco?
 Hæcine Thyrræno Quercus amica Jovi,
 Quæ mare, quæ terras texit regalibus umbris,
 Et cujus trunco publica nixa quies?
 Proh dolor! hæc ima dudum a radice revulsa
 Pondere victa suo est, seque suosque premit.
 Lapsa tamen sublimis adhuc; umbramque ruinis
 Tot simul aggestis ipsa ruina facit.
 Stantem, hospes lapsæ confer: stetit illa, repente
 Casura; ut staret firmius, hæc cecidit.



Bis miseri occidimus; nec mors satis omnibus una est;
 Auribus appulsa est prima, secunda oculis.
 Immo, cum; Princeps, iterumque iterumque perires,
 Tecum ipsi ante obitum non semel occidimus.
 Et clades isthæc dicenda? & plaga vocatur
 Hæc ingens animi plaga, dolorque dolor?

O segnes voces, ignavaque nomina! & o quàm
 Impar sæpe sibi grandia nomen habent!
 Te moriente, dolor sua trans pomeria fertur
 Improbus; & stupor est qui dolor ante fuit.
 Nostra ergo exanimis in morte fitebimus; & vox
 Si qua sonet, nostræ vox ea mortis erit.



Quo tot se lacrimæ vertent? & quousque dolore
 Imperiose dabis libera vela dolor?
 Ipsos penè oculos efflevit Etruria: nec dum
 Visa sibi infelix est gemuisse satis?
 Dicta dies lacrimis funebrem instaurat honorem
 Et fari lacrimas, mœstitiamque jubet.
 Sed quali attritæ sine fulmine spesque, salusque
 Publica: quot Populos una ruina premat:
 Qua Reges norma, qua matre, ac Principe regnum:
 Quo careat fulcro Regia, quis referat?
 Heu quàm flere minùs miserum, quàm flenda referre
 Quotque unum hoc ingens funera funus habet!



Instaurat pietas mœrorem; in jusque vocari
 Et verba, & lacrimas hæc pia pompa jubet.
 Quicumque aut regno, fortunæ aut fudit adultæ;
 Atque negat, fragili grandia stare loco
 Te, videat, Princeps; cadis alto à culmine regni,
 Nec parvæ est molis dicere, quanta cadas.
 Sed cadis; atque tuum tot jam, velut agmine facto,
 Celsæ animi dotes frustra obiere latus.
 Serò tamen victa es; viridisque, ac pulchra senectus
 Bis septem evasit sospes olympiadas,
 Ac tecum potuit mors transgisse videri,
 Ceu moritura tui portio nulla foret.
 Jam longæva peris; sed cui longæva peristi?
 Quis non serò ortam dicat, obisse citò?

Heu



Heu quid nostri adimis partem, partemque relinquis?
 Vel redde alterutram, mors, vel utranque adime.
 Vel de spectaculo spectatrix facta, triumph
 Pompa sit ista tui quàm truculenta, vide.
 Hinc sophia, hinc pietas, convulsis crinibus ambæ,
 Mœstæ ambæ, ac lacrimis, illuvieque graves:
 Justitia hinc, virtusque animi, ceu Præficæ, ad urnam
 Nullo emptæ pretio, seminecesque gemunt.
 Forsan & ipsa gemes, teque ipsa fatebere fontem,
 Sed quàm pulchra ream te modò culpa facit!
 Non vita Princeps caruit; sed Principe vita;
 Si non sævisses, viveret illa minùs.



Ut nubes inter fulgur sub paupere Cœlo
 Dum fugit, emensum jam tenebrescit iter:
 Clara per hanc noctem sic dum, Victoria; transis,
 Etruscum hoc Cœlum tristior umbra tegit.
 Fulminis utque atrum pallet jubar: haud secus atræ,
 Infaustæque ardent hæ sine luce faces.
 Ergo agedum (namque ipsa tuo te lumine velas,
 Spectarique nequit Sol nisi Solis ope)
 Te nitor ostendat nobis tuus; ac nova oriri
 Trans Abylam, & Calpen ceu videt astra ratis;
 Sic oriare novum trans mortem fidus; & olim
 Si nituisti oculis; menti, animoque nite.

Mare Inferum in ejusdem funere.

Me miseram! vidi, & perii? Quid, mors, ego de te,
 De vobis, oculi, tam male quid merui?
 Vidi obitum Dominæ; atque utinam vel cœca fuisset,
 Vel foret hisce oculis non ita certa fides!
 Hinc me, undasque meas lacero; ac velut ora videri
 Quolibet in speculi fragmine tota queunt;
 Sic ubicunque mihi speculum fracta unda ministrat,
 Jacturæ faciem conspicit ipsa meæ.


Eheu me miseram! sic fata efflevit, & imum
Ter pede Tusca æquor præssit utroque Thetis.

Mare Superum in ejusdem funere.

Surde, undisque tuis longè, Adria, surdior, audi,
Quàm sis infelix, ac tua fata dole.
Grande Metauro Arnus, tibi grande, & utrique dolendū
Frustra interposita nunciat Alpe malum.
Nunciat extinctam, cui Tuscia serviit, & quam,
Si famæ credas, interiisse neges.
Ac ceu parte una trabs ista, utrinque tremiscit,
Icto uno Italiæ sic mari, utrumquæ dolet.
Nempe dolete ambo; par causa utrique dolendi est.
Sol gemino hic voluit nasci, & obire mari.

*In Librum Theophili Pytonilli, qui inscribitur sacrum
Enchiridium ad Sacerdotem Paraneſis.*

Huc Myſta, huc magni semper mihi numinis instar,
Si venante animo gaudia quæris, ades.
Huc ades, atque oculis librum hunc sitientibus hauri,
Quippe, oculo hic debet non fugiente legi.
Magna quidem, magna ille aperit monimenta, sed ipsis
(Heu meminisse pudet!) non bene nota viris.
Quanta lues, nox quanta animis offusa! perissent
Omnia, sed vetuit religionis amor.
Vicit amor, populis jamque omnibus, omnibus ultro
Vulgandum terris nobile crevit opus.
Humanam haud ego crediderim, certe imbuit illud
Quinta parte sui nectaris ipse Deus.
Magnum est posse legi, magnum posse ista probari,
Majus utroque tamen, quod licet ista sequi.



JO: ANTONII FLAMINII
SERRAVALLENSIS,
MARCI ANTONII PATER.

20 02

Ad Julium II. Pont. Max.

M Aximè cœlicolum cultor; quo præside majus
Nil videt; aut terræ clarius orbis habet:
Quem divum genitor Romanâ in sede locavit;
Et summum in terris jussit habere locum;
Res gravis est, cui te moderantem cuncta necesse est
Consulere, ac totis viribus esse ducem.
Cura tibi, & generis late commissâ potestas
Humani; quod te numinis instar habet:
Ut spernenda tibi non sit pater optime nostri
Tutela; aut tantis destituenda malis.
Aspice, quo rerum nostrarum summa redacta est,
Et patrium, cujus vix manet umbra, decus.
Terra potens opibus, populisque, & fortibus armis,
Magnorumque altrix tam numerosa ducum,
Quæ domitrix rerum, cui terræ paruit orbis;
Gentibus exposita est, servitiumque timet.
Quanta sit hæc Latæ subeunda iniuria genti,
Quam fœdum patriæ dedecus; ipse vides.
Cura tibi, scimus, debetur publica rerum,
Teque patrem populis omnibus esse decet.
Hoc tamen ante alias pars hæc pulcherrima rerum
Poscit; & imprimis digna favore tuo est.
Hic verus imperii locus est: hinc clara propago
Pontificum: hic rebus gloria parta tuis.

Hæc patria, hæc sedes simul est tibi, qua regis orbem,

Et caput in populis hic quoque Roma tua est.

Mille alias possim causas memorare: sed iis tu

Non egeas; nec te me reticente latent.

Serviet ergo, quibus dominata est Romula tellus?

Italia, tam turpi terra premere jugo?

O patria! o Divum sedes! certissima custos

Imperii, & terris omnibus ante pavor!

Sic ne igitur vilis? sic tu contempta jacebis?

Non arma arripient? non feret ullus opem?

O pater, & tantæ tu, Romule, conditor urbis;

O decus antiquum, bellipotenisque genus.

Si vobis, si sensus inest, si gloria tangit,

Famaque sub Stygias pertulit ista domos:

Non facinus tetrum, stirpisque infamia vestræ,

Non acris animas ira, pudorque movent?

Quo nunc Italiæ? quo belli gloria cessit?

Et vetus armorum militiæque decus?

In tenebras abiit majorum lumen, & ingens

Gloria, quæ toto splenduit orbe, perit.

Brute, tuum hic nomen, tibi cruris gloria, Cocles,

Fit minor: & dextræ Scævola languet opus.

Aule, lacus tibi nunc decrescit fama Regilli;

Nostra iterum Senones signa, Camille, petunt.

Magna parens, tellus altrix fecunda virorum;

Tam sterilis foetu? tam sine honore jaces?

Nullus erit Cossus? non Manlius? impia nullum

Cursorem tali tempore bella dabunt?

Non quisquam summis eludet montibus hostem?

Nec spes in Deciis ulla salutis erit?

Spes igitur rebus jam fessis una: suos quem

Non decet in tantis deseruisse malis.

Aspice nos placido, Latii pater optime, vultu;

Et mala mox oculis mitibus ista vide.

Inspice: tam gravia hæc, tam mox horrenda videbis

Ut mens inspectis non queat illa pati.

Pestis atrox sævit: morbi contagia crescant:

Et mala præteritis asperiora ferunt.

Sic ubi conceptum est membris lethale venenum;
Inficit, ac sensim spargitur atra lues.
Hic agitur rerum de summâ, deque salute
Certamen durum est totius Ausoniæ,
Si male res cedunt, libertas interit: & res
Hæc stragem nobis, servitiumque parit.
Huc demum tracta est Italæ fors ultima gentis:
Nostraque tam dubio, vitæque, morsque loco est.
Quod si nos, tanti fortuna inimica duelli,
Cogat Santonico subdere colle iugo:
Quid tibi mentis erit? quo te nunc vertere possis?
Quid tutum credas rebus inesse tuis?
Quid Latium de te? quid regna externa loquentur?
Quis rumor cunctis partibus orbis erit?
Exeat hæc igitur? tam turpis fama vagetur?
Hanc ferat in populis Ausonis ora notam?
Insultare aliquis, vel dicere possit, Iulo
Pontifice, Italiam barbara jura pati?
O natum vere tunc infelicibus astris,
In patria qui sic vivere possit humo!
Tu potes in tanto rerum discrimine solus
Optatam populis ferre salutis opem,
Et potes, & debes rebus succurrere lapsis:
Ne Latium casu mox graviore cadat.
Viribus ipse vales propriis, quas ampla ministrat,
Et magis Oenotrii pars metuenda soli.
Tot tibi nunc parent urbes; tua jura sequuntur
Tot populi; ut possis omnibus esse metus.
Adde tot insignes equitum, peditumque catervas;
Tot simul egregios ad tua signa duces.
Flos Italæ, virtusque tibi delecta juventæ
Militat: in castris hæc habet arma tuis,
Quot confecta tibi jam tali bella fuerunt
Milite? quot tali parta tropæa manu?
Irrita cesserunt tibi numquam cœpta: nec ullæ
Conatus vires impediere tuos.
Maiestas tibi tanta dehinc, tu tantus in istâ
Sede nites; uni sic tibi posse datum est;

Totus ut a nutu terrarum pendeat orbis
 Ipse tuo, Christi qua patet orbe fides.
 Cui solium Petri sic scandere contigit umquam?
 Cui numquam mersæ sic dare vela rati?
 Dux opus est acris populos qui cogat in unum:
 Qui male concordēs jungat ad arma manus.
 Sed nemo est, tibi quem conferri posse putemus;
 Aut melius, quam tu, qui ferat ullus opem.
 Fac tantum, norint Itali te velle, coibunt:
 Et novus in cunctis protinus ardor erit.
 Qui Senones nostris? quis miles Santonus armis?
 Belgica quæve Italīs sint satis arma tuis?
 Ausonio quoties jam milite Gallia victa est?
 Quot sævis pœnas cladibus illa dedit?
 Nulla fuit, simili quæ non invaserit olim
 Eventu Latias gens inimica domos.
 Quid genus Æacidum, quos patrum bellica virtus
 Compulit a nostris finibus ire procul?
 Aut tibi Pænorum referam numerosa potentum
 Agmina? quid Cimbros, Teutonicamque manum?
 Aut Herulos memorem perfusos sanguine nostro?
 Aut Hunnas acies: semiferumque Geten?
 Non desunt vires; modo non concordia desit,
 Atque habeat, qualem res petit ista, ducem.
 Hæc tua sunt igitur: te solum hæc cœpta reposcunt:
 Auspiciis sunt hæc bella gerenda tuis.
 Magna quidem est, verum provincia grandibus ausis
 Convenit, & curam postulat ista tuam.
 Ingentes animos ingentia facta sequuntur:
 Nec tenues curas mens generosa capit.
 Tradita præcipuè gentis tutela Latinæ
 Est tibi; & ad partes it prior ista tuas.
 Quod licet (& poscunt nunc summa pericla) rogamus,
 Tuta sit ut tanto præside nostra salus.
 Sit defensio honor, libertas publica, per te;
 Pristina sit Latio te duce parva quies.
 Barbariem hanc magnis expertus sæpe periclis,
 Dum licet, Ausonio pellere Marte para.

Non tu tutus eris, non cani limina Petri,
 Ni properes: tutus non locus ullus erit.
 Sæpe nocet gravibus morbis cessasse medentem:
 Sæpeque dilatam cura repellit opem.
 In te oculos, in te verterunt ora Latini,
 Hoc sperant urbes, suppliciterque petunt.
 Adde ingens decus hoc titulis, quos inclita virtus,
 Cœlestisque favor tot peperere tibi.
 Nam quamquam in populis tua tantum gloria crevit,
 Ut facile augeri non queat illa magis;
 Tot tamen ex factis, nullum præstantius, & quod
 Te magis insignem reddere possit, erit.
 Fama hæc Auroræ croceos propterabit ad ortus;
 Ad loca, quæ Phœbo deficiente tepent.
 Fama hæc Æsmariam Rhodopen transibit, & Hemum,
 Et populos medio quos videt axe dies.
 Italia est, quam tu tutandam sumis, & in quâ
 Est tua cum nostrâ Marte tuenda salus.

*Ad Sodales; quos ad dandam Genio operam
 invitat.*

Horrida sævit hyems: large præbenda sodales
 Ponite in arfuro ligna cremanda foco.
 Cernite quam Boreas Arctois concitus oris,
 Irruat in medium pronus ab axe diem.
 Cernite, quam gravibus tellus sit operta pruinis,
 Quam rigido glacies strinxerit arva gelu.
 Uritur apricis in collibus herba, decusque
 Exuit: in stabulis delitet omne pecus:
 Nec variis volucres concentibus æthera mulcent:
 Nec duram scindit curvus arator humum.
 Nec, quamvis animi fidens, mare navita tentat;
 Cæruleâ vastum nec trabe sulcat iter,
 Ima petunt curvi, nec se delphines in auras
 Tollunt, nec summo gurgite monstra natant.
 Quin etiam rapidi cursus frenantur aquarum:
 Fluminaque ingenti frigore viæta rigent.

Viſta riget Sperchi, Lædeaque Phaſidis unda;
 Iſter, & auriferi lucida arena Tagi.
 Quique iterum ardentes optaret cernere ripas
 Xanthus, & Eurotas lauriger, & Simois:
 Quæque ſuperfuerant undis tot ab igne crematis,
 Oſtia ſunt glacie quinque coacta Padi.
 Heliadum lacrimæ ceſſarunt: humor inhæſit,
 Nec Phaëtontei fluminis auget aquas.
 Verrebat parvo piſcator ſtagna phaſelo:
 Protinus eſt mediis cymba retenta vadis:
 Et captus pariter bis capto piſce reſedit;
 Raptoremque ſuum præda jocoſa tenet.
 Ergo agite, & largâ Vulcania munera ſilvâ
 Congerite; & multo ſplendeat igne focus:
 Et genium curate ſimul, curate ſodales:
 Tuque puer trimi pocula prome meri.
 Sic tetricos motus, ſic & mala frigora mecum,
 Strymona, & ad gelidos uſque fugate Getas.

Epithalamium.

Candida divitibus Venerum demigrat ab undis
 Nereidum ſacri (ſi reor) una chori.
 Qualis, cum cœlo diſcuſſâ nocte ſereno,
 Candidus advenit Phosphorus ante diem:
 Vel qualis croceo ſolita eſt Aurora nitore,
 Spargere purpureum nocte abeunte jubar.
 Ipſa verecundo demiffam lumine ducit
 Virgineâ ſponſam diva Erycina manu.
 Hinc Pæan ſua pleſtra movet, Divæque ſequuntur,
 Et choreas celebrant ex Helicone novem.
 Fallor? an iſta Simo tibi lux celeberrima fiet;
 Teque ſimul chorus hic feſtaque ſacra petunt?
 Lætus Amor tibi ſerta ferunt, & Phœbus, & Evan;
 Fertque ſimul blandum Gratia juncta pedem:
 Spargit & innumeros flores, dum conjugis artus,
 Et tenero amplexu mollia membra ſeves.

Lilia non cessat, nec olentem spargere thymbram,
Et vario mixtas fundere odore rosas.
Jam clamatus Hymen: cedant tibi pectore curæ:
Solliciti nulla est jam tibi causa metus.
En conjux tibi certa manet: nil vota moratur:
Quique solutus erat, jam tibi certus amor.
Et licet expositum tibi jam per limen aperto,
(Quid Simo docte paves?) ire redire gradu.
Janitor haud usquam est, nec lex tibi causa timoris,
Nec pudor amplexus impediere tuos.
Oscula da liber: duras reminiscere noctes.
Est tua: quid dubitas? est tua, pone metum.
Digna quidem merces: vel si tibi forte labores
Obiiciat conjux dura, Jovisque soror.
Si tibi monstra forent clava domitanda trinodi;
Vel leo, vel tristi dente timendus aper.
Et pariter jubeat tenebris horrentia regna,
Teque velit Stygiâ trans vada lintre vehi.
Vel si Cyaneos etiam rapiare per æstus,
Aut te Pisæâ currere lege velint.
Nec minor hæc merces, quam si tria vallibus Idæ,
Arbitrium repetant Numina nuda tuum.
Nec si fulgenti veniens Titonia bigâ
Apprensus conjux te per inane vehat.
Alma Venus formam, Charites tribuere decorem,
Vivendi legem Juno pudica dedit.
Quam nec Penelope vincet patientis Ulyssæi:
Casta nec accensos Hippias ante rogos,
Nec quæ carbonibus audita cæde flagrantibus
Conjugis insuetâ morte perempta bibit:
Nec quæ desumpsit formamque, habitumque virilem
Non pavida in tristi Marte secuta virum:
Nec tu quæ vivum passa es præbere sepulchrum,
Conjuge consumpto conjugis ipsa tui.
O felix conjux! felicia vincula! prodi,
Et thalamos intra jam nova nupta tuos.
Flava verecundo sparguntur ut ora rubore!
Vera pudicitiae qualia signa dedit!

Intra: quid dubitas? lacrimis quid pectora turpas,
 Pectora brumali candidiora nive?
 Sic tibi, sic decimum properet bona Cynthia mensem:
 Et videas uteri pignora chara tui.
 Sic Lucina tibi præsenti numine parcat:
 Pondera neve obsint grata, puerque latens.
 Chare puer, ne læde precor, ne læde parentem:
 Nec non sueta nimis viscera forte graves.
 Cumque tuos tacito vultus natura recessu
 Formarit, facies & rudis intus erit;
 Multum ex patre feras, similisque enascere proles,
 Plus tamen ex ipsâ matre decoris habe.
 Tuque puellarum virgo decus, optima sexus
 Fama tui, & castæ virginitatis honos;
 Vincula fove; dignumque tuis complectere demum
 Moribus, & verâ simplicitate virum.
 Inque fide stabili maneat per tempora concors:
 Legitimi quando es parte recepta thori.
 Sic durent vultus; viridi candore juvenia
 Floreat; & tarde sit tua forma senex.

Villa Galeoti.

Dives in Euganeis Galeoti, villâ, disertî
 Carmine quo tolli te modo posse rear?
 Digna quidem studio majori, digna poetæ
 Ingenio & venâ fertiliore fores.
 Quidquid erit, meritis nos inferiora, tuisque
 Laudibus haudquaquam scribimus ista pares.
 Non te myrtetis viridaria cultâ Diones,
 Aut decorat viridis tonsile buxus opus.
 Non cœlebs platanus viduâ te protegit umbrâ,
 Lata beant pinguis sed magis arva soli.
 Vero rure places: tibi jugera læta quotannis;
 Et fartas fruges angulus omnis habet.
 Nec tibi sola Ceres: Baccheia munera large;
 Inque cavo domitas Cæcuba multa lacu.

Nec tibi in Autumno pomis fit inutilis annus,

Divitiis arbor vincitur ipsa suis.

Mugitus latâ referunt in valle juvenci,

Prurit & in pugnam fronte tener vitulus,

Cristata ingenti spatiantur fordida corte

Altilia: & pavo plurimus, anser, anas.

Hic turtur vidua est, illic philomela canoro

Concentu; & modulis aëra mille ferit.

Convocat hinc parvos blande modo sedula pullos,

Aut avidos quernâ villica glande sues.

Hic stabula alta vides, illic & ovilia, pastam

Mollis ubi expectat plurimus agnus ovem,

Inde focum vernæ lutei tibi vespere cingunt,

Et crepat in latâ silva benigna foco.

Vescitur hic lætus primâ sub nocte colonus,

Et curas multo diluit ille mero.

Nec, cum canet ager, dat segni membra veterno,

Tristis hyems pigro cum premit arva gelu.

Aut avidis igitur jam retia tendere turdis,

Aut timidum damam fallere casse parat.

Et modo vicinâ piscem vel captat in undâ,

Aut leporem canibus lata per arva fugat.

Hanc repetis crebrò, felix Galeote, quietem,

Tædia te quoties urbis iniqua premunt.

Hîc mentem, hîc corpus renovas, hîc rustica tecum

Musa vacat, segnem nec tamen esse sinit.

Nos quoque Pieridum quota turba venire solemus,

Ociaque in læro ducere grata solo.

Salve rus felix, salve jucunda Camœnis,

Carminibus sedes non reticenda meis.

Te pia, si quicquam possit, mea Musa merentem

Tollet, & æterna sedula laude vehet.

In invidum, retrogradî versus.

Exitium caput hoc fugiat; nec turbida pressum

Tempora te curis, ut precor, aspiciant.

Nau

Naufragium pia non moveant; sed concita nusquam
Cæcula te reddant, te freta littoribus.

Æquoreis cibus & monstris sint corpora nunquam:
Libera sic diris sint tua fulminibus.

In Silvam Jo: Gazoldi.

Quæ silva hæc? felix. felix? quàm dives? ut hortos
Phæacum, ac ditis vicerit Alcinoi. (quam:
Qui potis est? plura hæc mala fert. quot mala? mala in-
Poma quot olim hortus non tulit Hesperidum.

Francisci Saxatelli Epitaphium.

Si pensare brevis licet ævi tempora factis;
Et vixisse diu gloria parta facit:
Saxatelle ducem Pylum Franciscæ, Phrygemque
Æquasti; patriæ, militiæque decus.
Vix quater exieras lustrum, cùm laude perenni
Attulit in Venetis pugna cruenta necem.

In picturam puerorum certantium.

Injecere manus, & prensare capillos
Infensi pueri; pugnaque cœpta gravis.
Clamat hic; inclamat pariter contrarius illi;
Desine; te linquam; desine, & alter ait:
Sic, dum non linoquit, dum finem non facit alter;
Infensis pugna hæc durat ad usque diem.

Ad inclitum Joannem Saxatellum:

Saxatelle decus patriæ, tutelaque nostræ,
Et gentis splendor, famaue prima tuæ:
Sæpe tuas tento complecti carmine laudes:
Obnuor, ac tantum Musa recusat onus.

Quis

Quis tenui cyatho concludat fluminis undam?
 Audeat aut vastum currere lintre fretum?
 Me novus incessit, stimulatque hic sæpius ardor:
 Mox vires defunt, ingeniumque cadit.
 Ausa nimis medio conatu Musa resedit,
 Et traxit retro tacta pudore pedem:
 Quod si non valeo, nostrisque est viribus impar
 Hoc, toties quod me jam voluisse vides:
 Inclite Joannes, hinc mentem vatis amici
 Suscipe, & hanc quæso muneris instar habe.
 In magnis recipi pro facto prona voluntas
 Debet; & imprimis digna favore venit.
 Dicta sit hæc igitur laudum mihi summa tuarum
 Maxima; qui merito non potes ore cani.

Ad Philippum Beroaldum Juniores.

Clari progenies colenda patris,
 Gentis præcipuum decus Latinæ,
 Sermonis patrii, potensque Graii
 Clarorum specimen virum, Philippe:
 Quas umquam tibi gratias decenter
 Pro tantis meritis agant uterque
 Major Flaminius tuis, minorque?
 Novi, quid deceat, scioque quantum
 Hic natus, pater inde, debeamus:
 Sed vires nequeunt: onus recusant
 Imbelles humeri. Quid ergo agendum
 Jam nobis superest, quibus facultas
 Impar officiis nequit referre
 Quicquam pro meritis? manebit usque
 Infixa hæc animis tenax utrique
 Nostris gratia, nec valebit ulla;
 Quamvis longa dies, bonis locatam
 Hanc ex pectoribus movere quondam:
 Non si nos Pylîi senecta regis,
 Annosæ aut maneant dies Sybillæ.

Epitaphium Camilla Venerea.

Si genus, & rarum formæ decus adjuvet usquam,
 Grataque purpureo flore juvena queat:
 Si valeant animi dotes, ac vivida virtus,
 Impia Parcarum sistere fila trium:
Tot flexisse bonis non exorabile farum,
 Et duræ poteras frangere mortis opus.
 Ingruit infelix, heu vis, quæ lege perenni
 Perderet, inque brevi conderet ista loco.
Diva Gnydi luge Charites lugete benignæ:
 Pars jacet hic vestri quarta, Camilla, chori.

In Galli obitum.

Immatura mihi gallum mors abstulit, heu, heu!
 Pallida per Stygias jam volat umbra domos.
 Quam bene doctus erat cantu prædicere lucem!
 Et matutinum præcinuisse diem!
Lucifer in cælo Phœbi dat signa propinqui:]
 Hic mihi sed terris **L**ucifer alter erat.





M. ANTONII FLAMINII

SERRAVALLENSIS.



Hymnus in Pana.

JAm satis cecini fera
 Regum prœlia: nunc age
 Mater Pieri, quem Deum,
 Quem dulci Æoliæ fidis
 Plectro rite canemus?

An te Lanigeri gregis,
 Silvarumque virentium
 Custos, cui nigra Mœnali
 Terga, cui gelidi placent
 Summa templa Lycæi;

Nymphæ semiferam Jovis
 Prolem dicite; dicite
 Pana capripedem leves
 Suetum cum Dryadis choros
 Silvis ducere in altis.

En ut grata silentia
 Cantu noctivago Deus
 Rumpit, cernite, io, venit,
 En venit capitis feri
 Serta pinea quassans.

Huc concurrite virgines
 Intactæ, & pueri integri:
 At quibus scelera impia
 Mentem sollicitant, procul

Tom. IV. A2 Hinc

Hinc abeste profani:

Ab sint & querimonix,

Et mistus lacrimis dolor.

Hic latus choreis dies

Ducenda hic leve tinnulâ

Carmen voce sonandum.

O Pan Najadum pater,

Qui per dævia montium,

Valliumque reconditarum

Agrestes agitas canum

Cinctus agmine lynceas,

Te Divum atque hominum fator,

Silvarum dominum dedit

Esse, qua roseus dies

Surgit, quaque cadens rubris

Ponti mergitur undis.

Tu fontes liquidos gregi, &

Lætâ pabuia sufficis:

Tu custos ovium potens

Dictus mollia candidis

Exples vellera lanis.

Quos tu, sancte, pio semel

Agnos lumine videris,

Illos nec stabulis lupus

Infestus rapiet, mala

Nec contagia lædent

Felices nemorum comæ,

Quæ te, cum vaga rosidus

Vesper sidera protulit,

Dulci carmina fistula

Audivere canentem.

Tunc puræ melius nitent

Noctis conscia sidera;

Tunc auræ Zephyri tacent:

Tunc lætas croceis humus

Spargit floribus herbas.

Non tam dulce sonat cadens

Udo in gramine Cynus, aut

Veris tempore floridi
Ales sub silvæ querens
Densis Daulias umbris.

Ergo Hamadryades Deæ,
Limpidis ubi procubat
Umbra faxea fontibus,
Ludunt in numerum, & levi
Campos ter pede pulfant.

Tu vero choream regens
Cantus ingeminas, sonant
Lætis omnia plausibus,
Et cultrix nemorum gemis
Imis vallibus Echo.

Mox fessa Dryadum agmina
Propter gramineam sedent
Ripam fluminis, hic ubi
Dulcem mollis amaracus
Late spirat odorem.

Et dum suave rubentia
Carpunt mala, vel aureos
Crines frigidulis aquis
Immergunt, liquida simul
Voce carmina dicunt:

Ut fulgentia sidera,
Et magnas Superum domos
Linquens, ad vaga flumina
Paverit niveas oves
Majæ clara propago,

Qua Cyllenia verticem
Rupes umbriferum nigris
Late fontibus irrigat,
Et gratas pecori vago
Semper sufficit herbas.

Hic flavæ Dryopes sinu
In molli recubans Deus,
Cœlo frondiferum nemus
Præfert, heu nimium gravi
Victus vulnere Amoris

At felix Dryope novem
 Post fastidia mensium
 Optatum ex utero dedit
 Pondus, vix puer hauserat
 Dias ætheris oras,
Fugerunt Dryades, parens
 Fugit territa, nam inguinum
 Tenuis hircus olens erat
 Infans, binaque flammeæ
 Stabant cornua fronti
Tunc illum genitor ferens
 Albis pellibus abditum,
 Ad magni solium Jovis
 Venit, nec mora risit im-
 Mensi rector olympi:
Riserunt Superi, at Venus
 In sinu puerum tenens,
 Visus pascit amabili
 Monstro, grataque turgidæ
 Libat oscula fronti
Salve, ô Najadum potens,
 Salve, & hinc lacrimabiles
 Morbos, & miseram famem in
 Extremas Arabum domos,
 Et feros age Turcas.

Hymnus in Auroram.

Ecce ab extremo veniens Eo
 Rosidas Aurora refert quadrigas,
 Et sinu lucem roseo nitentem
 Candida portat.
 Ite pallentes tenebræ sub Orcum,
 Ite, quæ totâ mihi nocte diros
 Manium vultus, mihi dira semper
 Somnia fertis.
 Da lyram vari puer; ipse flores
 Sparge dum canto. Bona diva salve,

Quæ

Quæ tuo furvas radiante terras

Lumine lustras:

En tibi suaves violas, crocumque,

En odorati calathos amomi:

Surgit, & nostros tibi dulcis aura

Portat odores.

Deferat laudes utinam, precesque,

Quas tibi supplex mea Musa fundit

Jam pio sanctos bene docta divos

Tollere cantu.

Quis tuam digne celebrare lucem

Possit, ô almæ genitrix dici:

Quis tuam formam ô Dea, ante Divas

Pulchrior omnes?

Ut genas cælo roseas, comamque

Auream profers, tibi fulva cedunt

Astra, decedit rutilante victa

Luna decore.

Te sine æternâ jaceant sepulti

Nocte mortales; sine te nec ullus

Sit color rebus, neque vita doctas

Culta per artes,

Tu gravem pigris oculis soporem

Excutis; lethi sopor est imago,

Evocans tectis sua quemque lætum ad

Munia mittis.

Exilit stratis rapidus viator,

Ad jugum fortes redeunt juvenci;

Lætus in silvam properat citato

Cum grege pastor.

Àst amans caræ thalamum puellæ

Deserit flens, & tibi verba dicit

Aspera, amplexu teneræ cupito a-

Vulsus amicæ.

Ipse amet noctis latebras dolosæ,

Me juvet semper bona lux; nitentem

Da mihi lucem, Dea magna, longos

Cernere in annos.

De Delia.

O fons Melioli facer,
Lymphâ splendide vitreâ,
In quo virgineum meum
 Lavit Delia corpus.
Tuque levibus enitens
Arbor florida ramulis,
Quâ latus niveum, & caput
 Fulsit illa decorum.
Et vos prata recentia,
Quæ vestem nitidam, & sinum
Fovistis tenerum uvidâ
 Læti graminis herbâ
Vosque auræ liquidi ætheris
Nostri conscia amoris ad-
Este, dum queror, atque vos
 Suprema alloquor horâ.
Si sic fata volunt fera,
Si sic est placitum Deis,
Ut nobis amor impia,
 Morte lumina condat:
Saltem pro pietate meâ
Hoc concedite, frigidum
Ut corpus liceat mihi
 Vestrâ ponere terrâ.
Sic fatis moriar libens
Si spes hæc veniat simul,
Quod nullo melius loco hos
 Linquet spiritus artus.
O si tempus erit modo,
Cum suetum huc aditum ferat,
Quæ nos ante diem nigros
 Cogit visere manes:
Et locum adspiciens, ubi
Illo purpureo die
Me vidit, miserum suis

Multum quærat ocellis;
Sed jam frigida pulverem
Inter saxa videns, statim
Pectore ardeat intimo, &
 Me sic fata reposcat.
Ut vitæ veniam impetret,
Et cogat Superos suum
In votum, humida candido
 Tergens lumina velo.
Pulchris undique ramulis
Instar imbris, in aureum
Manabant dominæ sinum
 Flores suave rubentes.
Talis Idaliâ Venus
Silvâ, sub viridi jacet
Myrto, puniceo hinc & hinc
 Nymbo testa rosarum.
Hic flos purpureas super.
Vestes, hic super aureos
Crines, hic rosei super.
 Oris labra cadebat.
Ille gramine roscido
Insterni, hic vitreâ super
Lympha nare, alius cito in
 Girum turbine verti.
Leni murmure candidum
Audisses Zephyrum tibi
Palam dicere, regnat hîc
 Blandi mater Amoris.
Tunc mecum ter & amplius
Dixi, aut venit ab æthere
Hæc alto, vel Oreadum
 Certe sanguinis una est.
Sic & blanda protervitas,
Sic & virgineum decus
Oris, verbaque dulcia
 Memet abstulerant mihi;
Ut suspiria ab intimo

Fundens pectore, sapius
Dicerem; huc ego quâ viâ,

Quove tempore veni?

Nam super nitidum æthera

Evectus volucris pede, &

Magni concilio Jovis

Interesse videbar.

Illo ex tempore frigerans

Fons, & prata recentia, &

Arbor florida sic mihi

Mentem amore revinxit;

Ut seu nox tenebris diem

Pellit, seu rapidum fugit

Solem, non aliâ miser

Unquam sede quiescam.

Ad seipsum, de adventu Hyemis.

Jam bruma veniente præterivit

Æstas mollior, & cadunt ab altis

Frondes arboribus; tepor Favoni

Immanes Boreæ furentis iras

Formidans abit: illum agri voluptas

Canoræ volucres sequuntur, ergo

Et nos dulcia rura deferamus,

Dum Ver purpureâ comâ decorum

Reducat Zephyri tepentis auram.

Horti, delitiæ meæ, valete:

Fontes luciduli valete: salve

Mihi villula carior superbis

Regum liminibus: recedo, sensum

Sed meum hic animumque derelinquo.

De laudibus Lauri.

Laure conspicuo nitens

Semper tegmine frondium,

Quas nec bruma gelu rigens,

Nec

Nec savi rabies Noti
Læto privat honore,
Te canam nemorum decus,
Arborumque virentium;
Inter quas ita gloria
Præstas, ut teneras super
Vites tollitur alnus.
Iratæ fugiens minas
Junonis, celeri ut pede
Latona Ortygiam attigit,
Te visâ gemini statim
Solvit pondera fœtus;
Hinc tantis meritis parem
Phœbus reddere gratiam
Quærens, horrificum neci
Ut Pythona dedit, tuâ
Cinxit tempora fronde;
Dein vocalibus Aonum
Silvis inferuit, te ubi
Lactis fluminibus leves
Nymphæ, & capripedes rigant
Dulci nectare Fauni,
Nec colles Heliconios
Dextro contigerit pede
Te quisquam sine, nam prius
Ex lauro capiunt sua
Sancti præmia vates.
Quin & limina Cæsarum,
Victoremque etiam tuis
Exornas foliis ducem;
Cum victoria nobili
Plena pulvere venit
Cum primum hæc Dea præpete
Pennâ fortia Romuli
Intrat mœnia; poneris
Tarpeii in gremio Jovis
Lætæ nuncia pacis.
Quamvis ipse Diespiter

Crebris fulminibus Deum
 Templa concutiat, tamen
 Nullis ipsa tonitribus
 Igni tacta corusco es.

Quis te laudibus efferat
 Dignis, Laure? nocentium
 Tu purgamina sordibus
 Præbes, veraque corneâ
 Mittis somnia portâ.

Te pulcherrima sospitet
 Latona, & cohibens levi
 Arcu Cynthia belluas;
 Te Phæbus viridem tuus
 Omne seruet in ævum.

Ad Bacchum.

Age Bacche quis furor me rabidum occupat? io,
 Rapior, & alta cursu volucris in nemora feror,
 Ubi sacra Mænades cum Trieterica celebrant,
 Furibunda solent vagantes agitare tripudia.
 Audire videor alto reboantia strepitu
 Ubique æra, jam choris, jam videor nemori vagis
 Celer interesse turnis; evoë mihi sola sub
 Pedibus tremunt, nubes evoë pulvereâ diem
 Mihi tollit, adest, adest jam Semeleia propius
 Soboles, io venit, tinnula cymbala resonant,
 Phrygiis recurva stridet grave tibia calamis;
 Evoë vagus abit animus; evoë tremula flagris
 Mihi terga quatit furor. parce precor, precor, animum
 Stimulis citare tantis, alios rape celeres
 Per opaca Thraciæ rura, alii capita rotent
 Hinc & hinc reflexa, thyrisque feras hederigeris
 Lanient, in ociosis ego sacra latibulis
 Faciam, aureisque Bacchi pia numina fidibus
 Referam novus sacerdos; tua Liber initia
 Cantabo, & ista, donec mihi vita supererit,
 Habitabo nemora, semper tuus Evie famulus,
 Quod si bene pater Evantum me inferere choris

Animo est, & altæ furibundum per juga Rhodopos
Agitare; tuo mihi saltem munere liceat
Rabidi furorem amoris compescere pater, &
Da servitio gravi dominæ vivere vacuum.

Ad Agellum suum.

Umbrae frigidulae, arborum susurri,
Antra roscida, discolore picta
Tellus gramine, fontium loquaces
Lymphæ, garrulae aves, amica Musis
Ocia, ô mihi si volare vestrum
In sinum Superi annuant benigni;
Si dulci liceat frui recessu;
Et nunc ludere versibus jocosis;
Nunc somnum virides sequi per umbras,
Nunc mulgere mea manu capellam,
Lacteoque liquore membra sicca
Irrigare per æstum, & æstuosis
Curis dicere plurimam salutem:
O quæ tunc mihi vita, quam beata.
Quam vitæ similis foret Deorum!
At vos ô Heliconiæ puellæ,
Queis fontes, & amoena rura cordi,
Si cara mihi luce cariores
Estis, jam miserescite obsecrantis,
Meque urbis strepitu tumultuosæ
Ereptum, in placido locate agello.

Ad eundem.

Venuste agelle, tuque pulchra villula
Mei parentis optimi
Olim voluptas, & quies gratissima
Fuiſtis: at simul senex
Terras reliquit, & beatas cœlitum
Petivit oras, incola
Vos alter occupavit, atque ferreus
Amabili vestro sinu

Me lacrimantem ejecit, & caris procū
Abire jussit finibus.

At nunc, amica rura, vos reddit mihi
Farnesii benignitas.

Jam vos revifam, jam juvabit arbores
Manu paternâ confitas

Videre; jam libebit in cubiculo
Molles inire somnulos,

Ubi senex solebat artus languidos
Molli fovere lectulo.

Gaudete fontes, rivulique limpidi,
Heri vetusti filius,

Jam jam propinquat, vosque dulci fistulâ
Mulcebit, illâ fistulâ,

Quam vestro Jolæ donat Alcon maximus;
Ut incliti Farnesii

Laudes canentē Naidum pulcher chorus
Miretur, & Pan capripes

Ad Apollinem.

Cynthii cultor nemoris, beatas
Voce qui nymphas cytharaque mulces,
Phœbe supremi Jovis, & Deorum
Blanda voluptas:

Si tibi semper mea mens ab annis
Serviit primis, neque dulce cordi
Est meo quicquam sine te, precanti
Annue dexter.

Ut mihi optatum dat habere agellum
Clara Farnesi pietas, gravique
Liberans curâ jubet ociosam
Ducere vitam;

Sic tuo vati liceat, perenni
Nomen illius celebrare cantu,
Et viri in nostris vireat libellis
Gloria semper,

Myctus ut luco viret in latenti,

Fonte quam nutrit liquido decoræ
 Nais, & sævas hyemes, & æstus
 Arcet iniquos.

Ad Gratiæ.

Gratiæ, pulchræ Veneris sodales,
 Quæis sine gratum nihil aut venustum est;
 Non Amor, non ipsa Venus, jocive,
 Blanditiæve,
 Tris fero vobis violæ coronas
 Flore fulgentes, ego terna vobis
 Candidi lactis, totidemque libo
 Cymbia mellis.
 Vos meis dulcem numeris leporem
 Addite; ut semper bene docti ad aures
 Grata Farnesi veniant Jolæ
 Carmina vestri.

De laudibus Mantuæ.

Felix Mantua, civitatum ocelle,
 Quam Mars Palladi certat usque & usque
 Claram reddere gentibus, probisque
 Ornare ingeniis virorum, & armis;
 Te frugum facilis, potensque rerum
 Tellus, te celerem facit virente
 Qui ripâ, calamisque flexuosas
 Leni flumine Mincius susurrat,
 Et qui te lacus intrat, advenisque
 Dites mercibus invehit carinas.
 Quid palatia culta, quid Deorum
 Tempa, quid memorem vias, & urbis
 Moles nubibus arduis propinquas?
 Pax secura loco, quiesque nullis
 Turbata exiliis, frequensque rerum
 Semper copia, & artium bonarum.
 Felix Mantua, centiesque felix,

Tantis Mantua dotibus beata ,
 Sed felix magis , & magis beata ,
 Quod his temporibus , rudique sæcū
 Magnum Castaliona protulisti .

Ad Dianam .

Casti Latonæ soboles , Jovisque ,
 Quæ pharetratis comitata Nymphis
 Cynthium collem peragras , nigrique
 Silvam Erymanthi ,
 Bochiæ linguæ decus utriusque ,
 Doctus errantes agitare cervos ,
 Hanc tibi villa media locatam
 Dedicat ulmum ,
 Unde veloci domitæ sagitta
 Pendeant lynces , timidique damæ ,
 Atque vivacis tibi consecrata
 Cornua cervi .

Ad Nymphas de fonte Philaethis .

Naiades pulchræ pulchris è fontibus ortæ
 Hanc lympham vobis Philaethes dedicat : illā
 Nec fons frigidior quisquam , nec purior , at vos
 Arenti vestram lympham defendite ab æstu ,
 Neu sitiant myrti , neu desit floribus humor ,
 Et domino ruris viridem servate senectam .

Ad Alexandrum Farnesium Cardinalem .

Farnesi vatum decus , & spes unica , nostri
 Solus principium , & finis tu carminis esto ;
 Utque optata mihi dexter facis oria , sic te
 Mansuro liceat cantu celebrare , meisque
 Floreat æternum tua virtus inclita chartis ;
 Quod spondent Musæ , & cultus mihi semper Apollo .
 Nam qui nec vates , nec dulcia carmina curat ,
 Ille

Ille licet gazas Arabum, Cræsiq;ue talenta
Congerat, & prisco sit regum a sanguine cretus;
Attigit infelix ubi metam ignobilis ævi,
Despectum jacet in tenebris sine nomine corpus,
Villicus occulto moriens ut pauper agello:
Quæque pio vati prudens si dona dedisset,
Viveret exequiis invitâ morte superstes,
Illa meretrici dabit hæres. o male sani
Discite divitiis uti sapienter. avaris
Obruit hic aurum terris, cæcoque furore,
In mediis opibus vivit rerum omnium egenus.
Alter, avaritia sævâ plus morte perosus,
Rem patriam stulte vetitos effundit in usus,
Ingentemque auri scurræ populantur acervum.
At sapiens recte dispensat dona Deorum,
Dat partem patriæ, reficit labentia templa,
Et Musas fovet, & sacros ante omnia vates.
Ergo illum dulci tollunt super æthera cantu,
Mortalemque vetant invisæ occumbere morti.
Sic Mæcenatis, quo Thufcia gaudet alumno,
Usque feret nomen diversas fama per oras,
Dum rapidus circum terras volvetur olympus.
Ille quidem magnos reges æquaverat auro,
Cumque ipso curas partiri & gaudia fuerat
Augustus Cæsar, rerum cui prima potestas:
Sed nil Augustus, nil pondera divitis auri
Profuerunt, vitæ legeret cum filâ suprema
Parcarum manus; obscura caligine lethi,
Consitus inferna semper latuisset in umbras,
Ni miserata virum divini Musa Maronis
Ipsius ad clarum famam evexisset olympum.
Scilicet ingeniis varia est vis insita: rerum
Invigilant alii causas aperire latentes,
Et convexa poli penetrant, manesque sub imos:
Hic jura imperiis describit: at ille rotundo
Attentum ore tenet populum, magnumque Senatum.
At si quem placidis nascentem vidit ocellis
Castalii regina chori, & formosus Apollo,

Ille

Ille urbis strepitum fugit, & viridantia silvis
 Rura colens gaudet longos extendere in annos
 Magnanimum heroum divino carmine laudes.
 Ergo age virtutem, juvenum flos candide, solam
 Mirare, & doctos tua semper cura poëtas
 Ornet, alatque, tuum ut vivat per sæcula nomen.

De se agrotante.

Ergo adeo cœptum peraget mors impia cursum;
 Ut post everſæ triſtia fata domus,
 Me quoque ſurripiat primo vix flore juventæ?
 Et noſtra exiguus jam tegat oſſa lapis?
 Dii, quorum auſpicio communes hauſimus auras,
 Parcite nunc vitæ rumpere fila meæ.
 Parcite, ſi veſtros ſuſpexi ſemper honores,
 Si nullo infecta eſt candida mens ſcelere.
 Non prius ac cœli curſum confecit, Ibero
 Tingit anhelantes gurgite Phœbus equos;
 At nunc perpetuam nobis mors pallida noctem
 Portat, & infernos cogit adire lacus,
 Et nondum eſt rugis facies mihi languida, nec dum
 Infecit nigras alba ſeneſta comas.
 Sic roſa vix lætum calathi pendebat honorem,
 Cum cadit, & rutilo murice pingit humum.
 Jane pater, noſtræ quondam ſpes una juventæ
 Jam condes manibus lumina noſtra tuis,
 Jam me poſtremo tumuli donabis honore,
 Et cupies tantis non ſuperſeſſe malis.
 Aſt ego ſecura nequicquam mente parabam
 Grandia mox Umbri dicere facta Ducis:
 Ut validas olim bello devicerit urbes,
 Quẽm tremuit victis pulcher Iſaurus aquis:
 Ut nunc indomitos certet contundere Iberos,
 Italiæque gravi ſolvere colla jugo.
 Hæc heu Perſephone, ſupremi nuntia luſtus,
 Vota dedit levibus diripienda Notis.

Sæpe salutifero morbum depellere succo
 Tentavi, at nullâ cesserat arte dolor.
 Sæpe Deûm supplex clamavi numina, sed non
 Audierunt nostras numina furda preces.
 Quod si tanta sitis, nostræ si tanta cupido est
 Mortis, & effugii spes mihi nulla manet:
 Ah liceat saltem Elysios invisere campos,
 Et fortunatæ regna beata plagæ;
 Hîc ubi cum molli Nemesis formosa Tibullo
 Ludit, & est vati Lesbia juncta suo.
 Et mihi, qualis erit, teneris comitata puellis
 Occurret celeri candida Lygda pede.
 Et dulces dabit amplexus, & basia junget;
 Junget & optati gaudia conjugii.

De Hercule & Hyla.

Quid mirare, tuo si regnat corde Lycina,
 Nec cessat tantis te cruciari malis?
 Crede mihi, non solus amas: Veneris puer omnium
 Est Divum, atque hominum maxima perniciēs.
 Audistine, humeris cœlum qui sustulit altis,
 Ausus & inferni regna subire Dei?
 Illo idem tanto puerum dilexit amore;
 Ut seu nox alto surgeret Oceano,
 Seu roseo terras vestiret lumine Titan,
 Hercule cum magno candidus esset Hylas.
 Nulla dies miserum puero sine vidit amantem,
 Nec cum tergemini corpora Geryonis
 Sterneret, atque alios invictus mille labores,
 Imperio duri susciperet domini.
 Quin etiam Colchos peteret, cum pulcher Jason
 Amphytrioniadæ tunc comes ibat Hylas.
 Ibat Hylas, clavamque gerens, Libycamque pharetram,
 Qualis cum molli Parthenice pluvîâ
 Stat gravis, ac Phœbi radiis aspersa nitentem
 Dat lucem, Paphiæ rarus honos Veneris.

Et jam Pleiades cœlo caput attollentes
Linquebant sacras Nereidum choreas,
Cum Pagasæ curvis e littoribus digressi
Currebant celeri per vada falsa rate:
Quos comitabantur cinctæ fulgentibus armis
Pallas, & ipsa potens cœlicolum domina.
Jamque volans undis Nerei mirantibus, Argo
Myforum claris urbibus appulerat.
Hic juvenes pictis e puppibus egredientes
Deponunt altis membra sub arboribus:
Et molles sibi quisque toros bene olentibus herbis
Extruit: intonso creverat herba solo,
At formosus Hylas taciti per devia montis
Ibat luciduli sumere fontis aquam.
Fons erat in silvâ puris argenteus undis,
Quem bicolore tegit populus alta comâ;
Ac circum Paphiæ densant umbracula myrtus,
Et parit assiduas aura benigna rosas,
Narcissumque, crocumque, immortalemq; amaranthum,
Et te flebilibus scriptum, Hyacinthe, notis,
In medio faciles nudato corpore Nymphæ
Ludebant sparsis per rosea ora comis,
Quæ puerum cupido miratæ lumine, cum vix
Illius molles tingeret unda pedes;
Abreptum subito vitreum traxere sub amnem,
Ut quondam veris tempore purpurei
Stella volans, cœlo noctis delapsa per umbram
Emicat, inque alto conditur Oceano.
Tunc lætus clamat summâ de puppe magister,
Candida felici pandite vela Noto,
Pandite, nam cœlo Superi bona signa dedere;
Sic ait, & placidis per mare fertur aquis.
At miser Alcides casu percussus acerbo
Amissum toto littore clamat Hylam,
Littore Hylam, furibundus Hylam per devia quarit.
Qualis thuricremas parva juvenca Deum
Concidit ante aras; sed fati nescia mater
Non jam frondifero pascitur in nemore,

Nec

Nec dulcem puri libavit fluminis undam,
 Sed fertur celeri per nemora alta pede
 Omnia mugitu complens, si forte veniret
 Bucula maternis obvia luminibus.
 Sic Heros, Hyla ingeminans, Hyla omnia replens,
 Errabat dubio per loca sola pede.
 Quantas ille fero profudit corde querelas,
 Pallenti quantas ore dedit lacrimas!
 Cum sæpe optaret scopulo se mittere ab alto,
 Aut vitam rapidis ponere fluminibus.
 Interea curvo solvens de littore funem
 Colchorum fines iverat Æsonides;
 Quem desiderio pueri confectus inani
 Mox sequitur lacrimans Amphytrioniades,
 Hos tu sollicitos Heroum doctus amores,
 Disce libens duræ ferre jugum dominæ;
 Nec te jam pigeat quemvis perferre laborem:
 Omnis amor longo vincitur obsequio.

De se proficiscente Neapolim.

Pausilypi colles, & candida Mergilina,
 Et myrteta sacris confita littoribus,
 Si mihi post tantos terræque, marisque labores
 Contigerit vestræ limina adire Deæ,
 Limina, quæ vates speculâ fundavit in altâ
 Actius Eois clarus, & Hesperiiis,
 His ego pileolum figam, & calcaria, & enssem,
 Et quæcunque vagus arma viator habet:
 Nec mihi jam quisquam vel prudentissimus ullas
 Aut pelagi, aut terræ suaserit ire vias,
 Non mihi Persarum si detur regia gaza,
 Non mihi si rubri serviat unda maris.
 Quis furor est, nullis unquam requiescere terris,
 Atque alia ex aliis semper adire loca?
 Nec vitare graves æstus, nec frigora sæva,
 Nec timuisse vagæ mille pericla viæ?

Felix, qui parvo contentus vivit agello,
Nec linquit patriæ dulcia tecta domus!
Quem versare juvat fœcunda ligonibus arva,
Et nitidam vitis fingere falce comam;
Aut gelidam summo lympham deducere clivo,
Æstibus ut mediis arida prata bibant;
Aut tondere gregem lucenti vellere amictum,
Et tonsum liquidis mergere fluminibus.
Hic laribus certis, certisque sodalibus utens
Magnorum vitâ cœlicolum potitur:
Nec violentus cum crudeli vulnere latro,
Nec fera cæruleo perdidit unda mari.
Ille suis moriens suprema dat oscula natis
Deficiens castæ conjugis in gremio.
Illa viri fugientem animam dulci excipit ore,
Et claudit tenerâ lumina cara manu:
Dehinc tumulum viridi componit margine fontis,
Quâ vetus arboreis decedit umbra comis:
Huc madefacta piis lacrimis fert liba quotannis,
Cum pueris veniens mœsta puella suis;
Et magnâ manes compellat voce mariti,
Spargens fœtilibus lac niveum calathis;
Nec potis est dulci tumulo se avellere, donec
Hesperus invitam cogit abire domum.
O fortunati cineres, umbræque beatæ,
Morte obitâ si quem talia fata manent!
At me, dum terras, & vasta per æquora curro,
Si vocet in Stygiam pallidus Orcus aquam,
Quis tumulum faciet? tumulo quis tristia libans
Dona, peregrinas flebit ad inferias?
Jam valeant Alpes, & nimbifer Apenninus,
Tuque maris nostri littus utrumque, vale,
Me juvat umbrosis vitam nunc degere in hortis,
Et Phœbo, & Musis otia digna sequi,
Tum rerum causas, eventaque dicere; quâ sint
Lege colenda homini Numina sancta Deum;
Qui deceant mores; faciat quæ vita beatum;
Quid verum falsis distet imaginibus.

In primis celebrare patrem fidibus juvat, a quo
 Ex nihilo vates omnia facta canunt,
 Cœlicolæ quem tergemini venerantur, & unum,
 Qui mare, qui terras, qui supera alta regit.
 O utinam ille suo me sistat numine sancto
 Ad fortunati littora Pausilypi,
 Littora divino quondam celebrata Maroni,
 Et patrio Minci flumine cara magis;
 Littora, quæ toties viderunt Calliopeam
 Distantem vati carmina docta suo.
 Sirenes illis stupuerunt versibus, illis
 Carminibus omnis Nereis obstupuit.
 Ipse pater Tegeæus amœna vireta Lycæi
 Linquens insolitis cantibus intererat;
 Quem comitabantur silvarum numina Fauni,
 Et Nonacrinæ maxima turba Deæ.
 Ille coronatus viridanti tempora myrto
 Dicebat laudes, candide Daphni, tuas,
 Et quæ Mænalius dulci cantarat avernâ,
 Dum pascit niveas Alpheſibæus oves,
 Tum miſeros Galli conſolabatur amores,
 Duritiam incuſans, pulchra Lycori, tuam.
 Hinc lætas ſegetes, & Bacchi dona canebat,
 Et pecus, & liquidis dulcia mella favis,
 Mox ſe ſe attollens numero graviore ſonabat
 Trojani referens horrida bella ducis;
 Erroresque vagos, & diruta Pergama flammis,
 Viſaque Tartarei pallida regna Dei.
 Tum patri celebrata prius certamina, pæne
 Femina cum Phrygias perdidit una rates.
 In primis fatum miſeræ deſſebat Elitæ,
 Quam tulit, heu, diro vulnere ſævus amor.
 Siſte ratem, Ænea, properas quid funus amanti?
 Per Veneris quæſo numina ſiſte ratem.
 Quod ſi forte tuæ non eſt tibi cura puellæ;
 Ah ſaltem in gremio cõcidat illa tuo.
 Vos o ceruleæ formoſâ Doride natâ,
 Vos dominum ad lirtus, quæſo, referte, meum;

Sic vestro nulli veniant in amore dolores,
 Sic vobis semper mutuus adsit amor:
 Ille canit, cello properant de vertice lauri,
 Et prata omnigeno flore colorat humus.
 Tunc sacrum felix aluisti terra Maronem?
 Tunc pio celas ossa beata sinu?
 Anne etiam, ut fama est, vatis placidissima sæpe
 Inter odoratum cernitur umbra nemus?
 Felices oculi, fortunatissima silva,
 Et quidquid sancto nascitur in nemore!
 Cui non sit dulci patriâ tua dulcior ora?
 Quis non te lucis præferat Elysus?
 Jam mihi Benaci lætissima littora fordent,
 Jam formosus aquis Mefulus irriguis.
 Me tibi, terra beata, dico; tu meta laborum,
 Jamque senescentis grata quies animi:
 Tu, dum fata sinunt, lucemque, auramque ministra:
 Tu precor extincti corporis ossa tege.

Ad Antonium Gibertum.

Docte puer, magni pulcherrima cura Giberti,
 Progenies silvis edita Pieriis,
 Te dulces oras in luminis egredientem
 Excepit tenero Calliopea sinu:
 Et capiti imposita lauri de fronde coronæ
 Formosa Aoniis ora rigavit aquis,
 Cui puero favet illa, is firmâ ætate, poëtas
 Antiquos doctis versibus æquiparat;
 Ipsum admirantur populi, juvenesque, senesque
 Attoniti pendent vatis ab ore sacro.
 Seu vexat miseras discordia flebilis urbes;
 Ille suis mulcet pectora carminibus,
 Seu gravis ira Deum morbos exasperat; iras
 Condonant vati numina magna pio.
 Sic Divos citharâ placabat Thracius Orpheus;
 Sic hominum cultus molliit ille feros.
 Fortunate puer, tanto dignatus honore,
 Despicio quidquid mobile vulgus amat.

Est patruus tibi præstanti virtute Gibertus,
Quem tellus magnæ suspicit Hesperiae.
Hoc duce relligio multos neglecta per annos
Jam rediit; pulla est vana superstitio.
Iplius pare sanctis hortatibus, ipsum,
Care puer, magni numinis instar habe.
Hoc duce Sirenum cantus, & pocula Circes,
Et Veneris sævas effuge blanditias.
Qui sequitur Venerem, fugit illum candida Musa:
Ah miser ille puer, quem Dea docta fugit.
Blanda Venus pueros nigrum deducit ad Orcum
Insidians; cœlo candida Musa beat.
Incautas juvenum mentes in monstra ferarum
Vertebat Solis filia blanditiis.
Blanditiis captus, qui dextrâ vicerat Hydram,
Hac eadem nevit Lydia penâ manu.
Alcide infelix, ubi sunt Erymanthia monstra,
Vistaque tergemini corpora Geryonis?
Et tremefacta tuâ pallentia Tartara clavâ,
Fulsaque cum magni sidera numinibus?
Alcide infelix, tantis de laudibus istis,
O pudor, exuvias una puella capit,
Nos vero capiant Musarum gaudia sancta,
Gaudia Dis etiam cognita cœlitibus,
Quos teneræ mulcent jucundâ voce sorores,
Et citharæ cantus suavis Apollineæ,
Cum pater auratis celebrat convivia testis,
Et dapibus mensas pulchra juvena onerat.
At puer Idæus niveo succinctus amictu
Miscet supremo dulcia vina Jovi.
Hunc puerum Virtus tantò præfecit honori,
Huic puero Pietas munera tanta dedit.
Ille colens centum salientem fontibus Idam,
Sive vagas arcu sollicitaret aves;
Sive sub umbrosâ captaret frigora quercu,
Qua fugiens liquido murmurat unda pede,
Pieridas, Phœbumque patrem, Divosque canebat,
Qui virides silvas, qui supera alta tenent.

Dum canit, inclusum fulvis Jovis armiger alis
 In sedes illum transtulit æthereas;
 Felices Superum sedes, quas candida vestit
 Purpureo semper lumine Lætitia.
 Tu quoque Musarum veneratus numina, dignum
 Cœlesti puero te bone finge puer.

De fama Idmonis periclitante.

Intemerata fides, sancti germana pudoris,
 Tuque honor, & nudæ simplicitatis amor:
 Si teneris Idmon coluit vos semper ab annis,
 Et mens a turpi crimine pura nitet;
 Vos juvenis famam præsentī arcete periclo,
 Et facite illa magis splendeat atque magis.

Via Viterbiensis.

Quæ fueram pediti via vix superabilis ante,
 Per me securum jam rota currit iter.
 Scilicet hoc tibi præcipuum nunc, maxime Paule,
 Debetur munus pro pietate tuâ;
 Qui cupidus regum magnos componere motus
 Hac senior toties isque, redisque viâ.

Lusus pastorales.

Pan pater, & Silvane senex, Faunique bicornes,
 Tuque pharetratæ candida turba Deæ;
 Si mea vos dulci delectat fistula cantu,
 Si semper vobis annua dona fero:
 Parcite purpureos, quæso, violare racemos,
 Neu tangant avidæ lutea pruna manus.
 Hunc agrum dat habere mihi Farnesius heros:
 Gratus ego hæc illi munera prima dico.





Cum facies iter hac, Farnesi candide, Iolam
 Ne pudeat quæso semper adire tuum.
 Te vocat arguto viridissima silva fufurro,
 Te liquidi fontis garrula lympha vocat;
 Villula pulchra, tui memorabile munus amoris,
 Jamdudum gestit ora videre tua,
 Magne puer, ne parva precor fuge limina: sæpe
 Pastorum subiit Juppiter ipse casas.



Dum sonat argutis latè vicinia grillis,
 Tu Pholoë, dulci pressa sopore jaces.
 Ipse vagor mediâ solus de nocte, tuosque
 Ad caros postes florida ferta fero;
 Quæque teris nudâ calcando limina plantâ
 Osculor, & lacrimis tristibus illa rigo.
 Tu precor aut nostri miserere; aut si tibi tantum
 Displiceo; hic animam ponere, dura, jube.



Et tonat, & vento ingenti nemus omne remugit;
 Et cadit effusa plurimus imber aqua;
 Noxque soporiferis alis circumdata, cæcam
 Horrenti latebrâ nubis opacat humum.
 Ipse tamen Veneris crudeli compede vinctus,
 Ad dominæ cogor pervigilare fores.
 Sævit hiems, Auster densissimus aëre sævit,
 Sed gravius nostro pectore sævit Amor.



Sic tibi perpetuam donet Venus alma juventam,
 Ne faciem nitidam ruga senilis aret;
 Post cœnam cum matre tuâ, dulcique Lycinna
 Ad matrem, Pholoë, cara venito meam.
 Hic simul ad magnum læti vigilabimus ignem;
 Candidior pulchrâ nox erit ista die.

Fabellas vetulæ referent ; nos læta canemus
 Carmina ; castaneas parva Lycinna coquet.
 Sic noctem tenerisque jocis, risuque trahemus ;
 Dum gravet incumbens lumina nostra sopor.



Esto magna Ceres, & Pan mihi testis, amantum
 Et quæ firma facit fœdera, sancta Venus:
 Nulla dies, Ligurina, tuo me solvet amore,
 Non si me Dryadum sanguinis una petat.
 Ut rupem hanc validis impellunt flatibus Euri,
 Sed nullo rupes verbere pulsa labat ;
 Sic semper mea magna fides immota manebit,
 Et mea mens uni serviet usque tibi.
 Dii faciant, in amore pares vivamus ; & uno
 Ambos una tegat funeris hora loco.



Hos tibi purpureos inserta nitentia flores,
 Dum Sol exoritur, Thestylis, cara lego ;
 Dumque lego, crebra ingeminans suspiria dico,
 O utinam fieri vos mea dona queam !



Huc ades ô mea, Lygda, parum decede calori,
 Dum medio cœli sol gravis orbe furit.
 Nonne vides, ut tota fluas sudoribus ? utque
 Jam lassæ nequeant stringere farra manus ?
 Hic patulæ ramis sociant umbracula fagi,
 Quas circum irriguis Mefulus errat aquis.
 Nec lassæ defunt oleæ, nec olentia cepe,
 Nec liba, aut veteri cymbia plena mero.
 Huc ades ; ardenti maneat sub Sole Nigella :
 Te molles umbræ candida nympa decent.



Rivule frigidulis Nympharum è fontibus orte,
 Qui properas liquido per nemora alta pede ;

Si formosæ venis formosum ad Phyllidis hortum,
 Arentique levas aurea mala siti,
 Illa tibi centum dabit oscula, queis tua fiet
 Dulcior Hyblæis unda beata favis.



Cum ver purpureum tepidi fert aura Favoni,
 Ornatur variis floribus almus ager;
 Formosæ ridet silvæ, sunt omnia læta,
 Et cantu volucrum dulcia rura sonant.
 At mihi tristis hiems formosior, & mihi vere
 Lætior adveniet, si, mea Lygda, redis,



Cum Boreas læto silvam spoliavit honore,
 Squalet ager, misto nix jacet alta gelu;
 Non liquidi currunt amnes, stat nubibus aër
 Obscurus, volucrum garrula turba filet.
 Tale facis ver cara tuo, Ligurina, recessu;
 Te sine formosum, te sine dulce nihil.



Ut quondam nivei correpta cupidine tauri
 Mugitu resonat buccula mœsta nemus,
 Illius caros si forte abducit amores
 Pastor, non miseram gramina læta juvant,
 Non liquidi fontes: talis mea vita, paterno
 Postquam rure procul me sine Lygda fugis.



Aspicias, ut læti surgunt per gramina flores?
 Explicat ut virides arbor ubique comas?
 Ut melius fulgent Soles; ut nubila cœlo
 Diffugiunt? terris diffugiuntque nives?
 Hæc facies, hæc est Lygdæ ridentis imago;
 Tristitiam vultu sic fugat illa suo.



Vidisti nitidas per candida lilia guttas
 Ludere, cum tenui decidit imber aqua?
 Et rorem de puniceis stillare rosetis,
 Cum spirat nascens frigora blanda dies?
 Hæc facies, hæc est Ligurinæ flentis imago,
 Illius lacrimis me ferus urit Amor.



O quæ venusta Sirmionis littora
 Colis Catulli candida
 Musa, & beatam citrii silvam doces
 Pulchram sonare Lesbiam;
 En nos Taburni in valle florida tibi
 Aram virenti e cespite,
 Et terna melle, terna lacte, ponimus
 Spumante plena cymbia:
 Et te vocamus voce supplici, Dea,
 Ad sacra parva, sed pia;
 Ut nostram Hyellam fistula dulci canas,
 Quâ nulla rure pulchrior
 Vixit, nec ulla vivet ullo tempore
 Cani puella dignior.
 At tu vireta amœna, & undas limpidi
 Relinque Benaci libens,
 Et hic Favoni lenis aura murmurat,
 Et hic avium dulci sono
 Mulcetur aër; prata floribus nitent;
 Purique fontes vitreis
 Lymphis decentes frigerant nemorum Deas,
 Cum fessa damarum nece,
 Et ista luce fervida Solis redit
 Pudica Dianæ cohors.
 Quare, ô puella candida, huc aditum feras,
 Nobisque versus dicito,
 Per quos Hyella vivat, usque dum tua
 Formosa vivet Lesbia.



Caper, capella cœlitum beatior,
 Quem tam venusta, tam puella candida,
 Stipante maximo capellarum grege,
 Agit per alta montium cacumina,
 Cum Sol recludit splendido cœlum die,
 Albentque læta rore cano gramina.
 At cum furentis excitatus ictibus
 Solis siticulosus ignescit calor,
 Nec aura pulchris arborum instrepit comis,
 Te ducit illa fontis ad lympham sacri,
 Qui profilit virente murmurans specu;
 Domus choreis Naidum gratissima
 Et semicapri dulce lenimen Dei,
 Cum fessus a labore montivago redit.
 Hinc te reductis vallium cubilibus
 Sistens, tenello lassulum sinu foveat,
 Cingitque carum floreis fertis caput,
 Suadetque blandos sensim inire somnulos,
 Nunc mollicella barbulam mulcens manu,
 Nunc dulciora melle fundens carmina
 Canente garrulo alitum simul choro.
 Exin cadente Sole cum nox extulit
 Micantibus stellis coronatum caput,
 Et prata grillis personant argutulis;
 Te bella Hyella cum tuis uxoribus
 Domum reducit mollia ad præsepia,
 Vobisque falsas frondium dapes parat.
 Cui vita capro contingit jucundior?
 Quem capripes Pan, aut potens pecorum Pales
 Benigniore vidit umquam lumine
 Caper, capella cœlitum beatior?



Caper capellis ire dux ad pascua
 Suetus, quid ægros ultimus trahis pedes?
 Tu primus alta montium cacumina,

Cum

Cum Sol quadrigis aureis portat diem,
 Primus reposta vallium cubilia,
 Quo fons loquace limpidus lympa vocat,
 Primus petebas nocte cum prima domum
 Magnis capellas antecedens passibus,
 Nunc mœstus, æger, ultimus prodix domo.
 Caper miselle, num requiris candidam
 Hyellam? & illa absente nec thyma dulcia,
 Nec umbra dulcis, nec tibi est dulcis liquor?
 Caper miselle, Hyella bella est mortua,
 Luge miselle, bella Hyella est mortua,
 Aliumque valle pascit Elysiâ gregem;
 Videtque puro lacte fontes currere,
 Auraque longe dulciore vescitur;
 Neque amplius redire, si velit, huc queat,
 Neque si queat, redire jam amplius velit.
 At tu morere dominamque visce trans Styga;
 Aut vive posthac omnium miserrimus,
 Caper miselle omnium miserrime.



Adeste ô Satyri, bonique Fauni, &
 Quidquid capripedum est ubique Divum,
 Mecum numina sancta lacrimate.
 Vestra mortua bella caprimulga est,
 Illa candida, bella caprimulga,
 Quæ vobis bona liba factitabat,
 Quæ dulcem mihi caseum premebat,
 Quæ tam carmina bella cantitabat.
 Tecum delicias, Hyella, ruris,
 Tecum gaudia ruris abstulisti.
 Te formosulus hortus ille, quem tu
 Lætum virginea manu rigabas,
 Te fons profiliens specu e virenti,
 Quem illo floridulo ore basiabas,
 Te lugent nemora, atque vallis, in qua
 Pascebas niveas tuas capellas,

Nunc

Nunc pictas Dryadis legens corollas,
 Nunc dulci resonans avenâ in antro.
 At tu si sapias, o puella Ditis,
 Huic dato nitidas tuas capellas;
 Hac pascente domum tuæ capellæ
 Ferent ubera tentiora, lacque
 Longe dulcius effluet papillis.
 Nullam rura tulere doctiorem
 Aut miscere coagula, aut decoras
 Molli texere fiscinas hibisco,
 Aut per florida prata cum puellis
 Choros ducere obstupente pago.

—220—

Sic tibi perpetuam donet Pomona juventam,
 Hortule, dic tanti quæ tibi caussa mali?
 Ille tuus decor in tenues evanuit auras,
 Ut riget informi cum fera bruma gelu.
 Non rosa formosum calathi jam pandit honorem,
 Non violæ ridet purpura lucidulæ.
 Aruit ille suo viridi cum gramine rivus;
 Dædala nec dulci voce susurrat apis.
 Quæque decora albis canebat floribus, ipsa
 Ponit odoratas citria silva comas.
 Ah nivei subito cur nigrescunt Hyacinthi?
 Atque notis implent flebilibus folia;
 Cur vivax apium moritur, croceumque papaver:
 Et panace fusis rosida lacrimulis?
 Hortule, num lugens fatum infelicis Hyellæ,
 Et piget extinctam vivere post dominam?
 Illa quidem fuerat vivens tibi caussa decoris:
 Illa tibi moriens abstulit omne decus.

—220—

Cum pater invitum Nisæ sociasset Jolam,
 Venissetque viri jam nova nupta domum.
 Non potuit tantos pulcherrima Hyella dolores
 Ferre, nec erepto vivere conjugio.

Sed

Sed veluti flos virgineo decerptus ab ungue,
 Cum vita dulcis tabuit ille decor;
 Tabuit ille decor, quo nil formosius ulla
 Ætas, nil umquam vidit amabilius.
 Occidis infelix primo sub flore juventæ,
 Occidis, heu nullo tempore digna mori.
 Sed tua fama superstes erit, quotiesque viator
 Præteriens tumulum viderit, & titulum;
 Ille tuo lecto suspirans nomine dicet:
 Pulchrior in terris nulla puella fuit.



Cum pulchra infelicem animam exhalaret Hyella,
 Talia cum multis dicta dedit lacrimis:
 Duritia, formose puer, mihi durior ipsa,
 Idem luce mihi carior, atque anima:
 Tu licet ipse meam crudeli morte juventam,
 Crudelis, lympham miseris ad Stygiam:
 Non tamen ulla mihi vis carum nomen Jolæ
 Obliviscenti deleat ex animo.
 Seu Cytherea meam campis lugentibus umbram
 Sistet, seu campis sistet in Elysiis;
 Semper ero memor ipsa tui, quamvis laticem omnem
 Lethæum aridulis faucibus ebiberem.
 At tu, care puer, pro tanto gratus amore
 Transibis quoties heu misero cineres,
 Dic lacrimans; heu, cara puella, malus tibi vitam
 Abstulit, & diro funere meruit amans.
 Ah nunc saltem in morte quiescas, hoc tibi Jolæ
 Qui potuit miseram perdere, mandat amor.



Quisquis es upiliove bonus, bona vel caprimulga,
 Siste gregem, & sacro munera fer cineri:
 Da violas tumulo, fundat dulcissima vina
 Cantharus, & tepido lacte madescat humus.

Dehinc lacrimans sic fare: Cinis carissime nobis,
Nunc cinis, ast olim candida Hyella, vale.



Sic Pan bicornis, & Pales vitam tuam,
Tuumque sospitent gregem;
Parum resiste, pastor, & pictis sacrum
Lapidem corona floribus
Hic est Hyella, quâ nec ulla pulchrior
Pavit capellas femina,
Nec pastor ullus garrulam unquam fistulam
Inflavit ore dulcius.
Nondum misella terna lustra clauserat,
Cum vidit ultimum diem.
Ut flos apricus, terra quem mater suo
Dulci educabat in sinu;
Tunc primum hiare cœperat, cùm tabuit,
Calore tactus fervido:
Sic pulchram Hyellam flore sub primo impotens
Amoris æstus perdidit.
At tu viator (sic faveat Amor tibi)
Precare terram, ut pulveri
Sacro puellæ sit levis; dehinc floribus
Hanc spargito, & felix abi.



Pastores teneras procul hinc arcete capellas,
Et sacram nigris spargite humum violis.
Neu veteris Bacchi, neu dulcis copia lactis,
Neu desit numeris tibia flebilibus.
Hic bona Hyella jacet, pecoris formosa magistra,
Junctaque cum domina fida capella sua.
Illam sævus amor nimium infelicis Jolæ
Perdidit, hanc caræ perdit amor dominæ.
Nam simul exhalantem animam conspexit Hyellam,
Ipsius ante pedes concidit exanima,
Fortunata capella, polo fulgere supremo.
Dignior, Icarix quam canis Erigones.

Si tua magna fides dominæ comes ire sub umbras
 Audet, & ante diem reddere dulcem animam:
 At florens tua fama viget, semperque vigebit,
 Exemplum sanctæ maximum amicitiae;
 Dum silva gaudebit aper, dum monte capellæ,
 Dum patulis ulmi decideret umbra comis.



Deliciæ ruris cum pulchra periret Hyella,
 Cum domina periit fida capella sua,
 Non ipsam violenta lues, non aspera febris,
 Sed dominæ subita morte peremit amor.
 I nunc, & Pyladas, & amoris nomine Orestas;
 Et iacta fidos, Græcia, Perithoos.



Cum misera ante diem, fida comitata capella,
 Iret ad infernas candida Hyella domos,
 Ille malus sævis redimitus colla colubris
 Cerberus, invisas qui cubat ante fores,
 Non pavidam horribili tremefecit voce puellam;
 Nec rabidis illam dentibus appetiit:
 Sed tremulo blandæ gannitu vocis adulans,
 Et lingua lambens crura, pedesque ferâ,
 Ætherias voluisset eam remeare sub auras,
 Et tam formosæ virginis ire comes;
 Quique tot Heroum magnas latraverat umbras,
 Optavit parvi nunc gregis esse canis.



Cum nemorum decus, & culti solatia ruris
 Venit ad Elysiæ candida Hyella domos;
 Obstupuere omnes, fixoque in virgine vultu,
 Spectabat pro se quisque oculis avidis,
 Ardentes oculos, surasque, humerosque nitentes,
 Brachiaque, & flavas per rosea ora comas.
 Atque aliquis juratus ait: non pulchrior unquam
 Venit ad Elysiæ ulla puella choros.

Quod



Quod nulla nec formosior, nec fistulam
 Inflare dulcem doctior niveos greges
 Unquam Taburni pavit inter horrida
 Pineta, pastores tuis hunc Manibus
 Dicant Hyella lucum opacum, & hos duos
 Fontes amœnos, qui levi cum murmure
 E rupe muscosâ alter, alter e specu
 Pendente decidunt, at in medio jacens
 Tua ossa fistilis urna habet opulentior,
 Quam dives Hermus, undaque aurifera Tagi.
 Hanc nos quotannis, cum Favoni candida
 Fert aura Ver insigne floreis comis,
 Dulci Lyæo, & lacte, & agni sanguine
 Rigabimus: tum virgines circum integræ
 Ducent choreas, & tuas laudes canent.
 Hyella mons, Hyella vallis garrula
 Sonabit, & cum Sol diem face aureâ
 Illustrat, & cum nox polum umbra condidit.
 At magnus Alcon fistulâ, quam capripes
 Illi dedit Pan, triste carmen ordiens
 Narrabit, ut te crinibus passis Deæ
 Oreades defleverint, cum pallidum
 Videre vultum, ut arborum tonsis comis
 Te silva mœsta luxerit, te limpidi
 Fontes, Hyella, te Taburni horridæ
 Flevere cautes; cœrulâ se condidit
 Sol nube, dira ne videret funera.
 Quin sævus ille lacrimis mortalium
 Gaudens Cupido flexilem arcum, & igneas
 Fregit sagittas. Quantum hiems gelu aspero
 Concreta Veri floreo cedit, rubus
 Quantum virenti acantho, agris tantum omnibus
 Tibi puellæ cesserant, ut ramulis
 In valle myrtus avia nitentibus
 Crescit, quam amico rore fontis educant
 Nymphæ decentes: sic amabilis tua

Juventa surgens enitebat: nec rosa
 Rubente mane lucidum calathi sui
 Pandens honorem, est pulchrior, nec pulchior
 Aurora, croceo cum gerit diem sinu
 Comâ refulgens aureâ, quis simplices
 Mores, & artes Cypria dignas Dea
 Æquare possit laudibus? seu fiscinam
 Virante hibisco texeres; formosius
 Jurabat esse nil Pales: seu duceres
 Choros sub altis arborum comantium
 Ramis Napeæ candidæ, & Phœbi soror
 Stabant stupentes: seu levi nemorum Deos
 Calamo canebas. silva dulci carmine
 Gaudebat, ipse Menalus, quantum sui
 Fauni sonora fistula. Salve o bona
 Hyella, salve, & montibus nostris ades.
 Tu Pana maximum, & sorores Naidas
 Pastoribus beata concilia tuis,
 Morbosque lacrimabiles precibus piis
 Averte, lucum & vise sæpius tuum.



Dum te flebilibus numeris moriturus Jolas
 Cantat, ades vati, candida Hyella, tuo.
 Tale mea carmen moduler tibi arundine, quale
 Deficiens dulci gutture cantat olor,
 Ut tua pastorum volitet vaga fama per ora,
 Dum lætas segetes pinguis rura dabunt,
 Dum flores apis, & rivos dum gramen amabit,
 Dum metuet celerem tarda capella lupum.
 Digna quidem fueras, quam maximus ille Menalcas
 Diceret argutis semper arundinibus,
 Et quam posthabita Neptunine Galatea
 Cantaret Siculi clara Thalia senis:
 Et facerent, si te natam felicibus annis
 Vidissent oculis, candida nympha, meis.
 Te juga Parnasi resonarent, te juga Pindi,
 Notior Arcadiæ nulla puella foret.

Per nemora, & silvas, incisum cortice levi
Mille tuum nomen viveret arboribus.
Tu quoque par esses Amphionio Aracyntho,
Et par Mænaliis, care Taburne, jugis.
Magne pater, tali fortunatissime alumna,
Tu viridi servas ossa beata sinu,
At misera ante diem crudeli funere rapta
Ivit ad infernas non reditura domos.
O mihi Threiciam citharam si Musa dedisset,
Quæ potuit silvas ducere montivagas,
Per tenebras Orci, per pallida regna silentum
Quæsissem Manes, cara puella, tuos;
Nec me tergeminò terreret Cerberus ore,
Nec torvæ anguineis crinibus Eumenides.
Vel mecum vitæ repetisses lumina, vel me
Obrueret Stygio mors violenta lacu.
Sed citharæ si nil prodesse filia canoræ,
Movissem fletu numina dura pio.
Vidissent umbræ tenues, regemque superbum,
Tisiphonemque malis illacrimare meis.
Sic licet ille fero crudelior angue Tyrannus,
Non vacuum blandi pectus amoris habet.
Ipsam etiam, qui cuncta domat, Cythereius ales
Vicit, & invito lenia corda dedit;
Tempore quo magnæ Cæris pulcherrima nata
Ad nigras Erebi candida venit aquas.
Illâ quidem caris nymphis comitata legebat
Purpureos flores saltibus, Enna, tuis,
Jamque parans in lucidulo se fonte lavare,
Traxerat è niveo mollia vincla pede,
Cum pavidam, & matrem queribunda voce vocantem,
Abstulit infernis luridus Orcus equis;
Nec veritus natam Jovis est violare supremi:
Tantum forma potest, & violentus amor.
Cur igitur caram mihi non donaret Hyellam?
Cur lacrimis flecti nollit amantis amans?
O qui pallentes Erebi me ducat ad umbras,
Et genibus sistat me, pater Orce, tuis!

O quales tibi manarent mea lumina fletus!
Funderet ô quantas lingua disertâ preces!
Me certe facerent pietasque, dolorque disertum;
Verba ministraret dulcia dulcis Amor.
Quid loquor infelix? nulla est revocabilis arte,
Cum semel extincto lumine vita fugit.
Non revocat Syringa sua Pan magnus ad auras,
Non Phœbus revocat te, Cyparisse, tuus.
Ipse foret quamvis Cybele gratissimus Attis,
Liquerat infernas non tamen Attis aquas.
Ah quoties nato mater Berecynthia dixit:
Per lac, quod dederunt ubera nostra tibi,
Perque uteri tolerata decem fastidia menses,
Redde oro puerum, Dis mihi care meum.
Non ego, felices Superum translatus in oras
Tithoni vivat sæcula longa, peto,
Auroræ liceat carum servare maritum,
Æqualemque Deis reddere cœlitibus:
At mihi cum paucos Attis serviverit annos,
Ad tenebras redeat flebilis umbra tuas.
Nunc pia templa colens Divis operetur, & omnes
Per populos ritus, & mea sacra ferat.
Dulcia purpureæ nunc carpat dona juventæ,
Nunc decoret silvas candida forma meas.
An magnum est, animam si de tot millibus unam
Des matri, vitam quæ dedit ipsa tibi?
Sic lacrimans ait: ille suis immanior umbris,
Maternas dura respuit aure preces.
Vix licuit miseræ Manes descendere ad imos,
Atque umbræ dulci basia vana dare.
Crudelis Pluto, nimium crudelia fata,
Quæ vitæ nullas, heu, posuere moras!
Cum silvâ glacialis hiems spoliavit honore,
Vere novo silvæ læta juvena redit.
Occidit Oceani cum Sol demersus in undas,
Nascitur adducto pulchrior ille die.
At nobis nec læta suo cum vere juvena,
Nec mersa immiti funere vitæ redit.

Ultima cum Parcæ legerunt fila severæ,
 Urget perpetuus lumina clausa sopor.
 Quem tamen æterno celebrarint carmine Musæ,
 Ille vel invita morte superstes erit.
 Sic vivis, vivesque æternum, pulcher Alexi,
 Et tu cum Gallo nota, Lycori, tuo.



Pan, nemorum decus, & Satyri, nymphæque decentes,
 Quæ blando agrestes uritis igne Deos
 Si formosa pie coluit vos semper Hyella,
 Si mea vos semper dulcis avena canit;
 Vos facite, ut longum vivant mea carmina in ævum,
 Et cum catminibus candida Hyella meis.



Pan pater, & veneranda Pales, Faunique valete,
 Tuque mihi quondam, care Taburne, vale;
 Vos mihi vos misero silvæ placuistis opacæ,
 Dum niveum in vobis pavit Hyella gregem,
 Et mecum tenera furtim ludebat in herba
 Ludere cum magno digna puella Jove.
 Tunc mihi purpureo fulserunt lumine soles,
 Tunc fuit heu nimium candida vita mea.
 Nunc nemora, & fontes, & cœli lumen, & umbræ;
 Nunc ingrata meis omnia sunt oculis.
 Mors mihi sola placet: mors o dulcissima rerum
 Huc ades, & vitam, mors bona, redde mihi.
 Illa meam vitam rupes habet, illa sepulchro
 Servat delicias terra beata meas.
 Pastores, illa dominæ me jungite in urna,
 Taliaque inscriptis addite verba notis:
 Formosam tuus ardor Jola absumpsit Hyellam;
 Te miserum letho perdidit illa suo.



Ingrate Sol ortum quid approperras tuum
 Quo lux mihi, si luce non datur frui?
 Redifne, grex ut redeat in silvam meus?
 At hunc Hyellæ mors acerba perdidit.
 Redis, magis, magisque tabescam ut miser?
 Et te fatigem questibus semper novis,
 Domina revifens pulverem sacrum meæ?
 An tu quadrigas aureas tuas refers,
 Ut luminibus aliquam afferas lucem meis?
 At illa lacrimis, tenebrisque horridis
 Assueta lucem odere; nec radiis tuis
 Imbres suos ficcari amant, quibus genas
 Rigant, & ora amoris usta incendio.
 Sed fulgeas licebit, & radiantibus
 Terras, maria, cœlumque lustres ignibus;
 Tamen omnia tenebris inhorrescunt mihi.
 Ex quo meus Sol mihi suam lucem abstulit,
 Deique Manibus occidens eam tulit.



Hanc laurum, formosa, tibi formosus Iolas
 Sevit, & hanc madidis irrigat usque genis.
 Seu tenebras Vesper, seu lucem portat Eous,
 Et laurum lacrimis irrigat, & tumulum.
 Hinc tumulus violas, & laurus protulit umbras,
 Umbræ iisdem crescunt, & violæ lacrimis.
 Cumque umbris, violisque amor infelicitis Iolæ
 Crescit, cumque ipso crescit amore dolor.
 Hic dolor, heu, miserum letho dabit, hic bona Hyella
 Mox pueri apponet ossibus ossa tuis.
 Et quos felici conjunxit fœdere quondam,
 Nunc infelici funcre junget amor.

Hæc, dulcissime Turriane, lusi
 Molli carmine, nec laborioso,
 Dum ver florida lætum agebat ætas,
 Quam jocus decet, ac leves cachinni.
 Nunc Musas vocor ad severiores,
 Nunc rerum juvat explicare causas;
 Et cælum memorare, cœlitesque,
 Et qui cœlitibus præest beatis.
 O molles elegi, lyræque dulces,
 O & myrtea ferta, fistulæque,
 Faunique, Dryadesque jam valetе,
 Et cum frondiferis Hyella silvis.
 At tu progenies Jovis supremi,
 Patris deliciæ, Deûmque amores,
 Per quam magna canunt sacri poëtæ,
 Felix Uranie, mihi benigno
 Ades numine, supplicemque tolle
 Me tuo rutilante curru ad astra.

De liberalitate Alexandri Farnesi Cardin.

Dilectus Phœbo, & Musis, sed pauper Iolas,
 Et semper domini pascere fuetus oves;
 Nunc dives pecoris, Farnesi munere factus,
 Factus & illius munere dives agri:
 Divino juveni, meritis pro talibus, ipsam
 Et vocem, & calamos, ingeniumque dicat.

Ad Agellum suum.

Umbriferæ platani, & formosæ cyparissî,
 Antraque muscosis roscida pumicibus,
 Non mea vos nymphas resonare docebit avena
 Amplius, ad cantum me vocat alter amor,
 Farnesi virtus mihi dulcem in pectore flammam
 Suscitât, hunc ignem dulcis avena canet,
 Vos nomen juvenis divini discite, laudes
 Semper & illius, pulcher agelle, sona.

Ad Alexandrum Farnesium.

Farnesi, nomenque tuum, laudesque sonabit
 Hoc nemus, & culti vallis amœna soli;
 Dum potero meminisse, tuo quod munere dives
 Musas, & Musis ocia grata colo.



Has tibi odoratas, Farnesi magne, corollas,
 Mittit ab Aonio candida Musa iugo:
 Quod carum Nymphis tua virtus ditat Jolam,
 Restituens patrii dulcia rura soli.
 Hæc cape nunc, majora dehinc habiturus, Jola;
 Tu modo præsentî numine semper ades.



Pauperies hominum fera pestis, & ira Deorum
 Excruciare malos nata, bonosque simul,
 Quære alias sedes; nam te Farnesius heros
 Amplius in nostra non sinit esse domo.
 Ecce venit properans pleno lætissima cornu
 Copia, quem sequitur dulcis & alma Quies,
 Illa timere famem diram vetat; altera mandat,
 Ut Phœbo, & Musis ocia digna colam.
 Magnus Alexander, magna hæc qui donat habere,
 Jure mihi magni numinis instar erit



Ne mea, Farnesi, properent ad carmina nymphae,
 Neve meas curet Pan Tegeæus oves.
 Si mea te præter cantabit fistula quemquam,
 Si mihi non magni numinis instar eris.
 Et merito, mihi solus enim facis ocia, solus
 Tristitiam longe, pauperiemque fugas,

Ad Damianum Damianum.

O vinum tenue, aureum, suave,
 Instar nectaris, o merum Deorum,
 Vitæ præsidium meæ fugacis,
 Cedant Pæonii tibi liquores,
 Et quidquid remedi salubrioris
 Ostendit medicæ repertor artis.
 Jacebant lateris dolore membra
 Semimortua; febris æstuabat,
 Ut fornacibus ignis, ipse plantas
 Lethi limina dura transferebam;
 Cum tu languidulos fluens in artus
 Cœlestis liquor & levas dolorem,
 Et vitam mihi reddis. ergo, docte
 Damiane, tuum merum, tuamque
 Vineam aureoli mei parentem,
 Dulci carmine concinam, recepta
 Vita dum superat mihi; & rogabo
 Votis assiduis Deum quotannis,
 Ne venti, pluviae, siccitasve,
 Aut vis grandinis, improbe fures
 Lædant aureoli mei parentem.

Ad Somnum.

Huc ades ô bone Somne, veni dulcissime Somne.
 Et mea furtiva lumina claude manu.
 Somne veni, en volucres tibi dulcia carmina dicunt,
 Invitat placido te vagâ lympa sono;
 Te violæ, te lilia pulchra, tuumque papaver,
 Teque vocant plenis Cressia vina cadis.
 Nec tamen ipse venis: quidnam mitissime rerum
 Jam surdum precibus te facit esse meis?
 Non ego vel sædo maculavi crimine vitam,
 Vel populi mores, & malefacta sequor.
 Si nescis, ego sum Musarum, Somne, sacerdos,
 Nutriit in tenero me pia Musa sinu,

Et citharam dedit: hos dulces tibi condere versus
 Jam meditor, propere tu modo, Somne, veni,
 Ni properas, lethi sopor ingruit, & mea sævus
 Lumina perpetua fundere nocte parat.
 Ergo age, Somne, gradum celera, ne fama vagetur
 Immeritum culpa me periisse tua;
 Nam si nulla meæ tangit te cura salutis;
 At pareas famæ, si lapidis, ipse tuæ.



Jam luculentâ, Marce, pecuniâ
 Tumultuosum per mare cursitans
 Quam comparasti, disce tandem
 Disce precor sapienter uti.
 Nam congerendis divitiis modus
 Hic esse debet, pauperiem ut tibi,
 Tuisque liberis repellens,
 Lætus agas superest quod ævi.
 Ergo relictis navibus, & mari
 Ad tuta ruris te refer ocia;
 Infanientis & procellæ
 Dirum alii paveant furorem.
 Quis non benignæ culta nitentia
 Terræ minaci præferat Adriæ?
 Quis candido gregi catervas
 Compararet horribiles natantum?
 Quod si lucellum te capit: & sua
 Sunt lucra gnavis agricolis, pecus
 Saltusque, & arva diligenti
 Sunt domino bene fructuosa,
 Nam terra mater reddere diligit
 Magno colenti semina fenore,
 Ni tu recusas illam aratro,
 Assiduisque juvare rastris.
 Est hic agellus, villaque collibus
 Fundata amœnis, quam liquidi ambiunt
 Fontes, & arcens umbrâ opacâ

Silva canis orientis æstum.

His tu cœmptis incipe tempora
Post longa tandem vivere; conjugis
In dulcis amplexu daturus
Lætam animam veniente letho.

Ad Stephanum Saulium.

Nec tu beatum dixeris, optime
Sauli, superbo limine civium
Qui prodit hinc & hinc catervâ
Nobilium comitante cinctus;
Non si feracis occupet Africæ
Quidquid præaltis conditur horreis,
Gemmasque lucentes, & auri
Possideat rutilos acervos.
Nec ille felix, qui valet omnium
Causas latentes cernere, sidera
Notare doctus, & profundas
Ingenio penetrare terras.
Sed tu beatum jure vocaveris
Qui mente purâ rite Deum colit,
Ejusque jussa ducit amplis
Divitiis pretiosiora.
Non ille vulgi gaudet honoribus;
Sed carus ipsi Numinis est honos;
Pro quo tuendo non recusat
Dedecorum genus omne ferre.
Quin & relictis cœtibus urbium
Mens ejus altum transvolat æthera,
Deique summi, cœlitumque
Colloquio fruitur beato.
Cœlestis ergo jam sapientiæ
Plenus, periclis altior omnibus
Quiescit in Deo, furentum
Despiciens hominum tumultus.
Sic præliantes æquore turgido
Ventos reducto montis in angulo

Miratur, & gaudet procellâ
Terribili procul esse pastor.

Ad Donatum Rullum.

Quis cuncta possit, Rulle, pericula,
Motusque mentis dicere turbidos
Qui scævientis instar undæ
Nos variis agitant procellis?
Hinc præliatur sollicitus timor,
Hinc spes bonorum credula, gaudium
Nunc tollit altè, nunc doloris
Dejicimur furibundo ab æstu.
Non sic benignus cœlicolum pater
Humana finxit corda; sed insolens
Nos fastus ad tumultuosa
Hæc freta præcípites adegit:
Cum vita nullis ante laboribus
Turbata cunctis afflueret bonis;
Nec mortis occurrens imago
Cor trepido quateret tumultu.
Quod ergo tantis auxilium est malis?
Ecquid Platonis docta volumina,
Cultique præceptor Lycæi
Sollicitam recreare mentem,
Modumque curis figere tristibus
Possunt? vel auri perpetuo fluens
Rivus? vel in sublime tollens
Per titulos popularis aura?
Fomenta sunt hæc prorsus inania;
Luduntque falsa vulgus imagine;
Vulgique primores acuti
Viribus ingenii tumentes.
At tu beatam ducere si cupis
Vitam, periculis liber ab omnibus
Adhæreas Deo, piaque
Mente sacrum venerare numen.
Hinc hauries veram & sapientiam,

Verumque honorem, & divitias; ferus
Quas nec tyrannus, nec tremendi
Vis rapiat truculenta belli.

Quidquid bonorum cernitur uspiam,
Hoc fonte manat: quo sine, quis, licet
Tetrasque, cœlitumque regna
Possideat, miser usque vivet.

De Joviano Pontano.

Qui cecinit claro fulgentia lumina cœlo
Pontani doctis versibus Urania,
Phœbe, tuis magnam lucem addidit ignibus, utque
Nunc melius niteant sidera cuncta, facit,

De Joanne Cottâ.

Si fas cuique sui sensus expromere cordis,
Hoc equidem dicam, pace, Catulle, tua:
Est tua Musa quidem dulcissima; Musa videtur
Ipsa tamen Cottæ dulcior esse mihi.

Ad Balthasarem Castilionem.

Si truculenta ferox irrumpis in agmina Marte,
Diceris invicto Castilione satus.
At molli citharâ si condis amabile carmen,
Castalia natus diceris esse Dea.

Ad eundem.

Horrida terribilis cum tractas arma, Maronis
Castilione tui carmine digna facis.
Idem cum molli vacuus requiescis in umbra
Castaliæ, æterno digna Marone canis,

Ad Andr. Naugerium.

Naugeri, ne quis tibi certet, neve labore
Incasum, laudes æquiparare tuas:

Sive Epigramma facis juncto pede, sive soluto
 Desles magnanimum funera acerba virum.

Ad eundem.

Quot Bruma creat albicans pruinas,
 Quot tellus Zephyro soluta flores,
 Quot spicæ Libycis calent in agris,
 Quot vindemia porrigit racemos,
 Quot vastis mare fluctuat procellis,
 Cum nascens pluvias reportat hœdus,
 Quot Ceraunia frondibus teguntur,
 Quot cœlum facibus micat serenum;
 Quot sunt millia multa basiorum,
 Quæ dari sibi postulat Catullus,
 Quotque sunt atomi Lucretianæ
 Tot menses, bone Naugeri, tot annos
 Vivent aureoli tui libelli

Ad Actium Sannazarium.

Quantum Virgilio debebat silva Maroni,
 Et pastor, donec Musa Maronis erit;
 Tantum pene tibi debent piscator, & acta,
 Acti, divino proxime Virgilio.

Tumulus Augustini Niphi.

Qui docuit rerum Niphus cognoscere causas,
 Non rerum oblitus, hoc jacet in tumulo;
 Sed cœlo meliore sui cum parte receptus,
 Nunc gaudet melius discere quam docuit.

Gasp. Contareno.

Contarene, tuo docuisti magne libello,
 Extinctis animas vivere corporibus.
 Ergo jure tui vivunt monumenta laboris;
 Et vivent sæclis innumerabilibus.


Ad Marium Molsam.

Postera dum numeros dulces mirabitur ætas,
Sive, Tibulle, tuos. sive, Petrarcha, tuos:
Tu quoque, Molsa, pari semper celebrabere fama;
Vel potius titulo duplice major eris.
Quidquid enim laudis dedit inclita Musa duobus
Vatibus; hoc uni donat habere tibi.

Ad Achillem Philerotem Bocchium.

Achille, pater elegantiarum,
Si Marcum tibi vis suos ocellos,
Seu quid charius est suis ocellis,
Debere, ut decet optimum sodalem,
Noli subripere, obsecro, quod illi
Multo charius est suis ocellis
Sed quid charius est suis ocellis?





HIERONYMI FLORELLII



In obitum Jo: Medices Cardinalis.


AUdito Juvenis casu, quo concidit omnis
Relligio, & Tusci spesque, decusque soli,
Ingemuit graviter Tybris: nimiumque licere
Falciferæ morti, Fata, dedistis, ait.

In eundem.

Joannes jacet hic Medices, quo nemo per orbem
Vesçi auris fuerat dignior æthereis.
Sed terris illum tantum ostendere, nec ultra
Inter mortales esse dedere Dei.


Ad Joannem Austrium.

Vicisti bello Mauros, genus acre virorum;
Vicisti haud fuetos vincier ante Scythas.
Iperge Austriacæ stirpis generosa propago:
Stat casura armis gens Othomana tuis.



NICODÆMI FOLENGI

MANTUANI.



Ad Laurentium Medicum.

ME mea, Laurenti, stimulat, trahit inque libellis
 Sæpe meis gaudet nomen habere suum,
 Vita, salus, uxor, pax, Gemma, Serena, comesque,
 Flos, hera, lux, genitrix, spes, rosa, alumna, soror.
 Non hominum titulos, nec me finit illa Deorum
 Concinnere, aut Martem, sed Venus una juvat,
 Una Dionei solatur barbitos illam
 Carminis; & curas sic procul usque fugat.
 Sic lætis celebrat Saturni festa cachinnis,
 Vincat age, & quæ fert cor, ferat illa modos.

Ad eundem.

Hinc fluit orator Lygurum, Trinacrius inde
 Nuncius, aut Veneta missus ab urbe senex,
 Nunc Sixti mandata legis, nunc Herculis aures,
 Laurenti, præstas Mineiadumque viris.
 Improbus ipse tamen tantis in motibus ad te
 Carmina per pluvias, flumina perque tuli.
 Da veniam, veniam mereor, cum nil mihi præter
 Hæc tua quam servet bibliotheca; velim.
 Gratius, Ausoniæ cum cesserit ira, legentur
 Forsitan, aut pœnæ crimina morte luent.

Ad eundem.

Vatibus hic semper mos, si nova mœnia visunt,
 Exstitit, ut secum munera danda ferant.
 Bella gerunt alii descripta, tragœdia multos
 Attrahit: aut scissis nœnia mœsta comis.
 Hos mage profa juvat: laudes hic concinit ejus,
 Quem petit: ille poli signa, vel orbis iter.
 At me virgineus torquet calor, & mea jussit
 Carmina lascivos ferre Cupido sales.
 Sis precor his nuper contentus, maxime Tusci
 Rector agri; dabimus post meliora tibi.

Ad eundem.

Arserat in Tuscos Campania tota penates,
 Magnaque jam miseras cinxerat ira domos.
 Jam pater innati pectus, jam matris in alvum
 Filius, inque nepos fata gemebat avi.
 Nulla senum verbis reverentia, nulla precantum
 Gratia, nullus ibi tinctus in ore pudor.
 Quisquis agri innocuas flammis deposcere sedes,
 Partirique sibi præmia certus erat.
 Tu Petrides nutu pacasti cuncta sub ipso.
 O facies telis invidiosa nimis!

Ad Librum.

Forfan ut indocti petiture palatia civis
 Cura tibi ornatus non, Liber, ulla fuit?
 Falleris; haud censor quisquam præstantior, & qui
 Laurigeris meliusserta referre sciat.
 Quin si forte leget, crebro Laurentius autem
 Vellet; ut esse tibi crimina mille scias.
 Tu tamen haud fugies; sed me dementia, dicas,
 Audacem Medices fecit, amorque domus.

Ad eundem.

Omnia cum possis deponere; cum tua quisquis
Vota velit, semper, vis tamen ipse nihil.
Nititur assidue parere Senatus, & orat,
Laurenti, jubeas; sed magis ipse taces.
O Petridæ virtus invicta, quod exigit alter
Non habet, & renuis tu quod habere potes.

Ad eundem.

Cuncta sua Cæsar tentavit fraude, nec Urbis
Horruit excidium, grandis ut inde foret.
At tibi cum cedant omnes, sumasque precentur
Imperium; mavis attamen esse minor.
Cedat Juleæ stirpis tibi gloria, cedat;
Fortis es ingenio; fortis at illa manu.
Illa recusantes populos vi traxit, & armis,
At tua, Laurenti, pax vel ubique jubet.

Ad Librum.

Heu, Liber, heu dulcis labor, heu solatia, quam te
In populos vereor tam cito ferre pedes!
Non delatores aberunt, non criticus asper,
His scaber, his audax, his resupinus eris.
Pone metus, quicumque tuos meditabitur annos
Laudabit, teneris obiicietque choris.

De Serena.

Gaudeo, quod facilem me novit Gemma, nec iras
Tuta meas horret, tuta minasve timet.
Sic placido me capta, feros expellet amantes;
Dira nec in pectus audiet ulla meum.
Dura nimis semper fragiles odere puellæ
Corda virum, durus sit precor hostis amor.

Ad Serenam .

Quod violæ in silva Phœbo redeunte virenti ,
 Fusaque per nostros lilia mane thoros .
 Prata , quod agrestis menthæ , cumulisque refereta
 Serpylli ; Zephyro quodque movente crocum .
 Quod ter coccineo vestis saturata veneno ;
 Et rosea affractis unda relapsa cadis .
 Igne quod admoto storax ; quod succus avaræ
 Frondis ; & Assyrio semina missa polo .
 Quod variis doctus guttis componit aliptes ;
 Hoc , mea lux , redolet spiritus usque tuus ,

Ad Flavium Folengum .

Non auri , nec opum tuis acervos ,
 Mi Flavi , foribus venire Jani
 Prima jussimus in die ; sed astra
 Res , & sæcula protegant rogavi ,
 Quod Dii pauperibus dedere feci ;
 Sed tu munera versibus poëtæ
 Commutare magis potes beatus .

Ad Marioticum Vicecomitem .

Gnossia das omni , patribus pejora ministras
 Pocula ; quid confert sumptus hic ergo tibi ?
 Dum tituli in populo quæris , Mariotice , pompam ,
 Ebrius hinc nimium diceris , inde tenax .

De Scardua Barbato .

Seu Socratis mores , seu tristis jura Catonis ,
 Seu Flacci numeros , sive Maronis opus
 Seu rus , sive cibos , seu principis atria , sive
 Rem focii laudas , invidiave premis ;
 Ore fluant quæcumque lubet ; rudis annuit , atque
 Verum est agrestis Scardua semper , ait .

De Tono Rustico.

Munera consuluit Tonus, qui posset amicum
 Vicinis cæsi detinuisse suis.
 Cras refer in triviis, ait omnibus ille casisque
 Hunc fore subtractum; sed rapit ille suem.
 Prædicat hoc; Tonusque frui sue se putat unum;
 Sed vacuum reperit mane inopinus aram.

Ad Marinum Pecorinum.

Dicis, quod male concoquis, Marine,
 Quod tres vel duo prandio vitelli
 Quoquo sufficiunt, tibi videtur.
 Potu uno esse duos parum vitellos.

Ad Jollam Floranum.

Hydropicus quoties mihi nomine diceris, ira
 Rumperis; & mixtum semper, Jolla, bibis.

De Nigra vinosâ.

Omnia Franchinus madidæ vir pocula Nigræ
 Surripuit, vegetis subsecuitque cubos.
 Illa merum scabra fartagine protinus hausit,
 Demersa in vegetem terque quaterque plagâ.
 Pluribus addicit vix mulsa, nec invenit usquam;
 O gula, quam crebro callida corda facis!

De Lyco servo.

Oculum capillis contegit semper Lycus.
 Cur hoc? an altero vides nunc rectius?

De Luchina paupere.

Ovorum calathos dum fert Luchina gemellos
 Ad fora, sic cœpit conjubilasse sibi.

Centenos ex hac referam mercede trientes ;
 His iterum pullos, ovaque multa feram .
 Deinde favos, & oves fœcundi fœnoris, ex quo
 Fructibus, atque herbis fertile juger, emam .
 Redditus hic fundum, dabit ille palatia, moxque
 Ancillas, pueros, firmata, chrison, agros .
 Jam cito adorabit me patria tota, genuque
 Dum flestit, calathos fregit, & ova cadens .

De Lyco Servo .

Cum cœnant alii, domino Lycus astat, & inquit :
 Jejuno, trepidus sed quater ante bibit .

Ad Antonium Pelotum .

Hoc est, quod tibi debeo, Pelote,
 Carmen; non tibi laudibus potis sum
 Ullis tollere te, vacare ludo
 Nulla est gloria; sed tamen vocari
 Noster gloria ludus iste gaudet .
 Non nos pecula, res, agros, nec aurum,
 Sed fors lusimus ipsa cui juberet
 Carmen solvere; nec triformis ortu
 Nos vidit Venus, occidensque nobis
 Sat millesima pars fuit diei .

Epitaphium Malacisii .

Infertor salium facetus olim
 Et mordax Malacisius sepulchro
 (Heu mors!) hoc tegor, haud præibat alter
 Me: convivia cantibus, jocisque
 Seu vellet decorare: sive mille
 Maternos numeros, modo redactos
 Ad mentem, recitare: dedecebat
 Nec nostrum lyra pollicem, paratus

Cunctis deliciis eram, jocisque
Semper, præcipue jubente Turco.

De Nigro.

Nemo Nigro improbius, fulvique tenacior auri;
Innumeris contra fastibus ille rumet.
Vellet inauratas, structasque tapetibus ædes,
Vase abacumque omni; sed nimis æra juvant.
Stat toga purpureo decies sibi mersa colore;
Stant jura, & vates; sed nimis æra juvant.
Vellet agros, vellet pallatia condere, servos
Exornare togis; sed nimis æra juvant.
Solvit, emit, gemit inde, hilaris videt empta, sed aurum
Flet cum non reperit, sic Niger usque dolet.

Ad Laurentium Medicem.

Parce precor, Cosmæ stirps inclita, parce dolenti,
Si quandoque meus fert maledicta liber.
Nec mihi lingua nigra est, nec dens rubigine tinctus,
Publica sed lædunt me malefacta nimis.
Insequor hæc igitur, ne vana sequatur, agatque
Plebs ea; clam peragat, qui mala semper agit.

Ad Flavium Folengum.

Multa joco narras, Flavi, mala sed Niger illa
Credit; sic fiunt crimina vera joci.

De Nigro.

Non famuli parent sibi, nec Niger increpat illos:
Cur id? avaritia conticet ipse sua.

De Serena.

Ridet, & irato blanditur Gemma, minasque
Fert omnes; quis non hanc adamare queat?

Ad eandem.

Nil inquis flagrare magis te quam mihi grata
Efficere: actura es quo petis, idque modo?
Difficilis, facilisque nimis rogo ne mihi fias;
Gaudia nulla dat hæc; illa, Serena, necat.

Ad Flavium Folegium.

Quem Niger haud fallat? cum prodiga testâ Solonis
Laudat: & integrum cum Tuberone Numam?
Cum Macedum recitat Paulum, legesque Lycurgi?
Fabricium, & Curii, Publicolæque domos?
Protinus aut Tellus dicas aut Eliâ pubes
Hunc tulit, aut spector Coriolanus opum.
Ne tamen hæc fallant, Flavi, te verbula; sic hoc
Laudât, ut occultas nesciat ullus opes.

De Teutonico Egrotante.

Æger aquam hausturum sumpto promisit Jacco
Teutonicus; nec vult nectare plenus aquam.

Ad Lidam.

Jam miserum variis potuisti, Lida, furorem
Nosse modis, Paphi duraque vincla jugi.
Fidus amans nulla, me judice, destitit in re,
Ureret ut pariter mutua flamma duos.
Tu mihi, sæva, tuos vel adhuc tamen oculis ignes
Ah fateare precor, si quid amoris habes.
Gratia sin etenim misero exoptata negatur,
Me jubeat scripti parvus abire tenor.
Dulcius hoc fuerit, quam tot mala commoda ferro,
Nam pacis vivet spes mihi certa. Vale.

De Nigro.

Parcus erat Tubero, parcus Niger; ille sed aurum
Sprevit; at hic auri plus dape pondus amat.

Ad Claram.

Jam mihi blandicias, speciemque, decusque Serenæ
Dulcibus abstuleras, Clara dolosa, jocis.
Ut tamen argentum novi te poscere, cœpit
Protinus illa oculis gratior esse meis.

Ad Marioticum Vicecomitem.

Æstibus afficeris, cum sis Mariotice flammis
Proximus; unde æstus lædere quæso potest?

Ad Flavium Folengum.

Quæris, an insanit, Flavi, Franchinus, at ille
Vafer, qui stulti scit trahere æra jocis.

Ad Claram.

Innuis; & coram domina me, Clara, salutas;
Aut puero fallax me vocet inde jubes.
Omnia dum quæris committere, nos rea tentas:
Sed jam parce: tuo est justior ejus amor.

De Nigro.

Fabriciique, Numæque sequi vestigia vellet?
Argentum sed jam cœpit amare nimis.
Hos igitur laudat, paupertatemque, sed illud
Ipse tamen non vult destituisse Niger.

Ad Librum.

Jam fatis errasti, lascive libellule; gressus
Jam trahe, nec perdi semper amore velis.

Jam choreæ, lususque jacent; ariesque superflans
 Jejuni macerum tempus adesse monet.
 Pone sales, æstusque simul; maledicere parce,
 Si sacra vis puro tempora corde sequi.
 Poscenda interdum venia est; jam deice culpas;
 Indulgere parat presbyter ecce malis.

*In Joannem Franciscam Hippolytum Pisauri
 Locumtenentem.*

Jura sui Hyppolito tribuit Constantius agri.
 Urbs, gaudet, si fas, jusque, piumque colis.
 Si tibi perfidia est, depone: superbia si te
 Angit, eat: tollas, quod feritatis habes.
 Unus adest, a quo sanabitur ulcus Japix;
 Urbs, gaude, si fas, jusque, piumque colis.

Ad Nigrum.

Nox sumus, & fugimus nutu sub luminis; ergo
 Quid cumulas? quid opes attrahis usque, Niger?
 Nulli tuta quies, nec iter, neque mensa, sed omni
 Mortali semper vita citata fugit.
 Parce, age damnosos semper devolvere nummos,
 Et senio curas his generare tuo.
 Non risus, non fama sequi, non gaudia grandes
 Gaudet opes, quin mors sævius inde furit.
 Uttere, nec titulos virtutibus addere cesses;
 Hæc duo continuo stant, moriuntur opes.

Effigies Victorini Feltrensis.

Olviades dicens: monitis Cato: lusibus Hermes:
 Munere Gillias; stans Socratesque sedens.
 Parvus eram, parvo Feltro satus, horruit iram
 Sed nova Mantoi principis aula meam.



Effigies Columbini Veronensis.

Si numerare velim juvenes quot ad ardua vexi
 Pallados; obrueret Tethyos unda diem.
 Mantua grammatico debet mihi tota: Carulli
 Verona annumerat carmina nostra jocis.

Frons laurea super pluteo posita.

Non hic me posuit virentis hujus
 Possessor plutei, Poëta quod sit;
 Quod gliscit tamen innuit: videns me,
 Musas credit, Apollinemque adesse.
 Toto corde hilaris repente fratres
 Pendet somnia ceu sibi coronas
 Causis omnibus, omnibusque amicis
 Spretas reddere laureas volentes.
 Pean unicus imperat, magisque
 Quo fratres prohibent vocat Camœnas.

Ad Paulum Rambaldonem.

Victorinus erat junctus mihi sanguine, Paule;
 Tu minus; & genuit vos tamen una domus.
 Est ne, quod agnatum dedigner dicere te? non.
 Semovere genus sæcla ne longa? minus.
 Cur ergo? solum Lucina munda favente
 Enselmina dedit, diripuitque genus,
 Rambaldona domus clara est; sed clarior illo
 Facta: sit ille mihi gloria sola volo.

Ad Marioticum Vicecomitem.

Quid tua tam jactas, Mariotice, dona petenti,
 Si nisi bis præstas, terque rogatus opem?
 Sponte ligant homines data munera; sed fluit omnis
 Gratia, cum spectas vota, precesque diu.

Ad Ladinum Franchum.

Cur animus nulli toto contentus in orbe
 Vivat, me semper, chare Ladine, rogas.
 Nemo est contentus, quoniam sibi nemo minorem
 Comparat: hoc fiat, tutus & omnis erit.

Ad Bartholomeum Gatellam.

Diceris Idaliis ictus, Gatella, sagittis;
 Fer, moneo, crescat ne leve vulnus, opem.
 Parcus ama; ne te suspectus, prælia, rixæ,
 Indutiæ, offensæ, dissidiumque premant.



Mille videbis in hoc, vatam Pater alme, lituras,
 Punctaque nunc illis, nunc ibi secta libro.
 Semotam, aut junctam diphthongon, hyphenque recisum,
 Hypsilon interdum, verbaque rafa leges.
 Acha modo occurret, modo dices: hic erat acha
 Quamcumque aspicias, nostra litura fuit.
 Hæc rudis autographo risit librarius, etli
 Doctus; in his insons, chartula sæpe rea est.



BARTHOLOM. FRIDERICI FORTIGUERRÆ

SENENSIS.



*Ad Phœbum, ad Minervam, &
ad Musas.*

Qui frequens Pindi juga, quique summum,
Phœbe, Parnasum colis, o timende
Cæde Pythonis liquidum vomentis

Ore venenum:

Dedita semper tibi nunc precamur

Mente, fulgenti venias amictu

Clarus, ut nobis liceat decentes

Ludere versus.

Tuque supremi Jovis alma proles,

Arma quæ gestas sapiens Minerva,

Nunc rogo cæptis foveas benigna,

O Dea, nostris,

Vos chori dulces, simul & disertis,

Ite Musarum, juvenumque cætus

Deditos vobis, studiisque notis

Alta monete.

Aureo ut plectro, fidibusque doctis

Læbiæ vatis, Calabri & poëtæ

Digna Senensis recinat juvenus

Munere vestro.

Laus

Laus Cucurbitæ Intronatorum.

Cuncta brevi pereunt, stat sola Cucurbita semper,
 Quam foris hæc intus nobiliora tenens.
 Hanc liquor Aoniæ nutrit, semperque virentem
 Servat, & hanc semper docta Minerva foveat.

In laudem Cæsaris Malavicini.

Da facilem versum laudes mihi, Phœbe, canenti
 Cæsaris, & numeris annue, Musa, meis.
 Nam vobis primum teneris nutritus ab annis
 Crevit is in vestro, Calliopeſque ſinu.
 Eſt huic Antoni nam lingua, Catonis, Ulyſſis,
 Eloquiumque patris nunc Ciceronis habet.
 At ſomnos, magica ut virga Caducifer ales
 Dat, reprimique, fluit tantus ab ore lepos.
 Mæonium huic carmen diſtavit magnus Apollo,
 Et Calabri vatis, Vergiliique dedit.
 Fungitur in noſtris hic veri munere vatis
 Dignus, cui lauri debita ſerta ferant.
 Hic virtute ſua decorans hæc ſæcula noſtra,
 Eſt fama illuſtri notus utrique polo
 Virtutis ſuperat jam celsa cacumina montis
 Hic, quem perterrent ardua ſaxa nihil.
 Quin eſt auxilium multis adeuntibus illum,
 Quo duce virtutis jam juga ſumma petunt.
 Acceptus Muſis hic eſt, ſervator honeſti,
 Juſtus, & indutus moribus egregiis.
 Sunt laudes hujus multæ, grandique cothurno
 Dignæ, quas nequeunt carmina ferre mea.
 Etatis noſtræ tandem ſupereminet omnes
 Doctos, & præſtat dotibus ingenii.



OCTAVIANI FRIDERICI FORTIGUERRÆ

SENESENSIS.



*In laudem Angeli Niccolini præstantissimi Jurisconsulti,
ac Urbis Senarum Præfecti.*

Angelus est nobis cælo demissus ab alto,
 Consilio ut Senas, justitiaque regat.
 Utque fores belli claudat, Janumque bifrontem,
 Et referat cunctis tempora prisca viris.
 Ut virtute sua crudeles temperet iras,
 Et nostra sævos pellat ab urbe dolos.
 Est etenim sapiens, & semper amator honesti,
 Juraque dat populis integer æqua suis.
 Hic pietate gravis, fama est super æthera notus,
 In terris nomen religione viget.
 Se mitem hic præbet cunctis, simul omnibus æquum,
 Atque inter populos hic probitate nitet.
 Quare, age, Præfectum nostræ nunc, Juppiter, urbi
 Serva, ut Nestoreos transeat ille dies.
 Vosque Dei patrii natos, clarosque nepotes
 Tollite divinum semper ad astra genus.
 Nos quocumque loco, nos omni tempore honores,
 Et dabimus laudes, sacraque thura focis.
 Et vos, Senenses, passim celebrate benignum
 Angelum, & hic vere est nuncius ille Deum.

*In laudem Friderici Montis Acuti Comitis,
rei militaris peritissimi.*

Hostium victor, miserisque clemens
Ipse diceris lyricis poetis,
Primus in bello, neque, Friderice,
Alter in armis.

Viribus Marti, superisque vates
Te parem dicunt, similemque Ulyssi,
Hectori forti, horribilique magnis
Rebus Achilli.

Cæsari miti, Fabioque cauto,
Scipioni alto, Mario, Metello,
Atque prudenti, celerique Pyrrho,
Hannibalique.

Impiæ postquam perire gentes
Viribus magnæ, ingenio superbæ
Excitæ externi precibus Tyranni,
Consilioque

Quæ feris terræ, pelagique bellis
Semper infestæ gladiis cruentis,
Et die, & nocte insidias parabant
Perdere justos.

Turpe quæ semper juvenes studebant
Virgines sacras rapere, atque sancta
Templa, vel Diis scindere jam sacrata
Numine tanto.

Hinc tibi castæ precibus puellæ
Nunc agunt grates, manibusque junctis
Jam tibi plaudunt pueri, & sacerdos
Reddit honores

Ii Jovem summum imperio benigne
Ut dato nunc perpetuo fruaris,
Atque tu vivas placide precantur,
Dum regit orbem.



AUGUSTINI FORTUNII

F E S U L A N I .



*De Aureo sæculo in Pueris, ad Antonium
Zenobii a Filicaria.*

AUreum sæclum fuit orbis ætas
Prisca, cum rastros humus, atque falcem
Vitis ignorans, Cereris, Lyæi
Munera ferrent.

Virgo cum, terras habitando, Mundum
Fraudis expertem, scelerisque purum,
Glandibus vesci docuit suavi
Nectare plenis.

Cum Thetin pinus quoque nulla tentans
Abstulit merces, posuitve muros
Oppidis, leges pariterque fixit
Limite certo.

Sola sed Virtus colitur: Minerva
Artium claret celebris Magistra:
Phœbus inspirans agit inde vates
Carmine claros.

Præstat octonis modus ut loquendi
Partibus, [lex intemerata doctis]
Gratiæ ut sunt tresque, novemque Musæ,
Bis minus Artes.

Talis, Antoni, pueri extat ætas,
Qui bonus crescit studio Magistrum
Audiens acri; faciensque multa
Gesta priorum.

E c 2

Ad

Ad D. Philippum Fantonium Abbatem.

Scilicet hinc statio Fatarum, docte Philippe,
 Est Fesulis; vulgo quod perhibere solent,
 Venti ubi (posthabita Æolia) sedemque, locumque
 Certatim flantes constituere sibi.
 Commiscentque simul cælum, terramque sub axe,
 Non secus ac tristis cœrula Erinnyes agat.
 Dum sic dissiiciunt nubes, Zephyrumque repellunt,
 Ut fata conclament, flava Ceresque ruat.
 Quid mirum ergo, si jocus, aut si Gratia, & ipse
 Phœbus cum Musis his abiere locis?
 Quid mirum, grati si cœli (has namque ego Fatas
 Crediderim vulgi) temperiesque deest?
 Ista joci causa rediturus scribit alumnus,
 Quintili ventos mense quod ipse fugis.

De Victoria Navali Christiana contra Turcas
Ad D. Ægidium Stupanum Abbatem.

Ut pelago incubuere rates, jam jamque propinquæ
 Hostiles puppes propius cernuntur ab hoste,
 Illicet exurgit spes de victoria utrinque:
 It clamor cœlo; atque instructo Marte phalanges,
 Haud mora, cunctæ ad tela ruunt, Vulcaniaque aptant,
 Hortatique duces socios, hinc inde corona
 Navali adversi validum labuntur in hostem
 Procurfu rapido, ut solet ad prædam Leo ferri.
 Eminus explosa ignivomentia ut æra dedere,
 Principiò tonitrus. ac crebris ictibus ignes:
 Jam mare, jam cœli horrendum mox intonat axis,
 Jam gemitum tellus dat littora singula circum.
 Interea classis pia Christicolûm ocus ecce
 Perque hostes, ignesque ruens, celeresque sagittas,
 Turbinis, ac fumi nebulas nunc media agmina vastat.
 Dumque instans hostis vires, ac vulnera miscet,
 Hunc superans tanta prostermit imagine mortis

Virtute, ac ferro, rubeant ut cæcula cæde
 Ingenti; vix ut capere ipsa cadavera possint.
 Aëtiaca Augustum fecit victoria clarum,
 Totius ac mundi imperio meritò inde potiri:
 Aëtiaca ecce facit rursus victoria claros
 Christicolas: trino ut summoque Deo duce, & uno
 Totius hinc mundi invadant mox jure, Tyranni
 Regna pii Reges, pietas nisi jusque peribit.
 Aëtiacos ludos instaurent ergo Quirites
 Auspiciis magni diademate tempora Patris
 Tergemino ornati; hos Veneti, ac Rex magnus Iberus,
 Atque pis populus, vasto qui sparsus in Orbe est,
 Sectentur, majora experti gaudia numquam.

*De eadem Victoria, ad D. Maurum Textorium
 S. T. M.*

Sæpe fuit victor: multos persæpe triumphos
 Turcarum Princeps egerat eximios.
 Cum procul auxiliis haud rem decernere ferro,
 Nec virtute sua Christicolis licuit.
 Ast ubi nunc tandem conjunctis viribus unâ
 Consultum Reges his voluere malis,
 Auxiliis propè, necnon rem decernere ferro,
 Ac virtute sua Christicolis licuit.
 Unica nunc hosti clades, mirabile dictu,
 Vix illata semel, protinus ecce facit,
 Quòd numquam fuerit victor, nullosque triumphos
 Turcarum Princeps egerit eximios,
 O pietas! nostros miserantis ubique labores,
 Munus id est Christi, quem rogat alma Fides.

De eadem Victoria.

Solve solennes pia gens ad aras
 Jam Deo grates, meritosque honores,
 Voveras & quæ pia vota tristis
 Cum prece multa.

Cum Cyprum invasit metuendus hostis
 Thracio portu religando classem,
 Proh nefas, postquam temeravit ista
 Fœdera pacis,

Terruit Christi ac populum fidelem,
 Ne gravi clade Idalio potitus
 Cuncta vastaret, populando deinceps
 Littora, & urbes.

Liliis Ædes, violisque odoris
 Jam sacras vela, simul atque festa
 Fronde: jam passim chorus omnis unâ
 Concinat hymnos;

Hæcque labentes repara, foveque
 Jura, ut his salvis valeant ministri
 Principum, ac plebis scelera expiare
 Sacra litantes.

Namque Pompei superasti ut acri
 Magne piratas acie superbos:
 Cæsar aut Gallis celeres carinas
 Contudit olim,

Marte sic stravit penitus cruento
 Turcicam classem pia nostra classis,
 Hostis ac magni spoliis onusta
 Ecco triumphat:

Quodd Crucis fulget rutilum trophæum
 Exteras inter, temerèque Gentes
 Orbis, & cœli Domini negantes
 Numina Christi.

*De Servo fidelissimo erga herum nocte incendii Navalium
 Venetiis, ad Antonium Fannotium Episco-
 pum Foroliviensem.*

Audiit ex plumis horrenda tonitrua noctis,
 (Qua Venetis ulla haud sævior ante fuit)
 Quæ placidamque maris, terræq; , hominumq; quietem,
 Concurtiens orbem, sulphure, & igne tulit.

Et cladis luctus, diræ spectacula mortis,
 Dum Navale ardet, præsidiumque perit.
 An Dominus sospes sit, de Dominique salute,
 Oblitus propriæ, Demea sollicitus,
 Exilit, ac gracilem raptum, tremulumque sub ulnas,
 Ceu mater natum. protinus ecce fovet:
 Cuncta ardent, inquit; Reginæ Adriæ ampla ruinam
 Dant testa: en vivo, tu quoque ne trepides.
 Numquam tuta fides magis, ac si fidus Achates
 Jannoti, servus sit Domino atque pius.

*Epistola de Amoris vi, errore, turpitudine, damnis.
 Germano Vechio.*

Rhythmis ista tuis respondet epistola missis,
 Judicio alterius pollice prompta meo.
 (Perlege, si arridet: secus aut ludibria ventis
 Expone, aut igni in frustula secta dato)
 Optatam dicit tibi carceribusque salutem,
 Tuscia quem clara, & Flora parens aluit.
 Quid sit Amor doceat spado? aut ænigmata Amoris
 Solvat? deludis callidus hercle, Vechi.
 Judicium cæci super ipse colore requiris,
 Belli expers nihili gaudia pacis habet.
 Cessi infans Veneri; mox temno Cupidinis artes,
 Quod vitæ gladius mi medicina fuit.
 Scitum est ex aliis facere ut quodcunque periculum,
 Talis ego votis sat facio ecce tuis.
 Motus cum sit Amor mentisque, animique tyrannus,
 Causis, ut reliqua, haud deficit iste suis.
 Esto, pater, dilecti infixi pectore vulnus,
 Queis spiratur Amor, res simul induitur.
 Forma haud ulla datur, referat quam non Amor index:
 Nam formam formæ nemo peritus habet.
 Ocia quô tendunt? datur illinc fomes Amoris,
 Quo vires crescunt; quique alimenta tenet.
 Est cor mater Amoris, quodd sibi vendicet arcem,
 (Dicit Aristoteles) quam ira, cupido tenent.

Ira etenim expellit; numquam hæc fatiata quiescens
Appetit, ac sequitur quæ putat esse bona.
Finis Amoris, amata est res, ut nempe fruatur,
Ut viget extra animam; huc tendit, & hucque movet.
Afficit innumeris pharetrati morbus Amoris
Mortales damnis ossibus implicitus.
Exagitat variè, datur his dum ludus Amoris;
Percussis ludit mox quibus ille magis.
Hic natum Veneris variis pinxere Poëtæ
Arte modis mira, dum fugienda docent.
Dicitur ergo puer tot Amor jam maximus annis,
Sol quot in undas se condidit exoriens.
Nam mortale genus numquam sine vixit Amore,
Principio vinci cœpit homo insidiis.
Num pueros vexat? primùm ut permiserit ætas:
Sed quotquot carpit, fascinat in pueros.
Vefanos faciensque sophos, juvenesque, senesque,
Quos sedè incerta mens agit, atque color.
Vita alia est, propriæ oblitis, Plato doctus amaram
Dixit: amans cum sit mortuus ipse sibi:
Est cæcus, furtim penitus quia lumina mentis
Eruit, incerto dum pede fertur amans.
Urbe furit, mœret: sperans auditque, videtque
Absens absentem, fabula factus iners.
Aggreditur cor semper; quodd sibi vendicet arcem,
Ut vivat circa quod jecur ulcus inest.
Semper Amor timet; is miserum quia semper amantem
Sollicitat: plenum sive timoris agit,
Nequis possideat clam quidquid deperit ipse;
Sic flagrat pectus frigore frigidius.
Est audax Amor usque, & nostra in damna paratus,
Imprudens qualis fertur, & audet amans.
Qui faciinus nullum mittit, nulloque labore
Frangitur, optato ut tentet Amore frui.
Aliger est Amor, ast præcordia linquere nescit:
Namque in amatum prævertit Amore volans:
Ut corde ictus amans premat amens inde dolorem,
Quo tantum de se nil reputare juvat.

Huc residens Amor, atque hæc contraria servans,
 Nil mirum si non perdere corda solet.
 Quòd sit Amor Rex, falleris: est nam vox alia illi.
 (Parcere subjectis Rex bonus ipse solet)
 Motus cum sit Amor mentisque animique tyrannus,
 Moribus averfus, civibus, atque bonis,
 Jure Amor est nudus: nam tanta insânia amantes
 Huc rapit, atque illuc, quòd nihil est levius.
 Nulla comes virtus, pudor: inconstantia namque
 Præcipitat, quos res publica sæpe gemit.
 Spe nutritur Amor: namque inter ipemque, metumque
 Vivit amans dubius, sineque sollicitus.
 Spe prior existit, cor namque est mater Amoris;
 Concipitur fœtus, post alimenta capit.
 Spes nutrit, veluti ad finem ducentia præstans,
 Ne hoc desperato frigeat ipsa Venus.
 Infelix ergo rerum Natura creatrix,
 Dum puer hanc nudus sic agit, atque regit?
 Infelix certè; sibi ni mens integra constat;
 Nec ratio sensum; hanc sed regit ille prior.
 Turpius hoc nihil est (magnum Solumonâ videto).
 Cum domino servus prædominatur iners.
 Ast felix contra est rerum Natura creatrix,
 Cum ratio sensum jure regens subigit.
 Cum tantum sobolis causa, castis hymenæis
 A sene directus dat bonâ cuncta puer.
 Ipsa senex ratio est, ductus qua jure Cupido
 Rex est; non nudus, vel sine luce puer.
 Ergo in Natura nullus si contigit error;
 Nulla ænigmata sunt; atque soluta manent,
 Cessant scrupi. Annus post sesqui mille astitit unus,
 Lustraue bis septem; Mensis & iste. Vale.

*De Garrula Philomela, ad D. Julium
 Vadanium.*

Est avis, dlcis, Philomela præter
 Ceteras, quæ dulce canunt sonora

Voce, nam gratis modulis olores
Anteit albos.

Musicæ voces, numeros, modosque
Sic refert dulci, varioque cantu,
Flavus ut Phœbus videatur aures
Vellere doctas.

Quin Venus, Musæ, Jocus, & Cupido
Atticen quartam dederint adauctam
Gratiis, quæ nocte dieque nobis
Garrula plaumat.

Est gravis, plenus, medius, vibransque;
Creber est, summusque, sonus, vel imus;
Pertinax vox, continuusque valde
Spiritus illi.

Promit inflexos variando cantus,
Nuncque concisos tenuat, reflectit;
Nunc & intortos recinit, reducit,
Murmurat inde.


Fabulam nosti, hanc perhibent querelas
Fundere incesti Proceris nefandi:
Atque Itin, Prognen, miserasque clades
Voce referre.

Unde ter quinis modulans diebus
Fata dum linguæ mutilatæ iniqua
Deflet; ut silvas, homines, volucres
Commovet omnes!

Ergo, Vadani, placidum soporem
Dum dies, noctesque sono, querelis,
Voce, vel cantu quatit irremissis
Daulias Ales:

Haud feras ægrè: lepidus, brevisque
Est labor; mellita avis, jocosus
Ludus, & tristes relevare curas
Dulciter orta.





FRANCISCI FORZONI'

ACCOLTI

FLORENTINI.



*Nymphæ Alpheæ in adventu Ferdinandi Principis Etruriæ
latantur, captâque occasione ejusdem Principis
laudes celebrant, eique gloriosa
incrementa prædicunt.*

L Auriger Alpheas qua Pisas alluit Arnus,
Emicat in vitreo gurgite clara Domus.
Surgunt Memnoniis, Phrygiisque innixa columnis
Atria, de Pario marmore surgit opus.
Porticus alta nitet, claris spectanda smaragdis,
Et Divum sculptis fulget imaginibus.
Ardet & angustum nitidis penetrabile pyropis,
Cælatae & solido stant adamante fores,
Hæc est diis Arni, Alpheis domus hospita nymphis;
Hic facili ducunt aurei fila manu.
Festivos hic sæpe jocos, hilaresque choreas
Ducunt, & patriis nantque, renantque vadis.
Hinc te regali vestum, Fernande, quadrigâ
Videre, & læto verba dedere sono.
Hæc est alma dies niveo signanda lapillo,
Et nobis festos inter habenda dies.
Qua petis a Graja deductas Elide Pisas;
En pronis Arnus te veneratur aquis.
Innexisque choris ludunt tibi Najades omnes,
Fluctusque, & fausto murmure ripa sonat.

Cæruleæque Dæx plaudentes agmine factæ,
 Ferdinande, tibi carmina mille canunt.
 Tu decus Etrusci tu spes fidissima regni,
 Tu Patriæ columen, præsidiumque tuæ.
 Nondum Laurentes, atavique obiere Leones,
 Et ferrans claris invidiosus avis.
 Par proavis animus tibi, sunt æqualia mentis
 Semina, & in doctos non minor ardet amor
 Otia virtuti largiris, & otia Musis,
 Et facis egregiis otia docta viris.
 Virtutis pulchro pectus succensus amore,
 Artibus ingenuis regia recta dicas.
 Hinc alacres belli exercet simulacra Juventus,
 Hic primum veræ laudis aperta via est.
 Prælia si Martis simulas Mars ipse videris,
 Cum nitet in galea conspiciendus eques,
 Et te mirantur curis quandoque salutis
 Auraras Charites sollicitare fides.
 Jam grave consilium, & dubiis sapientia rebus
 Jam tua præclaris æmula mens atavis.
 Vividaque, & veniens juvenili in corpore virtus
 Haud claram mentem deliruisse sinunt.
 Cuncta tibi faustæ portendunt omina sortis,
 Cunctaque prædicunt candida fata tibi.
 Te manet Odrysiô dudum regnata Tiranno
 Creta decus Veneti robur, & Imperii.
 Te proavis direpta tuis Maurusia Regna,
 Et Rhodus, & Cyprus barbara Regna manent.
 Quin Thraces Lybico dabitur dispergere Ponto,
 Proferre, & rosæ signa verenda Crucis.
 Te Solymæ Dio perfusæ sanguine rupes
 Et te confossi numinis urna manet.
 Cernuus ad sanctos tunc figes oscula postes,
 Iniicies sanctis mascula thura focis
 Per te sacræ artes florent, atque ardua virtus,
 Et Pax Palladiâ fronde revincta comas
 Per te nascetur Tusci spes plurima Regni,
 Proles quæ Patrem, quæque imitetur avum.

Aurea fila tibi rutilâ vertigine Parcæ
Volvent, & longâ stamina ducta colo.
Sic volvunt Parcæ, sic conscia sidera volvunt,
Ni sancta Oceani numina vana docent.
Hæc nymphæ, & placidis sese mersere sub undis,
Et ripæ faustos, & dedit unda sonos.

Anniversarium Morosini, & Trevisani.

Felices animæ, quas primo in flore juventæ
Conjugii æterno fœdere junxit Amor
Hæc mercede graves poterant in amore dolores,
Et curæ vigiles, & placuisse dolor.
Ni vos dura nimis fata immatura tulissent,
Fata nimis vestris invida deliciis.
Heu miseros juvenes! ambos infanda peremit
Una lues ambos solvit & una dies.
Ecce jaces Morosine, jaces Trevisana puella
Ut rosa nocturno frigore læsa cadit.
Non qui Phæacum frutices nascuntur in hortis
Juvere, & medicâ Delius arte potens.
Non genus antiquum, non labis nescia virtus,
Candida non pietas; ingenuusque pudor,
Nec faciles mores juvere, & firma juvena,
Nec forma, & formæ gratia blanda comes.
Heu quantum una dies fesso decus abstulit ævo!
Heu quanta Adriaco est flenda ruina mari!
Vestra senes, juvenes, pueri, teneræque puellæ
Patricii manes fletibus ossa rigant.
Qualibus heu lacrimis vos ad pia busta Parentes,
Qualibus heu lacrimis immaduisse ferunt?
Dissolvere comas ad lamentabile saxum,
Et casum Charites ingemuere suum.
Fregit Amor pharetram, illacrimans Venus aurea flevit,
Et planxit nivea pectora eburna manu.
Et Veneres, mollesque joci, blandique lepores
Flevere, & Paphii turba tenella Dei.

Illustres animæ nuper dum vita manebat
 Quas Amor, & placito fœdere junxit Hymen,
 Ite pari ante diem crudeli funere raptæ,
 Qua manet Elysiâ in valle parata Domus.
 Hic ubi Acidalias myrtos, & amœna vireta
 Felices umbræ, lætaque prata colunt.
 Hic fidos renovate ignes, tædasque jugales
 Et longæva paret gaudia sanctus Amor.
 Dum vos interea miserandâ morte peremptos
 Lugebunt juvenes, Adriacæque nurus.
 Illustres animæ, si quid meâ carmina possunt
 Vester erit quoque post fata superstes amor.

Comiti Francisco Montani.

Dum totum Tirrhena sibi te vindicat Aula,
 Montani Patriæ lausque, decusque tuæ:
 Bolias forsan percurris pectine chordas,
 Aut pullas Latîæ fila canora lyræ.
 Abdita vel solers naturæ arcana resolvis
 Trinacrii versas, aut monumenta senis.
 Accipe, quæ dum festa vigent sacrata Lyæo,
 Silvestri calamo rustica Musa canit.
 Uviferum Pater Autumnus caput exerit arvis,
 Et Pomona suas prodiga fundit opes.
 Pampineis pendent jam dulces vitibus uvæ,
 Et matura nitent munera, Bacche, tua.
 Haud mora: Jam faciles pueri, innuptæque puellæ,
 Matresque, & passim læta caterva nurus;
 Certatim e teneris decerpunt vitibus uvas,
 Fructibus & Bromii picta canistra nitent
 Ille ederâ ctines præcingitur, ille corymbis,
 Hic fundit lætis libera verba jocos
 Saltantes Satyros imitatur pulcher Amyntas,
 Dametræ fulvas implicat uva comas.
 Titirus, & Lycidas subductis timpana palmis
 Percurrunt; calamis, concavaque æra sonant.

Ergo

Ergo dum plenis spumat vindemia labris,
Et Mopsus forti cum pede musta premit.
Silvarum decus, & Musis dilectus Jolas
Sic Bromii Patris numen ad astra vehit.
Progenies jucunda Jovis mirissime Divum,
Bacche hominum requies, lætitiæque dator
Titanas te fama canit domuisse rebelles,
Impia cum magno bella tulere Jovi.
Te fuscæ tremuere acies, te gemmifer Indus,
Victæque odoratis ultima Bactra plagis,
Captivoque libens Ganges tibi paruit auro
Cum fluxit lætis sub tua jura vadis.
Quos gemitus reddit deserto e littore Naxos,
Luget in ignoto Cræssa Ariadna mari.
Quo periure fugis, scelerate revertere Theseu,
Quo fugis exclamat, perfide flecte ratem?
Sic levibus ventis committis vela, fidemque,
Quam nullum ajebas solvere posse diem
Scilicet ipsa dedi reditum, quæ fila docerent,
Cum premeres dubiis tectâ recurva viis.
Ut me defereres ignoto in littore, temnens
Sæve fidem, & pacti fœdera conjugii.
Improbe te cautes genuere, & Caucasus horrens,
Et Lybicæ admorunt ubera dura Tigres
Cum tu Bacche Pater desertam, & multa querentem
Solaris. dulci, & nectare labra rigas;
Consortemque thori pulchro tibi fœdere jungis,
Flavisque innectis florea festa comis.
Quæ nunc clara Polo formosis ignibus ardent
Testes atque tui Liber amoris erunt.
Militibus fortes animos, Nisec, ministras
Sufficis Aoniis carmina læta choris;
Si doctus geminis Helicon se rupibus effert,
Altera, Phœbe, tua est, altera, Bacche, tua.
Curarum domitor jucundæ constititor uvæ
Salve una in magnis apta medela malis.
Tu miserum pellis luctum, tristemque senectam
Labentem, & vitam tu reparare vales.

Non habuisse aliud superum convivia nectar
 Evoc crediderim quam tua dona Pater.
 Hæc puer Idalius cœlesti excepit in auro,
 Inde dedit magno pocula grata Jovi.
 Ergo nunc hilari celebretur carmine, vitis
 Delicium, & munus candide Bacche tuum
 Nam si pampineis gemmant in vitibus uvæ
 Inclusam lucem quisque racemus habet:
 Vitiferos colles dexter tu respice Liber,
 Ne gravidas vites ulla procella petat.
 Tunc tibi votivis cumulabo altaria donis,
 Fumabuntque tuis mascula thura focis.
 Has Bromio laudes cecinit divinus Jolas
 Arida & ambrosio proluit ora mero.
 Totque voyet tibi Montani bona gaudia cœlo,
 Quot vini guttas cymbia plena tenent.

*Cum Sanctissimus D N. CLEMENS XI.
 ad Summi Pontificatus apicem
 assumptus est.*

Cum nuper festo resonarent omnia plausu,
 Romaque lætitiæ publica signa daret,
 Purpureique Albane tibi laus alta Senatus
 Ambiret meritas sacra thiara comas.
 Tibris arundineo glaucum caput extulit alveo
 Lætitiæ factus conscius ipsæ novæ;
 Mille vocat vitreâ ludentes Najades undâ,
 Pandit & Augusti facta secunda viri.
 Mox ait, o quæ nunc pertentant gaudia pectus!
 Vos nymphæ lætum concelebrate diem.
 Ut decet & festas nunc instaurate choreas,
 Tangite & argutæ fila canora lyræ.
 Spargite purpureis ripasque undasque jacinthis
 Contegat hibernum lætior herba solum.
 Nam datus Albanus cœlesti munere, mundi
 Arbiter humanum qui genus omne regat

Quem

Quem Deus ipse Erebi fecit, cœlique potentem,
 Imperio ut pateant utraque regna suo.
 Albanus patrii lumenque decusque Metauri,
 Deliciumque hominum, delictumque Deum;
 Quem sancti mores ornant, pietasque, fidesque,
 Et simplex animi candor, & integritas;
 Et grave consilium, & dubiis prudentia rebus,
 Mensque alacris recti, justitiæque tenax.
 Aurea & Etruscæ, & Latine facundia linguæ,
 Et lepor, & cultis gratia carminibus.
 Pingitur extemplo tellus violisque, rosisque,
 Emicat & solito purior axe dies.
 Lætitiâ septem colles, plausuque resultant,
 Totaque festivo murmure Roma sonat.
 En regnat Clemens quo non præstantior alter,
 Clemens cui similem sæcula nulla ferent.
 Nam rerum ignotas causas, arcanaque novit,
 Et Themidem, Aonias excoluitque Deas:
 Abdita sacrorum novitque oracula Vatum,
 Cœlestis Sophiæ nectar ab amne bibens.
 Arcadici saltus Alnano plaudite: vestris
 Alnani lusit fistula sæpe choris.
 Illum amor in Musas, illum sapientia vulgo
 Eximit; in claros aurea dextra viros,
 Nam quæ mortales faciunt divisa beatos,
 Divinus Pastor singula dona tenet.
 Aurea jam tanto sub Principe sæcla redibunt,
 Inferet & cœlo fama Latina caput;
 Priscaque simplicitas florebit, & aurea virtus,
 Et pax Palladiâ fronde revincta comas;
 Aonides Pindi nemora, & Parnassia tempe
 Tarpejo gaudent posthabuisse jugo.
 Quippe sinu excipiet tristes, sine honore jacentes
 Clemens, extinctum restituetque decus.
 Jam video sacras florescere protinus artes,
 Jam video doctis otia parta viris.
 Hoc duce sancta Fides nigri ultra Mennonis arva
 Proferet Imperii signa verenda sui.

Aurea fila illi fulvâ vertigine Parcæ,
 Volvunt, & longa stamina ducta colo.
 Hæc cuncta evenient: sic conscia sidera monstrant,
 Ni sancta astrorum lumina vana docent.
 Hæc Tiberis Pater, & placido caput abdidit alveo,
 Et ripæ faustos, & dedit unda sonos.

*In obitu Clarissimi V. Benedicti Gorii J. C.
 ex Collegio Nobilium.*

Gorius interiit: Claræ lugere Sorores,
 Maxima nam vestro est flenda ruina choro.
 Proh dolor! ecce jacet Romanæ gloria suadæ,
 Arbitr atque lyre Gorius ecce jacet.
 Heu plestra, & cytharæ lauro è Permesside pendent,
 Lamenta, & lacrimas Delphica Cyrrha sonat.
 Occidis heu sacre Themidis columenque, decusque,
 Occidis heu patriæ flebilis umbra tuæ!
 Nec sacre juvere artes, Musisque dicatum
 Pectus, & antiquo sanguine clara Domus.
 Non grave consilium, doctæ & facundia linguæ,
 Non animus Sophiæ nectar ab amne bibens;
 Nec sancti mores juvere, & vivida virtus,
 Nec simplex animi candor, & integritas.
 Heheu quale decus crudelia fata tulerunt,
 Quale decus nobis abstulit una dies!
 Sancta Themis, candor, pietas, sapientia, virtus
 Ad tumulum lugent nobilis umbra tuum.
 Ingenii monumenta tuæ, tuæ carmina vivent,
 Et tua post cineres fama superstes erit.
 Atque tui vivent dulcissima pignora nati,
 Qui referunt mores, ingeniumque tuum.
 Tu vero Elisas sedes, & amœna vireta,
 Et Paphias myrtos nunc, Benedicte, colis.
 Felices umbræ hic habitant, manesque piorum,
 Et sacri vates, sanctaque turba sophi.
 Hic choreæ, hic cantus, hic dulcia carmina curæ,
 Hic juvat auratæ fila movere lyre.

Hic

Hic tibi cantanti victuro carmine Reges
Respondet numeris myrtea silva tuis.

*In obitu adolescentis Aloysii della Cerda Hispani
Equestris ordinis Melitensis, dum in classe
Pontificia pugnaret adversus pyratas
Turcas.*

Occidit ante diem, primoque in flore juventæ
Heroum sanguis, spes, decus, Urbis amor.
Ruperunt Parcæ crescentis stamina vitæ,
Cum daret eximium prima juvenia decus.
Hispanum juvenem Latii vos undique vates
Lugete, & questus flebile reddat ebur.
Occidit ingenuas coluit, qui fervidus artes,
Qui fuit Aonii maxima cura Dei.
Hunc Musæ, & Charites, rectique immensa cupido,
It constans nivæ simplicitatis amor
Ornabant, & sancta fides, & Martia virtus,
Religio, & pietas, ingenuusque pudor.
Egregio, manes nymphæ flevere Latinæ,
Et scissis flevit Martia Roma comis.
Qualibus heu lacrimis crudelia fata vocastis
Nymphæ Tirrheni numina glauca sali!
Cum clari juvenis funus vidistis acerbum,
Aureaque immiti stamina secta colo.
Quæ pietas vidisse fuit miserabile funus,
Ignito juvenem procubuisse globo!
Pectore dum impavido flagrans virtutis amore
Tirrheni invasit barbara vela mari.
Navali Melitam gaudens extollere marte,
Nominis & nivæ fretus honore crucis.
Romani procures justum renovate dolorem,
Vos sancti manes indoluisse jubent.
Dissolvere comas ad lamentabile bustum,
Et casum Charites ingemuere suum.
Religio, sanctusque pudor, prudentia, candor
Flevere ad tumulum, nobilis umbra, tuum.

Gloria, cana fides, pietas, & bellica virtus
 Dilecta assiduis fletibus ossa rigant.
 Spargite humum foliis, urnam velate cupressu
 Aonides, sacris & date thura focis.
 Phœbeam laurum, & manibus date lilia plenis,
 Fundite lac, tristi spargite vina manu.
 Solemnes cultus, & lætam ponite pallam,
 Cingite & auricomas fronde dolente comas.
 Funestamque diem furvo damnate lapillo,
 Quæ laudem vestri fata tulere chori.

*In funere Victoria Roborea Magnæ
 Ducis Etruria.*

Tu quam sidereo fulgentem excepit olympo
 Voce canens laudes cœlica turba tuas,
 Erepta heu nostris nunc te, Victoria, votis
 Nos sine luctifonos ingeminare modos.
 Hi luctus cum sint nostri monumenta doloris,
 Hi quoque virtutis sunt monumenta tuæ.
 Quo mage lugeri nobis nunc digna videris,
 Cœtibus Angelicis hoc mage digna cani es.
 Ipsa probant luctum cœlo tua gaudia nostrum,
 Quæ terris noster luctus & ipse probat.
 Quare agite o focii, mecumque iterate gemendo,
 Occubuit Latii lausque, decusque soli.
 Justa Polo vitæ, recipit dum præmia vitæ;
 Exemplâ heu populis jam periire suis.
 Illa quidem memori Tuscorum in pectore vivent
 Æternâ famæ non reticenda tubâ.
 At præsens oculis virtus majore tuentum
 Inflammare valet pectus amore sui.
 Sed quid ego hæc repetam? geminâ nunc prole superstes,
 Matris adhuc geminâ gloria luce micat.
 Quod mors ereptâ nostris modo Principe votis
 Intulerat damnum, natus uterque levat;
 Magnanimique levant stirpis decora alta nepotes,
 Et Bavarum Princeps sanguine digna Ducum.

Ergo agite, o socii, fas sit compescere fletus,
Festivis mecum fas iterare modis;
Alto ascita Polo vivit Victoria terris,
Vivit adhuc Latii lausque, decusque soli.

F I N I S.



1810

THE NEW YORK PUBLIC LIBRARY

ASTOR LENOX AND TILDEN FOUNDATIONS

155 WEST 42ND STREET, NEW YORK

Acquired from the Library of the
New York Public Library, Astor Lenox and Tilden Foundations

1810





INDEX

Rerum notabilium, quæ continentur
IN TOMO QUARTO.



A

- A** Cberons. V. Inferi.
 Achilles pag. 14.
 Actæonis fabula 14.
 Adam peccans 89.
 Ægroto salus desideratur 229. 384. agrotus descri-
 bitur 248. Teutonicus 426.
 Æneas patrem Anchisem tulit humeris 14. condit ur-
 bem Latio 30. 41. Didonem reliquit 389.
 Ætna mons 27.
 S. Agnetis mirum quoddam factum 105.
 Albizius Lucas laudatus 15.
 Albrifius Philippus 306.
 ad Alciatum 190.
 Alexander Macedo Homero gaudebat 69.
 Alexandri VII. Pont. Max. laudes 217. 218. 229.
 ejus natalis dies 221. ut contra Turcas eat deside-
 ratur 241.
 Allatius Leo laudatus 249.

- Amor ab ape vulneratus* 1. *glacie torpens* 3. *potentia* 5. 123. 256. 439. *descriptus* 7. 256. *ejus epitaphium* 119. *urens* 123. *crudelis* 124. 125. *deprecatus ab amante* 123. 124. 125. *dormiens ad Bajas* 182. *Diis vim infert* 256.
- Amica*. V. *Puella*.
- ad Amicum epistola* 2. 7. *amico auxiliandum citò* 147. *bilinguis fugiendus* 151.
- Anni principium faustum precatur poëta* 228.
- Antenor Patavium statuit* 18.
- Antonianus Silvius* 262.
- Apellis Venus e mari emergens* 186.
- Apollinis fabula* 144. *laudes* 273. 380. 431.
- Arbores quibus Diis dicata sint* 266.
- Archintus Philippus* 254.
- Ardinghellus Nicolaus Cardinalis* 197.
- Ars sua retinenda* 129.
- Attis Cybele gratus* 406.
- Avaritia civitates perdit* 142. *illi omnia desunt* 147.
- Aula mala* 130.
- Aureum saculum in pueris* 435.
- Auri amor dominatur* 331.
- Aurora adventus* 45. *in ipsam hymnus* 372.
- Aurum*. V. *Pecunia*.
- Austrius Joannes laudatus* 418.
- Autumni descriptio* 446.

B

- B** *Acchans concita pag.* 249.
- Bacchus* 51. 52. 378. 446.
- de Balneis Pecciolenfibus* 346.
- Bandinellius Antonius* 263.
- Barberinus Franciscus Cardinalis* 245.

- Beatus . V. Felix .*
Bellerophon 35.
Bellis inter Christianos Demon gaudet 339.
Beneficia adversarium vincunt 132.
Beroaldus Philippus junior 367.
Biantis dictum 257.
Bladus Horatius 257.
D. *Blasi effigies* 182.
Bocchius Achilles laudatus 417.
Brixienfis Jacobus Monachus 312.
Busirides 14.

C

- C** *Alcagninus Ascanius mortuus pag.* 189.
Caline Livia mors 118.
Canticorum Salomonis paraphrasis 103.
Canum cura, & eorum natura 70.
Caper puella 397.
Capicius Scipio laudatus 198.
Capilupus Hippolytus 259. *Camillus* 266.
Carandinus Fabius 266.
Carmina honesta laudata 326. *retrograda* 365.
Carolus Magnus laudatus 206.
Carolus V. Imperator laudatus 186. 252.
Castalius mons . V. Parnassus .
Castilio Balthassar laudatus 415.
Castriotus Georgius Scanderbechus 180.
Catena Joannes Hieronymus 260.
Catulli Musa 396.
Cerchia B. Humiliana mortuam puellam ad vitam re-
vocat 321. *ad eam deprecatio ob Arni inundatio-*
nem 324. *puerperæ laboranti opem fert* 335.
Chartusia celebratur 312.
Charites 381.

- Chisius Fabius Cardinalis* 208. *laudatus* 222. *egrotus* 229.
Christina Svecorum Regina 78. *laudata* 351.
Christi Domini mors 84. *causa ruinae Hierosolymæ*
 92. *tumulus* 110. *mortui descriptio* 117. *Christi*
Domino Hymnus 301.
Ciborum variorum natura 298.
Ciofanus Hercules 265.
Circe mutavit homines in feras 292. 392.
Clemens Septimus. V. Medices.
Clemens IX. Pont. Max. laudatus 250.
Clemens XI. ad summi Pontificatus apicem assum-
ptus 448.
Cleopatra in hortis Vaticanis 225.
Columna Olympica mortua 189. *Livia oculi laudanter*
 193. *Victoria laudata* 253.
Consuetudo omnia reddit mollia 134.
Contarenius Gaspar laudatus 416.
Contugia Magdalena 268.
Corfus Rinaldus 261.
Cotta Joannes laudatus 415.
Creatio hominis allegorica 340.
 in *Creta pugna* 245. *caesis in eâ fit funus* 251.
Cribelli Alexandri Cardinalis insignia 259.
Criniti Petri epitaphium 15.
Cybele gratus Attis 406.
Cyclopes 236.
Cyrrha. V. Parnassus.

D

- D** *Ædalus pag.* 35.
Damianus Damianus 411.
Danaes 5.
Dantis Aligerii Vita 277.

Dava.

Davalus Alfonsus laudatus 181.

David 41.

Deucalionis fabula 25.

Deus falli non potest 140. 142. *vindex* 153. 157.
justos datat, & fraudulentos pauperat 152. *Deo*
hymni 299. *Deo adberendum* 414.

Diana 24. *venatrix* 70. *laudata* 382.

Dido Carthaginem condidit 17.

E

E *Cloga pag.* 207. 211.

Effigies Ferdinandi II. Magni Ducis Etrurie 78.

Christina Suecorum Regina 78. *Pyrrhi Epirota-*
rum Regis 177. *Hannibalis* 177. *Scipionis mayo-*
ris 178. *Tamerlani Scytharum Imperatoris* 179.
D. Blasii 182. *Anne Estensis* 185. *Caroli Magni*
206. Columbini Veronensis 429. *Victorini Fel-*
trensis 428.

Eloquentia bona 137.

Epicurus laudatus 200.

Epistola 2. 439.

Epitaphium Marfilii Ficini 13. *Petri Criniti* 15.

Guidantonii Vespuccii 15. *Francisci Valorii* 16.

Thoma Soderini 16. *Cassiani a Puteo* 78. *Puella*

119. *Amoris* 119. *Castrucci Castracanis* 178.

Francisci Sfortie II. Ducis Mediolanensium 180.

Olympie Columna 189. *Ascanii Calcagnini* 189.

Latini Veccie 253. *Virginie Tassonia* 267. *Ma-*

gdalena Contugia 268. *Suarellorum ibid.* *Magna-*

tis ibid. *Francisci Saxatelli* 366. *Camilla Venera*

368. *Augustini Niphi* 416. *Malacisi* 424.

Epithalamium 362.

Estensis Aloysius Cardinalis 262.

Europa rapta ab Jove 5.

Exitus prospiciendus in rebus agendis 141.

F

F *Abula Faërne pag.* 127.

Fantonijs Philippus 436.

Farnesius Cardinalis laudatus 201. *Alexander* 382.

409. 410.

Fatarum statio Fesulis 436.

Felix qui sit 413.

Fesula 16. 436.

Ficini Marfilii epitaphium 13.

a *Filicaja Vincentius Prator Volaterranus* 342. *Scipio* 343. *P. Vincentius Maria* 346. *Antonius Zenobii filius* 435.

Florentia laudata 34. 277. 439.

Fluminis inundatio 324.

Folengius Flavius 422. 425. 426. 427.

Fons descriptus 16. 374. 382. 394.

Forma sine sapientia nihili facienda 155.

Fortuna bona 42. & *mala* 139. *ars amanda* 164.

Franchus Ladinus 430.

Fraus ipsa decipitur 139.

Furstenbergius Ferdinandus 243.

G

G *Ambara Laurentius pag.* 260.

Ganymedis raptus 5. 391.

Gazoldus Joannes laudatus 366.

Genio indulgendum 361.


Gibertus Antonius laudatus 390.

Gloria vana absque utilitate 128.

Gonzaga Galeatius 184.
Gorius Benedictus 340. 343. 345.
Gotus ira Dei 32.
Gracia cinitates illustres 59. 60.
Gratia. V. *Charites*.
Gregorii XIII. insigne 258.
Guarinus Alexander 185.

H

H *Annibal* pag. 32. 40. *ejus effigies* 177. *victus a Scipione* 178.
Harpia 52.
Helicon. V. *Parnassus*.
Herculis fabula, & bubulei 166. *proceritas corporis a Pythagora deprehensa* 187. *ejus simulacrum* 225. *hydram interficit* 292. 363. *ejus amores in Hylam* 385. *ejus gesta* 391.
Hesperidum horti 23. 366.
Hierosolymæ ruina post mortem Christi 93.
Hippolytus Joannes Franciscus 428.
Hirundo alba 340.
Homerus 51. 52. 69.
Honor terrenus contemnendus 340.
Hofschii Sidronij S. J. laudatus 208.
Hostium obsequia timenda 150.
Hugonibus hymnus 312.
B. *Humiliana*. V. *Cerchia*.
Hyle casus 385.
Hymeneus 363.



I.

- J** *Ambi nomen horridum* pag. 13.
Jannoctius Antonius 438.
Januarii Kalendæ 228. 422.
Jasonis expeditio 385.
Icari casus 35.
Icarus 59.
Ignorantia mala 165.
in Incendium 263. *navalis Veneti* 438.
Inferi 29. 35. 37. 48. 84. 85. 101. 200. 405.
Ino furiosa 28.
Intronatorum cucurbitæ laudes 432.
in Inviaum 365.
Io mutata in Juvencam 5.
Jovis Pauli Musæum 178. 195. *laudatus* 198. *historiæ* 207.
D. *Foannis Baptiste hymnus* 310.
Jovi incunabula 38. *fulminantis descriptio* 106.
 120. 222. *fabula* 127. 148. 150. 156. 159.
 163. 166. 167. 168. 170. *ipsi quercus dicata* 266.
Iracundia mala 129. *moderanda* 149.
Italiæ antiquum decus 358. 359. 360.
Julius II. Pont. Maximus laudatus 357.

L


- L** *Apacinus Alexius* pag. 4.
Lauri arboris laudes 377.
Laus Puellæ. V. Puella. Pontificis Max. 24. 50. 217.
 218. 229. 241. 250. 258. 270. 357. *Medicæ*
 175. 196. 247. *Cardinalis* 178. 195. 197. 244.
 262. 382. *Imperatoris exercitus* 32. 40. 177.
 178.

178. 179. 180. 434. *Jurisperiti* 184. 450.
Poeta 390. 415. 416. 417.
Leda, & *cygni fabula* 5.
Leo X. V. Medices.
Leonardus Jacobus 184.
Leonum Pontificum Maximorum laudes, & *facta*
 288.
Libanus mons 101. 114.
 ad *Librum suum poeta adlocutio* 420. 427. de *libro*
suo &c. 430.
 in *Lutheranos* 174.

M

- M** *Alateſta Junipera* pag. 183.
Malavicus Caesar 432.
 in *Maledicum* 176.
Mantua laudatur 381.
Manzola Benedictus 261.
Maria lacrima in funere Christi 84. *ejus ortus* 101.
ipsi hymni dicati 306. *laudibus celebranda* 307.
S. Maria Magdalena lacrima ad Christi tumulum 110.
Marullus laudatus 10. 13.
Masettus Julius consolatus 264.
Massinissa 72.
Medices Cosmus 2. 11. 34. 54. *Leo X. Pont. Ma-*
xim. laudatus 24. 270. *Clemens Septimus lauda-*
tus 50. *Petrus* 54. *Ferdinandus Secundus* 78. 79.
Leopoldus Cardinalis 244. *Cosmus, Laurentius,*
& Petrus laudati 287. *Totius Familiae Etruriam*
moderantis laudes 343. *Victoria Roborea* 353.
 452. *Joannes Cardinalis* 418. *Laurentius lauda-*
tus 419. 425. *Ferdinandus Princeps Etruriae*
 443.
 in *Medicum* 122. *laudatus* 175.

- Medusa* 5. 62.
Meliorata Diana laudatur 125.
Mercurii fabula 153. & *statuarii* 141. & *sutoris* 166. *laudatus* 272.
Minervæ fabula 127. V. *Pallas*.
Molsa Tarquinia laudata 263. *Marius laudatus* 417.
Momus, & de eo fabula 167.
Montanus Comes Franciscus 342. *laudatus* 446.
Montis Acuti Comes Fridericus laudatus 434.
in *Morte Fratris* 10. *Marulli* 13. *Christi Domini* 84. 110. *Alfonsi Davali Vastii* 181. *Renati Aurasiæ Principis* 187. *Arfilii Medicis, & Poëta* 196. *Sidronii Hofschi Soc. Jesu* 208. *Natalis Rondinini* 232. *Nicolai Serinii* 244. *Cæforum bello Cretenfi* 251. *Principis cujusdam* 254. *Alexandri Melani* 269. *Puella regalis* 321. *Filiola* 336. 337. *Filii* 347. *Victoria Roborea Magne Ducis Etruriæ* 353. 452. *Galli* 368. *Puella rustica* 398. &c. *Joannis Cardinalis Medices* 417. *Morofini, & Trevisani* 445. *Benedicti Gori* 450. *Aloyfii della Cerda* 451.
Munus perdicis 188. *malorum citrorum* 190. *Lapilli adulterini* 190. *aque* 195. *caseoli* 202. *farciminis suilli* 250.
Muretus Marcus Antonius laudatus 262. *civitate donatus* 266.
Musarum invocatio 18. 36. 44. 379. *laudate* 233. 431.
ad *Myrteum Petrum* 202.



N

- N** Aldus Naldinus laudatus pag. 11. *Matthia laudatus* 247.
Nardus Jacobus laudatus 13.
Natalis dies 195.
Navalis Veneti incendium 438.
Naugerius Andreas laudatus 415.
Navigatio ad novum orbem 199.
Neapolis delitia descriptæ 243. 387.
Nemesis 8.
Nero Romam incendit 339.
Nestorei anni desiderati 228.
Niccolinius Angelus laudatus 433.
Nili accola surdi 57.
Niphi Augustini tumulus 416.

O

- O** *Ofredus Homobonus laudatus pag.* 175.
P Oliva Societ. Jesu 240.
ad Orbem novum navigatio 199.
Oricellarius Joannes laudatus 14.
Orphei fabula 26. 390.

P

- P** *Allas pag.* 11. 431.
Pallavicinus Sforza Soc. Jesu laudatus 211.
in Pana hymnus 369.
Paravicinus Paulus 263. *Helena* 266.
Parce 49. 445.

- Parnassus mons* 12. 51. 225. 231. 260. 377. 449.
 450.
Pastor amans 119.
Pastorales lusus 393.
Pastorum carmina 393. V. *Eclogæ*.
D. Paulo Apostolo hymnus 317.
Paulus III. laudatus 252.
Pecorinus Marianus 423.
Pecunia sapienter utendum 412. non *accumulanda*
 428.
Pelotus Antonius 424.
Penelopes expectavit Ulyssæ 41. 363.
Perenotus Antenius Cardinalis 195.
Peretta Villa laudata 229.
Perseus 35.
D. Petro Pont. Max. Primo hymnus 319.
Phætonis fabula 59. 232.
Pharaon merfus in Erythra 102.
Philomathi musæ 242.
Philosophus Platonicus 122.
Philomela garrula 441.
Pbæbus. V. Apollo.
D. Pii V. Pont. Max. laudes 126.
Pisa laudata 443.
Piritous 35.
Planetarum descriptio 56. 271. 284.
Pleiades 386.
Poëta quamplurimi laudantur 53. *cur in pretio nunc*
non sint 121.
in Poëtam malum 121. 194.
Politianus Angelus laudatus 12.
Poma ex cera 245.
Pontanus Jovianus laudatus 415.
Potentes vitandi 127.
Proditor invisus 163.
Promethæus 25. 27. 38. 58.

Providendum futuro 130.

Pudentia bona 131. 159.

Puella nomine victoria 1. sola beare potest 3. eam timet alloqui amans 3. ejus vultus, & mores 4. fugiens 6. ingrata 6. spernens amantem 8. febris laborans 9. mortua 118. 398: 398. &c. laudatur ob formam 183. 374. 396. ejus epitaphium 119. a pastore amata 119. 123. Jovem caput 125. superans Deas 186. laudatur ob oculos 192. 193. 194. Venerem superatura in judicio Paridis 186. 265. 363. Venerem superans 263. extincta 337. capri curam habens 397. moriens 400. vinosa 423. pauper 423. ambitiosa, & avara 425. 427.

Puerorum aureum seculum 435.

Pulchritudo. V. Forma.

Putco Cassianus laudatus 78.

Pyrrhi Epirotarum Regis imago 177.

Pythagora Herculis magnitudinem dimicatus 187.

R

R *Ambaldo Paulus pag.* 429.

Roborea Victoria Magna Dux Etruria 353. 452.

Rogii Joannis Principis de Pozâ filii libellus 187.

Roma incunabula 30. loca illustriora 286. Roma flammis cremata cantante Nerone 339.

Romanorum facta illustriora 358.

Romulus condidit Romam 254. 358.

Rondininius Natalis mortuus. 252.

Rus. V. Villa, ad rus invitat 227. 229. laudatur 374. 379. 409.

S

- S**acerdos primam hostiam Deo offerens pag. 237.
 Saculum aureum in pueris 435.
 Sampson rumpit civitatis portas 113.
 Sannazarius Jacobus laudatus 416.
 Sapientia supra formam aestimanda 155. sibi inutilis non est sapientia 158.
 Saulius Stephanus 413.
 Saxatellus Franciscus, & Joannes 366.
 Sepultura 9.
 Serinus Nicolaus occisus ab apro 244.
 Sigismundus Sarmatiae Rex 189.
 Similitudo infantis 3. torrentis 29. flamma 39. Gubernatoris navis 41. Bacchantis 249. tempestatis 276. tauri, cui auferitur sua bucula 395. rosa 445.
 Soderini Thome epitaphium 16. Franciscus 270.
 ad Somnum deprecatio 411.
 Spada Bernardinus Cardinalis 228.
 Spes emotua 338.
 Statius Achilles 260.
 Stella. V. Planetæ.
 Stupanus Egidius Abbas 436.

T

- T**artara. V. Inferi.
 Tassonus Galeacius pag. 183. Virginia 267.
 Therfites 14.
 Theseus ad inferos descendit 35.
 Trevisani 445.

- Trocta Violantilla* 186. *Troctus Alfonsus* 189.
Tumulus . V. Epitaphium.
Turca devicti 126.
Turcis bellum inferendum 241.
de Turcis Victoria Navalis 436.
Tyranni regimen malum 170.

V

- V** *Adamius Julius* pag. 441.
Valorii Francisci epitaphium 16.
Vaticana Palatia 229.
Ubertus Farinata 207.
Vecbius Germanus 439.
Venus inimica Musis 391.
Veris descriptio 395-402.
Vespucci Guidantonii epitaphium 15.
Vicecomes Marioticus 422-429.
Victoria contra Turcas 126. 436. 437.
Ville Annia laus 202.
Vina optima recensentur 204.
Virtus ad Cælum fertur 242.
Vita hominum varia 146. *miseriis plena* 414. *su-*
gax 428.
Vita fugacis lamentatio 333.
Vitellius Joannes Patriarcha, & Cardinalis 178.
Urina laborans agrotus sanatur 175.
Ursina Francisca 265.
Uxor mala 142.
in Uxores 257.



Z


Z Achia Felix pag. 232.
 Zanchius Dionysius 264.
 Zoilus 121.



ERRATA.

CORRIGE.


Pag 14. v. 25. fanè	fanæ
v. 30. nephas,	nefas,
167. v. 3. <i>provideado</i>	<i>providendo</i>
301. v. 10. Ambrosiis	ambrosiis
329. v. 28 Urbe procul	urbe procul
v. 29. mentis opes?	mentis opes.
444. v. 6 ferrans	Ferrans
v. 17. salutis	solutis
445. v. 10. Hæc mercede	Hac mercede
v. 29. ferunt?	ferunt.
446. v. 18. resolvis Trinacrii ver-	resolvis, Trinacrii ver-
crii versas, aut	fas aut
v. 33. Dametræ	Dametæ
447. v. 18. diem.	diem?
v. 26. dulci, & nectare	dulci & nectare
v. 35. confitor	confitor
448. v. 9 racæmus	racemus
v. 25. ipsæ novæ	ipse novæ
v. 32. jacinthis	hiacinthis
449. v. 11. rosisque Emicat,	rosisque, Emicat &
&	
450. v. 19. consilium doctæ,	consilium, doctæ & fa-
& facundia	cundia
v. 24. dies.	dies?



1871

1872

Jan	Feb
Mar	Apr
May	Jun
Jul	Aug
Sep	Oct
Nov	Dec
1871	1872
1873	1874
1875	1876
1877	1878
1879	1880
1881	1882
1883	1884
1885	1886
1887	1888
1889	1890
1891	1892
1893	1894
1895	1896
1897	1898
1899	1900
1901	1902
1903	1904
1905	1906
1907	1908
1909	1910
1911	1912
1913	1914
1915	1916
1917	1918
1919	1920
1921	1922
1923	1924
1925	1926
1927	1928
1929	1930
1931	1932
1933	1934
1935	1936
1937	1938
1939	1940
1941	1942
1943	1944
1945	1946
1947	1948
1949	1950
1951	1952
1953	1954
1955	1956
1957	1958
1959	1960
1961	1962
1963	1964
1965	1966
1967	1968
1969	1970
1971	1972
1973	1974
1975	1976
1977	1978
1979	1980
1981	1982
1983	1984
1985	1986
1987	1988
1989	1990
1991	1992
1993	1994
1995	1996
1997	1998
1999	2000
2001	2002
2003	2004
2005	2006
2007	2008
2009	2010
2011	2012
2013	2014
2015	2016
2017	2018
2019	2020
2021	2022
2023	2024
2025	2026
2027	2028
2029	2030
2031	2032
2033	2034
2035	2036
2037	2038
2039	2040
2041	2042
2043	2044
2045	2046
2047	2048
2049	2050
2051	2052
2053	2054
2055	2056
2057	2058
2059	2060
2061	2062
2063	2064
2065	2066
2067	2068
2069	2070
2071	2072
2073	2074
2075	2076
2077	2078
2079	2080
2081	2082
2083	2084
2085	2086
2087	2088
2089	2090
2091	2092
2093	2094
2095	2096
2097	2098
2099	2100





851.08 B751C v.4 376487

Bottari

Carmina

DATE

ISSUED TO

851.08 B751C v.4 376437

